

Je² cjoa⁴xi³ qui³s⁷in³ je² pa²stro⁴

Je² xi³ N⁷ai³-na¹ qui³si³s⁷e³nqui³, je² Espíritu Santo

¹ Ji³-lai²³ Teófilo, je² xon⁴ xi³ ti¹tjon² qui³squi³-le²³ ya⁴ qui³nchja²t⁷a³ nca³yi³je³ cjoa⁴ xi³ Jesús tsa³c⁷e¹ts⁷ia⁴cao⁴ nca³ c⁷oa⁴qui³s⁷in³, c⁷oa⁴ nca³ qui³s⁷in³, cao⁴ nca³ tsa³ca³co¹ya³, ² sa³nta³ je² ni⁴čhjin³ nca³ qui³tjo³ve¹ ja⁴nc⁷a¹. Xi³ to⁴t⁷a³ts⁷e⁴ je² Espíritu Santo Jesús je³qui³tsjoa³-le⁴ cjoa⁴-te¹xo³ma³ je² pa²stro⁴ xi³ tsa³cja³a¹jⁱⁿ³. ³ C⁷ia⁴ nca³ je³tsa³cja³a¹ cjoa⁴ñ⁷ain³, Jesús tsa³ca³co¹-le⁴ yao³-le⁴ nca³ ti¹jna³con³. Li² to⁴c⁷oa⁴cji³ncjin² cjoa⁴ xi³ tsa³ca³co¹, nca³ ña³qui³ c⁷oa⁴tjin¹ nca³ ti¹jna³con³. Ña³chan² ni⁴čhjin³ Jesús coan³tsen³-ni³le⁴ pa²stro⁴-le⁴, c⁷oa⁴ tsa³cja¹cao⁴ xi³ t⁷a³ts⁷e⁴ cjoa⁴te¹xo³ma³-le⁴ Ni³na¹. ⁴ C⁷ia⁴ nca³ Jesús ti¹jna³cao⁴-sa³ je² pa²stro⁴, tsa³c⁷e¹ne²-le⁴ nca³ tsi² tsa² coi⁴tjo³-ni³ Jerusalén, to⁴nca³ ca²ta³co³ya³-le⁴ je² xi³ N⁷ai³-na¹ qui³si³s⁷e³nqui³-le⁴ nca³ je². Jesús c⁷oi⁴qui³tso²-le⁴: Coi³ xi³ qui³no²ya²-ni³nao¹³. ⁵ Ña³qui³ cjoa⁴qui²xi⁴ nca³ Juan tsa³ca³te¹nta¹-ni³ cao⁴ na³nta¹, to⁴nca³ ma³čhian³-le⁴ ni⁴čhjin³ nca³ jon² sa⁴te²nta¹-nio³ cao⁴ je² Espíritu Santo.

Jesús qui³tjo³ve¹ ja⁴nc⁷a¹

⁶ C⁷ia⁴ nca³ tjio¹xco¹, qui³tsi²na³nqui³-le⁴: Señor, a³ c⁷oe¹nta³ya³ nqui²jnc³c⁷a²-lai⁴ cho⁴ta⁴ Israel je² cjoa⁴te¹xo³ma³ coi³ ni⁴čhjin³-vi⁴. ⁷ Jesús c⁷oa⁴qui³tso²-le⁴: Li²coi³ jon² v⁷a³cao⁴-no³ nca³ jchao⁴³ c⁷ia⁴-ni³ a³xo⁴ jo³chon³-ni³. Je² N⁷ai³-na¹ to⁴je² to⁴jnc³ tsa³c⁷e¹jna³-le⁴ yao³-le⁴ cjoa⁴te¹xo³ma³. ⁸ To⁴nca³ tjoe¹-no³ nca³n⁷ion¹ c⁷ia⁴ nca³ je² Espíritu Santo cjoa⁴ai¹-no³. Jon² coaon⁴³ testigo-na⁴ i⁴ Jerusalén, cao⁴ nca³qui³jnta² na³nqui³ Judea,

cao⁴ ya⁴ Samaria, cao⁴ jña³ sa³nta³ nca³ fe³t²a³ son³nte³.
 9 C⁷ia⁴ nca³ Jesús je³c²oa⁴qui³tso², tjen⁴ nca³ je² pa²stro⁴
 tjio¹co³tsen³-le⁴, Jesús qui³tjo³ve¹ ja⁴nc²a¹. Qui³cha³jin³
 yo³jvi³. Pa²stro⁴ li²coi³ ti⁴t³sa³ve³-ni³ Jesús. 10 Tjen⁴
 nca³ tjio¹co³tsen³nc²a¹ pa²stro⁴, nca³ ti¹fi² Jesús, jao²
 cho⁴ta⁴x⁷in⁴ tsa³qui³ncha³t⁷a³-le⁴ pa²stro⁴. Na³jño³choa³
 y⁷a³cja¹. 11 Je² cho⁴ta⁴ xo⁴cjoan³-ve⁴ c²oa⁴qui³tso²-le⁴: Jon²
 cho⁴ta⁴x⁷in⁴ galileos, a¹-ni³ nca³ ti³ncha³nto³-nio³, nca³
 ti³cho²tsen³-lao⁴³ nc²a³jmi³. Ti⁴je²-ni³ Jesús xi³ ji³tjo³xin²-
 no³, xi³ qui³ nc²a¹, ti⁴c²oa⁴-s⁷in² cjoa⁴ai¹-ni³, jo³-s⁷in² nca³
 ca²yo³ nca³ ca²fi²mi³ nc²a¹.

Matías coan³xqui⁴cao⁴ xi³ te³jnc³ pa²stro⁴

12 C⁷ia⁴ ji³nchoa³-ni³ ni³nto³ jña³ nca³ Olivar ²mi² xi³
 ti¹jna³čhian³-le⁴ Jerusalén, jo³-s⁷in² nca³ tjo³nte³-le⁴ fi²
 jña³ čhian³ c⁷ia⁴ nca³ ni⁴čhjin³ ni²cja¹ya³. Ja³ai³-ni³
 Jerusalén. 13 Ja³a³s⁷en³ Jerusalén. Qui³mi³ cuarto xi³
 ma³jao²jco³-ni³ jña³ nca³ tjio¹ Pedro, Jacobo, Juan, An-
 drés, Felipe, Tomás, Bartolomé, Mateo, Jacobo ²nti¹-
 le⁴ Alfeo, Simón Zelote, Judas nts⁷e⁴ Jacobo. 14 Je²
 nca³ts⁷i³ pa²stro⁴-vi⁴ cao⁴ ya¹nchjin¹, cao⁴ María na⁴-
 le⁴ Jesús, c²oa⁴ cao⁴ nts⁷e⁴, to⁴jnc³ cjoa⁴fa³ai³tsjen³-le⁴,
 c²oa⁴ to⁴jnc³ tjio¹. Nchaon³nchaon³ tjio¹v⁷e¹ts⁷oa³-le⁴
 Ni³na¹. 15 C⁷ia⁴ ni⁴čhjin³-ve⁴ Pedro tsa³qui³so¹tjen⁴jin³-le⁴
 nts⁷e⁴. (Je² nca³ts⁷i³ cho⁴ta⁴ xi³ coan³xco¹ jnc³ ciento
 cao⁴ can³-la⁴ ma³-ni³.) Pedro qui³tso²-le⁴: 16 Nca³ts⁷io³
²nti¹nts⁷e³, coan³chjen¹ nca³ ji³tjo³son² xon⁴ Escritura jo³
 qui³tso² nca³s⁷a⁴ xi³ t⁷a³ts⁷e⁴ Judas, je² xi³ qui³ca³co¹-le⁴
 je² xi³ qui³tsoa³ Jesús. Je² Espíritu Santo xo⁴ qui³tso²
 cao⁴ ts⁷oa³ David. 17 Je² cho⁴ta⁴-ve⁴ coan³xqui⁴ cao⁴
 ña¹-vi⁴. Qui³ts⁷ai²-le⁴ ²nte³ nca³ qui³si³cji³tjo³son² xa¹-
 vi⁴. 18 Je²-vi⁴ni³ tsa³ca³ts³ jnc³ ²nte³ cao⁴ je² taon⁴
 xi³ qui³njen²-ni³le⁴ cjoa⁴ts⁷en⁴-le⁴. Qui³sca³tsa³cjan²

t²a³na³nqui³. Qui³tjo³ai² ts²oa⁴, nca³yi³je³ n^oo¹y⁷e⁴-le⁴ qui³tsao³va³. ¹⁹ Tsa³ve³ nca³ts²i³ xi³ tsa³ca³tio² ya⁴ Jerusalén. Coi³ cjoa⁴ Acéldama [?]mi² je² [?]nte³-ve⁴ nca³ en¹-le⁴ xi³ tso²-ni³ [?]nte³njin¹. ²⁰ Ya⁴ tji¹t²a³ libro xi³ salmos [?]mi²: Ca²ta³vi³xo²ya³ ni³ya³-le⁴, ni⁴ya³-jin² cho⁴ta⁴ xi³ ca²ta³va³tio². Cja⁴ai¹ cho⁴ta⁴ xi³ ca²ta³v[?]ai²-le⁴ xa¹-le⁴. ²¹ Ma³chjen¹-la⁴ni³ jnco³ xi³ testigo ca²ta³ma³ cao⁴ ña¹ nca³ Cristo ja³a²ya³-le⁴, ²² jnco³ xi³ ts²e⁴ je² cho⁴ta⁴x[?]in⁴ xi³ tjio¹cao⁴-na¹ nca³ntsjai² ni⁴chjin³ c[?]ia⁴ nca³ je² Nai³-na¹ Jesús tsa³c[?]e²jna³jjin³-na¹, sa³nta³ ni⁴chjin³ nca³ Juan tsa³ca³te¹nta¹, c[?]oa⁴ sa³nta³ ni⁴chjin³ nca³ qui³tjo³ve¹jjin³-na¹ Jesús ja⁴nc[?]a¹. ²³ C[?]ia⁴ jao² cho⁴ta⁴ tsa³cja³a¹jjin³: Jnco³ xi³ Matías, jnco³ xi³ José xi³ Barsabás [?]mi², nqui²jnco³ jan³ain¹ tjin¹-le⁴ Justo [?]mi². ²⁴ Tsa³c[?]e¹ts²oa³: Ji³ Señor xi³ [?]yai³ ni⁴ma⁴-le⁴ nca³ts²i³, ta⁴co²-na³jjin⁴ jña³-le⁴ xi³ chja³a²jjin³ nca³ jao²-vi⁴, ²⁵ jme¹-ni³ nca³ je² scoe¹-si¹ni³ xa¹-le⁴ pa²stro⁴ xi³ qui³tsjion³ Judas nca³ tsa³ca³jnqui³ je¹. Je³qui³ jña³ [?]nte³ ts²a³cao⁴-le⁴. ²⁶ Qui³si³sca¹cao⁴. Je² Matías qui³njen²-le⁴. Coan³xqui⁴cao⁴ xi³ te³jnco³ pa²stro⁴.

2

¹ C[?]ia⁴ nca³ ji³cho² ni⁴chjin³-le⁴ s[?]oi¹ Pentecostés, nca³ts²i³ to⁴jnco³ tjio¹.

² Nti⁴ton⁴ ja³ai³-ni³ nc[?]a³jmi³ jnco³ xi³ fa³ne³, jo³-ni³ ntjao⁴ xi³ n[?]ion¹ fa³a³. Ja³ne³ya³ nca³yi³je³ ni³ya³ jña³ nca³ tjio¹. ³ Coan³tsen³-le⁴ jo³-ni³ tsa² ni⁴jen⁴l[?]i¹ xi³ coan³jao²ya³. Jnco¹jnco¹ qui³tsao³son²-le⁴. ⁴ C[?]ia⁴ cja¹nca³ to⁴qui³s[?]e³jjin³ ni⁴ma⁴-le⁴ nca³ts²i³ je² Espíritu Santo. Tsa³c[?]e¹ts²ia⁴cao⁴ nca³ cja⁴ai¹ en¹ qui³nchja⁴, jo³-s[?]in² nca³ je² Espíritu qui³tsjoa³-le⁴ nca³ qui³nchja⁴ya³. ⁵ Coi³ ni⁴chjin³ tjio¹ ya⁴ Jerusalén cho⁴ta⁴ judíos, cho⁴ta⁴x[?]in⁴ xi³ ve³xcon¹ Ni³na¹. Ja³ai³-ni³ nca³qui³jnta² [?]nte³ xi³ tjin¹ son³nte³-vi⁴. ⁶ C[?]ia⁴ coan³xco¹

nca³ts⁷i³ cho⁴ta⁴ncjin²-ve⁴ nca³ qui³nch⁷oe¹ je²-ve⁴. Jo³ to⁴coan³xcon¹-le⁴ nca³ jnc¹jnc¹ qui³nch⁷oe¹-le⁴ nca³ qui³nchja⁴ xi³ ti⁴ts⁷e⁴-ni³ en¹. ⁷ Jo³ to⁴c⁷oa⁴coan³-le⁴, jo³ to⁴coan³xcon¹-le⁴. Qui³tso²: A³ tsi² tsa² cho⁴ta⁴ galileo je² nca³ts⁷i³ xi³ tjio¹nchja⁴. ⁸ Jo¹ ma³-ni³ni³ nca³ no²ya²-le⁴² nca³ jnc¹jnc¹oa¹ je² en¹-na¹ xi³ qui³tsin³coa⁴². ⁹ Cho⁴ta⁴ partos, cho⁴ta⁴ medos, cho⁴ta⁴ elamitas, nca³ts⁷ia³² xi³ ti³yoa³² ya⁴ Mesopotamia, i⁴ Judea, ya⁴ Capadocia, ya⁴ Ponto, ya⁴ Asia, ¹⁰ ya⁴ Frigia, ya⁴ Panfilia, ya⁴ Egipto, je² nte³ Africa xi³ tjio¹ntai³-le⁴ na³nqui³ Cirene, cho⁴ta⁴ romanos xi³ to⁴ja³ai³ co³tsen³, cho⁴ta⁴ judíos cao⁴ je² xi³ qui³si³c⁷a³ntjai²ya³ yao³-le⁴ nca³ judío coan³, ¹¹ cho⁴ta⁴ cretenses cao⁴ cho⁴ta⁴ árabes, no²ya²-le⁴² nca³ nchja⁴ xi³ ti⁴tsan⁴²-nia³² en¹ je² cjoa⁴xcon¹ xi³ ts⁷e⁴ Ni³na¹. ¹² Jo³ to⁴c⁷oa⁴coan³-le⁴ nca³ts⁷i³, to⁴qui³jma²-le⁴. C⁷oi⁴qui³tso²-le⁴ nca³ i⁴ nca³ jan¹ xi¹ncjin¹: Jme¹ xi³ tso²ya³-ni³le⁴ je²-vi⁴. ¹³ C⁷oa⁴ xi³c⁷a³ to⁴tsa³qui³jno²que³, c⁷oi⁴qui³tso²: Cjai¹-la² nca³ tse³ xan¹ ca²vi³-vi⁴.

Pedro qui³nchja⁴ya³jjin³-le⁴ cho⁴ta⁴

¹⁴ C⁷ia⁴ Pedro tsa³ca³sen²nto³jjin³-le⁴ cao⁴ xi³ te³jnc³ pa²stro⁴, n⁷ion¹ qui³nchja⁴cao⁴, c⁷oa⁴ qui³nchja⁴ya³jjin³-le⁴: N⁷ai³ judíos, c⁷oa⁴ nca³ts⁷io³ xi³ ti³yo³ i⁴ Jerusalén, na¹nta³ yao³ je²-vi⁴, c⁷oa⁴ ti⁴no¹ya²³ en¹-na⁴. ¹⁵ Je² cho⁴ta⁴-vi⁴ a³li² ch⁷i⁴-jin², jo³-s⁷in² nca³ ni²cja³ai³tsjaon³, nca⁴ s⁷a⁴coan³ jan² hora-le⁴ ni⁴chjin³. ¹⁶ To⁴nca³ je²-vi⁴ xi³ c⁷oa⁴qui³tso² Joel, je² xi³ qui³nchja⁴ya³ t⁷a³ts⁷e⁴ Ni³na¹: ¹⁷ C⁷oa⁴tso² Ni³na¹ nca³ c⁷oa⁴coan⁴ c⁷ia⁴ nca³ cjoe⁴t⁷a³-ni³ ni⁴chjin³. Je² Espíritu Santo-na⁴ si³c⁷a³vi¹son²-le⁴ nca³ts⁷i³ cho⁴ta⁴. Je² xti³x⁷in⁴-no³, c⁷oa⁴ je² xti³ya¹nchjin¹-no³ coi⁴nchja⁴ya³. Je² cho⁴ta⁴xti³-no³ scoe⁴ cjoa⁴xcon¹, c⁷oa⁴ je² cho⁴ta⁴jchi¹nca³-no³ c⁷oi⁴-le⁴ ni³jña¹. ¹⁸ Xi³ cjoa⁴qui²xi⁴, c⁷ia⁴ ni⁴chjin³-ve⁴ je² cho⁴nta³-na⁴ xi³ x⁷in⁴

cao⁴ xi³ ya¹nchjin¹ si³c⁷a³vi¹son²-le⁴ Espíritu Santo-na⁴. C⁷oa⁴-s⁷in² coi⁴nchja⁴ya³. 19 Coa³coa³ cjoa⁴xcon¹ ya⁴ nc⁷a³jmi³, c⁷oa⁴ i⁴ son³⁷n³te³-vi⁴ tsjoa³ choa⁴ xi³ njin¹ cao⁴ l⁷i¹ cao⁴ ni⁴⁷nti⁴. 20 Je² ts⁷oi¹ coan⁴njon²-ni¹, c⁷oa⁴ je² sa¹ njin¹ coan⁴, to⁴nqui³-ni³ nca³ cjoa⁴⁷ai¹ ni⁴chjin³-le⁴ Nai³-na¹. N⁷ion¹ tse³ cjoa⁴ xi³ coan⁴tsen³ coi³ ni⁴chjin³-ve⁴. 21 C⁷oa⁴coan⁴ nca³ je² nca³ts⁷i³ xi³ coi⁴nchja⁴-le⁴ Jesucristo je² Nai³-na¹ cao⁴ jan³⁷ain¹-le⁴ coi⁴tjo³ntjai²-ni¹. 22 Nca³ts⁷io³ n⁷ai³ israelitas, ti⁴no¹⁷yao²³ je² en¹-vi⁴: Jesús cho⁴ta⁴ nazareno, cho⁴ta⁴x⁷in⁴ xi³ Ni³na¹ ja³⁷ai³-ni³ xi³ coan³qui²xi⁴ya³jjin³-no³ xi³ to⁴t⁷a³ts⁷e⁴ nca³n⁷ion¹-le⁴, cao⁴ cjoa⁴xcon¹, cao⁴ choa⁴. Je² cjoa⁴-vi⁴ xi³ Ni³na¹ qui³si³nta³ cao⁴ Jesús nqui³xcon³ nca³ jon², jo³-s⁷in² nca³ c⁷oa⁴-ti⁴ ⁷yao³ nca³ jon². 23 Je² Jesús qui³ni²⁴ntsja³, jo³-s⁷in² nca³ Ni³na¹ to⁴nqui³-ni³ qui³sco³son²-ni³le⁴, c⁷oa⁴ to⁴nqui³-ni³ tsa³ve³. Jon² qui³nto³vao³ qui³ni²c⁷en³-nio³ cao⁴ ntsja³ cho⁴ta⁴je¹. Tsa³cja³⁷ao³ cro². 24 Je² Jesús Ni³na¹ qui³sco²mi³tjen⁴, tsa³cja³⁷a¹xin²-le⁴ je² cjoa⁴n⁷ain³ xi³ ts⁷e⁴ cjoa⁴vi³ya³. Li²coi³ coan³ nca³ ntia³ qui³s⁷e³jna³n⁷ion¹ cjoa⁴vi³ya³ Jesús. 25 Je² David qui³tso² xi³ t⁷a³ts⁷e⁴: Tsa³⁷ve³-nia¹³ je² Nai³-na¹ nca³ntsjai² nqui³xcoan³. I⁴ ntsa⁴qui²xi⁴ ti¹jna³, jme¹-ni³ nca³ tsi² cjoa⁴tse¹xcon¹-si¹nia³. 26 Coi³ cjoa⁴ ni⁴ma⁴-na⁴ coan³tsjoa³-le⁴, c⁷oa⁴ ni³jen³ to⁴tsjoa³ coan³-le⁴. C⁷oa⁴-ti⁴ yao³-na⁴ nta³ si⁴²cja¹ya³ nca³ ti¹co³ya³cao⁴cjoa⁴. 27 Li²coi³ si⁴c⁷e¹jnai³ ni⁴ma⁴-na⁴ nqui³ cjoa⁴te¹xo³ma³-le⁴ cjoa⁴vi³ya³. Li²coi³ c⁷oai⁴⁷n³te³-lai⁴ Cristo xi³ ⁷nti¹tsje³-li⁴ nca³ cjo¹⁴⁷nto³. 28 Tsa³c⁷in²ya³-nai¹³ ntia⁴²-le⁴ cjoa⁴vi³jna³chon³. Cjai¹nca³ to⁴tsjoa³ coan⁴ ni⁴ma⁴-na⁴ c⁷ia⁴ nca³ ti³jna³cao⁴-nai¹³. 29 Nca³ts⁷io³ ⁷nti¹nts⁷e³, tjo³⁷n³te³-na³ nca³ fa³cao⁴tsen³-no³ xi³ t⁷a³ts⁷e⁴ je² cho⁴ta⁴jchi¹nca³-na¹ David xi³ c⁷en³, c⁷oa⁴ xi³ qui³s⁷e³n³ai³. Je² tsjo¹-le⁴ ti¹jna³cao⁴-na¹ sa³⁷nta³ nt⁷ai⁴-vi⁴. 30 Je² David xi³ qui³nchja⁴ya³ tsa³ve³ nca³ c⁷oa⁴-

s²in² Ni³na¹ qui³tsjoa³ ts⁷oa³ nca³ ña³qui³ cjoa⁴qui²xi⁴ c²oe¹jna³ne² ya¹xi²le⁴-le⁴ jnco³ xi³ cjoia⁴n³choa³-ni³ ntje⁴-le⁴, je² Cristo. ³¹ C²oa⁴-s²in² David to⁴nqui³-ni³ tsa³ve³, c²oa⁴ qui³nchja⁴ xi³ t⁷a³ts⁷e⁴ cjoa⁴fa³⁷a²ya³-le⁴ Cristo, nca³ tsi² tsa² ya⁴ qui³s⁷e³jna³ ni⁴ma⁴-le⁴ nqui³ cjoa⁴te¹xo³ma³-le⁴ cjoa⁴vi³ya³, ni⁴je²-jin² yao³-le⁴ ji³⁷nto³. ³² Je² Jesús xi³ Ni³na¹ qui³si³cja³⁷a¹ya³-le⁴. Nca³ts⁷i³-jin⁴ testigo ni¹⁴-jin⁴ xi³ t⁷a³ts⁷e⁴ je²-vi⁴. ³³ Ni³na¹ qui³si³quin³nc⁷a³ Jesús, qui³si³c⁷e¹jna³ ya⁴ nca³qui²xi⁴-le⁴. Jesús qui³tjoe¹-le⁴ je² Espíritu Santo xi³ N⁷ai³-na¹ qui³tsjoa³ ts⁷oa³ nca³ tsjoa¹-le⁴. C²oa⁴-s²in² Jesús qui³si³c⁷a³vi¹son² je² cjoa⁴-vi⁴ xi³ ⁷yao³ xi³ no²⁷yao²³ nt⁷ai⁴-vi⁴. ³⁴ Je² David li²coi³ qui³mi³ nc⁷a³jmi³, to⁴nca³ je² c²oa⁴qui³tso²: Je² Nai³-na¹ qui³tso²-le⁴ Nai³-na⁴, ti⁴jnai³ nca³qui²xi⁴-na⁴, ³⁵ sa³⁷nta³ nca³ si³c⁷e¹jna³nquia³ ntso⁴coi³ co²ntran⁴-li⁴. ³⁶ Cjai¹nca³ nta³ ca²ta³ve³ nca³ts⁷i³ cho⁴ta⁴ Israel nca³ je² Jesús xi³ jon² tsa³cja³⁷ao³ cro², Ni³na¹ tsa³ca³sen¹nta³ Nai³-na¹ c²oa⁴ Cristo. ³⁷ C⁷ia⁴ nca³ qui³n³ch⁷oe¹ en¹ xo⁴ tso²-ve⁴, cho⁴ta⁴ qui³si³cjao¹jin³ ni⁴ma⁴-le⁴, c²oa⁴qui³tso²-le⁴ Pedro cao⁴ xi³c⁷a³ pa²stro⁴: Nca³ts⁷io³ ⁷nti¹nts⁷ai³⁴-jin⁴, jme¹-ni³ xi³ s⁷iain⁴-jin⁴ nt⁷ai⁴. ³⁸ C⁷ia⁴ Pedro qui³tso²-le⁴: Ti⁴c⁷a³ntjai²yao³ cjoa⁴fa³⁷ai³tsjen³-no³, ca²ta³sa³te¹ntao¹³ nca³ts⁷io³ nca³ cho⁴ta⁴-le⁴ Cristo coaon⁴³, jme¹-ni³ nca³ cha⁴t⁷a³-si¹ni³ je¹-no³, c²oa⁴ tjoe¹-no³ je² cjoa⁴tjao² xi³ je² Espíritu Santo. ³⁹ Tsaon⁴³-nio¹³ je² xi³ Ni³na¹ qui³tsjoa³-no³ ts⁷oa³ cao⁴ xti³-no³ cao⁴ nca³ts⁷i³ xi³ cjin³ tjio¹, jo³ tjin¹ ma³-ni³ xi³ je² Nai³-na¹, je² Ni³na¹-na¹, coi⁴nchja⁴-le⁴. ⁴⁰ A³li² to⁴c²oa⁴cji³ en¹ xi³ cja⁴²ai¹ xi³ qui³nchja⁴ Pedro nca³ qui³tsjoa³ en¹ nca³ tsa³c⁷e¹ne²-le⁴, c²oa⁴qui³tso²: Ch⁷a⁴sje³ntjai²-lao⁴³ yao³-no³ cho⁴ta⁴ts⁷en⁴ xi³ tjin¹ nt⁷ai⁴-vi⁴. ⁴¹ Je² xi³ qui³scoe¹ en¹-le⁴ qui³sa³te¹nta¹-ni³. Jan²-la⁴ jmi³ ma³-ni³ cho⁴ta⁴ xi³ ja³⁷a³s⁷en³⁷a³-le⁴ coi³ ni⁴chjin³-vi⁴. ⁴² Nchaon³nchaon³ to⁴coi³ qui³tjen⁴nqui³-le⁴ je²

en¹ jo³-s⁷in² qui³tso²ya³ pa²stro⁴, c²oa⁴ nca³ to⁴jnc³o³
coan³xco¹, c²oa⁴ nca³ qui³si³xcoa⁴ nio⁴xti²la⁴, c²oa⁴ nca³
tsa³c⁷e¹ts⁷oa³.

C²oa⁴qui³s⁷in³ cho⁴ta⁴-le⁴ Cristo

⁴³ Nca³ts⁷i³ cho⁴ta⁴ qui³tso³cjon¹-le⁴. Cjai¹nca³ to⁴ncjin²
cjoa⁴xcon¹ cao⁴ choa⁴ xi³ qui³s⁷in³ je² pa²stro⁴. ⁴⁴ Je²
nca³ts⁷i³ xi³ coan³cjain¹-le⁴ ña³qui³ tsa³ca³tio²jtin¹-ni¹.
To⁴jnc³o³ tjin¹-le⁴ nca³yi³je³ tso³jmi²-le⁴. ⁴⁵ Tso³jmi²-le⁴
cao⁴ na³nqui³-le⁴ tsa³ca³te¹na³-ni¹. Qui³si³c⁷a³vi¹-le⁴
nca³ts⁷i³ jo³-s⁷in² nca³ coan³chjen¹-le⁴ nca³ jnc³o³jnc³o³.
⁴⁶ Nchaon³nchaon³ qui³si³sin³ nca³ts⁷i³ ya⁴ya³ yo⁴nc³o⁴,
c²oa⁴ ya⁴³ ni³⁷ya³-le⁴ qui³si³xcoa⁴ nio⁴xti²la⁴. Ña³tjen⁴
tsa³cjen² cao⁴ cjoa⁴tsjoa³ nca³ ña³qui³ tjio⁴jnc³o³con³
ni⁴ma⁴-le⁴. ⁴⁷ Cjai¹nca³ to⁴je³ya³ ts⁷a³sje³ Ni³na¹,
c²oa⁴ nca³ts⁷i³ cho⁴ta⁴ na⁴xi⁴na³nta¹ cjai¹nca³ to⁴nta³
ts⁷a³sje³ nca³ je². Nchaon³nchaon³ je² Nai³-na¹
qui³si³cja³⁷a³s⁷en³⁷a³-le⁴ je² cho⁴ta⁴-le⁴ Cristo je² xi³
coi⁴tjo³ntjai².

3

¹ Pedro cao⁴ Juan ña³tjen⁴ qui³mi³ ya⁴ yo⁴nc³o⁴, choa⁴-le⁴
nca³ v⁷e¹ts⁷oa³ cho⁴ta⁴, las tres nca³ ma³xon².

² Cho⁴ta⁴ ya⁴ ja³⁷ai³cao⁴ jnc³o³ cho⁴ta⁴x⁷in⁴ xi³ chi⁴⁷nque¹
jo³ sa³⁷nta³ nca³ qui³tsin³. Nchaon³nchaon³ ya⁴
qui³si³c⁷e¹jna³ j³cho³ xo⁴ntjoa⁴-le⁴ yo⁴nc³o⁴, coi³ xo⁴ntjoa⁴
xi³ na⁴sca¹ cji³ ⁷mi². Ya⁴ qui³si³je¹-le⁴ limosna je²
xi³ fa³⁷a³s⁷en³. ³ Je² cho⁴ta⁴ chi⁴⁷nque¹-vi⁴ c⁷ia⁴ nca³
tsa³ve³ Pedro cao⁴ Juan nca³ tjio¹fa³⁷a³s⁷en³ ya⁴³ yo⁴nc³o⁴,
tsa³c⁷e¹ts⁷oa³-le⁴ nca³ ca²ta³tsjoa¹ jo³ tjin¹-le⁴ limosna.
⁴ Pedro cao⁴ Juan qui³sco³⁷a² qui³tso²: Cho¹tsen³⁷a²-
na³jin⁴. ⁵ C²oa⁴ je² cho⁴ta⁴-ve⁴⁷ni³ qui³sco³⁷a³jnta².
Ti¹co³ya³ tsa² jme³ xi³ tsjoa¹ i⁴tse¹-le⁴. ⁶ C⁷oi⁴qui³tso²
Pedro: Tsin²-na³ taon⁴choa³, tsin²-na³ taon⁴si³ne², to⁴nca³

je² xi³ tjin¹-na³, tsjoa³-le²³. Cao⁴ jan³⁷ain¹-le⁴ Jesucristo xi³ Nazaret ts⁷e⁴, ti²so⁴tjain⁴ to¹mjain³. ⁷ Qui³scoe¹ ntsja³ nca³qui²xi⁴ qui³sco²mi³tjen⁴. C⁷ia⁴ qui³s⁷e³ nti⁴ton⁴-le⁴ nca³n⁷ion¹ ntso⁴co⁴ cao⁴ ya¹sin³ntso⁴co⁴. ⁸ C⁷ia⁴ qui³squi²⁴nc⁷a³, tsa³ca³sen²nto³, tsa³c⁷a³mjen³. Ja³⁷a³s⁷en³ yo⁴nco⁴ cao⁴ Pedro cao⁴ Juan. Tso²⁷va³, cji²⁴nc⁷a³, jo³ v⁷a³sje³je³ya³ Ni³na¹. ⁹ Nca³ts⁷i³ cho⁴ta⁴ na⁴xi⁴na³nta¹ tsa³ve³ nca³ tso²⁷va³ nca³ v⁷a³sje³je³ya³ Ni³na¹. ¹⁰ Ve³ nca³ts⁷i³ nca³ je² ⁷nti¹cho⁴ta⁴ xo⁴cji³-ve⁴ je² ni¹ xi³ qui³si³je¹ limosna, xi³ tsa³c⁷e²jna³ jcho³ xo⁴ntjoa⁴-le⁴ yo⁴nco⁴ xi³ na⁴sca¹ cji³ ⁷mi². Jo³ nca³ to⁴coan³xcon¹-le⁴, jo³ to⁴qui³tso³cjon¹ je² cjoa⁴ xi³ coan³-le⁴.

Pedro c⁷oi⁴qui³tso²-le⁴ na⁴xi⁴na³nta¹

¹¹ Je² cho⁴ta⁴ chi⁴⁷nque¹ xi³ coan³nta³-ni³ qui³tsoa³ Pedro cao⁴ Juan. Nca³ts⁷i³ cho⁴ta⁴ na⁴xi⁴na³nta¹ ji³cho²nch⁷oe² ya⁴nqui³ corredor jña³ nca³ Salomón ⁷mi². To⁴coan³xcon¹-le⁴ nca³ts⁷i³. ¹² C⁷ia⁴ nca³ Pedro tsa³ve³, c⁷oi⁴qui³tso²-le⁴ cho⁴ta⁴ na⁴xi⁴na³nta¹: Cho⁴ta⁴x⁷in⁴ israelitas, a¹-ni³ nca³ ma³xcon¹-si¹ni³no³ je²-vi⁴. A¹-ni³ nca³ cho²tsen³⁷a²-si¹ni³na³j³in⁴ jo³-ni³ tsa² jin⁴-jin⁴ xi³ qui³ni²c⁷a³mjain³⁴-jin⁴ je² cho⁴ta⁴-vi⁴ cao⁴ nca³n⁷ion¹, c⁷oa⁴ cao⁴ cjoa⁴nta³ xi³ ti⁴tsain⁴-ni³j³in⁴. ¹³ Je² Ni³na¹-le⁴ Abraham cao⁴ Isaac cao⁴ Jacobo, je² Ni³na¹-le⁴ n⁷ai³jcha¹cjin³-na¹ tsa³c⁷a³sje³je³ya³ Jesús xi³ ⁷nti¹-le⁴, je² xi³ jon² qui³ni²⁴ntsjao³. A³li² tsain⁴-jin²j³in⁴ tsa³qui³xon¹³ nqui³xcon⁴ Pilato, c⁷ia⁴ nca³ je² qui³si³cja³⁷ai³tsjen³ nca³ si⁴²c⁷e¹jna³ntai¹. ¹⁴ Jon² tsa³c⁷e²⁷mao³ je² xi³ tsje³, xi³ tjin¹-le⁴ cjoa⁴qui²xi⁴. Qui³ni²jao¹³ nca³ qui³ts⁷ai²-no³ jnco³ cho⁴ta⁴ xi³ c⁷en³ qui³tjen⁴-le⁴. ¹⁵ C⁷oa⁴ qui³ni²c⁷aon³ je² xi³ tsjoa¹ cjoa⁴vi³jna³chon³, je² xi³ Ni³na¹ qui³si³cja³⁷a¹ya³j³in³-ni³le⁴ xi³ c⁷en³. Testigo ni¹⁴-jin⁴ nca³ts⁷i³-jin⁴ xi³ t²a³ts⁷e⁴ je²-vi⁴. ¹⁶ Jesús qui³si³nta³ je² cho⁴ta⁴-vi⁴ xi³

ti³ya³ xi³ ya³xcon³, nca³ ma³cjain¹-na³jin⁴ xi³ t²a³ts⁷e⁴ Jesús. To⁴coi³ nca³ ma³cjain¹-na³jin⁴ t²a³ts⁷e⁴ Jesús, coi³ nca³ ca²v⁷ai²-ni³le⁴ cjoa⁴nta³ je² cho⁴ta⁴-vi⁴ nca³ ña³qui³ ca²ma³nta³-ni³ nqui³xcon³ nca³ jon². ¹⁷ Nt⁷ai⁴-vi⁴ntai⁴, n⁷ti¹nts⁷e³, je³ve³ nca³ to⁴cjoa⁴njon²-no³ nca³ c⁷oa⁴qui³n⁷iaon²³. Ti⁴c⁷oa⁴qui³s⁷in³-ni³ cho⁴ta⁴ti¹tjon²-no³. ¹⁸ To⁴nca³ c⁷oa⁴-s⁷in² Ni³na¹ je³qui³si³tjo³son² je² en¹-le⁴ xi³ qui³tso² nca³ Cristo cjoa⁴a² cjoa⁴ñ⁷ain³. Coi³ xi³ to⁴nqui³-ni³ qui³tso²ts⁷i³ cho⁴ta⁴-le⁴ xi³ qui³nchja⁴ya³. ¹⁹ Ti⁴c⁷a³ntjai²yao³ tso²c⁷oa⁴ cjoa⁴fa³⁷ai³tsjen³-no³, ca²ta³v⁷a³ntjai²ya³-nio³, jme¹-ni³ nca³ cha⁴t⁷a³-si¹ni³ je¹-no³, jme¹-ni³ nca³ cjoa⁴ai¹-si¹ni³ ni⁴chjin³ nca³ coi⁴njen⁴ nch⁷an¹ jo³-s⁷in² Ni³na¹ coa⁴te²xo³ma³, ²⁰ c⁷oa⁴ jme¹-ni³ nca³ Ni³na¹ si⁴²ca³sen¹-si¹ni³ Jesucristo, xi³ qui³sa³sen²nta³-no³. ²¹ To⁴nca³ cjoa⁴qui²xi⁴ nca³ ma³chjen¹ nca³ c⁷oe¹jna³ Jesucristo ya⁴ nc⁷a³jmi³, jo³ sa³nta³ nca³ cjo¹i⁴cho³ ni⁴chjin³ nca³ coan⁴cho⁴tse⁴ya³ nca³yi³je³, jo³-s⁷in² qui³tso² Ni³na¹ cao⁴ ts⁷oa³ cho⁴ta⁴-le⁴ xi³ tsje³ xi³ qui³nchja⁴ya³ sa³nta³ coa²tse³. ²² Je² Moisés c⁷oi⁴qui³tso²-le⁴ n⁷ai³jcha¹cjin³-na¹: Je² Nai³-no³ Ni³na¹-no³ sco¹mi³tjen⁴jin³-le⁴ nts⁷ao³ jnco³ xi³ coi⁴nchja⁴ya³ t²a³ts⁷e⁴ Ni³na¹ jo³-ni³ an³. Je² xi³ coi⁴no¹⁷ya²-lao⁴³ nca³yi³je³ jo³ coi⁴tso⁴-no³. ²³ Je² nca³ts⁷i³ xi³ tsi² cjo¹i⁴nch⁷oe¹-le⁴ je² cho⁴ta⁴ xi³ coi⁴nchja⁴ya³ t²a³ts⁷e⁴ Ni³na¹, ña³qui³ ntia³ tjo¹xin²-ni¹. ²⁴ Nca³ts⁷i³ cho⁴ta⁴ xi³ qui³nchja⁴ya³ t²a³ts⁷e⁴ Ni³na¹ sa³nta³ c⁷ia⁴ ni⁴chjin³ Samuel, c⁷oa⁴ je² nca³ts⁷i³ xi³ ji³nchoa³-sa³ni³ xi³ qui³nchja⁴, ña³qui³ je² tsa³c⁷i¹ma³ tso²ya³ jme³ xi³ coan⁴ coi³ ni⁴chjin³-vi⁴. ²⁵ Jon² nio¹³ xi³ xti³-le⁴ je² xi³ qui³nchja⁴ya³ t²a³ts⁷e⁴ Ni³na¹, c⁷oa⁴ tsaon⁴³ je² cjoa⁴ xi³ Ni³na¹ tsa³c⁷e¹n⁷ion¹ cao⁴ n⁷ai³jcha¹cjin³-na¹. Ni³na¹ c⁷oa⁴qui³tso²-le⁴ Abraham: Nca³ts⁷i³ xi²nqui⁴ xi³ tjin¹ son³⁷nte³ coan⁴chi³con³t⁷ain³ xi³ to⁴t²a³ts⁷e⁴

ntje⁴-li⁴. ²⁶ Ni³na¹ qui³sco²mi³tjen⁴ ?nti¹-le⁴. C⁷ia⁴ jon² nio¹³ xi³ ti¹tjon²cjoa²la² Ni³na¹ qui³si³ca³sen¹-no³ je² ?nti¹-le⁴, jme¹-ni³ nca³ si⁴²chi³con³t⁷ain³-si¹ni³no³ nca³ si⁴²c⁷a³ntjai²ya³ ntia⁴²-no³ nca³ jnco¹jnco¹³ nca³ li²coi³ ti⁴c⁷oa⁴s⁷ian⁴-nio³ cjoa⁴ts⁷en⁴-no³.

4

Qui³sca³ni¹ nto⁴ya¹ Pedro cao⁴ Juan

¹ Je² Pedro cao⁴ Juan tjio¹fa¹cao⁴ cho⁴ta⁴ na⁴xi⁴na³nta¹ c⁷ia⁴ nca³ ji³cho²ne²-le⁴ na⁴⁷mi³ cao⁴ nai³-le⁴ yo⁴nc⁴, cao⁴ cho⁴ta⁴ saduceos. ² Cjai¹nca³ to⁴jti³ coan³-le⁴ nca³ Pedro cao⁴ Juan c⁷oa⁴-s⁷in² tsa³ca³co¹ya³-le⁴ cho⁴ta⁴ na⁴xi⁴na³nta¹. Qui³nchja⁴ya³j³in³-le⁴ nca³ cho⁴ta⁴ cjoa⁴⁷a¹ya³j³in³-ni³le⁴ c⁷en³ jo³-s⁷in² nca³ Cristo ja³⁷a²ya³-ni³le⁴. ³ C⁷ia⁴ qui³tsoa³ Pedro cao⁴ Juan. Qui³sca³ni¹ nto⁴ya¹ sa³⁷nta³ coan³nchaon³-ni³, nca⁴ je³coan³xon². ⁴ Ncjin² xi³ qui³nch⁷oe¹ je² en¹ coan³cjain¹-le⁴. Aon²-la⁴ jmi³ ma³-ni³ xi³ cho⁴ta⁴x⁷in⁴.

C⁷oi⁴qui³tso²-le⁴ cho⁴ta⁴xa¹ Pedro

⁵ Xi³ coan³nchaon³-ni³ coan³xco¹ cho⁴ta⁴xa¹, cho⁴ta⁴jchi¹nca³, cho⁴ta⁴ scribano ya⁴ Jerusalén. ⁶ Coan³xco¹ Anás xi³ na⁴⁷mi³ti¹tjon², Caifás, Juan, Alejandro, cao⁴ nca³ts⁷i³ xi³ xi¹ncjin¹ na⁴⁷mi³. ⁷ Qui³si³qui³ncha²va³sen³ Pedro cao⁴ Juan, c⁷oa⁴ qui³sco²na³nqui³-le⁴: Jña¹-le⁴ nca³n⁷ion¹, ?ya¹ xi³ ca²tsjoa¹⁷nte³ nca³ c⁷oa⁴ca²n⁷iaon²³ je²-vi⁴. ⁸ C⁷ia⁴ cjai¹nca³ to⁴ti¹jna³j³in³ ni⁴ma⁴-le⁴ Pedro je² Espíritu Santo, c⁷oa⁴qui³tso²-le⁴: Nca³ts⁷io³ cho⁴ta⁴xa¹-le⁴ na⁴xi⁴na³nta¹ cao⁴ cho⁴ta⁴jchi¹nca³-le⁴ cho⁴ta⁴ Israel, ⁹ ti¹chjo²na³nqui³-na³j³in⁴ nt⁷ai⁴-vi⁴ xi³ t⁷a³ts⁷e⁴ je² cjoa⁴nta³ xi³ ca²n⁷ian²-lai⁴j³in⁴ jnco³ cho⁴ta⁴ xi³ ti¹m⁷en³, jo³-s⁷in² nca³ ca²ma³nta³-ni³ je²-vi⁴. ¹⁰ Na¹nta³⁷yao³ nca³ts⁷io³ cao⁴

nca³ts⁷i³ na⁴xi⁴na³nta¹ Israel nca³ je² cho⁴ta⁴-vi⁴ ti¹jna³
nqui³xcon³, c⁷oa⁴ je³coan³nta³-ni³ xi³ to⁴t⁷a³ts⁷e⁴ je² xi³
Jesucristo ⁷mi², xi³ Nazaret ts⁷e⁴, je² xi³ tsa³cja³t⁷ao³
cro², c⁷oa⁴ je² xi³ Ni³na¹ qui³si³cja³a¹ya³jin³-ni³le⁴ c⁷en³.
¹¹ Jesucristo, je² ni¹ je² la⁴jao⁴ xi³ ca²ya³taon³ nca³ jon²
xi³ ma³-no³ chjo¹mi³tjen⁴ ni³ya³, to⁴nca³ nt⁷ai⁴-vi⁴ntai⁴
s²e³jna³ ti¹tjon² ya⁴ xi⁴nqui⁴-le⁴. ¹² Ni⁴to⁴ya³-jin²sa³ xi³
v⁷a³sje³ntjai²-na¹, nca³ tsi² xi³ cja⁴ai¹ xi³ tjio¹ i⁴ son³nte³-
vi⁴ xi³ ma³-le⁴ v⁷a³sje³ntjai²-na¹. ¹³ C⁷ia⁴ coan³xcon¹-le⁴
nca³ts⁷i³ nca³ qui³sco²tsen³-le⁴ cjoa⁴n⁷ion¹to³con²-le⁴
Pedro cao⁴ Juan. Ve³ts⁷i³ nca³ to⁴xquia⁴ ⁷nti¹cho⁴ta⁴
ni¹, xi³ tsi² tsa² tse³ qui³sco²t⁷a³ya³. Tsa³ve³xcon³
nca³ tsa³ca³tio²cao⁴ Jesús. ¹⁴ Qui³sco²tsen³-le⁴ je²
cho⁴ta⁴x⁷in⁴ xi³ coan³nta³-ni³, xi³ ya⁴ ti¹jna³cao⁴. A³li²coi³
coan³ nca³ qui³nchja⁴ co²ntran⁴ xi³ t⁷a³ts⁷e⁴. ¹⁵ C⁷ia⁴
tsa³ca³te¹xo³ma³-le⁴ nca³ ca²ta³vi³tjo³jin³-le⁴ cho⁴ta⁴ xi³
ti¹jna³-le⁴ junta. C⁷ia⁴ je² cho⁴ta⁴xa¹-ve⁴ni³ tsa³cjao¹ya³-
ni³. ¹⁶ C⁷oi⁴qui³tso²: Jme¹ xi³ ni²coa⁴ cho⁴ta⁴ xo⁴cjoan³-
ve⁴. Cjoa⁴qui²xi⁴ ni¹ tsen³ choa⁴ xi³ qui³tsjoa³. Ve³
nca³ts⁷i³ xi³ tjio¹ i⁴ Jerusalén. A³li²coi³ coan⁴ c⁷oe¹ma³-
le⁴. ¹⁷ N⁷ion¹ c⁷oe¹ne²-le⁴ nca³ li²ya³ xi³ ti⁴cjoa⁴cao⁴-ni³
cao⁴ je² jan³ain¹-vi⁴ nt⁷ai⁴-vi⁴ c⁷oa⁴ xi³ fi²-sa³ni³, jme¹-
ni³ nca³ tsi² coai⁴son²-sa³ni³le⁴ cho⁴ta⁴ na⁴xi⁴na³nta¹
je² cjoa⁴-ve⁴. ¹⁸ C⁷ia⁴ qui³nchja⁴-le⁴ Pedro cao⁴ Juan.
Tsa³ca³te¹xo³ma³-le⁴ nca³ ni⁴i⁴tse¹-jin² coan⁴ coi⁴nchja⁴,
ni⁴coa⁴co²ya³-jin² cao⁴ jan³ain¹-le⁴ Jesús. ¹⁹ C⁷ia⁴ Pedro
cao⁴ Juan c⁷oi⁴qui³tso²-le⁴: Cho¹son²-ni³lao⁴ a³ nta³ tjin¹
nqui³xcon⁴ Ni³na¹ tsa² jon² xi³ no²ya²-no³ a³xo⁴ Ni³na¹
xi³ no²ya²-le⁴. ²⁰ A³li²coi³ coan⁴ nca³ jyo¹ coi⁴yoi³-
jin⁴ xi³ t⁷a³ts⁷e⁴ xi³ tsa³yai³-jin⁴, xi³ qui³no²yai²-jin⁴.
²¹ C⁷ia⁴ cho⁴ta⁴xa¹-ve⁴ qui³sca³ni¹ntai¹ Pedro cao⁴ Juan.
Ch⁷ao³-s⁷in² tsa³c⁷e¹ne²-le⁴. A³li²coi³ qui³sa³co³sjai³-le⁴
jo³-s⁷in² nca³ tsjoa¹-le⁴ cjoa⁴n⁷ain³ to⁴t⁷a³ts⁷e⁴ cho⁴ta⁴

na⁴xi⁴-na³nta¹, nca⁴ nca³ts⁷i³ ts⁷a³sje³je³ya³ Ni³na¹ jña³-le⁴ xi³ coan³. ²² Ts⁷a³to³ ña³chan² no¹-le⁴ je² cho⁴ta⁴ xi³ c²oa⁴-s⁷in² coan³nta³-ni³ cao⁴ je² cjoa⁴xcon¹-vi⁴.

Cho⁴ta⁴-le⁴ Cristo qui³si³je¹ cjoa⁴n⁷ion¹ta³con²

²³ Xi³ je³to⁴tjen⁴ntai¹ Pedro cao⁴ Juan, qui³con³-le⁴ mi²yo⁴-le⁴. Tsa³c⁷e¹ na⁴jmi¹ jo³ qui³tso²-le⁴ cho⁴ta⁴ti¹tjon²-le⁴ na⁴mi³ cao⁴ cho⁴ta⁴jchi¹nca³. ²⁴ C⁷ia⁴ nca³ qui³nch⁷oe¹, to⁴jnco³jta² qui³tsjoa³-le⁴ cjoa⁴nta³ Ni³na¹, c⁷oi⁴qui³tso²-le⁴: Señor, ji³ ni¹³ Ni³na¹ xi³ qui³ni²ntai³ nc⁷a³jmi³ cao⁴ son³nte³ cao⁴ nta¹chi³con³ cao⁴ nca³yi³je³ xi³ tjin¹-le⁴ nca³ je². ²⁵ Ji³ xi³ c⁷oi⁴qui³si³ cao⁴ ts⁷oa³ David, je² cho⁴nta³-li⁴: A¹-ni³ nca³ c⁷oa⁴-s⁷in² to⁴qui³squi³ntia¹-si¹ni³ cho⁴ta⁴ son³nte³, c⁷oa⁴ je² cho⁴ta⁴ na⁴xi⁴na³nta¹ a¹-ni³ nca³ qui³si³cja³ai³tsjen³-si¹ni³ cjoa⁴ xi³ tsi²jme³ chji¹-le⁴. ²⁶ Je² cho⁴ta⁴ti¹tjon²-le⁴ xi³ tjin¹ son³nte³ tsa³qui³so¹tjen⁴, c⁷oa⁴ je² xi³ va³te¹xo³ma³ to⁴jnco³ coan³xco¹ co²ntran⁴-le⁴ Nai³-na¹, c⁷oa⁴ co²ntran⁴-le⁴ Cristo xi³ ts⁷e⁴. ²⁷ Herodes cao⁴ Poncio Pilato, cao⁴ cho⁴ta⁴ xi³ li² judío jin², cao⁴ na⁴xi⁴na³nta¹-le⁴ Israel, cjoa⁴qui²xi⁴ nca³ coan³xco¹ i⁴ na⁴xi⁴na³nta¹je³ co²ntran⁴-le⁴ Jesús ⁷nti¹-li⁴ xi³ tsje³, xi³ tsa³c⁷ai²-lai⁴ cjoa⁴te¹xo³ma³. ²⁸ Je² coan³xco¹co²ntran⁴-le⁴ nca³ c⁷oa⁴s⁷in² jo³-s⁷in² to⁴nqui³-ni³ qui³cho²son²-ni³lai⁴ cao⁴ nca³n⁷ion¹-li⁴ nca³ c⁷oa⁴-s⁷in² c⁷oa⁴coan⁴. ²⁹ Nt⁷ai⁴-vi⁴ntai⁴, Señor, cho¹tsen³-lai⁴ jo³-s⁷in² nca³ ch⁷ao³-s⁷in² v⁷e¹ne²-na³jjin⁴. Cho¹x⁷a¹nte³-lai⁴ cho⁴nta³-li⁴ nca³ tsi² tsa² ca²ta³fi²cja³a¹ cjoa⁴jcon³ nca³ coi⁴nchja⁴ en¹-li⁴. ³⁰ Tjain³ ntsai⁴, jme¹-ni³ nca³ coan⁴nta³-si¹ni³ ch⁷in³. Choa⁴ cao⁴ cjoa⁴xcon¹ ca²ta³ma³ xi³ to⁴t⁷a³ts⁷e⁴ jan³ain¹-le⁴ Jesús ⁷nti¹-li⁴ xi³ tsje³. ³¹ C⁷ia⁴ nca³ je³tsa³c⁷e¹ts⁷oa³, ja³a³ chaon¹ ya⁴ ⁷nte³ jña³ nca³ coan³ña³. Espíritu Santo qui³s⁷e³jjin³ ni⁴ma⁴-le⁴ nca³ts⁷i³. Li²coi³ qui³tsa³cjon¹ nca³ qui³nchja⁴ en¹-le⁴ Ni³na¹.

*Ts*²*e*⁴ *nca*³*ts*⁷*i*³ *nca*³*yi*³*je*³ *xi*³ *tjin*¹-*le*⁴

³² *Je*² *nca*³*ts*⁷*i*³ *xi*³ *coan*³*cjain*¹-*le*⁴ *to*⁴*jnc*³ *coan*³ *ni*⁴*ma*⁴-*le*⁴ *cao*⁴ *cjoa*⁴*fa*³*ai*³*tsjen*³-*le*⁴. *Ni*⁴*jnc*³-*jin*² *xi*³ *qui*³*tso*²-*le*⁴ *xi*¹-*ncjin*¹: *Ts*²*an*⁴ *nia*¹³ *tso*³*jmi*² *xi*³ *tjin*¹-*na*³. ³³ *A*³*li*² *to*⁴*c*⁷*oa*⁴*cji*³ *nca*³*n*⁷*ion*¹ *qui*³*s*⁷*e*³-*le*⁴ *pa*²*stro*⁴ *nca*³ *qui*³*tsjoa*³ *en*¹ *nca*³ *ja*³*a*²*ya*³-*ni*³*le*⁴ *Nai*³-*na*¹ *Jesús*. *A*³*li*² *to*⁴*c*⁷*oa*⁴*cji*³ *cjoa*⁴*nta*³ *xi*³ *qui*³*s*⁷*e*³-*le*⁴ *nca*³*ts*⁷*i*³. ³⁴ *Ni*⁴*ya*³-*jin*² *xi*³ *ni*⁴*jme*³-*jin*² *xi*³ *coan*³*tsin*²-*le*⁴. *Nca*³*ts*⁷*i*³ *xi*³ *tjin*¹-*le*⁴ *na*³*nqui*³, *c*⁷*oa*⁴ *tsa*² *ni*³*ya*³, *c*⁷*oa*⁴-*s*⁷*in*² *tsa*³*ca*³*te*¹*na*³. *Ja*³*ai*³ *ca*³*ni*¹ *nca*³*yi*³*je*³ *taon*⁴-*le*⁴ *tso*³*jmi*² *xi*³ *qui*³*sa*³*te*²*na*³. ³⁵ *Ya*⁴*nqui*³ *ntso*⁴*co*⁴ *pa*²*stro*⁴ *tsa*³*ca*³*tio*¹ *taon*⁴. *Ts*⁷*a*³*vi*¹-*le*⁴ *nca*³ *jnc*¹*jnc*¹ *cho*⁴*ta*⁴ *jo*³ *tjin*¹ *xi*³ *ma*³*chjen*¹-*le*⁴. ³⁶ *C*⁷*ia*⁴ *tjin*¹ *jnc*³ *cho*⁴*ta*⁴ *levita* *xi*³ *José* ⁷*mi*². *Je*² *pa*²*stro*⁴ *Bernabé* *qui*³*tso*²-*le*⁴ (*xi*³ *tso*²-*ni*³ ⁷*nti*¹-*le*⁴ *cjoa*⁴*ni*²*je*³*con*³). *Ya*⁴ ⁷*nte*³-*le*⁴ *Chipre* *ts*⁷*e*⁴ *je*² *cho*⁴*ta*⁴-*ve*⁴. ³⁷ *Tjin*¹-*le*⁴ *na*³*nqui*³ *xi*³ *tsa*³*ca*³*te*¹*na*³. *Ja*³*ai*³*cao*⁴ *taon*⁴-*le*⁴. *Ya*⁴ *tsa*³*c*⁷*e*¹*jna*³ *nqui*³ *ntso*⁴*co*⁴ *pa*²*stro*⁴.

5

Ananías *cao*⁴ *Safira*

¹ *To*⁴*nca*³ *jnc*³ *cho*⁴*ta*⁴*x*⁷*in*⁴ *xi*³ *Ananías* ⁷*mi*², *cao*⁴ *chjon*⁴²-*le*⁴ *xi*³ *Safira* ⁷*mi*², *tsa*³*ca*³*te*¹*na*³ *jnc*³ *na*³*nqui*³-*le*⁴.

² *Tsa*³*cja*³*a*¹*xin*²*t*⁷*a*³ *chji*¹-*le*⁴ *xi*³ *t*⁷*a*³*ts*⁷*e*⁴ *yao*³-*le*⁴. *C*⁷*oa*⁴-*ti*⁴ *tsa*³*ve*³ *chjon*⁴²-*le*⁴. *Je*² *xi*³ *ts*⁷*a*³*nqui*³-*le*⁴ *ja*³*ai*³*cao*⁴. *Tsa*³*c*⁷*e*¹*jna*³ *nqui*³ *ntso*⁴*co*⁴ *pa*²*stro*⁴. ³ *Pedro* *qui*³*tso*²: *Ananías*, *a*¹-*ni*³ *nca*³ *ya*⁴ *ti*¹*jna*³*jin*³-*si*¹*ni*³ *ni*⁴*ma*⁴-*li*⁴ *Satanás* *nca*³ *en*¹*nti*³*so*³ *chja*²*coai*⁴ *Espíritu Santo*, *nca*³ *ti*³*chja*³*a*²*xin*²*t*⁷*a*³-*ni*¹ *je*² *chji*¹-*le*⁴ *na*³*nqui*³-*li*⁴. ⁴ *C*⁷*ia*⁴ *nca*³ *qui*³*s*⁷*e*³*jna*³-*li*², *a*³ *tsi*² *tsi*⁴ *ni*¹. *C*⁷*ia*⁴ *nca*³ *je*³*qui*³*sa*³*te*²*na*³, *a*³ *tsi*² *tsa*² *ji*³ *xi*³ *qui*³*s*⁷*e*³*jna*³*ya*³ *ntsai*⁴ *taon*⁴-*ve*⁴. *A*¹-*ni*³ *nca*³ *c*⁷*oa*⁴-*s*⁷*in*² *tsa*³*c*⁷*e*²-*ni*³ *ni*⁴*ma*⁴-*li*⁴. *A*³*li*² *cho*⁴*ta*⁴-*jin*² *xi*³ *tsa*³*ca*³*sen*²*nti*³*so*³-*lai*⁴, *je*² *Ni*³*na*¹. ⁵ *C*⁷*ia*⁴ *nca*³ *qui*³*n*⁷*ch*⁷*oe*¹ *Ananías* *je*²

en¹ xo⁴ tso²-ve⁴, c⁷ia⁴ qui³sca³ts⁷o³tjen⁴, je³c⁷en³. A³li² to⁴c⁷oa⁴cji³ qui³tso³cjon¹ nca³ts⁷i³ xi³ qui³nch⁷oe¹ nca³ c⁷en³. ⁶ Cho⁴ta⁴xti³ tsa³qui³ncha³nto³, tsa³ca¹jte¹ yao³-le⁴ Ananías. Tsa³c⁷a³sje³, tsa³c⁷e¹ñai³. ⁷ C⁷ia⁴ nca³ je³coan³ jo³-ni³ jan² hora, ja³a³s⁷en³ chjon⁴²-le⁴. A³li²coi³ ve³ jme³-ni³ xi³ ca²ma³. ⁸ C⁷ia⁴ Pedro c⁷oa⁴qui³tso²-le⁴: C⁷oa⁴t⁷in²-nai¹³, a³ c⁷oa⁴tjin¹ tsa³ca³te²na³-nio³ je² na³nqui³-no³. C⁷oa⁴ je² c⁷oi⁴qui³tso²: Jaon³, c⁷oa⁴tjin¹. ⁹ Pedro c⁷oi⁴qui³tso²-le⁴: A¹-ni³ nca³ c⁷oa⁴-s⁷in² qui³cho³va²ya³-si¹nio³ nca³ qui³ch⁷a²na⁴cha⁴-lao⁴³ je² Espíritu xi³ ts⁷e⁴ Nai³-na¹. Coe⁴-ni³ ya⁴ ncha³ jcho³ xo⁴ntjoa⁴-ve⁴ je² xi³ ca²v⁷e¹ñai³ x⁷in⁴-li⁴. C⁷oa⁴-ti⁴ c⁷oa⁴sje³-li². ¹⁰ Nti⁴ton⁴ chjon⁴²-ve⁴ qui³sca³ts⁷o³tjen⁴ ya⁴nqui³ ntso⁴co⁴ Pedro. Je³c⁷en³. C⁷ia⁴ ja³a³s⁷en³ cho⁴ta⁴xti³. Tsa³ve³ nca³ qui³jna³c⁷en³ chjon⁴²-ve⁴. Nti⁴ton⁴ tsa³c⁷a³sje³ tsa³c⁷e¹ñai³t⁷a³-le⁴ x⁷in⁴-le⁴. ¹¹ A³li² to⁴c⁷oa⁴cji³ qui³tso³cjon¹ nca³ts⁷i³ xi³ ts⁷e⁴ na⁴xi⁴na³nta¹-le⁴ Cristo cao⁴ nca³ts⁷i³ xi³ qui³nch⁷oe¹ je² en¹-vi⁴.

Ncjin² ma³-ni³ cjoa⁴xcon¹ xi³ qui³s⁷in³

¹² A³li² to⁴c⁷oa⁴cji³ choa⁴ cao⁴ cjoa⁴xcon¹ xi³ qui³s⁷in³ pa²stro⁴ cao⁴ ntsja³ ja⁴jjin³-le⁴ cho⁴ta⁴ na⁴xi⁴na³nta¹. Nca³ts⁷i³ to⁴jnc³ cjoa⁴fa³ai³tsjen³-le⁴, c⁷oa⁴ to⁴jnc³ tjio¹ ya⁴nqui³ corredor-le⁴ Salomón. ¹³ Je² xi³c⁷a³ ni⁴jnc³-jin²la² coan³n⁷ion¹con³ nca³ qui³t⁷a³-le⁴ pa²stro⁴. To⁴nca³ je² cho⁴ta⁴ na⁴xi⁴na³nta¹ cjai¹nca³ to⁴nta³ tsa³c⁷a³sje³ pa²stro⁴. ¹⁴ Je² xi³ coan³cjain¹-le⁴ t⁷a³ts⁷e⁴ Jesús to⁴sin³ to⁴nta³ coan³ncjin². A³li² to⁴c⁷oa⁴cji³ ncjin² ma³-ni³ cao⁴ x⁷in⁴ cao⁴ ya¹nchjin¹. ¹⁵ Ts⁷a³sje³ xi³ tjio¹m⁷en³ ya⁴³ ntia⁴², c⁷oa⁴ qui³si³ca¹yo³son² ya¹na⁴chan³ cao⁴ ni³jña³, jme¹-ni³ nca³ c⁷oa⁴cao⁴c⁷a³-si¹ni³le⁴ nta³ to⁴nc⁷ian¹-le⁴ Pedro c⁷ia⁴ nca³ cjoa⁴ai¹. ¹⁶ C⁷oa⁴ti⁴ je² cho⁴ta⁴ xi³ ts⁷e⁴ na⁴xi⁴na³nta¹ xi³ tjio¹ntai³, a³li² to⁴c⁷oa⁴cji³ ji³cho² ya⁴

Jerusalén. Ja³ai³cao⁴ xi³ tjio¹m⁷en³, cao⁴ cho⁴ta⁴ xi³ nai⁴² tjio¹jin³ ni⁴ma⁴-le⁴. Ña³qui³ ji³tjo³xin²-le⁴ ch⁷in³-le⁴ nca³ts⁷i³.

Tsa³nca³tjen⁴nqui³co²ntran⁴-le⁴ Pedro cao⁴ Juan

¹⁷ C⁷ia⁴ tsa³qui³so¹tjen⁴ na⁴⁷mi³ti¹tjon² cao⁴ nca³ts⁷i³ xi³ tjio¹cao⁴ xi³ cho⁴ta⁴ saduceos. A³li² to⁴c⁷oa⁴cji³ coan³chi⁴ni⁴que³. ¹⁸ Qui³tsoa³ je² pa²stro⁴. Qui³sca³ni¹ nto⁴ya¹-le⁴ na⁴xi⁴-na³nta¹. ¹⁹ Xi³ je³coan³njon² jnco³ a²ncje⁴-le⁴ Nai³-na¹ qui³sco³⁷ai² xo⁴ntjoa⁴-le⁴ nto⁴ya¹. Tsa³c⁷a³sje³ je² pa²stro⁴-ve⁴, c⁷oa⁴qui³tso²-le⁴. ²⁰ Ta³nquin¹ qui³yo³ ya⁴³ yo⁴nco⁴. C⁷oa⁴t⁷in²-lao⁴³ nca³ts⁷i³ cho⁴ta⁴ na⁴xi⁴na³nta¹ nca³yi³je³ en¹ xi³ t⁷a³ts⁷e⁴ je² cjoa⁴vi³-jna³chon³. ²¹ C⁷ia⁴ nca³ qui³nch⁷oe¹ jña³-le⁴ xi³ tsa³c⁷in²-le⁴, ja³⁷a³s⁷en³ yo⁴nco⁴ nca³ qui³s⁷e³sen¹. Tsa³ca³co¹ya³. C⁷ia⁴ ja³⁷ai³ je² na⁴⁷mi³ti¹tjon² cao⁴ nca³ts⁷i³ xi³ tjio¹cao⁴. Qui³nchja⁴-le⁴ cho⁴ta⁴xa¹ cao⁴ nca³ts⁷i³ cho⁴ta⁴jchi¹nca³ xi³ ts⁷e⁴ ntje⁴-le⁴ Israel. Qui³si³ca³sen¹cja³⁷a¹ pa²stro⁴-ve⁴ ya⁴ nto⁴ya¹. ²² C⁷ia⁴ nca³ ji³cho² policia, li²coi³ qui³sa³co³sjai³-le⁴ je² pa²stro⁴-ve⁴ ya⁴³ nto⁴ya¹. Qui³si³c⁷o¹fa³ya³-ni³, c⁷oa⁴ tsa³c⁷e¹ na⁴jmi¹. ²³ C⁷oa⁴qui³tso²: C⁷ia⁴ nca³ ca²fi³choi³⁴-jin⁴, ca²⁷yai³⁴-jin⁴ nca³ cjai¹nca³ n⁷ion¹ tji¹chjoa² nto⁴ya¹. Je² cho⁴ta⁴ xi³ ya⁴ tjio¹ma³ si¹coi²nta⁴ tjio¹ ya⁴jcho³ xo⁴ntjoa⁴. C⁷ia⁴ nca³ qui³cho³⁷ai²⁴-jin⁴, ni⁴⁷ya³-jin² xi³ tjin¹ ya⁴³ nto⁴ya¹. ²⁴ C⁷ia⁴ nca³ qui³nch⁷oe¹ en¹ xo⁴ tjin¹-vi⁴, je² na⁴⁷mi³ti¹tjon² cao⁴ je² nai³-le⁴ yo⁴nco⁴, cao⁴ cho⁴ta⁴ti¹tjon²-le⁴ na⁴⁷mi³, a³li²coi³ tsa³ve³ jo³ coan⁴ je²-vi⁴. ²⁵ C⁷ia⁴ ja³⁷ai³ jnco³ xi³ tsa³c⁷e¹-le⁴ na⁴jmi¹: Coe⁴-ni³ je² cho⁴ta⁴ xi³ qui³cha²nio²³ nto⁴ya¹, i⁴ tjio¹ ya⁴³ yo⁴nco⁴, tjio¹va³co¹ya³-le⁴ cho⁴ta⁴. ²⁶ C⁷ia⁴ qui³ nai³-le⁴ yo⁴nco⁴ cao⁴ policia. Ja³⁷ai³cao⁴-la²nta³, nca⁴

qui³tso³cjon¹-le⁴ cho⁴ta⁴ na⁴xi⁴na³nta¹, tsa² lao⁴ coa⁴sen²-le⁴. ²⁷ C⁷ia⁴ nca³ ja³⁷ai³cao⁴, qui³si³ca³tio²va³sen³ junta. Je² na⁴⁷mi³ti¹tjon² qui³sco²na³nqui³-le⁴: ²⁸ A³ tsi² tsa² c⁷oa⁴-s⁷in² n⁷ion¹ sta³c⁷e²ne²-lai²⁴jjin⁴, nca³ tsi² tsa² coa⁴co²yao³ cao⁴ je² jan³⁷ain¹. Coe⁴-ni³ jo³ ti³cha³ni²son²³ nca³qui³jnta² Jerusalén je² en¹ xi³ ti³va³co²yao³. C⁷oa⁴ me³-no³ cha³ni²ne²-na³jjin⁴ je² njin¹-le⁴ cho⁴ta⁴ xo⁴cji³-ve⁴. ²⁹ C⁷ia⁴ c⁷oi⁴qui³tso² Pedro cao⁴ nca³ts⁷i³ pa²stro⁴: Nqui²-sa⁴ ma³chjen¹ nca³ ni²cji³tjo³son²-le⁴² Ni³na¹ cao⁴-ni³ tsa² cho⁴ta⁴son³⁷nte³. ³⁰ Je² Ni³na¹-le⁴ n⁷ai³jcha¹cjin³-na¹ qui³sco²mi³tjen⁴ Jesús. Je² xi³ jon² qui³ni²c⁷aon³, ya⁴ tsa³cjen³t⁷ao³ jnc³ ya¹. ³¹ Je²-vi⁴ xi³ Ni³na¹ qui³si³quin³nc⁷a³ ya⁴ nca³qui²xi⁴-le⁴. Je²-vi⁴ xi³ cho⁴ta⁴ti¹tjon²-na¹, c⁷oa⁴ xi³ v⁷a³sje³ntjai²-na¹, jme¹-ni³ nca³ tsjoa¹-si¹ni³le⁴ cjoa⁴nta³ cho⁴ta⁴ Israel nca³ si⁴²c⁷a³ntjai²ya³ cjoa⁴fa³⁷ai³tsjen³-le⁴, nca³ cha⁴t⁷a³-le⁴ je¹-le⁴. ³² Jin⁴ ni¹⁴-jin⁴ testigo xi³ t⁷a³ts⁷e⁴ je² cjoa⁴. C⁷oa⁴ testigo je² Espíritu Santo xi³ Ni³na¹ qui³tsjoa³-le⁴ je² xi³ si¹cji³tjo³son²-le⁴. ³³ C⁷ia⁴ nca³ qui³nch⁷oe¹ je²-vi⁴, n⁷ion¹ coan³jti³-le⁴, tsa³cjao¹ya³-ni³ nca³ me³-le⁴ si⁴²c⁷en³. ³⁴ C⁷ia⁴ tsa³ca³sen²nto³jjin³-le⁴ cho⁴ta⁴junta jnc³ cho⁴ta⁴ fariseo xi³ Gamaliel ⁷mi², je² xi³ va³co¹ya³ cjoa⁴te¹xo³ma³. Nca³ts⁷i³ cho⁴ta⁴ na⁴xi⁴na³nta¹ cjai¹nca³ ve³xcon¹. Je² Gamaliel tsa³ca³te¹xo³ma³ nca³ jnc³ tjo² ca²ta³vi³tjo³ je² pa²stro⁴. ³⁵ C⁷oi⁴qui³tso²-le⁴: Nca³ts⁷io³ xi³ cho³ta³ israelitas, cho¹tsen³-lao⁴³ yao³-no³ xi³ t⁷a³ts⁷e⁴ je² cho⁴ta⁴ xo⁴cjoan³-ve⁴, jo³-s⁷in² cho¹son²-ni³lao⁴³. ³⁶ Nca³s⁷a⁴ nca³ ni⁴chjin³ jchi¹nca³ ji³so¹tjen⁴ jnc³ xi³ Teudas ⁷mi². C⁷oi⁴qui³tso²: An³-vi⁴, an³ nqui²sa⁴-vi⁴. Ño³-la⁴ ciento ma³-ni³ cho⁴ta⁴x⁷in⁴ xi³ qui³t⁷a³-le⁴. To⁴nca³ qui³ni²c⁷en³-ni¹ je² Teudas. Nca³ts⁷i³ xi³ qui³t⁷a³-le⁴ qui³tsao³va³. Li²jme³ xi³ ti⁴coan³ qui³s⁷in³-ni³. ³⁷ C⁷ia⁴ nca³ je³ja³⁷a³to³ xo⁴cjoan³-ve⁴, ji³so¹tjen⁴ Judas, je²

cho⁴ta⁴ galileo, je² ni⁴chjin³ nca³ qui³s⁷e³nta³ padrón. A³li² to⁴c⁷oa⁴cji³ cho⁴ta⁴ na⁴xi⁴na³nta¹ xi³ je² qui³cao⁴. C⁷oa⁴-ti⁴ c⁷en³ nca³ je². Nca³ts⁷i³ xi³ je² qui³t⁷a³-le⁴ ña³qui³ qui³tsao³va³. ³⁸ Nt⁷ai⁴-vi⁴ntai⁴ c⁷oa⁴xin³-no³: Ca²ta³v⁷e²-la²no³, to⁴c⁷oa⁴-la²s⁷in² ti⁴ca³tio¹ je² cho⁴ta⁴x⁷in⁴-vi⁴. Je² cjoa⁴ xi³ tji¹nta³-le⁴, c⁷oa⁴ je² xa¹-vi⁴ tsa² ts⁷e⁴ cho⁴ta⁴x⁷in⁴, si⁴²cha³. ³⁹ To⁴nca³ tsa² ts⁷e⁴ Ni³na¹ ni¹, a³li²coi³ coan⁴-no³ jo³ si⁴cao⁴³. Ti⁴coi²ntao⁴³ yao³-no³ tsa² coi³ ni⁴chjin³ coi⁴yo³ta²ja³-lao⁴³ Ni³na¹. ⁴⁰ Cho⁴ta⁴junta tji¹j³in³con³cao⁴ je² Gamaliel. Qui³nchja⁴-le⁴ pa²stro⁴. C⁷ia⁴ nca³ je³tsa³ca¹-le⁴, ch⁷ao³-s⁷in² tsa³c⁷e¹ne²-le⁴ nca³ tsi² tsa²cao⁴ jan³⁷ain¹-le⁴ Jesús coi⁴nchja⁴. C⁷oa⁴ qui³sca³ni¹ntai¹-ni³. ⁴¹ Je² pa²stro⁴-ve⁴ ji³tjo³j³in³-le⁴ cho⁴ta⁴junta. Cjai¹nca³ to⁴tsjoa³-le⁴ nca³ c⁷oa⁴-s⁷in² tsa³quin²-le⁴ nca³ qui³ch⁷a²sje³nqui³ xi³ t⁷a³ts⁷e⁴ jan³⁷ain¹-le⁴ Jesús. ⁴² Nca³ntsjai² ni⁴chjin³ ya⁴³ yo⁴nco⁴ ya⁴³ ni³⁷ya³-le⁴ ni⁴to⁴c⁷ia³-jin² tsa³ca³tio²jyo¹ nca³ tsa³ca³co¹ya³, c⁷oa⁴ nca³ qui³nchja⁴ya³ t⁷a³ts⁷e⁴ Jesús je² Cristo.

6

Ña³to³ ma³-ni³ cho⁴ta⁴ xi³ tsa³cja³⁷a¹j³in³

¹ C⁷ia⁴ ni⁴chjin³-ve⁴ cjai¹nca³ coan³ncjin²ya³ cho⁴ta⁴-le⁴ Cristo. Je² cho⁴ta⁴ griegos cjai¹nca³ to⁴ch⁷ao³ tsa³ca³tio²-le⁴con³ cho⁴ta⁴ hebreos nca³ je² ya¹nchjin¹-le⁴ xi³ je³c⁷en³x⁷in⁴-le⁴ li²coi³ c⁷oa⁴-s⁷in² ts⁷a³cao⁴-le⁴ je² tso³jmi² xi³ v⁷a³vi¹-le⁴ nchaon³nchaon³.

² C⁷ia⁴ je² xi³ te³jao² pa²stro⁴ qui³nchja⁴ma³ña³-le⁴ nca³ts⁷i³ cho⁴ta⁴-le⁴ Cristo, c⁷oa⁴qui³tso²-le⁴: A³li²coi³ nta³tjin¹ nca³ jin⁴-jin⁴ c⁷oe¹j³nai³⁴-jin⁴ je² en¹-le⁴ Ni³na¹ nca³ c⁷oe¹yai³⁴-jin⁴ t⁷a³ ya¹mi²xa⁴. ³ Chja⁴⁷a²jion³ xi²nquio⁴³, ⁷nti¹nts⁷e³, ña³to³ cho⁴ta⁴x⁷in⁴ xi³ ⁷ya³-le⁴ nca³ nta³cho⁴ta⁴, xi³ cjai¹nca³ to⁴tjin¹j³in³ ni⁴ma⁴-le⁴ je² Espíritu Santo, c⁷oa⁴ xi³ tjin¹-le⁴ cjoa⁴⁷i³sen³-ta³con². Je² xi³

c²oai⁴-le⁴² je² xa¹-vi⁴. ⁴ Jin⁴-jin⁴ to⁴jo³ c²oe¹ts²oa³ ntsjai²-ni¹⁴jin⁴, coa⁴co²ya³ ntsjai²-ni¹⁴jin⁴ en¹-le⁴ Ni³na¹. ⁵ Je² en¹ xi³ qui³ts²o² je² pa²stro⁴ cjai¹nca³ nta³ qui³sa³sen³-le⁴ nca³ts²i³ cho⁴ta⁴-ve⁴. C²ia⁴ tsa³cja³a¹jin³ Esteban, jnc³ cho⁴ta⁴x²in⁴ xi³ cjai¹nca³ nta³ ma³cjain¹-le⁴, c²oa⁴ xi³ cjai¹nca³ to⁴tjin¹jin³ ni⁴ma⁴-le⁴ je² Espíritu Santo. C²oa⁴-ti⁴ tsa³cja³a¹jin³ Felipe, Prócoro, Nicanor, Timón, Parmenas, cao⁴ Nicolás xi³ ja³ai³t⁷a³-le⁴, xi³ ya⁴ Antioquía ts²e⁴. ⁶ Je² xi³ ña³to³-ve⁴ tsa³qui³ncha³va³sen³ nqui³xcon⁴ pa²stro⁴. Je² pa²stro⁴ tsa³c⁷e¹ts²oa³ tsa³ca¹yo³son²-le⁴ ntsja³. ⁷ Cjai¹nca³ qui³son² je² en¹-le⁴ Nai³-na¹. N²ion¹ coan³ncjin²ya³ cho⁴ta⁴-le⁴ ya⁴ Jerusalén. C²oa⁴-ti⁴ cjai¹nca³ ncjin² ma³-ni³ na⁴mi³ xi³ c²oa⁴-s⁷in² coan³cjain¹-le⁴.

Qui³tsoa³ Esteban

⁸ Je² Esteban cjai¹nca³ to⁴qui³s⁷e³-le⁴ cjoa⁴nta³ cao⁴ nca³n²ion¹. A³li² to⁴c²oa⁴cji³ cjoa⁴xcon¹ c²oa⁴ choa⁴ xi³ qui³s⁷in³ jin³-le⁴ cho⁴ta⁴. ⁹ C²ia⁴ qui³sco²mi³tjen⁴ yao³-le⁴ c²a³ cho⁴ta⁴ xi³ ts²e⁴ nt⁷ia³ sinagoga-le⁴ cho⁴ta⁴ xi³ c²oa⁴mi²-le⁴ cho⁴ta⁴ntai¹, cao⁴ xi³ ts²e⁴ cho⁴ta⁴ cireneos, cao⁴ xi³ ts²e⁴ cho⁴ta⁴ alejandrinos, cao⁴ xi³ ts²e⁴ Cilicia, cao⁴ xi³ ts²e⁴ Asia. Tsa³cjao¹ti³ya³-ni³ cao⁴ je² Esteban. ¹⁰ To⁴nca³ li²coi³ coan³ tsa³ca³tio²ta²ja³-le⁴ je² cjoa⁴i³sen³ta³con²-le⁴ cao⁴ je² Espíritu xi³ je² Esteban qui³nchja⁴ya³-ni³. ¹¹ C²ia⁴ qui³ts²o²ya³ma³ c²a³ cho⁴ta⁴ xi³ c²oa⁴coi⁴tso⁴ nca³ qui³nch⁷oe¹-le⁴ Esteban nca³ qui³nchja⁴aon³-le⁴ Moisés cao⁴ Ni³na¹. ¹² Qui³si³qui³so¹tjen⁴ cjoa⁴si³ jin³-le⁴ cho⁴ta⁴ na⁴xi⁴na³nta¹ cao⁴ cho⁴ta⁴jchi¹nca³ cao⁴ cho⁴ta⁴ scribano. Ji³cho²con³-le⁴, qui³tsoa³che¹. Ji³cho²cao⁴ ya⁴ ñña³ nca³ tjio¹ cho⁴ta⁴ junta. ¹³ C²ia⁴ tsa³ca³sen¹va³sen³-le⁴ testigos nti³so³ xi³ c²oa⁴qui³ts²o²: Je² cho⁴ta⁴ xo⁴cji³-ve⁴ a³li²coi³ v²e²jna³jyo¹ nca³ c²oa⁴-s⁷in² ti¹nchja⁴aon³-le⁴ je² nte³tsje³-vi⁴ cao⁴ je²

cjoa⁴-te¹xo³ma³. ¹⁴ Qui³no²ya²-lai⁴jín⁴ nca³ c²oa⁴qui³tso² nca³ je² Jesús xi³ Nazaret ts²e⁴ si⁴²qui³xo¹ya³ je² nte³-vi⁴, si⁴²c²a³ntjai²ya³ je² cjoa⁴ xi³ n²ian² xi³ qui³tsjoa³-na¹ Moisés. ¹⁵ C²ia⁴ je² nca³ts²i³ cho⁴ta⁴junta qui³sco³a² Esteban. Tsa³ve³ ncjain¹ jo³-ni³ xi³ ts²e⁴ jnco³ a²ncje⁴.

7

¹ C²ia⁴ je² na⁴mi³ti¹tjon² c²oa⁴qui³tso²: A³ cjoa⁴qui²xi⁴ nca³ c²oa⁴tjin¹ je²-vi⁴. ² C²ia⁴ Esteban qui³tso²: Nca³ts²io³ n²ti¹nts²e³ cao⁴ xi³ n²ao³, ti⁴no¹ya²³: Je² Ni³na¹ xi³ tjin¹-le⁴ cjoa⁴je³ya³ ts²a³tsen³-le⁴ cho⁴ta⁴jchi¹nca³-na¹ Abraham, c²ia⁴ nca³ ti¹jna³ Mesopotamia. Cje³-sa³ fi³cho¹-jin² ya⁴ Harán. ³ Ni³na¹ c²oa⁴qui³tso²-le⁴: Ti²tjo⁴-ni³ na³nqui³-li⁴. Ca²ta³va³tio² xi²nqui⁴. T²in³ ya⁴ na³nqui³ jña³ nca³ coa³co³-le²³. ⁴ C²ia⁴ ji³tjo³-ni³ na³nqui³-le⁴ cho⁴ta⁴ caldeos. Ya⁴ ji³cho²c²e²jna³ ya⁴ Harán. C²ia⁴ nca³ c²en³ n²ai³-le⁴, Ni³na¹ qui³si³c²a³ntjai²ya³-le⁴ nte³. Ja³ai³cao⁴ i⁴ nte³-vi⁴ jña³ nca³ ti³yo³ nt²ai⁴-vi⁴. ⁵ Ni³na¹ li²coi³ qui³tsjoa³cjoa⁴tjao²-le⁴ na³nqui³, ni⁴ sa³nta³ jña³ nca³ coa⁴sen² jnco³ ntso⁴co⁴. To⁴nca³ Ni³na¹ qui³tsjoa³ ts²oa³ nca³ tsjoa¹-le⁴ xi³ ti⁴ts²e⁴-ni³, cao⁴ xi³ ts²e⁴ ntje⁴-le⁴ xi³ scan³-le⁴ nca³ je² cjoa⁴ai¹, nta³ tsa² cje³ tjin¹-jin²le⁴ n²ti¹. ⁶ Ni³na¹ c²oi⁴qui³tso²-le⁴: Je² ntje⁴-li⁴ c²oi¹ma³son² nte³ xi³ cja⁴ai¹ ts²e⁴, jña³ nca³ to⁴cho⁴nta³ coan⁴, c²oa⁴ to⁴taon³ jcha⁴ ño³ ciento no¹. ⁷ Ni³na¹ qui³tso²: To⁴nca³ an³ tsjoa³-le⁴ cjoa⁴ñain³ je² na⁴xi⁴na³nta¹ jña³ nca³ cho⁴nta³ coan⁴. Coan⁴scan³-ni³ coi⁴tjo³xin²-ni¹, c²oa⁴ i⁴ nte³-vi⁴ scoe⁴xcon¹-na³. ⁸ Ni³na¹ tsa³c²e¹n²ion¹-le⁴ Abraham je² cjoa⁴ circuncisión. C²oa⁴-s²in² Abraham qui³s²e³-le⁴ Isaac. Xi³ coan³jín³-ni³ ni⁴čhjin³ cjoa⁴ circuncisión qui³tsjoa³-le⁴. C²oa⁴ je² Isaac qui³s²e³-le⁴ Jacob. C²oa⁴ je² Jacob qui³s²e³-le⁴ je² cho⁴ta⁴jchi¹nca³ xi³ te³jao² ma³-ni³. ⁹ To⁴coi³ cjoa⁴ nca³ coan³xin²con³que³,

je² cho⁴ta⁴jchi¹nca³-ve⁴ tsa³ca³te¹na³-le⁴ José cho⁴ta⁴xi³ qui³cao⁴ ya⁴ Egipto. To⁴nca³ Ni³na¹ ti¹jna³cao⁴ José.
¹⁰ Ts⁷a³sje³ntjai² José nca³yi³je³ cjoa⁴n⁷ain³ xi³ tjin¹-le⁴. Qui³tsjoa³-le⁴ cjoa⁴nta³ cao⁴ cjoa⁴⁷i³sen³ta³con²ya⁴ nqui³xcon⁴ Faraón xi³ cho⁴ta⁴ti¹tjon² ya⁴ na³nqui³Egipto. Faraón tsa³ca³sen¹ José nca³jco⁴-le⁴ Egipto, c⁷oa⁴ nca³jco⁴-le⁴ nca³yi³je³ nt⁷ia³-le⁴. ¹¹ C⁷ia⁴ ja³⁷ai³cji³n⁷cha¹ nca³qui³jnta² Egipto cao⁴ na³nqui³ Canaán. A³li² to⁴c⁷oa⁴cji³ cjoa⁴n⁷ain³ tsa³cja³⁷a¹ cho⁴ta⁴. Je² n⁷ai³jcha¹cjin³-na¹ li²coi³ qui³sa³co³-le⁴ xi³ qui³squi³ne³.
¹² C⁷ia⁴ nca³ qui³n⁷ch⁷oe¹ Jacob nca³ tjin¹ na⁴jme¹ ya⁴ Egipto, ya⁴ qui³si³ca³sen¹ je² n⁷ai³jcha¹cjin³-na¹ nca³ti¹tjon². ¹³ C⁷ia⁴ nca³ coan³ jao² c⁷a³-ni³, José tsa³ca³co¹-le⁴ yao³-le⁴ nts⁷e⁴. C⁷oa⁴-s⁷in² Faraón tsa³ve³ xi¹ncjin¹ José. ¹⁴ José qui³si³ca³sen¹ qui³nchja⁴-le⁴ Jacob je² n⁷ai³-le⁴ cao⁴ nca³ts⁷i³ xi¹ncjin¹. Jan²can³ cao⁴-ni³ čhja³⁷aon²ma³-ni³ cho⁴ta⁴. ¹⁵ C⁷oa⁴-s⁷in² Jacob qui³jen³ ya⁴ Egipto jña³ c⁷en³ nca³ je², cao⁴ nca³ts⁷i³ n⁷ai³jcha¹cjin³-na¹.
¹⁶ Qui³cao⁴ yao³-le⁴ n⁷ai³jcha¹cjin³-na¹ ya⁴ Siquem. Ya⁴ qui³s⁷e³ñai³ ya⁴ tsjo¹ xi³ Abraham tsa³ca³tse³-ni³ cao⁴taon⁴ je² xti³-le⁴ Hamor xi³ Siquem ts⁷e⁴. ¹⁷ C⁷ia⁴ nca³je³coan³čhian³ je² ni⁴čhjin³ xi³ Ni³na¹ qui³tsjoa³-le⁴ ts⁷oa³ Abraham, je² cho⁴ta⁴ na⁴xi⁴na³nta¹ coan³ncjin²ya³, c⁷oa⁴ qui³s⁷e³-le⁴ nca³n⁷ion¹ ya⁴ Egipto, ¹⁸ sa³⁷nta³ ji³so¹tjen⁴nqui²jnco³ cho⁴ta⁴ti¹tjon² xi³ tsi² tsa² ve³xcon³ José.
¹⁹ Je²-vi⁴⁷ni³ cjai¹nca³ to⁴tse³ cjoa⁴ma²ña⁴ qui³cja³⁷a¹-le⁴ nca³ tsa³c⁷e¹xa¹-le⁴ xi²nquia⁴². Ch⁷ao³ qui³si³cao⁴ je² n⁷ai³jcha¹cjin³-na¹, jo³ sa³⁷nta³ nca³ cjoa⁴n⁷ion¹ts⁷a³sje³j³in³sen¹ nca³ts⁷i³ n⁷ti¹x³ti³-le⁴, jme¹-ni³ nca³ cha⁴-si¹ni³ ntje⁴-le⁴. ²⁰ Ti⁴je²-ni³ ni⁴čhjin³ qui³tsin³ Moisés. C⁷oa⁴ je² cjai¹nca³ na³sca¹ qui³s⁷e³ nqui³xcon⁴ Ni³na¹. Jan² sa¹ qui³ni²jcha¹ ya⁴³ ni³⁷ya³-le⁴ n⁷ai³-le⁴. ²¹ C⁷ia⁴ nca³ ts⁷a³sje³j³in³sen¹ je² tso²ti³-le⁴ Faraón qui³scoe¹. Je²

qui³si³jcha¹ jo³-ni³ tsa² ʔnti¹ xi³ ts^ʔe⁴. ²² Tsa³ca³co¹ya³-le⁴
 Moisés nca³yi³je³ cjoa⁴chji⁴ne⁴ xi³ ts^ʔe⁴ cho⁴ta⁴ egipcios.
 A³li² to⁴c⁷oa⁴cji³ nc^ʔa³ tsa³c⁷e²jna³ cao⁴ nca³yi³je³ xi³
 qui³tso², cao⁴ nca³yi³je³ xi³ qui³s^ʔin³. ²³ C⁷ia⁴ nca³ je³tjin¹-
 le⁴ ña³chan² no¹, ja³⁷ai³-le⁴ jnc³ cjoa⁴fa³⁷ai³tsjen³ nca³
 coan³me³-le⁴ nca³ qui³con³-le⁴ nts^ʔe⁴, je² xti³-le⁴ Israel.
²⁴ C⁷ia⁴ nca³ tsa³ve³ jnc³ xi³ to⁴ch^ʔao³ ti¹ni²cao⁴, je²
 Moisés qui³si³toan¹ntjai², c⁷oa⁴ qui³si³nca³jao³-ni³ je² xi³
 ch^ʔao³ ti¹ni²cao⁴ nca³ qui³si³qui²⁷aon³ je² cho⁴ta⁴ egipcio.
²⁵ Moisés qui³si³cja³⁷ai³tsjen³ nca³ je² nts^ʔe⁴ coan⁴cho⁴ya³-
 le⁴ nca³ Ni³na¹ ti¹tsjoa¹-le⁴ cjoa⁴vi³tjo³ntjai² cao⁴ ntsja²
 Moisés, to⁴nca³ je² nts^ʔe⁴ li²coi³ coan³cho⁴ya³-le⁴. ²⁶ Xi³
 coan³nchaon³-ni³ tjio¹cjan¹ jao² nts^ʔe⁴. C⁷ia⁴ Moisés
 ja³⁷ai³con²-le⁴, coan³me³-le⁴ nca³ qui³si³ca³tio¹ljo²,
 c⁷oa⁴qui³tso²-le⁴: Nts^ʔe³² cho⁴vao²³ nca³ jon². A¹-ni³
 nca³ c⁷oa⁴-s^ʔin² ch^ʔao³ ni²cao⁴-si¹nio³ xi²nquio⁴³. ²⁷ C⁷ia⁴
 je² xi³ ch^ʔao³ ti¹si¹cao⁴ xi³jnc³, qui³sca³ni¹tsja qui³tso²-
 le⁴ Moisés: ʔya¹-ni³ xi³ cho⁴ta⁴ti¹tjon² ca²va³sen¹jna³-li².
 ʔya¹-ni³ xi³ xca²le⁴ ca²tso²-li² xi³ t^ʔa³tsain⁴-jin⁴. ²⁸ A³
 me³-li² nca³ si⁴c⁷en³-nai¹³, jo³-s^ʔin² nca³ qui³ni²c⁷ain³ je²
 cho⁴ta⁴ egipcio nco²jña⁴. ²⁹ C⁷ia⁴ nca³ je³c⁷oa⁴qui³tso²,
 Moisés tsa³nca³-ni¹, jo³-ni³ cho⁴ta⁴ xi³ cao⁴ cjoa⁴n^ʔion¹
 qui³chon³sje³jjin³-ni³ ʔnte³-le⁴. Qui³c⁷e²jna³ ya⁴ nqui²jnc³
 ʔnte³ jña³ nca³ Madián ʔmi², jña³ nca³ qui³s^ʔe³jao²-le⁴
 ʔnti¹xti³. ³⁰ Coan³son²-le⁴ ña³chan² no¹ ya⁴ ʔnte³-ve⁴. Jnc³
 a²ncje⁴ coan³tsen³-le⁴ Moisés ya⁴ ʔnte³t^ʔa³xin²t^ʔa³ jña³
 nca³ ni³nto³ Sinaí ʔmi². Jnc³ ya¹xca⁴cha³ ti¹ti². Ya⁴ l^ʔi¹-le⁴
 ts^ʔa³tsen³-jin³ je² a²ncje⁴. ³¹ C⁷ia⁴ Moisés qui³sco²tsen³.
 To⁴coan³xcon¹-le⁴ jme³ xi³ tsa³ve³. Qui³chian³ jme¹-ni³
 nca³ nta³ scoe⁴-si¹ni³. C⁷ia⁴ je² Nai³-na¹ tsa³cja¹cao⁴:
³² An³ nia¹³ Ni³na¹-le⁴ n^ʔai³jcha¹cjin³-li², Ni³na¹-le⁴
 Abraham, Ni³na¹-le⁴ Isaac, Ni³na¹-le⁴ Jacob. To⁴nca³
 Moisés to⁴qui³tso²cjon¹-ni¹. A³li²coi³ coan³n^ʔion¹con³

nca³ qui³sco²tsen³. ³³ C⁷ia⁴ je² Nai³-na¹ c⁷oa⁴qui³tso²-le⁴ Moisés: Chja⁴⁷a²xin²³ jte¹ xi³ cja³ ntso⁴coi³. Je² ²n^{te}³ jña³ nca³ ti³vi³sen²nai²³-vi⁴ ²n^{te}³tsje³xcon¹ ni¹. ³⁴ Tsa³⁷ve³, tsa³⁷ve³-nia¹³ je² cjoa⁴ñ⁷ain³ xi³ tjin¹-le⁴ je² cho⁴ta⁴-na⁴ xi³ tjio¹ ya⁴ Egipto. Qui³nch⁷oe³-nia¹³ nca³ tjio¹cji³⁷ntia¹va³. Coi³ xa¹ ca²vi²tjo⁴jen³-nia³, nca³ c⁷oa³sje³ntje²³. Nchoai¹³ nt²ai⁴, ya⁴ sca³ni³-le²³ ya⁴ Egipto. ³⁵ Je² Moisés xi³ cho⁴ta⁴ Israel to⁴tsa³cja³⁷a¹xin² nca³ qui³tso²: ⁷ya¹-ni³ xi³ cho⁴ta⁴ti¹tjon² ca²va³sen¹jna³-li². ⁷ya¹-ni³ xi³ xca²le⁴ ca²tso²-li². Je²-vi⁴ xi³ Ni³na¹ qui³si³ca³sen¹ nca³ cho⁴ta⁴ti¹tjon², nca³ c⁷oa⁴sje³ntjai² cao⁴ ntsja³ a²ncje⁴ xi³ coan³tsen³jⁱⁿ³ ya¹xca⁴cha³. ³⁶ Moisés tsa^{3c7}a³sje³ cho⁴ta⁴ Israel. Ña³chan² no¹ n⁷ion¹ tse³ cjoa⁴xcon¹ cao⁴ choa⁴ xi³ qui³s⁷in³ ya⁴ na³nqui³ Egipto, cao⁴ ya⁴ na³nta¹ Mar Rojo, cao⁴ ya⁴ ²n^{te}³t⁷a³xin²t⁷a³. ³⁷ Je²-vi⁴ je² Moisés xi³ qui³tso²-le⁴ nca³ts⁷ⁱ³xti³-le⁴ Israel: Je² Nai³-no³ Ni³na¹-no³ sco¹mi³tjen⁴jⁱⁿ³-no³ jnco³ nts⁷ao³ xi³ coi⁴nchja⁴ya³jⁱⁿ³-no³ jo³-ni³ an³, je² xi³ coi⁴no¹⁷ya²-lao⁴³. ³⁸ Je² cho⁴ta⁴ xo⁴⁷mi²-ve⁴ je² ni¹ xi³ tsa^{3c7}e²jna³cao⁴ je² na⁴xi⁴na³nta¹-le⁴ Ni³na¹ ya⁴ ²n^{te}³t⁷a³xin²t⁷a³, cao⁴ je² a²ncje⁴ xi³ tsa³cja¹cao⁴ ya⁴ ni³nto³ Sinaí, cao⁴ je² nca³ts⁷ⁱ³ n⁷ai³jcha¹cjin³-na¹. Je² Moisés xi³ tsa^{3c7}ai²-le⁴ je² en¹ xi³ ts⁷e⁴ cjoa⁴vi³jna³chon³ jme¹-ni³ nca³ tsjoa¹-si¹ni³na¹. ³⁹ Je² n⁷ai³jcha¹cjin³-na¹ coan³cai³-le⁴ nca³ qui³si³tjo³son²-le⁴ Moisés, to⁴sa³ tsa³cja³⁷a¹xin²-le⁴. Coan³me³-le⁴ ni⁴ma⁴-le⁴ nca³ qui³-nca¹ni³ ya⁴ Egipto. ⁴⁰ C⁷oa⁴qui³tso²-le⁴ Aarón: Ti⁴nta³-na³jⁱⁿ⁴ ni³na¹ xi³ ca²ta³fi² ti¹tjon²-na³jⁱⁿ⁴. Je² Moisés xi³ tsa^{3c7}a³sje³-na³jⁱⁿ⁴ ya⁴ na³nqui³ Egipto, a³li²coi³ ⁷yai³⁴-jⁱⁿ⁴ jme³-ni³ xi³ coan³-le⁴. ⁴¹ C⁷ia⁴ qui³si³nta³ jnco³ toro ⁷nti¹. Qui³tsjoa^{3t7}a³-le⁴ cjoa⁴tjao² je² xco¹son²-ve⁴. A³li² to⁴c⁷oa⁴cji³ tsjoa³ coan³-le⁴ cho⁴ta⁴ Israel cao⁴ je² xa¹ xi³ coan³-le⁴ ntsja³. ⁴² To⁴nca³ Ni³na¹ tsa³cja³⁷a¹xin² yao³-le⁴. C⁷oa⁴-sin² qui³sca³ni¹ cho⁴ta⁴ Israel nca³ scoe⁴xcon¹

ts⁷oi¹ cao⁴ sa¹ cao⁴ ni³ño³, jo³-s⁷in² tji¹t⁷a³ ya⁴ libro-le⁴ cho⁴ta⁴ xi³ qui³nchja⁴ya³: A³ c⁷oa⁴-s⁷in² tsa³c⁷ai²t⁷a³-nao¹³ cho⁴c⁷en³ cao⁴ cjoa⁴tjao² ya⁴ ?nte³t⁷a³xin²t⁷a³ ña³chan² no¹. ⁴³ To⁴nca³ qui³ch⁷ao²³ je² nt⁷ia³na³jño³ xi³ ts⁷e⁴ Moloc, cao⁴ je² ni³ño³-le⁴ je² ni³na¹-no³ Renfán. Je² ni¹ xco¹son² xi³ jon² qui³ni²ntao³ nca³ tsa³ya³xcon¹³. To⁴sa³ sca³ni³-no³ jan¹, jña³ cjin³-sa³le⁴ Babilonia. ⁴⁴ Ya⁴ ?nte³t⁷a³xin²t⁷a³ je² n⁷ai³jcha¹cjin³-na¹ qui³s⁷e³-le⁴ je² nt⁷ia³na³jño³ xi³ tjia¹ en¹-le⁴ Ni³na¹. C⁷oa⁴-s⁷in² c⁷ia⁴ nca³ tsa³cja¹cao⁴ Moisés, Ni³na¹ tsa³ca³te¹xo³ma³ nca³ c⁷oa⁴-s⁷in² ca²ta³si¹nta³ nt⁷ia³na³jño³ jo³ cji³ nca³ tsa³ve³. ⁴⁵ C⁷ia⁴ nca³ je³qui³s⁷e³-le⁴ nt⁷ia³na³jño³ je² n⁷ai³jcha¹cjin³-na¹, c⁷oa⁴-ti⁴ ja³ai³cao⁴ c⁷ia⁴ nca³ ja³a³s⁷en³ cao⁴ Josué ya⁴ ?nte³-le⁴ cho⁴ta⁴ xi³ li² judío-jin². Ni³na¹ tsa³cja³a¹xin² je² cho⁴ta⁴ xi³ li² judío-jin² nqui³xcon⁴ n⁷ai³jcha¹cjin³-na¹, sa³nta³ ni⁴chjin³-le⁴ David. ⁴⁶ Je² David qui³sa³co³-le⁴ cjoa⁴nta³ nqui³xcon⁴ Ni³na¹. Qui³si³je¹ nca³ ca²ta³sa³co¹-le⁴ jnco³ ni³ya³ xi³ t⁷a³ts⁷e⁴ je² Ni³na¹-le⁴ Jacob. ⁴⁷ To⁴nca³ Salomón qui³si³nta³-le⁴ ni³ya³. ⁴⁸ To⁴nca³ je² Ni³na¹ xi³ nc⁷a³ ti¹jna³, li²coi³ v⁷e²jna³ya³ ni³ya³ xi³ ntsja³ cho⁴ta⁴ ma³nta³-ni³. Je² xi³ qui³nchja⁴ya³ t⁷a³ts⁷e⁴ Ni³na¹ tso²: ⁴⁹ Je² nc⁷a³jmi³ je² ni¹ ya¹xi²le⁴-na⁴, c⁷oa⁴ je² son³nte³ je² ni¹ jña³ nca³ si³cja¹ya³ne²³ ntso⁴coa³. Jña¹-le⁴ ni³ya³ xi³ ni²nta³-nao¹³, tso² Nai³-na¹, a³xo⁴, jña¹-ni³ ?nte³ jña³ nca³ si³cja¹ya³ nca³ an³. ⁵⁰ A³ tsi² tsa² je² ntsa⁴ xi³ qui³si³nta³ nca³yi³je³ je²-vi⁴. ⁵¹ Jon² cjai¹nca³ to⁴xi¹jjin³ jco³. Jon² jo³-ni³ tsa² cho⁴ta⁴ xi³ tsin²-le⁴ cjoa⁴ circuncisión, a³li²coi³ va³sen²sin³-nao¹³ cao⁴ ni⁴ma⁴-no³, c⁷oa⁴ cao⁴ xo⁴ño³. To⁴ña³qui³ c⁷oa⁴-s⁷in² vi³yo³ta²ja³-lao³ je² Espíritu Santo. Je² xi³ qui³s⁷in³ n⁷ai³jcha¹cjin³-no³, c⁷oa⁴²-ti⁴ ti³n⁷ian²-ncao¹³ nca³ jon². ⁵² Je² n⁷ai³jcha¹cjin³-no³, jña¹-le⁴ cho⁴ta⁴ xi³ qui³nchja⁴ya³ xi³ tsi² tsa² tsa³nca³tjen⁴nqui³ co²ntran⁴-le⁴. Ña³qui³ qui³si³c⁷en³-

ni¹ je² xi³ to⁴nqui³-ni³ qui³nchja⁴ya³ nca³ cjoa⁴ai¹ jnco³ xi³ tjin¹-le⁴ cjoa⁴qui²xi⁴. Je²-vi⁴ xi³ jon² qui³nto³vao²³ nt²ai⁴-vi⁴, c²oa⁴ xi³ qui³ni²c²aon³. ⁵³ Qui³s²e³-no³ je² cjoa⁴te¹xo³ma³ xi³ qui³ts²ai²-ni³no³ cao⁴ a²ncje⁴, c²oa⁴ li²coi³ qui³ni²tjo³son²³. ⁵⁴ C²ia⁴ nca³ cho⁴ta⁴ qui³nch²oe¹ en¹ xo⁴ tso²-ve⁴, a³li² to⁴c²oa⁴cji³ jti³ coan³-le⁴ ni⁴ma⁴-le⁴. Jo³ qui³squi³ne³ne² ni⁴ño⁴ nca³ jti³ coan³-le⁴ xi³ t²a³ts²e⁴ Esteban. ⁵⁵ To⁴nca³ je² Esteban, a³li² to⁴c²oa⁴cji³ Espiritu Santo xi³ tjin¹jin³ ni⁴ma⁴-le⁴. Qui³sco²tsen³ nc²a³jmi³. Tsa³ve³ cjoa⁴je³ya³-le⁴ Ni³na¹, c²oa⁴ tsa³ve³ Jesús xi³ sen¹nto³t²a³ nca³qui²xi⁴-le⁴ Ni³na¹. ⁵⁶ Esteban c²oa⁴qui³tso²: Coe⁴-ni³, ti²ve³-nia¹³ nc²a³jmi³ nca³ ti⁴x²a⁴, c²oa⁴ je² nti¹-le⁴ cho⁴ta⁴ xi³ ya⁴ sen¹nto³t²a³ nca³qui²xi⁴-le⁴ Ni³na¹. ⁵⁷ C²ia⁴ a³li² to⁴c²oa⁴cji³ qui³squi³ntia¹xa¹ nca³ts²i³. Tsa³c²e¹chjoa² xo⁴ño³. Nca³ts²i³ qui³to²ca³ne²-le⁴ co²ntran⁴-le⁴. ⁵⁸ Tsa³c²a³sje³jin³ na⁴xi⁴na³nta¹. Tsa³c²e¹-le⁴ la⁴jao⁴. Je² xi³ coan³ testigo ya⁴ qui³si³ca³tio¹ na³jño³-le⁴ nqui³ ntso⁴co⁴ jnco³ cho⁴ta⁴xti³ xi³ Saulo n²mi². ⁵⁹ A³li² to⁴c²oa⁴cji³ la⁴jao⁴ xi³ tsa³c²e¹-le⁴ Esteban. To⁴nca³ qui³nchja⁴-le⁴ Cristo: Señor Jesús, chjoe¹tjoai²³ ni⁴ma⁴-na⁴. ⁶⁰ Tsa³ca³sen²xco¹nch²in³ Esteban, n²ion¹ qui³nchja⁴: Señor a³li² je¹ xo⁴tjin¹-vi⁴jin² mi³chon³t²a³-lai⁴ je² cho⁴ta⁴-vi⁴. Xi³ je³c²oa⁴qui³tso², qui³s²e³fe²-ni¹.

8

*Saulo tsa³nca³tjen⁴*nqui³ co²ntran⁴-le⁴ na⁴xi⁴na³nta¹-le⁴ Cristo

¹ Saulo tsa³ca¹cjao³jco⁴ nca³ qui³ni²c²en³ Esteban. C²oa⁴ tsa³c²a³-ni³ je² ni⁴chjin³-vi⁴ nca³ ña³qui³ tsa³nca³tjen⁴nqui³ co²ntran⁴-le⁴ je² na⁴xi⁴na³nta¹-le⁴ Cristo xi³ tjio¹ ya⁴ Jerusalén. Nca³ts²i³ qui³tsao³va³ nca³qui³jnta² na³nqui³ Judea cao⁴ Samaria. To⁴je²-sa³ pa²stro⁴ xi³ tsi² tsa² qui³tsao³va³. ² Cho⁴ta⁴

xi³ tsa³ve³xcon¹ Ni³na¹, qui³c⁷e¹ñai³ Esteban. A³li² to⁴c⁷oa⁴cji³ qui³squi³ntia¹t²ain³ nca³ je². ³ C⁷ia⁴ je² Saulo qui³si³qui³xo²ya³ na⁴xi⁴na³nta¹-le⁴ Cristo. C⁷oa⁴ ja³a³s⁷en³ ni³ya³-le⁴ nca³ jnco¹jnco¹, tsa³ca¹jve³ x⁷in⁴ cao⁴ ya¹nchjin¹. Qui³sca³ni¹ nto⁴ya¹.

Felipe qui³nchja⁴ya³ ya⁴ Samaria

⁴ To⁴nca³ je² nca³ts⁷i³ xi³ qui³tsao³va³, qui³nca³qui³jnta², qui³nchja⁴ya³ je² en¹-le⁴ Ni³na¹. ⁵ C⁷ia⁴ Felipe qui³jen³ jnco³ na⁴xi⁴na³nta¹ ya⁴ Samaria. C⁷oa⁴ qui³nchja⁴ya³j³in³-le⁴ xi³ t²a³ts⁷e⁴ Cristo. ⁶ Ña³qui³nta³ qui³nch⁷oe¹ cho⁴ta⁴ nca³yi³je³ cjoa⁴ xi³ qui³tso² Felipe. Tjio¹nch⁷oe¹-le⁴, c⁷oa⁴ tjio¹ve³ nca³yi³je³ choa⁴ xi³ ti¹tsjoa¹. ⁷ Ncjin² cho⁴ta⁴ xi³ ntjao⁴ xi³ nta³j³in³ tjio¹j³in³ ni⁴ma⁴-le⁴, ji³tjo³-le⁴ ntjao⁴-ve⁴, qui³squi³ntia¹cao⁴. Cjai¹nca³ ncjin² cho⁴ta⁴yo⁴ma⁴, cao⁴ je² xi³ chi⁴nque¹, xi³ coan³nta³. ⁸ Coi³ cjoa⁴ nca³ cjai¹nca³ tse³ cjoa⁴tsjoa³ xi³ tj³in¹ ya⁴ na⁴xi⁴na³nta¹. ⁹ Ti¹jna³ jnco³ cho⁴ta⁴x⁷in⁴ xi³ Simón ⁷mi², xi³ nca³s⁷a⁴ ma³-le⁴ v²e¹nta³ ya⁴ na⁴xi⁴na³nta¹-ve⁴. Tsa³c⁷a³na⁴cha⁴-le⁴ cho⁴ta⁴ xi³ Samaria ts⁷e⁴ nca³ c⁷oa⁴qui³tso²-le⁴ yao³-le⁴ nca³ n⁷ion¹ cho⁴ta⁴xcon¹. ¹⁰ Nca³ts⁷i³ ña³qui³ nta³ qui³nch⁷oe¹-le⁴, jo³ sa³nta³ ⁷nti¹xti³, jo³ sa³nta³ cho⁴ta⁴jchi¹nca³. C⁷oa⁴qui³tso²: Je²-vi⁴ xi³ tj³in¹-le⁴ je² nca³n⁷ion¹-le⁴ Ni³na¹ xi³ n⁷ion¹ tse³. ¹¹ Cho⁴ta⁴ ña³qui³ nta³ qui³nch⁷oe¹-le⁴ nca⁴ ncjin² no¹ tsa³qui³ncha³xcon¹-le⁴ cho⁴ta⁴ cao⁴ cjoa⁴v⁷e²nta³-le⁴. ¹² C⁷ia⁴ nca³ cho⁴ta⁴ coan³cjain¹-le⁴ Felipe xi³ qui³nchja⁴ya³ je² en¹nta³ xi³ t²a³ts⁷e⁴ cjoa⁴te¹xo³ma³-le⁴ Ni³na¹, c⁷oa⁴ xi³ t²a³ts⁷e⁴ Jesucristo, qui³sa³te¹nta¹ xi³ ya¹nchjin¹-ve⁴, xi³ x⁷in⁴-ve⁴. ¹³ Sa³nta³ ti⁴je²-ni³ Simón c⁷oa⁴-ti⁴ coan³cjain¹-le⁴. C⁷ia⁴ nca³ je³qui³sa³te¹nta¹, qui³t⁷a³-le⁴ Felipe. Tsa³ve³ je² choa⁴ cao⁴ cjoa⁴xcon¹ xi³ cji³ma³, to⁴coan³xcon¹-le⁴. ¹⁴ Je² pa²stro⁴ xi³ tjio¹ ya⁴ Jerusalén qui³nch⁷oe¹ nca³ ya⁴ Samaria qui³tjoe¹

je² en¹-le⁴ Ni³na¹. C⁷ia⁴ qui³si³ca³sen¹-le⁴ Pedro cao⁴ Juan.
¹⁵ C⁷ia⁴ nca³ ji³cho² Pedro cao⁴ Juan, tsa³c⁷e¹ts⁷oa³ntjai²
cho⁴ta⁴, jme¹-ni³ nca³ tjoe¹-si¹ni³le⁴ je² Espíritu Santo.
¹⁶ (Nca³ cje³ fa³?a³s⁷en³j³in³-jin²le⁴. To⁴qui³sa³te¹nta¹-ni³
xi³ t⁷a³ts⁷e⁴ jan³?ain¹-le⁴ Nai³-na¹ Jesús.) ¹⁷ C⁷ia⁴ Pedro
cao⁴ Juan tsa³ca¹yo³son²-le⁴ ntsja³. C⁷oa⁴ je² qui³tjoe¹-le⁴
je² Espíritu Santo. ¹⁸ C⁷ia⁴ nca³ tsa³ve³ Simón nca³ to⁴je²
ntsja³ pa²stro⁴ coal¹jna³son²-le⁴ cho⁴ta⁴ nca³ tsjoa¹-le⁴
Espíritu Santo, c⁷ia⁴ coan³me³-le⁴ nca³ tsjoa¹-le⁴ taon⁴
je² pa²stro⁴. ¹⁹ C⁷oa⁴qui³tso² Simón: T⁷ai²-nao¹³ an³
je² cjoa⁴te¹xo³ma³ je²-vi⁴, jme¹-ni³ nca³ to⁴?ya³-ni³ve⁴ xi³
ntsas⁴ cjoa³son²-le⁴ tjoe¹-si¹ni³le⁴ je² Espíritu Santo. ²⁰ C⁷ia⁴
Pedro c⁷oa⁴qui³tso²-le⁴: Je² taon⁴-li⁴ ca²ta³m⁷en³coai⁴,
nca³ ni²cja³?ai³tsjain³ nca³ je² cjoa⁴tjao²-le⁴ Ni³na¹ ma³
vi³nta³-ni³ taon⁴. ²¹ Ji³ tsin²-li² ?nte³-jin² xi³ t⁷a³ts⁷e⁴
xa¹ xo⁴tjin¹-vi⁴, nca⁴ je² ni⁴ma⁴-li⁴ li²coi³ qui²xi⁴ t⁷a³ts⁷e⁴
Ni³na¹. ²² Ti⁴c⁷a³ntjai²yai³ cjoa⁴fa³?ai³tsjen³-li⁴ xi³ t⁷a³ts⁷e⁴
je² cjoa⁴ts⁷en⁴-li⁴. T⁷e²ts⁷oa³-lai⁴ Ni³na¹ tsa² coan⁴-sa³ nca³
si⁴2cha³t⁷a³-li² je² cjoa⁴fa³?ai³tsjen³-le⁴ ni⁴ma⁴-li⁴. ²³ ?ve³
nca³ je² xi³ sja³ ti¹jna³j³in³-li², c⁷oa⁴ ti³jna³j³in³ cjoa⁴?ain³
xi³ to⁴t⁷a³ts⁷e⁴ cjoa⁴ts⁷en⁴-li⁴. ²⁴ C⁷ia⁴ Simón c⁷oa⁴qui³tso²:
T⁷ian⁴-nao¹³ cjoa⁴nta³, t⁷e²ts⁷oa³lao⁴³ je² Nai³-na¹ xi³
t⁷a³ts⁷an⁴, jme¹-ni³ nca³ ni⁴jnc³-jin² cjoa⁴ xi³ ti³?mi²-
nao¹³ve⁴ n?choa³ne²-si¹ni³na³. ²⁵ C⁷ia⁴ nca³ je² pa²stro⁴
je³qui³tsjoa³ en¹-le⁴, c⁷oa⁴ je³qui³nchja⁴ en¹-le⁴ Ni³na¹,
c⁷ia⁴ qui³-nca¹ni³ ya⁴ Jerusalén. Cjai¹nca³ ncjin² ?nte³-le⁴
cho⁴ta⁴ samaritanos jña³ qui³nchja⁴ya³ je² en¹nta³ xi³
t⁷a³ts⁷e⁴ Cristo.

Felipe cao⁴ cho⁴ta⁴ Etiope

²⁶ To⁴nca³ jnc³ a²ncje⁴-le⁴ Nai³na¹ c⁷oi⁴qui³tso²-
le⁴ Felipe: Ti⁴so¹tjain⁴, t⁷in³ jña³ nca³ nca³qui²xi⁴-
le⁴ son³?nte³, je² ntia⁴² xi³ fi²jen³-ni³ Jerusalén, xi³

fi³cho¹-ni³ Gaza jña³ nca³ ʔnte³t⁷a³xin²t⁷a³. 27 C⁷ia⁴ Felipe ji³so²tjen⁴, qui³. Coe⁴-ni³ jnco³ cho⁴ta⁴ etíope xi³ cho⁴ta⁴nti⁴, c⁷oa⁴ xi³ gobernador xi³ ts⁷e⁴ Candace je² reina-le⁴ cho⁴ta⁴ etíopes. Je² cho⁴ta⁴-ve⁴ v⁷e²jna³nta³ nca³yi³je³ cjoa⁴nchi⁴na¹-le⁴. Cho⁴ta⁴ xo⁴cji³-ve⁴ ja³ai³ que³xcon¹ Ni³na¹ ya⁴ Jerusalén. 28 Ji³nčho³-nca¹ni³, ti¹jna³ya³ carro-le⁴. Ti¹v⁷e¹xquia⁴ xon⁴-le⁴ Isaías je² xi³ qui³nchja⁴ya³ t⁷a³ts⁷e⁴ Ni³na¹. 29 Je² Espíritu Santo c⁷oa⁴qui³tso²-le⁴ Felipe: Ña³tjen⁴ t⁷in³coai⁴ je² carro-ve⁴. 30 Felipe qui³to²ca³con³-le⁴ cho⁴ta⁴-ve⁴. Qui³nčh⁷oe¹-le⁴ nca³ ti¹v⁷e¹xquia⁴ xon⁴-le⁴ Isaías. C⁷oa⁴qui³tso²-le⁴: A³ ma³cho⁴ya³-li² xi³ ti³v⁷e²xquia⁴. 31 Cho⁴ta⁴-ve⁴ qui³tso²: Jo¹-s⁷in² coan⁴-ni³na³, tsa² tsi² ʔya³ xi³ coi⁴tso⁴ya³-na³. C⁷ia⁴ tsa³c⁷e¹ts⁷oa³-le⁴ Felipe nca³ ca²ta³fi²quin³ya³ carro-le⁴, nca³ ya⁴ ca²ta³v⁷e²jna³t⁷a³-le⁴ nca³ je². 32 Je² xi³ tji¹t⁷a³ xon⁴ Escritura xi³ ti¹v⁷e¹xquia⁴, je² je²-vi⁴: Jo³-ni³ tsa² va³rre² xi³ qui³cha³-ni³ nca³ si⁴c⁷en³, c⁷oa⁴ jo³-ni³ tsa² va³rre² ʔnti¹ xi³ tsi²coi³ cji³ntia¹ nca³ ti¹jna³t⁷a³-le⁴ xi³ v⁷e¹jon³-le⁴, c⁷oa⁴-s⁷in² li²coi³ qui³sco³ai² ts⁷oa³ nca³ qui³nchja⁴. 33 C⁷ia⁴ nca³ tsa³cja³a¹ cjoa⁴ñ⁷ain³, a³li²jme³ cao⁴ cjoa⁴qui²xi⁴ xi³ qui³s⁷e³nta³j³in³-ni³le⁴. Je² na⁴xi⁴na³nta¹-le⁴ ʔya¹-ni³ xi³ coan⁴ coa⁴co² jo³ coan³ cjoan³. Ji³tjo³xin²-le⁴ son³nte³-vi⁴ je² cjoa⁴vi³jna³chon³-le⁴. 34 C⁷ia⁴ je² cho⁴ta⁴nti⁴-ve⁴ qui³tso²-le⁴ Felipe: Tjin¹-li² cjoa⁴nta³, ʔya¹ ni¹³ xo⁴ tso²-le⁴ je²-vi⁴ nca³ c⁷oa⁴qui³tso² je² xi³ qui³nchja⁴ya³ t⁷a³ts⁷e⁴ Ni³na¹. A³ je² xo⁴ tso²-le⁴ yao³-le⁴, a³xo⁴ cja⁴ai¹ ni¹. 35 C⁷ia⁴ Felipe tsa³c⁷e¹ts⁷ia⁴ nca³ qui³nchja⁴. Tsa³c⁷e¹ts⁷ia⁴cao⁴ sa³nta³ je² xon⁴ escritura-vi⁴, c⁷oa⁴qui³tso²-le⁴ je² en¹nta³ xi³ t⁷a³ts⁷e⁴ Jesús. 36 C⁷ia⁴ nca³ tjio¹fi² ya⁴³ ntia⁴², ji³cho² jña³ tjin¹ na³nta¹. C⁷oa⁴qui³tso² je² cho⁴ta⁴nti⁴-vi⁴: Tjin¹ na³nta¹ i⁴-vi⁴. A¹-ni³ nca³ tsi² coan⁴-ni³ nca³ sa³te¹nta¹ an³-vi⁴. 37 Je² Felipe c⁷oa⁴qui³tso²: Tsa² cao⁴ nca³yi³je³

ni⁴ma⁴-li⁴ ma³cjain¹-li², coan⁴-jin²⁷ni³. Cho⁴ta⁴⁷nti⁴-ve⁴ c²oa⁴qui³tso²: Ma³cjain¹-na³ nca³ Jesucristo je² ni¹ ?nti¹-le⁴ Ni³na¹. ³⁸ Tsa³ca³te¹xo³ma³ nca³ qui³si³ca³sen¹jna³ je² carro-le⁴. Ji³tjo³jen³jin³ na³nta¹ nca³ jao², Felipe cao⁴ cho⁴ta⁴⁷nti⁴-ve⁴. Felipe tsa³ca³te¹nta¹ cho⁴ta⁴⁷nti⁴-ve⁴. ³⁹ C⁷ia⁴ nca³ ji³tjo³jin³-ni³ na³nta¹, je² Espiritu-le⁴ Nai³-na¹ tsa³cja³²a¹xin² Felipe. Je² cho⁴ta⁴⁷nti⁴-ve⁴ li²coi³ ti⁴tsa³ve³-ni³ Felipe. Tsjoa³ tj¹con³ nca³ qui³ ntia⁴²-le⁴. ⁴⁰ To⁴nca³ je² Felipe ya⁴ ti¹jna³ ya⁴ Azoto. C⁷ia⁴ nca³ ts⁷a³mjen³ ya⁴³ ntia⁴² qui³tso²ya³ je² en¹nta³ xi³ t⁷a³ts⁷e⁴ Cristo nca³qui³jnta² na⁴xi⁴na³nta¹, sa³⁷nta³ nca³ ji³cho² ya⁴ Cesarea.

9

*Saulo qui³si³c²a³ntjai²ya³ cjoa⁴fa³⁷ai³tsjen³-le⁴
(Hechos 22:6-16; 26:12-18)*

¹ Saulo to⁴jo³ c²oa⁴tso²-sa³ nca³ si⁴²c²en³ cho⁴ta⁴-le⁴ Nai³-na¹. Ji³cho²nčh⁷oe² je² na⁴⁷mi³ti¹tjon². ² Qui³si³je¹-le⁴ xon⁴nca³n⁷ion¹-le⁴ xi³ c²oa⁴-le⁴ je² nt⁷ia³ sinagogas ya⁴ Damasco, jme¹-ni³ nca³ cjoa⁴⁷ai¹cao⁴-ni³ presos ya⁴ Jerusalén, tsa² nka³ sa⁴co²sja³-le⁴ cho⁴ta^{4x}in⁴ a³xo⁴ ya¹nchjin¹ xi³ c²oa⁴-s⁷in² ma³cjain¹-le⁴. ³ C⁷ia⁴ nca³ ti¹fi² ja⁴ya³ ntia⁴², c⁷ia⁴ nca³ ji³cho² čhian³ Damasco, to⁴ña³cjoan¹ ja³⁷a³ nca³ coan³⁷i³sen³ntai³-le⁴ jnco³ l⁷i¹ xi³ nc⁷a³jmi³ ji³nčhoa³-ni³. ⁴ Saulo qui³sca^{3t}a³ na³nqui³, qui³nčh⁷oe¹-le⁴ jnco³ xi³ qui³nchja⁴: Saulo, Saulo, a¹-ni³ nca³ an³ ?mi³tjen⁴nqui³ co²ntran⁴-si¹ni³nai¹³. ⁵ C⁷ia⁴ Saulo qui³tso²: ?ya¹-ni³ ji³, Señor. C⁷ia⁴ je² qui³tso²: An³ nia¹³ Jesús xi³ ti³⁷mi³tjen⁴nqui³ co²ntran⁴-nai¹³. To⁴si⁴qui²⁷oain³ yao³-li⁴, tsa² coi⁴njon¹-lai⁴ ya¹ xi³ yao³xcon¹ cji³. ⁶ C⁷ia⁴ Saulo ja³ts³e³, cjai¹nca³ to⁴qui³tso³cjon¹, c²oa⁴qui³tso²: Señor, jme¹-ni³ xi³ me³-li² nca³ s⁷ian³ an³. Je² Nai³-na¹ c²oa⁴qui³tso²-le⁴: Ti⁴so⁴tjain⁴,

ti⁴tja¹s⁷ain³ na⁴xi⁴na³nta¹-vi⁴. Ya⁴ c⁷oa⁴c⁷oin¹-li² jña³-le⁴ xi³ ma³chjen¹-li² nca³ c⁷oa⁴s⁷iain⁴. ⁷ Je² cho⁴ta⁴x⁷in⁴ xi³ tjen⁴cao⁴ Saulo tsa³qui³ncha³jyo¹-ni¹, to⁴coan³xcon¹-le⁴. Qui³nch⁷oe¹ jta⁴-le⁴ xi³ ti¹nchja⁴, to⁴nca³ li²ya³ xi³ tsa³ve³. ⁸ C⁷ia⁴ Saulo ji³so²tjen⁴t⁴a³-ni³ na³nqui³. Qui³sco³ai² xcon⁴, a³li²coi³ ti⁴coan³tsen³-ni³le⁴. Cho⁴ta⁴ to⁴qui³tsoa³ ntsja³ nca³ qui³s⁷en³cao⁴ ya⁴ Damasco. ⁹ Jan² ni⁴chjin³ ya⁴ tsa³c⁷e²jna³ nca³ ni⁴i⁴tse¹-jin² tsen³-le⁴. A³li²coi³ tsa³cjen², li²jme³ xi³ tsa³c⁷i³. ¹⁰ Jnco³ cho⁴ta⁴-le⁴ Cristo ti¹jna³ ya⁴ Damasco xi³ Ananías ⁷mi². Je² Nai³-na¹ c⁷oa⁴qui³tso²-le⁴ ya⁴ya³ ni³jña¹-le⁴: Ananías. C⁷oa⁴ je²-⁷ni³ c⁷ia⁴ qui³nchja⁴: I⁴ ti²jna⁴-vi⁴, Señor. ¹¹ Je² Nai³-na¹ c⁷oa⁴qui³tso²-le⁴: Ti⁴so¹tjain⁴, t⁷in³nchoi²³ calle jan¹ jña³ nca³ qui²xi⁴ ⁷mi². Chjo¹na³nqui³ ya⁴³ nt⁷ia³-le⁴ Judas jnco³ xi³ Saulo ⁷mi². Tarso ts⁷e⁴. Coe⁴-ni³ ti¹v⁷e¹ts⁷oa³. ¹² Je³tsa³ve³ ya⁴ya³ ni³jña¹-le⁴ jnco³ cho⁴ta⁴x⁷in⁴ xi³ Ananías ⁷mi², xi³ cjoa⁴ai¹con³-le⁴, coa⁴²jna³son²-le⁴ ntsja³, jme¹-ni³ nca³ nqui²jnco³c⁷a² coan⁴tsen³-si¹ni³le⁴. ¹³ C⁷ia⁴ qui³nchja⁴ je² Ananías: Señor, cjai¹nca³ to⁴ncjin² cho⁴ta⁴ xi³ qui³nch⁷oe³-le⁴ xi³ t⁷a³ts⁷e⁴ je² cho⁴ta⁴-ve⁴, jo³ nca³ ch⁷ao³ qui³si³cao⁴ cho⁴ta⁴-li⁴ ya⁴ Jerusalén. ¹⁴ Sa³nta³ i⁴-vi⁴ y⁷a³-sa³ cjoa⁴te¹xo³ma³ xi³ t⁷a³ts⁷e⁴ cho⁴ta⁴ti¹tjon²-le⁴ na⁴mi³ nca³ tsoa³ nca³ts⁷i³ xi³ jan³ain¹-li⁴ nchja⁴. ¹⁵ C⁷ia⁴ je² Nai³-na¹ c⁷oa⁴qui³tso²-le⁴ Ananías: T⁷in³. Je² cho⁴ta⁴-vi⁴ tsa³cja³a³jian³, nca³ coan⁴chjen¹-na³ jme¹-ni³ nca³ coai⁴cao⁴-ni³ jan³ain¹-na⁴ nqui³xcon⁴ cho⁴ta⁴ xi³ li² judío-jin², cao⁴ cho⁴ta⁴ti¹tjon², cao⁴ xti³-le⁴ Israel. ¹⁶ An³ coa³co³-le⁴ nca³yi³je³ cjoa⁴ñ⁷ain³ xi³ ma³chjen¹ nca³ cjoa⁴a³ntjai² xi³ to⁴t⁷a³ts⁷e⁴ jan³ain¹-na⁴. ¹⁷ C⁷ia⁴ Ananías qui³, ja³a³s⁷en³ ni³ya³. Tsa³ca¹jna³son²-le⁴ ntsja³, c⁷oa⁴qui³tso²: Saulo ⁷nti¹nts⁷e³, je² Nai³-na¹ Jesús xi³ coan³tsen³-li² nca³ ja²ai⁴ ya⁴³ ntia⁴², qui³si³ca³sen¹-na³ jme¹-ni³ nca³ coan⁴tsen³ nqui²jnco³c⁷a²-si¹ni³li²,

c²oa⁴ nca³ tse³ s⁷e⁴jⁱⁿ3-si¹ni³ ni⁴ma⁴-li⁴ Espíritu Santo.
 18 Nti⁴ton⁴ je² xi³ c²oa⁴cjoan³ čhjoa⁴jtse¹ cjoan³ ji³tjo³xin²-
 le⁴ xcon⁴ Saulo. Coan³tsen³-ni³le⁴. C²ia⁴ nca³ ji³so²tjen⁴,
 qui³sa³te¹nta¹. 19 Xi³ je³tsa³cjen² Saulo, qui³s⁷e³-le⁴
 nca³n⁷ion¹.

*Saulo qui³nchja⁴ya³ ya⁴ Damasco To⁴jo³ tjⁱⁿ1 ni⁴čhjin³
 tsa³c²e²jna³cao⁴ je² cho⁴ta⁴-le⁴ Cristo xi³ tjio¹ ya⁴ Damasco.*

20 Nti⁴ton⁴ ya⁴³ nt⁷ia³ sinagogas qui³nchja⁴ya³ Saulo xi³
 t²a³ts⁷e⁴ Cristo. C²oa⁴qui³tso² nca³ je² ni¹ xi³ ⁷nti¹-le⁴
 Ni³na¹. 21 Nca³ts⁷i³ xi³ qui³nč⁷oe¹-le⁴ to⁴coan³xcon¹-le⁴,
 c²oa⁴qui³tso²: A³ tsi² je²-vi⁴ xi³ ya⁴ Jerusalén qui³si³c⁷en³
 je² xi³ qui³nchja⁴ je² jan³⁷ain¹-le⁴ Cristo. Coi³ xa¹ ja³⁷ai³
 i⁴-vi⁴ nca³ coai⁴cao⁴ preso j^ña³ tjio¹ cho⁴ta⁴ti¹tjon²-le⁴
 na⁴⁷mi³. 22 To⁴nca³ Saulo to⁴nqui²sa⁴-sa³ n⁷ion¹ qui³s⁷e³-
 le⁴ nca³n⁷ion¹. Je² cho⁴ta⁴ judíos xi³ tjio¹ ya⁴ Damasco
 qui³tso²-le⁴ nca³ coan³sca¹ya³-le⁴. Ña³qui³ qui³si³qui²xi⁴
 Saulo nca³ Jesús je² Cristo. 23 Xi³ je³ja³⁷a³to³ ncjin²
 ni⁴čhjin³, je² cho⁴ta⁴ judíos tsa³cjao¹ya³-ni³ jo³-s⁷in²
 nca³ si⁴²c⁷en³ Saulo. 24 To⁴nca³ Saulo qui³nč⁷oe¹ jo³-
 s⁷in² nca³ me³-le⁴ si⁴²c⁷en³che¹. Cho⁴ta⁴ judíos ña³qui³
 qui³si³coi²nta⁴ xo⁴ntjoa⁴ nca³ ni⁴čhjin³ nca³ ni⁴tjen⁴, nca³
 me³-le⁴ nca³ si⁴²c⁷en³. 25 C²ia⁴ cho⁴ta⁴-le⁴ Cristo qui³scoe¹
 Saulo nca³ njion². Qui³si³c⁷e¹jna³ya³ jnco³ ni⁴sin⁴ya¹ nc²a³.
 Qui³sca³ni¹jen³jtjon³ xjao¹ xi³ tji¹ntai³.

Jerusalén ti¹jna³ Saulo

26 Xi³ je³ja³⁷ai³ ya⁴ Jerusalén, me³-le⁴ nca³ coan⁴ña³t⁷a³-
 le⁴ cho⁴ta⁴-le⁴ Cristo. To⁴nca³ nca³ts⁷i³ qui³tso³cjon¹-le⁴
 Saulo. A³li²coi³ coan³cjain¹-le⁴ tsa² c²oa⁴-ti⁴ cho⁴ta⁴-
 le⁴ Cristo nca³ je². 27 C²ia⁴ Bernabé qui³scoe¹ Saulo.
 Ja³⁷ai³cao⁴-le⁴ pa²stro⁴. Tsa³c⁷e¹-le⁴ na⁴jmi¹ jo³-s⁷in²
 nca³ tsa³ve³ Nai³-na¹ ya⁴ya³ ntia⁴², c²oa⁴ jo³-s⁷in²
 nca³ je² Nai³-na¹ tsa³cja¹cao⁴, c²oa⁴ jo³-s⁷in² nca³

to⁴nta³ coan³ⁿ?ion¹con³ nca³ qui³nchja⁴ya³ xi³ t⁷a³ts⁷e⁴ jan³⁷ain¹-le⁴ Jesús ya⁴ Damasco. ²⁸ C⁷oa⁴-s⁷in² Saulo tsa^{3c}?e²jna^{3jin}³-le⁴ pa²stro⁴ ya⁴ Jerusalén. ²⁹ Cjai¹nca³ to⁴nta³ coan³ⁿ?ion¹con³ nca³ qui³nchja⁴ya³ xi³ t⁷a³ts⁷e⁴ jan³⁷ain¹-le⁴ Nai³-na¹. Tsa³cjao¹ya³-ni³ cao⁴ cho⁴ta⁴ griegos. To⁴nca³ je²-vi⁴⁷ni³ coan³me³-le⁴ nca³ si⁴²c⁷en³. ³⁰ C⁷ia⁴ nca³ cho⁴ta⁴nts⁷e⁴ tsa³ve³, ña³tjen⁴ qui³cao⁴ Saulo ya⁴⁷nta³ Cesarea. Ya⁴ qui³si³ca³sen¹ ya⁴ Tarso. ³¹ Nca³qui³jnta² Judea cao⁴ Galilea cao⁴ Samaria ña³qui³nch⁷an¹ tjio¹ na⁴xi⁴na³nta¹-le⁴ Cristo. Li²jme² cjoa⁴si³ xi³ tjin¹-le⁴. Qui³s⁷e³-sa³le⁴ nca³ⁿ?ion¹ nca³ c⁷oa⁴-s⁷in² tjio¹ma³, nca³ qui³tsa³cjon³que³ Nai³-na¹. Je² Espíritu Santo tsa³ca³sen²cao⁴, c⁷oa⁴-s⁷in² coan³ncjin²ya³.

Coan³nta³ Eneas

³² C⁷oa⁴coan³ nca³ Pedro tsa^{3c}?a³mjen³son² nca³ts⁷i³ cho⁴ta⁴-le⁴ Cristo. C⁷oa⁴-ti⁴ ja³⁷ai³con²-le⁴ je² cho⁴ta⁴-le⁴ Cristo xi³ tjio¹ ya⁴ Lida. ³³ Ya⁴ qui³sa³te³cjao³ jnco³ xi³ Eneas ?mi². Coan³ jin³ no¹ nca³ ti¹qui³jna³, nca³ tsi² ti⁴ma³ si¹tin²ya³-ni³ yao³-le⁴. ³⁴ Pedro c⁷oi⁴qui³tso²-le⁴: Eneas, Jesucristo si⁴²nta³-li². Ti⁴so¹tjain⁴, tja³xco¹yai³ ni³jña³-li⁴. Ji³so²tjen⁴ nti⁴ton⁴. ³⁵ Tsa³ve³ nca³ts⁷i³ cho⁴ta⁴ xi³ tjio¹ ya⁴ Lida cao⁴ ya⁴ Sarón. Qui³t⁷a³-le⁴ Nai³-na¹.

Qui³s⁷e³-nca¹ni³le⁴ cjoa⁴vi³jna³chon³ Dorcas

³⁶ Ya⁴ Jope ti¹jna³ jnco³ chjon⁴² xi³ c⁷oa⁴-ti⁴ cho⁴ta⁴-le⁴ Cristo. Tabita ?mi², xi³ tso²-ni³ Dorcas. A³li² to⁴c⁷oa⁴cji³ nta³ chjon⁴² je²-vi⁴. Cjai¹nca³ nta³ tjin¹ xa¹-le⁴, c⁷oa⁴ tse³ limosna xi³ tsjoa¹. ³⁷ C⁷oa⁴coan³ je² ni⁴chjin³-ve⁴ nca³ coan³⁷aon³-le⁴. C⁷oa⁴ c⁷en³. C⁷ia⁴ nca³ je³qui³si³ca³nco¹ya³, qui³si³ca¹jna³ yao³-le⁴ ya⁴ cuarto jña³ nc⁷a³. ³⁸ Je² na⁴xi⁴na³nta¹ xi³ Lida ?mi² ti¹jna³chian³-le⁴ Jope. Je² cho⁴ta⁴-le⁴ Cristo qui³nch⁷oe¹ nca³ Pedro ya⁴ ti¹jna³. Jao² cho⁴ta⁴x⁷in⁴

qui³sca³niln¹nč⁷oe², tsa³c⁷e¹ts⁷oa³-le⁴: A³li² ni²tse³ya²-jin²³, nti⁴ton⁴ nč⁷oa¹chon³-ni³na³jin⁴. ³⁹ C⁷ia⁴ Pedro ji³so²tjen⁴, qui³cao⁴ nca³ je². Xi³ je³ji³cho², qui³cao⁴ ya⁴ cuarto jña³ nc⁷a³. Jo³ tsa³qui³ncha³t⁷a³-le⁴ ya¹nchjin¹ xi³ je³c⁷en³ x⁷in⁴-le⁴. Tjio¹cji³?ntia¹, tjio¹va³co¹-le⁴ na³jñ³ch⁷o¹tji³ xi³ Dorcas qui³si³nta³ c⁷ia⁴ nca³ ti¹jna³cao⁴-sa³. ⁴⁰ C⁷ia⁴ Pedro qui³ts⁷aon³sje³ nti³tsin³ nca³ts⁷i³. Tsa³ca³sen²xco¹nch⁷in³, tsa³c⁷e¹ts⁷oa³. Qui³sco⁷tsen³-le⁴ yao³-le⁴ c⁷en³-ve⁴, c⁷oi⁴qui³tso²: Tabita ti⁴so¹tjain⁴. C⁷oa⁴ je²-vi⁴?ni³ qui³sco³?ai²nqui³ xcon⁴. C⁷ia⁴ nca³ tsa³ve³ Pedro, tsa³c⁷e²jna³qui²xi⁴. ⁴¹ Pedro qui³tsjoa³-le⁴ ntsja³, qui³si³qui³so¹tjen⁴. C⁷ia⁴ qui³nchja⁴-le⁴ nca³ts⁷i³ cho⁴ta⁴-le⁴ Cristo cao⁴ je² ya¹nchjin¹ xi³ c⁷en³ x⁷in⁴-le⁴. Tsa³ca³co¹-le⁴ Dorcas nca³ ti¹jna³con³. ⁴² A³li² to⁴c⁷oa⁴cji³ qui³son² je²-vi⁴ nca³qui³jnta² ya⁴ Jope. A³li² to⁴c⁷oa⁴cji³ cho⁴ta⁴ xi³ coan³cjain¹-le⁴ xi³ t⁷a³ts⁷e⁴ Nai³-na¹. ⁴³ C⁷oa⁴coan³ nca³ ncjin² ni⁴čhjin³ tsa³c⁷e²jna³ Pedro ya⁴ Jope, ya⁴³ nt⁷ia³-le⁴ jnc³ Simón chji⁴ne⁴čhjoa⁴.

10

Pedro cao⁴ Cornelio

¹ Ya⁴ Cesarea ti¹jna³ jnc³ cho⁴ta⁴x⁷in⁴ xi³ Cornelio ?mi². Je²-vi⁴ xi³ nca³jco⁴-le⁴ jnc³ ciento so³nta²do⁴ xi³ Italiana ?mi².

² A³li² to⁴c⁷oa⁴cji³ tsa³ve³xcon¹, cao⁴ nca³yi³je³ nt⁷ia³-le⁴ qui³tsa³cjon³que³ Ni³na¹. A³li² to⁴c⁷oa⁴cji³ limosna tsjoa¹-le⁴ cho⁴ta⁴ na⁴xi⁴na³nta¹, c⁷oa⁴ ña³qui³ v⁷e¹ts⁷oa³ntsjai²-le⁴ Ni³na¹. ³ Tjin¹ xi³ tsa³ve³ Cornelio nca³ tsa³c⁷ai²-le⁴ ni³jña¹, jo³-ni³ tsa² las tres nca³ ma³xon². Jnc³ a²ncje⁴-le⁴ Ni³na¹ ji³cho²nč⁷oe², c⁷oa⁴qui³tso²-le⁴: Cornelio. ⁴ C⁷oa⁴ je²-vi⁴ qui³sco³?a², jo³ to⁴qui³tso³cjon¹-ni¹, c⁷oa⁴qui³tso²: Jme¹ ni¹³, Señor. C⁷oi⁴qui³tso²-le⁴: Je² xi³

ti³v⁷e²ts⁷oai³, cao⁴ je² limosna xi³ ti³v⁷ai²³, ji³cho² ca³t⁷a³-le⁴ cjoa⁴fa³⁷ai³tsjen³-le⁴ Ni³na¹. 5 Nt⁷ai⁴-vi⁴ ti⁴ca³sain¹³ x⁷in⁴ ya⁴ Jope. Ca²tji³cja³⁷a¹ jnco³ Simón. Pedro ⁷mi² je² jan³⁷ain¹-le⁴ xi³ ma³jao²-ni³. 6 Pedro ti¹jna³ nt⁷ia³-le⁴ jnco³ Simón chji⁴ne⁴chjoa⁴. Ja⁴ntai³ nta¹chi³con³ qui³jna³ ni³⁷ya³-le⁴. Je² c⁷oa⁴coi⁴tso⁴-li² jña³-le⁴ xi³ ma³chjen¹ nca³ s⁷iain⁴. 7 Qui³ je² a²ncje⁴ xi³ ti¹fa¹cao⁴ Cornelio. C⁷ia⁴ Cornelio qui³nchja⁴-le⁴ jao² cho⁴⁷nta³-le⁴ cao⁴ jnco³ so³nta²do⁴ xi³ ve³xcon¹ Ni³na¹, xi³ ti⁴je²-ni³ so³nta²do⁴-le⁴ xi³ si¹chjen¹ntsja². 8 Xi³ je³tsa³c⁷e¹-le⁴ na⁴jmi¹ nca³yi³je³, qui³si³ca³sen¹ ya⁴ Jope. 9 Xi³ coan³nchaon³-ni³ c⁷ia⁴ nca³ tjio¹fi² ya⁴³ ntia⁴², c⁷ia⁴ nca³ ji³cho²chian³ na⁴xi⁴na³nta¹-ve⁴, jo³-ni³ tsa² nchi³sen³, Pedro qui³tsin³ ya⁴ son²nc⁷a³ ni³⁷ya³ nca³ c⁷oe⁴²ts⁷oa³. 10 A³li² to⁴c⁷oa⁴cji³ coan³vao³-le⁴, coan³me³-le⁴ nca³ tsa³cjen². C⁷ia⁴ nca³ s⁷a⁴ ti¹s⁷e³nta³-le⁴ tso³jmi² xi³ squi⁴ne⁴, tsa³c⁷ai²jnco³-le⁴ ni³jña¹. 11 Tsa³ve³ nc⁷a³jmi³ nca³ ti⁴x⁷a⁴. Ya⁴ ji³nchoa³jen³-ni³ jnco³ tso³jmi², jo³-ni³ tsa² jnco³ na³jño³ xi³ n⁷ion¹ te³, xi³ tjin¹n⁷ion¹tjon² nca³ ño³ xi⁴nqui⁴-le⁴. Ji³nchoa³jen³ t⁷a³na³nqui³. 12 Ya⁴ ja³⁷ai³ya² nca³yi³je³ jco⁴ya³ cho⁴ xi³ ño³ ma³ ntso⁴co⁴ xi³ tjin¹ i⁴ son³⁷nte³-vi⁴, cao⁴ cho⁴ xi³ fi²jve³, cao⁴ ni⁴se³ xi³ fi²tjen⁴nc⁷a¹. 13 Pedro qui³nch⁷oe¹ jnco³ xi³ qui³nchja⁴-le⁴: Ti⁴so¹tjain⁴ Pedro, ti⁴c⁷ain³, chi⁴nai⁴. 14 C⁷ia⁴ c⁷oi⁴qui³tso² Pedro: Ma³jain² Señor. Ni⁴to⁴c⁷ia³-jin²la² qui³squi²ne⁴ tso³jmi² xi³ xcon¹, a³xo⁴ xi³ ch⁷ao³ cjoan³. 15 Nqui²jnco³c⁷a² ti⁴qui³nch⁷oe¹-nca¹ni³ je² jta⁴: Je² xi³ Ni³na¹ qui³si³tsje³, a³li² tso³jmi²xcon¹-jin² ⁷mi²-lai⁴. 16 Jan² c⁷a³ nca³ c⁷oa⁴-s⁷in² coan³. Je² na³jño³ qui³tjoe¹ nqui²ntia³-ni³ ya⁴ nc⁷a³jmi³. 17 Pedro li²coi³ ma³cho⁴ya³-le⁴ jme³ xi³ tso²ya³-ni³ je² ni³jña¹-ve⁴ xi³ ca²v⁷ai²-le⁴. Coe⁴-ni³ ji³cho² je² cho⁴ta⁴ xi³ qui³si³ca³sen¹ Cornelio. Qui³tsi²na³nqui³ ni³⁷ya³-le⁴ Simón. Ja³⁷ai³jcho³ xo⁴ntjoa⁴. 18 C⁷ia⁴ qui³tsi²na³nqui³

tsa² ti¹jna³ ya⁴-ve⁴ jnco³ Simón xi³ tjín¹-le⁴ nqui²jnco³ jan³ain¹ xi³ Pedro [?]mi². ¹⁹ C[?]ia⁴ nca³ ti¹si¹cja³ai³tsjen³ Pedro je² ni³jña¹ xi³ ca²v[?]ai²-le⁴, je² Espíritu c[?]oi⁴qui³tso²-le⁴: Coe⁴-ni³ i⁴ tjio¹-vi⁴ jan² cho⁴ta⁴x[?]in⁴ xi³ va¹sjai³-li². ²⁰ Ti⁴so¹tjain⁴ nt[?]ai⁴, t[?]in³jain⁴, a³li² jao²-jin² v[?]ai²to³coin²³ nca³ c[?]oin¹coai⁴. An³ ca²si³ca³sen¹³ je² cho⁴ta⁴-ve⁴. ²¹ C[?]ia⁴ Pedro qui³jen³con³-le⁴ cho⁴ta⁴ xi³ Cornelio qui³si³ca³sen¹, c[?]oa⁴qui³tso²: An³ nia¹³ xi³ vi³jnchi³sjai³-nao¹³. Jme¹ ni¹³ cjoa⁴ xi³ tjín¹ nca³ ca²n[?]choa³-si¹nio³. ²² Cho⁴ta⁴-ve⁴ qui³tso²: Ni²xa¹-lai⁴jin⁴ Cornelio, je² xi³ nca³jco⁴-le⁴ jnco³ ciento so³nta²do⁴, c[?]oa⁴ cho⁴ta⁴cjoa⁴qui²xi⁴ xi³ ve³xcon¹ Ni³na¹, c[?]oa⁴ xi³ nta³ cho⁴ta⁴ tso²-le⁴ nca³ts[?]i³ na⁴xi⁴na³nta¹ judío. Jnco³ a²ncje⁴-le⁴ Ni³na¹ qui³si³qui³n[?]ch[?]oe¹ nca³ ca²ta³si¹ca³sen¹cja³a¹-li² ni³ya³-le⁴, nca³ ca²ta³n[?]ch[?]oe¹-li² je² en¹ xi³ ti³v[?]ai²³. ²³ C[?]ia⁴ Pedro qui³si³cja³a³s[?]en³ ni³ya³-le⁴ cho⁴ta⁴-ve⁴, c[?]oa⁴ qui³tsjoa³-le⁴ [?]nte³. Xi³ coan³nchaon³-ni³ ji³so²tjen⁴, qui³cao⁴ cho⁴ta⁴-ve⁴. Tjin¹ c[?]a³ cho⁴ta⁴nts[?]e⁴ xi³ tjio¹ ya⁴ Jope xi³ c[?]oa⁴-ti⁴ qui³cao⁴. ²⁴ Xi³ coan³nchaon³-ni³ ja³a³s[?]en³ ya⁴ Cesarea. Cornelio ti¹co³ya³-le⁴. Je³qui³n[?]chja⁴-le⁴ nca³ts[?]i³ xi¹ncjin¹ cao⁴ mi²yo⁴-le⁴ xi³ nqui²sa⁴ nta³ fao¹. ²⁵ C[?]ia⁴ nca³ ja³a³s[?]en³ Pedro, ji³tjo³cja³a¹ Cornelio. Tsa³ca³sen²xco¹n[?]ch[?]in³t[?]a³-le⁴, tsa³ve³xcon¹ Pedro. ²⁶ To⁴nca³ Pedro qui³si³qui³so¹tjen⁴, c[?]oa⁴qui³tso²: Ti⁴so¹tjain⁴. C[?]oa⁴-ti⁴ an³-je⁴ cho⁴ta⁴ nia¹³. ²⁷ Pedro tsa³cja¹cao⁴, c[?]oa⁴ ja³a³s[?]en³. N[?]ion¹ ncjin² cho⁴ta⁴ qui³sa³co³-le⁴ xi³ coan³xco¹. ²⁸ C[?]oi⁴qui³tso²-le⁴: [?]ya³-nio¹³ nca³ jon²-vi⁴ nca³ tsi² tsa² tjo³nte³ nca³ jnco³ cho⁴ta⁴ judío si¹jnco³ yao³-le⁴, a³xo⁴ fi²con³-le⁴ cho⁴ta⁴ xi³ li² judío-jin². To⁴nca³ Ni³na¹ qui³tso²ya³-na³ nca³ ni⁴jnco³-jin² cho⁴ta⁴ xi³ xcon¹, a³xo⁴ xi³ ch[?]ao³ cjoan³ xin¹-le⁴. ²⁹ Coi³ cjoa⁴ c[?]ia⁴ nca³ qui³no²cjoa⁴-nai¹³, ja²ai⁴ nti⁴toan⁴. C[?]oa⁴-s[?]in² nt[?]ai⁴ cjo³na³nquia³, a¹-ni³ nca³ an³

qui³no²cjoa⁴-si¹ni³nao¹³. ³⁰ C⁷ia⁴ Cornelio c⁷oa⁴qui³tso²: Coan³ño³-na³ ni⁴χjin³ nca³ ti²jna⁴nchjan³ coi³-la⁴ hora-vi⁴. Las tres nca³ ma³xon², ti²v⁷e³ts⁷oa²³ i⁴ ni³ya³-na⁴. Coe⁴-ni³ jnc³ cho⁴ta⁴ tsa³ca³sen² nqui³xcoan³. Fa³te³ cji³ na³jño³-le⁴. ³¹ C⁷oa⁴qui³tso²: Cornelio, je² xi³ ti³v⁷e²ts⁷oai³, qui³no²ya²-li², c⁷oa⁴ je² limosna xi³ ti³v⁷ai²³, ji³cho² ca³t⁷a³-le⁴ cjoa⁴fa³ai³tsjen³-le⁴ Ni³na¹. ³² Ti⁴ca³sain¹³ cho⁴ta⁴ ya⁴ Jope, ca²tji³cja³a¹ jnc³ Simón. Pedro ⁷mi² je² jan³ain¹-le⁴ xi³ ma³jao²-ni³. Ti¹jna³ nt⁷ia³-le⁴ jnc³ Simón chji⁴ne⁴χjjoa⁴. Ja⁴ntai³ nta¹chi³con³ qui³jna³ ni³ya³-le⁴. C⁷ia⁴ nca³ cjoa⁴ai¹, cjoa¹cao⁴-li². ³³ C⁷oa⁴-s⁷in² nti⁴ton⁴ qui³si³ca³sen¹-le²³. C⁷oa⁴ ji³-ni³, cjai¹nca³ nta³ ca²n⁷iain²³ nca³ ca²nchoai¹³. Nt⁷ai⁴-vi⁴ntai⁴ nca³ts⁷i³-jin⁴ i⁴ ti³yoi³⁴-jin⁴ nqui³xcon⁴ Ni³na¹, nca³ coi⁴no²ya²⁴-jin⁴ nca³yi³je³ xi³ c⁷oa⁴qui³tso²-li² Ni³na¹. ³⁴ C⁷ia⁴ Pedro tsa³c⁷e¹ts⁷ia⁴ nca³ qui³nchja⁴: Cjoa⁴qui²xi⁴ ni¹, ti²ve³-nia¹³ nca³ Ni³na¹ to⁴nc¹son² fi²cao⁴ nca³ts⁷i³. ³⁵ To⁴jña³-ni³ son³nte³, je² xi³ tso³cjon¹que³ Ni³na¹, xi³ s⁷in¹ xi³ cjoa⁴qui²xi⁴, Ni³na¹ tjao²que³-ni¹. ³⁶ Jon² ya³-nio¹³ je² en¹ xi³ Ni³na¹ qui³si³ca³sen¹-le⁴ xti³-le⁴ Israel. Qui³nchja⁴ya³ je² en¹nta³ xi³ tso² nca³ Cristo si¹qui³njen³nch⁷an¹ ni⁴ma⁴-na¹. Je²-vi⁴ Nai³-le⁴ nca³ts⁷i³. ³⁷ Jon² ya³-nio¹³ je² en¹ xi³ qui³son² nca³qui³jnta² Judea. Qui³ts⁷ia³-ni³ Galilea coan³scan³-ni³ nca³ Juan qui³nchja⁴ya³ je² cjoa⁴sa³te¹nta¹. ³⁸ Jon² ya³-nio¹³ je² en¹ xi³ t⁷a³ts⁷e⁴ Jesús xi³ Nazaret ts⁷e⁴, jo³-s⁷in² nca³ Ni³na¹ qui³tsjao³-le⁴ xa¹ cao⁴ Espíritu Santo cao⁴ nca³n⁷ion¹. Je² Jesús xi³ tsa³c⁷a³mjen³ nca³ to⁴cjoa⁴nta³ qui³s⁷in³, c⁷oa⁴ qui³si³nta³ nca³ts⁷i³ xi³ je² nai⁴² qui³si³cja³a¹ cjoa⁴ñ⁷ain³, nca⁴ Ni³na¹ ti¹jna³cao⁴ Jesús. ³⁹ Jin⁴-jin⁴ testigo ni¹⁴-jin⁴ nca³yi³je³ jme³-ve⁴ cjoa⁴ xi³ c⁷oa⁴qui³s⁷in³ i⁴ na³nqui³ Judea cao⁴ Jerusalén. Je² xi³ cho⁴ta⁴ Judea qui³si³c⁷en³ nca³ tsa³c⁷e¹tjen⁴ v⁷a³nqui³t⁷a³ jnc³ ya¹. ⁴⁰ Je²-vi⁴ xi³ Ni³na¹

qui³sco²mi³tjen⁴ nca³ coan³jan²-ni³ ni⁴χhjin³, c⁷oa⁴ xi³ qui³si³c⁷a³tsen³. ⁴¹ A³li²coi³ qui³si³c⁷a³tsen³-le⁴ nca³ts⁷i³ cho⁴ta⁴ na⁴xi⁴na³nta¹, to⁴jjin⁴ qui³si³c⁷a³tsen³-na³jjin⁴ xi³ testigo tsa³qui³ncha¹-na³jjin⁴ nca³s⁷a⁴, jin⁴-jin⁴ xi³ tsa³qui³chi³coai⁴-jin⁴, xi³ qui³yo²coai⁴-jin⁴, coan³scan³-ni³ nca³ je³ja³a³ya²jjin³-ni³le⁴ c⁷en³. ⁴² Tsa³ca³te¹xo³ma³-na³jjin⁴ nca³ coi⁴no²cjoa⁴ya³-lai⁴jjin⁴ cho⁴ta⁴ na⁴xi⁴na³nta¹, c⁷oa⁴ nca³ c⁷oi⁴-jin⁴ en¹-na⁴jjin⁴ nca³ je² ni¹ xi³ Ni³na¹ tsa³ca³sen¹ jo³-ni³ tsa² Juez xi³ v⁷e¹nta³-jin³ cjoa⁴-le⁴ cho⁴ta⁴ xi³ tjio¹con³ cao⁴ xi³ c⁷en³. ⁴³ Nca³ts⁷i³ xi³ qui³nchja⁴ya³ tsjoa¹ en¹ xi³ t⁷a³ts⁷e⁴, nca³ nca³ts⁷i³ xi³ coan⁴cjain¹-le⁴ xi³ t⁷a³ts⁷e⁴ Jesús cha⁴t⁷a³-le⁴ je¹-le⁴ xi³ to⁴t⁷a³ts⁷e⁴ Jesús. ⁴⁴ To⁴jo³ ti¹nchja⁴-sa³ Pedro je² en¹ xo⁴ tso²-ve⁴, c⁷ia⁴ nca³ je² Espíritu Santo ja³a³s⁷en³jjin³ ni⁴ma⁴-le⁴ nca³ts⁷i³ xi³ tjio¹nch⁷oe¹ en¹-vi⁴. ⁴⁵ Je² cho⁴ta⁴ xi³ tjen⁴cao⁴ Pedro, xi³ coan³cjain¹-le⁴, xi³ ti⁴je²-ni³ cho⁴ta⁴-le⁴ cjoa⁴circuncisión coan³xcon¹-le⁴ nca³ je² cjoa⁴tjao² xi³ je² Espíritu Santo c⁷oa⁴-ti⁴ ja³ai³jjin³ ni⁴ma⁴-le⁴ cho⁴ta⁴ xi³ li² judío-jin². ⁴⁶ Qui³nch⁷oe¹-le⁴ nca³ nchja⁴ xi³ cja⁴ai¹ en¹-je⁴, c⁷oa⁴ nca³ cjai¹nca³ nta³ v⁷a³sje³je³ya³ Ni³na¹. ⁴⁷ C⁷ia⁴ qui³nchja⁴ Pedro, a³ tjin¹-ni³ cho⁴ta⁴ xi³ coa⁴te²chjoa² na³nta¹-ve⁴, jme¹-ni³ nca³ tsi² sa⁴te¹nta¹-si¹ni³ je²-vi⁴ xi³ c⁷oa⁴-ti⁴ ca²tjoe¹-le⁴ Espíritu Santo, jo³-s⁷in² nca³ ña¹ qui³tjoe¹-na¹. ⁴⁸ C⁷ia⁴ Pedro tsa³ca³te¹xo³ma³-le⁴ nca³ sa⁴te¹nta¹ cao⁴ jan³ain¹-le⁴ Nai³-na¹ Jesús. Cho⁴ta⁴ tsa³c⁷e¹ts⁷oa³-le⁴ nca³ c⁷oe¹jna³-sa³ nqui² jo³ tjjin¹ ni⁴χhjin³.

11

Pedro v⁷e¹-le⁴ na⁴jmi¹ ya⁴ Jerusalén

¹ Ya⁴ Judea je² pa²stro⁴ cao⁴ nts⁷e⁴ xi³ ma³cjain¹-le⁴ qui³nch⁷oe¹ nca³ c⁷oa⁴-ti⁴ je² cho⁴ta⁴ xi³ li² judío-jin² qui³scoe¹tjao² en¹-le⁴ Ni³na¹. ² C⁷ia⁴ nca³ Pedro qui³mi³ ya⁴

Jerusalén, cho⁴ta⁴-le⁴ cjoa⁴circuncisión tsa³cjao¹ti³ya³-ni³. ³ C⁷oa⁴qui³tso²: A¹-ni³ c⁷oa⁴-s⁷in² ca²⁷mi³s⁷en³-si¹ni³ ni³ya³-le⁴ cho⁴ta⁴ xi³ tsi² cjoa⁴circuncisión coan³-le⁴, c⁷oa⁴ ca²vi³chi³coai⁴. ⁴ C⁷ia⁴ tsa³c⁷e¹ts⁷ia⁴ Pedro, ntia³ntia³ qui³tso²ya³-le⁴ jme³ xi³ coan³: ⁵ C⁷ia⁴ nca³ ti²jna⁴ ya⁴ na⁴xi⁴na³nta¹ Jope nca³ ti²v⁷e³ts⁷oa²³, tsa³c⁷ai²jnc³-na³ ni³jña¹. Tjin¹ xi³ tsa³ve³. Jnc³ tso³jmi² jo³-ni³ tsa² jnc³ na³jño³ xi³ n⁷ion¹ te³, xi³ tjin¹n⁷ion¹tjon² nca³ ño³ xi⁴nqui⁴-le⁴, ji³n⁷choa³jen³-ni³ nc²a³-jmi³. Ja³ai³ ⁷nta³ jña³ ti²jna⁴. ⁶ C⁷ia⁴ nca³ qui³sco²tsen³, tsa³ve³-nia¹³ cho⁴son³⁷nte³ xi³ ño³ ma³ ntso⁴co⁴, cao⁴ cho⁴jña¹, cao⁴ cho⁴ xi³ fi²jve³, cao⁴ ni⁴se³ xi³ fi²tjen⁴nc²a¹. ⁷ Qui³n⁷ch⁷oe³ jnc³ xi³ qui³tso²-na³: Ti⁴so¹tjain⁴ Pedro, ti⁴c⁷ain³, chi⁴nai⁴. ⁸ C⁷oi⁴qui³xian³: Ma³jain² Señor. Ni⁴to⁴c⁷ia³-jin²la² qui³si³cja³⁷a³s⁷en³ ntso⁴⁷va³ tso³jmi² xi³ xcon¹, a³xo⁴ xi³ ch⁷ao³ cjoan³. ⁹ Nqui²jnc³c⁷a² je² jta⁴ qui³n⁷chja⁴-ni³na³ nc²a³jmi³: Je² xi³ Ni³na¹ qui³si³tsje³, a³li² tso³jmi²xcon¹-jin² ⁷mi²-lai⁴. ¹⁰ Jan² c⁷a³ nca³ c⁷oa⁴-s⁷in² coan³. Nca³yi³je³ tso³jmi²-ve⁴ qui³tjoe¹ nqui²ntia³-ni³ ya⁴ nc²a³jmi³. ¹¹ C⁷oa⁴ c⁷ia⁴-⁷ni³ jan² cho⁴ta⁴x⁷in⁴ ja³ai³ ya⁴ ni³ya³ jña³ nca³ ti²jna⁴. Jnc³ cho⁴ta⁴ ya⁴ Cesarea qui³si³ca³sen¹con³-na³. ¹² Je² Espíritu Santo c⁷oa⁴qui³tso²-na³ nca³ ya⁴ cjo¹coa⁴, nca³ tsi² tsa² jao² c⁷oe³coan³. C⁷oa⁴-ti⁴ qui³cao⁴-na³ je² jaon³ nts⁷e⁴. Ji³tja³s⁷ain³-jin⁴ ni³ya³-le⁴ je² cho⁴ta⁴x⁷in⁴-ve⁴. ¹³ Je² cho⁴ta⁴x⁷in⁴-ve⁴ tsa³c⁷e¹-na³jin⁴ na⁴jmi¹ nca³ tsa³ve³ jnc³ a²ncje⁴ xi³ tsa³ca³sen²jna³ ya⁴³ ni³ya³-le⁴, c⁷oa⁴qui³tso²-le⁴: Ti⁴ca³sain¹³ x⁷in⁴ ya⁴ Jope. Ca²tji³cja³⁷a¹ jnc³ Simón. Pedro ⁷mi² je² jan³⁷ain¹-le⁴ xi³ ma³jao²-ni³. ¹⁴ Je² xi³ c⁷oa⁴coi⁴tso⁴-li² en¹ jo³-s⁷in² nca³ coi²tjo⁴ntjai² cao⁴ nca³ts⁷i³ xi³ ts⁷e⁴ nt⁷ia³-li⁴. ¹⁵ C⁷ia⁴ nca³ an³ tsa³c⁷e³ts⁷ia⁴ nca³ qui³n⁷chja²³, je² Espíritu Santo ja³⁷ai³jin³ ni⁴ma⁴-le⁴ nca³ je², jo³-s⁷in² nca³ ja³⁷ai³jin³ ni⁴ma⁴-na¹ nca³ ña¹

nca³s⁷a⁴. 16 C⁷ia⁴ ja³⁷ai³tsjen³-na³ en¹-le⁴ Nai³-na¹, jo³ qui³tso²: Cjoa⁴qui²xi⁴ Juan tsa³ca³te¹nta¹-ni³ cao⁴ na³nta¹, to⁴nca³ jon² sa⁴te¹nta¹-nio³ cao⁴ Espíritu Santo. 17 C⁷oa⁴-s⁷in²⁷ni³, tsa² Ni³na¹ qui³tsjoa³-le⁴ nca³ je² ti⁴je²-ni³ cjoa⁴tjoa², jo³-s⁷in² qui³tsjoa³-na¹ nca³ ña¹ xi³ coan³cjain¹-na¹ xi³ t⁷a³ts⁷e⁴ Nai³-na¹ Jesucristo, ⁷ya¹-ni³ an³ nca³ coan⁴ coa²te⁴jna³n⁷ion¹-le⁴ Ni³na¹. 18 C⁷ia⁴ nca³ qui³nch⁷oe¹ nca³yi³je³ xo⁴ tso²-ve⁴, tsa³ca³tio²jyo¹. Cjai¹nca³ to⁴je³ya³ ts⁷a³sje³ Ni³na¹. C⁷oa⁴qui³tso²: Cjoa⁴qui²xi⁴-ni³ nca³ Ni³na¹ c⁷oa⁴-ti⁴ qui³tsjoa³-le⁴ cjoa⁴nta³ sa³⁷nta³ cho⁴ta⁴ xi³ li² judío-jin² nca³ si⁴²c⁷a³ntjai²ya³ cjoa⁴fa³⁷ai³tsjen³-le⁴ nca³ s⁷e⁴-le⁴ cjoa⁴vi³jna³chon³ nca³ntsjai².

Bernabé qui³ ya⁴⁷nta³ Antioquía

19 Nca³ts⁷i³ xi³ qui³tsao³va³ xi³ to⁴t⁷a³ts⁷e⁴ je² cjoa⁴ñ⁷ain³ xi³ ja³⁷ai³ c⁷ia⁴ nca³ tsa³c⁷e²jna³ Esteban, tsa³c⁷e²ma³ ya⁴⁷nta³ Fenicia cao⁴ Chipre cao⁴ Antioquía. Qui³nchja⁴ya³ en¹-le⁴ Ni³na¹, to⁴nca³ to⁴je² cho⁴ta⁴ judíos xi³ c⁷oa⁴-s⁷in² qui³tso²-le⁴, ni⁴⁷ya³-jin²sa³ xi³ cja⁴⁷ai¹. 20 Ya⁴ tjio¹j³in³-le⁴ c⁷a³ cho⁴ta⁴ xi³ ts⁷e⁴ Chipre cao⁴ cho⁴ta⁴ xi³ ts⁷e⁴ Cirene. C⁷ia⁴ nca³ ja³⁷a³s⁷en³ ya⁴ Antioquía, je²-vi⁴ tsa³cja¹cao⁴ cho⁴ta⁴ griegos, c⁷oa⁴ qui³nchja⁴ya³ en¹nta³ xi³ t⁷a³ts⁷e⁴ Nai³-na¹ Jesús. 21 Je² Nai³-na¹ qui³tsjoa³nca³n⁷ion¹-le⁴. Ncjin² coan³ xi³ coan³cjain¹-le⁴, c⁷oa⁴ qui³t⁷a³-le⁴ Nai³-na¹. 22 Qui³son² je² cjoa⁴-vi⁴ sa³⁷nta³ je² na⁴xi⁴na³nta¹-le⁴ Cristo xi³ tjio¹ ya⁴ Jerusalén. C⁷ia⁴ qui³si³ca³sen¹ Bernabé nca³ coai⁴ ya⁴⁷nta³ Antioquía. 23 C⁷ia⁴ nca³ Bernabé ji³cho², tsa³ve³ cjoa⁴nta³-le⁴ Ni³na¹, coan³tsjoa³-le⁴. Tsa³c⁷e¹ne² nca³ts⁷i³ nca³ cao⁴ nca³yi³je³ ni⁴ma⁴-le⁴ ca²ta³va³tio²t⁷a³-le⁴ Nai³-na¹. 24 Cjai¹nca³ to⁴nta³ cho⁴ta⁴ Bernabé, cjai¹nca³ to⁴tjin¹j³in³ ni⁴ma⁴-le⁴ je² Espíritu Santo, n⁷ion¹ nta³ ma³cjain¹-le⁴. A³li² to⁴c⁷oa⁴cji³ ncjin² cho⁴ta⁴ xi³ ya⁴ ja³⁷a³s⁷en³t⁷a³-le⁴ je² Nai³-na¹. 25 C⁷ia⁴ qui³ Bernabé ya⁴ Tarso, qui³ ca¹sjai³

Saulo. C⁷ia⁴ nca³ qui³sa³co³sjai³-le⁴, ji³n³choa³cao⁴ ya⁴ Antioquía. ²⁶Jnco³ no¹ ya⁴ coan³ña³t⁷a³-le⁴ na⁴xi⁴na³nta¹-le⁴ Cristo. Ncjin² cho⁴ta⁴ tsa³ca³co¹ya³-le⁴. C⁷oa⁴ cho⁴ta⁴-le⁴ Cristo cristianos tsa³c⁷in² nca³ ti¹tjon² ya⁴ Antioquía. ²⁷C⁷ia⁴ ni⁴čhjin³-ve⁴ ji³tjo³jen³-ni³ Jerusalén cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹. Ja³⁷ai³ ya⁴ Antioquía. ²⁸Jnco³ xi³ Agabo ⁷mi² tsa³qui³so¹tjen⁴jin³. Tsa³ca¹ya³con³ nca³ n⁷ion¹ tse³ cji³n³cha¹ xi³ coan⁴ nca³qui³jnta² son³⁷nte³, nca⁴ je² Espiritu Santo xi³ c⁷oa⁴-s⁷in² qui³tso²-le⁴. C⁷oa⁴coan³ je² ni⁴čhjin³ c⁷ia⁴ nca³ tsa³c⁷e²jna³ jnco³ xi³ tsa³ca³te¹xo³ma³ xi³ Claudio ⁷mi². ²⁹C⁷ia⁴ je² cho⁴ta⁴-le⁴ Cristo qui³si³cja³⁷ai³tsjen³ nca³ tsjoa¹nca³n⁷ion¹-le⁴ jo³-s⁷in² tjin¹-le⁴ nca³ jnco¹jnco¹. C⁷oa⁴-s⁷in² tsa³qui³ncha³cao⁴ nts⁷e⁴ xi³ tjio¹ ya⁴ Judea. ³⁰C⁷oa⁴-ti⁴s⁷in² qui³s⁷in³, qui³si³ca³sen¹-le⁴ cho⁴ta⁴jchi¹nca³. Bernabé cao⁴ Saulo qui³cao⁴.

12

Qui³nto³va² preso Pedro

¹ Ti⁴c⁷ia³-ni³ je² cho⁴ta⁴ti¹tjon² Herodes tsa³ca³te¹xo³ma³ nca³ ch⁷ao³ qui³si³cao⁴ c⁷a³ cho⁴ta⁴ na⁴xi⁴na³nta¹-le⁴ Cristo. ² Cuchillo qui³si³c⁷en³-ni³ Jacobo nts⁷e⁴ Juan. ³ C⁷ia⁴ nca³ qui³sa³sen³c⁷a³-le⁴ cho⁴ta⁴ judío, c⁷oa⁴-ti⁴ coan³me³-le⁴ nca³ qui³tsoa³ Pedro. Coi³ ni⁴čhjin³-ve⁴ c⁷ia⁴ nca³ nio⁴xti²la⁴ xi³ tsin²-le⁴ na⁴⁷yo⁴san³-jin². ⁴ C⁷ia⁴ nca³ qui³nto³va² preso Pedro, Herodes qui³si³cja³⁷a³s⁷en³ nto⁴ya¹. Qui³sca³ni¹t⁷a³-le⁴ čhja³⁷aon²jnco³ so³nta²do⁴ xi³ qui³si³coi²nta⁴. Herodes me³-le⁴ nca³ c⁷oa⁴sje³-le⁴ cho⁴ta⁴ na⁴xi⁴na³nta¹, c⁷ia⁴ nca³ je³ja³⁷a³to³ s⁷oi¹ pa²xco⁴. ⁵ C⁷oa⁴-s⁷in² Pedro tsa³c⁷e²jna³tjao²⁷ya³ ya⁴³ nto⁴ya¹. To⁴nca³ je² na⁴xi⁴na³nta¹-le⁴ Cristo li²coi³ va³tio²jyo¹, to⁴jo³ ña³qui³ n⁷ion¹ tjio¹v⁷e¹ts⁷oa³-le⁴ Ni³na¹ xi³ t⁷a³ts⁷e⁴ Pedro.

Ji³tjo³ntjai² Pedro

⁶ C⁷ia⁴ nca³ me³-le⁴ c⁷oa⁴sje³ Pedro je² Herodes, ti⁴je²-ni³ ni⁴tjen⁴ Pedro ti¹qui³jna³fe²ncho²-le⁴ jao² so³nta²do⁴. Jao² cadena tji¹t⁷a³n⁷ion¹-ni³. Je² xi³ tjio¹ma³ si¹coi²nta⁴ nto⁴ya¹ ya⁴ncha³ jcho³ xo⁴ntjoa⁴-le⁴ nto⁴ya¹. ⁷ To⁴nca³ coe⁴-ni³ je² a²ncje⁴-le⁴ Nai³-na¹ ji³cho². Coan³i³sen³son² ya⁴3 nto⁴ya¹. Je² a²ncje⁴-ve⁴ qui³si³cao⁴ Pedro t⁷a³jni¹-le⁴, qui³si³cja³a¹-le⁴, c⁷oi⁴qui³tso²-le⁴: Xa¹ti¹ ti⁴so¹tjain⁴. C⁷ia⁴ je² cadena xi³ tji¹t⁷a³ ntsja³ Pedro qui³tjo³ca³t⁷a³. ⁸ A²ncje⁴ c⁷oa⁴qui³tso²-le⁴ Pedro: T⁷e²n⁷ioin¹³ n⁷o¹cja¹ntia³-li⁴, tja³yai³ jte¹-li⁴. C⁷oa⁴qui³s⁷in³ Pedro. A²ncje⁴ c⁷oi⁴qui³tso²-le⁴: Ch⁷a⁴cjai¹³ tso⁴nca⁴-li⁴, nchoa¹tjen⁴nqui³-nai¹³. ⁹ C⁷ia⁴ ji³tjo³ Pedro, qui³tjen⁴nqui³-le⁴ a²ncje⁴-ve⁴. Li²coi³ ve³ tsa² cjoa⁴qui²xi⁴ xi³ qui³s⁷in³ je² a²ncje⁴. Qui³si³cja³ai³tsjen³ nca³ to⁴ni³jña¹ xi³ qui³ts⁷ai²-le⁴. ¹⁰ Ja³a³t⁷a³-le⁴ xi³ se¹jna³ti¹tjon², c⁷oa⁴ xi³ ma³jao²-ni³ xi³ tjio¹ma³ si¹coi²nta⁴ nto⁴ya¹. Ji³cho² jña³ nca³ xo⁴ntjoa⁴qui⁴cha⁴, jña³ nca³ vi³tja¹s⁷en³-nia¹ na⁴xi⁴na³nta¹. To⁴qui³tjo³ai² to⁴je². Ji³tjo³, ja³a³ncho² jnco³ calle. C⁷ia⁴ a²ncje⁴-ve⁴ ji³tjo³xin² nti⁴ton⁴-le⁴. ¹¹ C⁷ia⁴ Pedro qui³si³cja³ai³tsjen³nta³, c⁷oi⁴qui³tso²: Nt⁷ai⁴-vi⁴ntai⁴ ña³qui³ ma³cjain¹-na³ nca³ je² Nai³-na¹ ca²si¹ca³sen¹ a²ncje⁴-le⁴, ca²fa³a¹xin²-na³ ja⁴ya³ ntsja³ Herodes cao⁴ nca³ts⁷i³ cho⁴ta⁴ judíos xi³ tjio¹ma³ co³ya³-na³. ¹² C⁷ia⁴ nca³ je³qui³sco³son²-ni³le⁴ je²-vi⁴, Pedro ji³cho² ya⁴ ni³ya³-le⁴ María, na⁴-le⁴ Juan. Je² xi³ Marcos ⁷mi² jan³ain¹-le⁴ xi³ ma³jao²-ni³. Ya⁴ ni³ya³-le⁴ María ncjin² cho⁴ta⁴ tjio¹jin¹, c⁷oa⁴ tjio¹v⁷e¹ts⁷oa³. ¹³ Pedro qui³si³cja³ne³t⁷a³ xo⁴ntjoa⁴ ni³ya³. Ji³tjo³ jnco³ tso²ti³ nca³ cjo¹nch⁷oe¹. Rode ⁷mi² tso²ti³-ve⁴. ¹⁴ C⁷oa⁴ je²-vi⁴ni³ qui³nch⁷oe¹ jta⁴-le⁴ Pedro. Coan³tsjoa³-le⁴ sa³nta³ li²coi³ qui³sco³ai² xo⁴ntjoa⁴. To⁴ja³a³s⁷en³ to³ca³-ni¹ ya⁴ya³ ni³ya³. Tsa³c⁷e¹ na⁴jmi¹ nca³ je² Pedro

ya⁴ seljna³ jcho³ xo⁴ntjoa⁴. ¹⁵ Cho⁴ta⁴-ve⁴ C⁷oa⁴qui³tso²-le⁴: Sca¹-la⁴li². To⁴nca³ tso²ti³ to⁴jo³ c⁷oa⁴-s⁷in² ti¹tso² nca³ ña³qui³ je². C⁷ia⁴ c⁷oa⁴qui³tso² cho⁴ta⁴-ve⁴: Je²-la⁴ a²ncje⁴-le⁴. ¹⁶ C⁷oa⁴ Pedro to⁴jo³ ti¹si¹cja³ne³. C⁷ia⁴ nca³ qui³tjo³ai²-le⁴, tsa³ya³-le⁴ nca³ je². To⁴coan³xcon¹-le⁴ cho⁴ta⁴. ¹⁷ To⁴nca³ Pedro qui³sco²mi³tjen³ ntsja³ nca³ jyo¹ ca²ta³tio². Tsa³c⁷e¹ na⁴jmi¹ jo³-s⁷in² ts²a³sje³-ni³ nto⁴ya¹ Nai³-na¹. C⁷oa⁴qui³tso²: C⁷oa⁴-s⁷in² t²e²-lao⁴³ na⁴jmi¹ Jacobo cao⁴ nca³ts⁷i³ nts⁷e³². C⁷ia⁴ ji³tjo³ qui³ jña³ nca³ xin². ¹⁸ C⁷ia⁴ nca³ qui³s⁷e³sen¹, cjai¹ to⁴qui³s⁷e³-le⁴ cjoa⁴si³ so³nta²do⁴ xi³ t²a³ts⁷e⁴ jo³-s⁷in² ca²ma³-ni³ nca³ ca²vi³tjo³-ni³ Pedro. ¹⁹ C⁷oa⁴ Herodes tsa³ca¹sjai³, to⁴nca³ li²coi³ coan³sjai³-le⁴. Qui³tsi²na³nqui³-le⁴ nca³ts⁷i³ xi³ tjio¹ma³ si¹coi²nta⁴. Tsa³ca³te¹xo³ma³ nca³ coai⁴ ni²c⁷en³. C⁷ia⁴ Herodes qui³jen³-ni³ ya⁴ Judea, ji³cho² ya⁴ Cesarea, ya⁴ tsa³c⁷e²jna³.

Qui³ni²c⁷en³ Herodes

²⁰ Herodes a³li² to⁴c⁷oa⁴cji³ jti³ coan³-le⁴ cao⁴ cho⁴ta⁴ xi³ ts⁷e⁴ Tiro cao⁴ Sidón. To⁴nca³ nca³ts⁷i³ cho⁴ta⁴-ve⁴ to⁴jnc³ ja³ai³con²-le⁴. Tsa³c⁷e¹chji¹ma³ Blasto, je² xi³ qui³si³sin³-le⁴ cho⁴ta⁴ti¹tjon²-ve⁴. C⁷ia⁴ qui³si³je¹ nca³ ca²ta³njen³nch⁷an¹ cjoa⁴si³, nca⁴ je² xi³ qui³squi³ne³ cho⁴ta⁴-ve⁴ ja³ai³-ni³ na³nqui³-le⁴ cho⁴ta⁴ti¹tjon²-ve⁴. ²¹ Jnc³ ni⁴čhjin³ xi³ qui³s⁷e³jna³choa⁴, Herodes tsa³c⁷a³cja¹ na³jño³ xi³ ts⁷e⁴ cho⁴ta⁴ti¹tjon², tsa³c⁷e²jna³ne² ya¹xi²le⁴-le⁴, qui³nchja⁴ya³jini³-le⁴ na⁴xi⁴na³nta¹. ²² N⁷ion¹ qui³squi³ntia¹ cho⁴ta⁴ na⁴xi⁴na³nta¹: Je²-la⁴ve⁴ jta⁴-le⁴ Ni³na¹, a³li² tsa² je² xi³ ts⁷e⁴ cho⁴ta⁴. ²³ Nti⁴ton⁴ a²ncje⁴-le⁴ Nai³-na¹ tsa³c⁷e¹-le⁴ Herodes, to⁴coi³ cjoa⁴ nca³ Herodes li²coi³ qui³tsjjoa³-le⁴ cjoa⁴je³ya³ Ni³na¹. Ya¹ja⁴ qui³s⁷e³-le⁴, c⁷oa⁴-s⁷in² c⁷en³. ²⁴ To⁴nca³ je² en¹-le⁴ Nai³-na¹ a³li² to⁴c⁷oa⁴cji³ qui³son², coan³ncjin²ya³ xi³ coan³cjain¹-le⁴. ²⁵ Bernabé cao⁴ Saulo

ji³n³choa³ nqui²ntia³-ni³ ya⁴ Jerusalén, nca³ je³qui³si³jnc³ xa¹-le⁴. C⁷oa⁴-ti⁴ ji³n³choa³cao⁴ Juan, je² xi³ Marcos ²mi² jan³⁷ain¹-le⁴ xi³ ma³jao²-ni³.

13

Ma³jnc³-ni³ c⁷a³ nca³ qui³ni²ca³sen¹ Bernabé cao⁴ Saulo

¹ Ja⁴jin³-le⁴ na⁴xi⁴na³nta¹-le⁴ Cristo xi³ ma³ña³ ya⁴ Antioquía, tj¹in¹ cho⁴ta⁴ xi³ nchja⁴ya³ cao⁴ xi³ va³co¹ya³: Bernabé, cao⁴ Simón xi³ Niger ²mi², cao⁴ Lucio xi³ ts⁷e⁴ Cirene, cao⁴ Manaén, je²-vi⁴ coan³jcha¹ cao⁴ Herodes je² cho⁴ta⁴ti¹tjon², cao⁴ Saulo.

² Nca³ts⁷i³ cho⁴ta⁴-vi⁴ qui³si³xa¹t⁷a³-le⁴ Nai³-na¹, tsa³ca³tio²nchjan³-ni¹. C⁷ia⁴ qui³tso² Espíritu Santo: Chja⁴⁷a²xin²-nao¹³ Bernabé cao⁴ Saulo xi³ t⁷a³ts⁷e⁴ xa¹ xi³ an³ qui³nchja²³-ni³le⁴. ³ C⁷ia⁴ tsa³ca³tio²nchjan³, c⁷oa⁴ tsa³c⁷e¹ts⁷oa³ cho⁴ta⁴-ve⁴. Tsa³ca¹yo³son² ntsja³ Bernabé cao⁴ Saulo, qui³si³ca³sen¹. ⁴ C⁷oa⁴ je²-vi⁴⁷ni³ qui³ni²ca³sen¹ nca³ je² Espíritu Santo xi³ c⁷oa⁴qui³tso², ji³cho²jen³ ya⁴ Seleucia. Ya⁴ qui³son²nta¹ sa³⁷nta³ ya⁴ Chipre. ⁵ C⁷ia⁴ nca³ ji³cho² ya⁴ Salamina, qui³nchja⁴ya³ en¹-le⁴ Ni³na¹ ya⁴³ nt⁷ia³ sinagoga xi³ ts⁷e⁴ cho⁴ta⁴ judío. C⁷oa⁴-ti⁴ qui³ Juan, tsa³ca³sen¹cao⁴ Bernabé cao⁴ Saulo. ⁶ Qui³ nca³qui³jnta² ⁷nte³ ya⁴ Chipre xi³ isla (jña³ tjio¹-jin³ tse³jti³ na³nqui³ nta¹chi³con³). Ji³cho² sa³⁷nta³ Pafos. Ya⁴ qui³sa³te³jjin³ jnc³ cho⁴ta⁴ xi³ tji³⁷e³ cjoan³, jnc³ cho⁴ta⁴ judío xi³ to⁴⁷en¹nti³so³ nchja⁴ya³. Barjesús ²mi². ⁷ Ya⁴ ti¹jna³cao⁴ je² cho⁴ta⁴ti¹tjon² xi³ ²mi² Sergio Paulo, jnc³ cho⁴ta⁴x⁷in⁴ xi³ cjai¹nca³ nta³ tj¹in¹ cjoa⁴fa³⁷ai³tsjen³-le⁴. Je²-vi⁴ xi³ qui³nchja⁴-le⁴ Bernabé cao⁴ Saulo. Me³-le⁴ nca³ cjo⁴i⁴n³h⁷oe¹ en¹-le⁴ Ni³na¹. ⁸ To⁴nca³ tsa³c⁷e²jna³n⁷ion¹-le⁴ je² Elimas xi³ cho⁴ta⁴chji⁴ne⁴ tso²-ni³. Me³-le⁴ nca³ cjoa⁴⁷a²xin² je² xi³ ti¹fa³⁷a³s⁷en³j³in³ ni⁴ma⁴-le⁴ cho⁴ta⁴ti¹tjon². ⁹ C⁷ia⁴

Saulo, xi³ c⁷oa⁴-ti⁴ Pablo ⁷mi², cjai¹nca³ nta³ qui³s⁷e³j³in³ ni⁴ma⁴-le⁴ je² Espíritu Santo. Qui³sco³⁷a²-ni¹ Elimas. ¹⁰ C⁷oi⁴qui³tso²-le⁴: Ja⁴! A³li² to⁴c⁷oa⁴cji³ cjoa⁴ch⁷a¹na⁴-cha⁴ cjoa⁴taon³ xi³ tj³in¹-li², ji³ xi³ ⁷nti¹-le⁴ nai⁴², co²ntran⁴-le⁴ ji³ nca³yi³je³ xi³ cjoa⁴qui²xi⁴. A³ tsi² tsa² coi⁴jna³jyoi¹³ nca³ c⁷oa⁴-s⁷in² ni²qui³xo¹yai³ je² ntia⁴² xi³ qui²xi⁴ xi³ ts⁷e⁴ Nai³-na¹. ¹¹ Ne³ nt⁷ai⁴-vi⁴ntai⁴, je² ntsja³ Nai³-na¹ co²ntran⁴ coai⁴-li². Coan⁴xcai⁴, li²coi³ jchai⁴ ts⁷oi¹ jo³ tj³in¹ ni⁴chj³in³. Nti⁴ton⁴ coan³njion²xa⁴-le⁴ xcon⁴, c⁷ia⁴ ña³qui³ n⁷ion¹ coan³njion²-le⁴ son³⁷nte³ je² Barjesús. Tsa³c⁷a³mjen³ntai³, tsa³ca¹sjai³ ⁷ya³-ni³ve⁴ xi³ coai⁴cao⁴-ni³ ntsja³. ¹² C⁷ia⁴ nca³ je² cho⁴ta⁴ti¹tjon² tsa³ve³ jme³-ve⁴ xi³ coan³, coan³cjain¹-le⁴. To⁴coan³xcon¹-le⁴ je² cjoa⁴ xi³ tsa³ca³co¹ya³ xi³ ts⁷e⁴ Nai³-na¹.

Pablo qui³nchja⁴ya³ ya⁴ Antioquía

¹³ Pablo cao⁴ mi²yo⁴-le⁴ xi³ tje⁴cao⁴ ji³tjo³-ni³ ya⁴ Pafos. Ja³⁷ai³ ya⁴ Perge xi³ ts⁷e⁴ na³nqui³ Panfilia. C⁷ia⁴ Juan ji³tjo³xin²t⁷a³-le⁴. Qui³ nqui²ntia³-ni³ ya⁴ Jerusalén. ¹⁴ Je² xi³c⁷a³ to⁴ja³⁷a³to³-ni¹ Perge. Ji³cho² ya⁴ Antioquía xi³ ts⁷e⁴ na³nqui³ Pisidia. Jnco³ ni⁴chj³in³ ni²cja¹ya³ ja³⁷a³s⁷en³ ya⁴³ nt⁷ia³ sinagoga. Ya⁴ tsa³ca³tio². ¹⁵ C⁷ia⁴ nca³ je³qui³s⁷e³xquia⁴ je² cjoa⁴te¹xo³ma³ cao⁴ je² xon⁴ xi³ ts⁷e⁴ je² xi³ qui³nchja⁴ya³ t⁷a³ts⁷e⁴ Ni³na¹, je² cho⁴ta⁴ti¹tjon²-le⁴ nt⁷ia³ sinagoga qui³nchja⁴-le⁴ Pablo cao⁴ mi²yo⁴-le⁴, c⁷oa⁴qui³tso²: Nca³ts⁷io³ ⁷nti¹nts⁷e³, tsa² tj³in¹-no³ jme³-ve⁴ en¹ xi³ c⁷oe¹ne²-lao⁴³ na⁴xi⁴na³nta¹, ti⁴no²cjoao⁴³. ¹⁶ C⁷ia⁴ Pablo tsa³ca³sen²nto³, qui³sco²mi³tjen⁴ ntsja³ nca³ jyo¹ ca²ta³tio², c⁷oa⁴qui³tso²: Nca³ts⁷io³ cho⁴ta⁴ israelitas, c⁷oa⁴ jon² xi³ jcon³chao³ Ni³na¹, ti⁴no¹⁷yao²³: ¹⁷ Je² Ni³na¹-le⁴ cho⁴ta⁴ israelitas tsa³cja³⁷a¹j³in³ n⁷ai³jcha¹cj³in³-na¹, qui³si³quin³nc²a³ je² cho⁴ta⁴-ve⁴ c⁷ia⁴ nca³ ji³cho²ca³tio² jo³ tj³in¹ ni⁴chj³in³

ya⁴ na³nqui³ Egipto. To⁴nca³ Ni³na¹ qui³sco²mi³tjen⁴ čhja³-le⁴ nca³ tsa³ca³sen¹cao⁴, ts⁷a³sje³xin²-ni³ [?]nte³-ve⁴ cho⁴ta⁴ israelitas. ¹⁸ Ña³chan²-la⁴ no¹ qui³si³cjain¹ Ni³na¹ jo³-s⁷in² qui³cao⁴ yao³-le⁴ cho⁴ta⁴ israelitas ya⁴ [?]nte³t⁷a³xin²t⁷a³. ¹⁹ Ña³to³ [?]nte³ qui³si³qui³xo²ya³ ya⁴ na³nqui³ Canaán. To⁴qui³si³c⁷a³vi¹ cjoa⁴tjao²-le⁴ cho⁴ta⁴ israelitas je² [?]nte³-ve⁴. ²⁰ Ño³ ciento cao⁴-ni³ ña³chan²te³ no¹ Ni³na¹ qui³tsjoa³-le⁴ cho⁴ta⁴ israelitas xca²le⁴ti¹tjon² xi³ tsa³ca³te¹xo³ma³ sa³⁷nta³ Samuel xi³ qui³nchja⁴ya³ t⁷a³ts⁷e⁴ Ni³na¹. ²¹ C⁷ia⁴ qui³si³je¹ cho⁴ta⁴ti¹tjon². Ni³na¹ qui³tsjoa³-le⁴ jnc³ xi³ Saúl [?]mi², [?]nti¹-le⁴ Cis, jnc³ x⁷in⁴ xi³ ntje⁴-le⁴ Benjamín. Ña³chan² no¹ tsa³ca³te¹xo³ma³. ²² C⁷ia⁴ nca³ je³ji³tjo³xin² je²-vi⁴, c⁷ia⁴ qui³sa³sen³ xa¹ cho⁴ta⁴ti¹tjon² David. Xi³ t⁷a³ts⁷e⁴ David Ni³na¹ qui³tsjoa³ en¹, nca³ c⁷oi⁴qui³tso²: Je³qui³sa³co³-na³ David, [?]nti¹-le⁴ Isaí, jnc³ cho⁴ta⁴x⁷in⁴ xi³ tj¹in¹jnc³-le⁴ con³ ni⁴ma⁴-na⁴, xi³ c⁷oa⁴s⁷in⁴² nca³yi³je³ jo³-s⁷in² me³-na³. ²³ Ya⁴ ntje⁴-le⁴ David ja³⁷ai³-ni³ Jesús xi³ c⁷oa⁴sje³ntjai² cho⁴ta⁴ israelitas, jo³-s⁷in² nca³ Ni³na¹ qui³tsjoa³ ts⁷oa³. ²⁴ To⁴nqui³-ni³ nca³ ja³⁷ai³ Jesús, Juan qui³nchja⁴ya³j³in³-le⁴ nca³ts⁷i³ cho⁴ta⁴ israelitas nca ca²ta³sa³te¹nta¹ je² cho⁴ta⁴ xi³ qui³si³c⁷a³ntjai²ya³ cjoa⁴fa³⁷ai³tsjen³-le⁴. ²⁵ C⁷ia⁴ nca³ Juan ti¹fe³t⁷ain³ xa¹ xi³ tso²⁷va³-ni³, c⁷oa⁴qui³tso²: [?]ya¹ nia¹³ an³, jo¹ vi³xon¹³. A³li² an³-jian²³ xi³ Cristo. To⁴nca³ coe⁴-ni³ jnc³ xi³ nčhoa¹tjen⁴nqui³-na³, sa³⁷nta³ li²coi³ va³quin²-na³ nca³ sco³jnta¹³ čhjoa⁴xin¹jte¹-le⁴. ²⁶ Nca³ts⁷io³ [?]nti¹nts⁷e³, [?]nti¹xti³-le⁴ xi³ ntje⁴-le⁴ Abraham, c⁷oa⁴ jon² xi³ ti³yo³jion³-vi⁴, xi³ jcon³chao³ Ni³na¹, jon² nio¹³ xi³ ja³⁷ai³-no³ je² en¹-vi⁴, jo³-s⁷in² vi²tjo⁴ntje². ²⁷ Nca³ts⁷i³ cao⁴ cho⁴ta⁴ti¹tjon²-le⁴ xi³ tjio¹ ya⁴ Jerusalén, li²coi³ tsa³ve³ Jesús, c⁷oa⁴ li²coi³ qui³nčh⁷oe¹ en¹-le⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹, nta³ tsa² jin³j³in³ ni⁴čhj³in³ nca³ ni⁴čhj³in³ ni²cja¹ya³ s²e³xquia⁴ xon⁴-le⁴.

C⁷oa⁴-s²in² cho⁴ta⁴ ya⁴ Jerusalén qui³si³cji³tjo³son²
 en¹-le⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹ nca³
 qui³si³cja³a¹ cjoa⁴ñ⁷ain³ Jesús. ²⁸ Nta³ tsa² tsi²jme³
 je¹ xi³ coan³sjai³-le⁴ cho⁴ta⁴ xi³ t⁷a³ts⁷e⁴ Jesús, nta³
 tsa² tsi²coi³ va³quin²-le⁴ nca³ c⁷oa⁴-s²in² qui³ni²c⁷en³-
 ni³, cho⁴ta⁴ qui³si³je¹-le⁴ Pilato nca³ si⁴²c⁷en³. ²⁹ C⁷ia⁴
 nca³ je³qui³si³tjo³son² nca³yi³je³ cjoa⁴ xi³ c⁷oa⁴-s²in²
 tji¹t⁷a³ t⁷a³ts⁷e⁴ Jesús, tsa³cja³a¹xin²t⁷a³ cro², c⁷oa⁴ qui³
 ca¹jna³ya³ tsjo¹. ³⁰ To⁴nca³ Ni³na¹ qui³sco²mi³tjen⁴j³-
 ni³le⁴ c⁷en³. ³¹ Ncjin² ni⁴čhjin³ tsa³ya³-ni³le⁴. Je² xi³
 tsa³ve³, je² ni¹ xi³ ji³nčhoa³mi³cao⁴-ni³ Galilea sa³nta³
 Jerusalén. Je² ni¹ xi³ testigo-le⁴ Jesús, c⁷oa⁴ xi³ v⁷e¹-le⁴
 na⁴jmi¹ cho⁴ta⁴ na⁴xi⁴na³nta¹. ³² C⁷oa⁴-ti⁴ jin⁴-jin⁴ c⁷oa⁴-
 s²in² no²cjoa⁴ya³j³-lai²⁴j³ je² en¹nta³ xi³ t⁷a³ts⁷e⁴ je²
 xi³ Ni³na¹ qui³tsjoa³-le⁴ ts⁷oa³ je² n⁷ai³jcha¹cjin³-na¹.
³³ Coi³ xi³ Ni³na¹ ña³qui³ qui³si³qui³tjo³son²-na¹ xi³ xti³-
 le⁴ n⁷ai³jcha¹cjin³-na¹, nca³ qui³si³cja³a¹ya³-ni³le⁴ Jesús,
 jo³-s²in² tji¹t⁷a³ ya⁴ salmo xi³ ma³jao²-ni³: Ji³ ni¹³ n⁷ti¹-na⁴,
 nt⁷ai⁴-vi⁴ ji³ xi³ c⁷oa⁴-s²in² n⁷ti¹-na⁴ xin³-le²³. ³⁴ Ni³na¹
 qui³sco²mi³tjen⁴j³-ni³ xi³ c⁷en³ Jesús, nca³ tsi² c⁷ia³
 cjo¹⁴nto³ yao³-le⁴. C⁷oa⁴qui³tso²: An³ tsjoa³-no³ nca³
 jon² je² cjoa⁴nta³ xi³ ña³qui³ c⁷oa⁴tjin¹ xi³ qui³tsjoa³
 ntso⁴⁷va³ t⁷a³ts⁷e⁴ David. ³⁵ Coi³ nca³ c⁷oa⁴-ti⁴ tso²
 jña³ tji¹t⁷a³-sa³: Li²coi³ c⁷oai⁴⁷nte³-lai⁴ n⁷ti¹-li⁴ xi³ tsje³
 nca³ cjo¹⁴nto³ yao³-le⁴. ³⁶ Cjoa⁴qui³xi⁴, c⁷ia⁴ nca³ David
 je³coan³chjen¹-le⁴ na⁴xi⁴na³nta¹-le⁴ qui³si³tjo³son² jo³-
 s²in² me³-le⁴ Ni³na¹, David qui³s⁷e³fe². Qui³tjoe¹tjao²t⁷a³-
 le⁴ n⁷ai³jchi¹nca³-le⁴, yao³-le⁴ ji³⁷nto³. ³⁷ To⁴nca³
 li²coi³ ji³⁷nto³ yao³-le⁴ je² xi³ Ni³na¹ qui³sco²mi³tjen⁴.
³⁸ Ca²ta³⁷yao³ nca³ts⁷io³ n⁷ti¹nts⁷e³ nca³ to³t⁷a³ts⁷e⁴ Jesús
 c⁷oa⁴-s²in² no²cjoa⁴ya³j³-no³ nca³ cha³t⁷a³-no³ je¹-
 no³. ³⁹ Xi³ to⁴t⁷a³ts⁷e⁴ Jesús nca³ts⁷i³ xi³ ma³cjain¹-le⁴
 fe³t⁷a³-le⁴ je¹-le⁴. Je² cjoa⁴te¹xo³ma³ xi³ tsa³c⁷e¹jna³-no³

Moisés li²coi³ qui³si³cje³t⁷a³-no³ je¹. ⁴⁰ Ti⁴coi²ntao⁴³ yao³-no³ tso²c⁷oa⁴, jme¹-ni³ nca³ tsi² c⁷oa⁴coan³t⁷ain³-si¹nio³ jo³ qui³tso² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹. ⁴¹ Cho¹tson³ jon² xi³ taon³ ⁷yao³, ca²ta³ma³xcon¹-no³, ca²ta³chao³. An³ c⁷oa⁴s⁷ian³ jnco³ xa¹ je² ni⁴čhjin³-no³, jnco³ xa¹ xi³ tsi² coi³ coan⁴cjain¹-no³ tsa² jnco³ xi³ c⁷oe⁴²-no³ na⁴jmi¹. ⁴² C⁷ia⁴ nca³ Pablo cao⁴ mi²yo⁴-le⁴ ji³tjo³-ni³ nt⁷ia³ sinagoga xi³ ts⁷e⁴ cho⁴ta⁴ judíos, cho⁴ta⁴ xi³ li² judío-jin² tsa³c⁷e¹ts⁷oa³-le⁴ nca³ ti⁴ca²ta³tso²ya³-nca¹ni³le⁴ je² en¹ je² ni⁴čhjin³ ni²cja¹ya³ xi³jnco³. ⁴³ C⁷ia⁴ nca³ qui³si³xa³t⁷a³ xi¹ncjin¹ nca³ts⁷i³ xi³ coan³ña³-ve⁴, ncjin² cho⁴ta⁴ judíos cao⁴ cho⁴ta⁴ xi³ qui³t⁷a³-le⁴ cho⁴ta⁴ judíos qui³tjen⁴nqui³-le⁴ Pablo cao⁴ Bernabé. Pablo cao⁴ Bernabé tsa³cja¹cao⁴, n⁷ion¹ tsa³c⁷e¹ne²-le⁴ nca³ ca²ta³v⁷e²jna³jjin³ntsjai² ni⁴ma⁴-le⁴ je² cjoa⁴nta³-le⁴ Ni³na¹. ⁴⁴ C⁷ia⁴ nca³ ni⁴čhjin³ ni²cja¹ya³ xi³jnco³, a³li² to⁴c⁷oa⁴cji³ coan³ña³ cho⁴ta⁴ na⁴xi⁴na³nta¹, nca³ qui³nč⁷oe¹ je² en¹-le⁴ Ni³na¹. ⁴⁵ To⁴nca³ cjai¹nca³ coan³chi⁴ni⁴ cho⁴ta⁴ judíos, c⁷ia⁴ nca³ tsa³ve³ nca³ n⁷ion¹ ncjin² cho⁴ta⁴ coan³ña³. C⁷oa⁴qui³tso² nca³ li²coi³ c⁷oa⁴tjin¹ je² en¹-le⁴ Pablo. Qui³nchja⁴⁷aon³-le⁴. ⁴⁶ C⁷ia⁴ Pablo cao⁴ Bernabé coan³n⁷ion¹con³, c⁷oa⁴qui³tso²: Cjoa⁴qui²xi⁴ coan³chjen¹-cjoa²la² nca³ qui³nchja⁴ya³jjin³-no³ nca³ jon² je² en¹-le⁴ Ni³na¹. To⁴nca³ coi³ nca³ cai³-no³, c⁷oa⁴ ni²cja³⁷ai³tsjaon³ nca³ tsi² coi³ va³quin²-no³ cjoa⁴vi³jna³chon³ nca³ntsjai², coe⁴-ni³, coa⁴nquin¹chon³-lai⁴jjin⁴ cho⁴ta⁴ xi³ li² judío-jin². ⁴⁷ C⁷oa⁴-s⁷in² tsa³ca³te¹xo³ma³-na³jjin⁴ Nai³-na¹, c⁷oa⁴qui³tso²: Ji³ tsa³c⁷e³jna²-le²³ xa¹ nca³ ni⁴⁷i³sen³-lai⁴ cho⁴ta⁴ xi³ li² judío-jin², jme¹-ni³ nca³ c⁷oa⁴-s⁷in² coi⁴tjo³ntjai²-ni³ cho⁴ta⁴ jña³ sa³⁷nta³ fe³⁷t⁷a³-ni³ son³⁷nte³. ⁴⁸ C⁷ia⁴ nca³ je² cho⁴ta⁴ xi³ li² judío-jin² qui³nč⁷oe¹ en¹ xo⁴ tjin¹-vi⁴, a³li² to⁴c⁷oa⁴cji³ coan³tsjoa³-le⁴. Ts⁷a³sje³je³ya³ je² en¹-le⁴ Nai³-na¹. Coan³cjain¹-le⁴ nca³ts⁷i³ xi³

qui³si³ncha³nta³ xi³ t²a³ts⁷e⁴ cjoa⁴vi³jna³chon³ nca³ntsjai².
⁴⁹ C²oa⁴ je² en¹-le⁴ Nai³-na¹ qui³son² nca³qui³jnta² je²
na³nqui³-ve⁴. ⁵⁰ To⁴nca³ cho⁴ta⁴ judíos tsa³qui³ncha¹⁷a³
cho⁴ta⁴ti¹tjon²-le⁴ na⁴xi⁴na³nta¹-ve⁴ cao⁴ ya¹nchjin¹ xi³
n⁷ion¹ fi² yo⁴nco⁴, c²oa⁴ xi³ ya¹nchjin¹-le⁴ cho⁴ta⁴ti¹tjon².
C²oa⁴-s²in² qui³sco²mi³tjen⁴ cjoa⁴si³ nca³ co²ntran⁴ qui³-
le⁴ Pablo cao⁴ Bernabé. Ña³qui³ tsa³cja³⁷a¹xin² ya⁴ nte³-
le⁴. ⁵¹ Pablo cao⁴ Bernabé tsa³c²e¹tsao³jne³ chao³-le⁴
ntso⁴co⁴. C²oa⁴-s²in² qui³tsjoa³ en¹ co²ntran⁴-le⁴ cho⁴ta⁴-
ve⁴. Ja³⁷ai³ ya⁴ Iconio. ⁵² Cho⁴ta⁴-le⁴ Cristo a³li² to⁴c²oa⁴cji³
coan³tsjoa³-le⁴. Cjai¹nca³ nta³ qui³s²e³jjin³ ni⁴ma⁴-le⁴ je²
Espíritu Santo.

14

Pablo cao⁴ Bernabé qui³nchja⁴ya³ ya⁴ Iconio

¹ C²oa⁴coan³ ya⁴ Iconio nca³ Pablo cao⁴ Bernabé
ja³⁷a³s²en³ nt⁷ia³ sinagoga xi³ ts⁷e⁴ cho⁴ta⁴ judíos. A³li²
to⁴c²oa⁴cji³ nta³ qui³nchja⁴, sa³nta³ n⁷ion¹ ncjin² ma³-ni³
cho⁴ta⁴ judíos cao⁴ cho⁴ta⁴ griegos xi³ coan³cjain¹-le⁴.

² To⁴nca³ cho⁴ta⁴ judíos xi³ tsi² tsa² coan³cjain¹-le⁴
tsa³qui³ncha¹⁷a³, c²oa⁴ ch²ao³-s²in² qui³si³c²e¹yo³ ni⁴ma⁴-
le⁴ cho⁴ta⁴ xi³ li² judío-jin² nca³ co²ntran⁴ qui³-le⁴ je²
nts⁷e⁴. ³ Nta³ tsa² c²oa⁴coan³t⁷ain³, tse³ tsa³ca³tio² ya⁴-
ve⁴. Coan³n⁷ion¹con³ nca³ qui³nchja⁴ya³ t⁷a³ts⁷e⁴ Nai³-
na¹. C²oa⁴ je² Nai³-na¹ qui³si³qui²xi⁴ya³ t⁷a³ts⁷e⁴ en¹ xi³
ts⁷e⁴ cjoa⁴nta³-le⁴ nca³ qui³tsjoa³ nca³ to⁴ntsja³ Pablo
cao⁴ Bernabé coan³ni³le⁴ choa⁴ cao⁴ cjoa⁴xcon¹. ⁴ Jao²
ya³ coan³ cho⁴ta⁴ na⁴xi⁴na³nta¹. Jnco³ c²a² xi³ cho⁴ta⁴
judíos tjio¹cao⁴, c²oa⁴ je² xi³ nqui²jnco³ c²a² pa²stro⁴
tjio¹cao⁴. ⁵ Cho⁴ta⁴ judíos, cao⁴ cho⁴ta⁴ xi³ li² judío-
jin², cao⁴ cho⁴ta⁴ti¹tjon²-le⁴ ña³qui³ qui³ne²-ni¹ Pablo cao⁴
Bernabé. Coan³me³-le⁴ nca³ ch²ao³ si⁴²cao⁴, c²oa⁴ nca³

coa⁴sen²-le⁴ la⁴jao⁴. ⁶ C²ia⁴ nca³ coan³cho⁴ya³-le⁴ jme³-ve⁴ xi³ coan⁴t⁷ain³, Pablo cao⁴ Bernabé tsa³nca³ ya⁴ Listra cao⁴ ya⁴ Derbe, na⁴xi⁴na³nta¹ xi³ ts⁷e⁴ na³nqui³ Licaonia, c²oa⁴ cao⁴ ya⁴ nca³qui³jnta² nte³ xi³ ja⁴ntai³-le⁴. ⁷ Ya⁴-ve⁴ qui³nchja⁴ya³ je² en¹nta³ xi³ t²a³ts⁷e⁴ Cristo.

Tsa³ca³sen¹-le⁴ la⁴jao⁴ Pablo

⁸ Ya⁴ Listra ti¹jna³ jnc³ cho⁴ta⁴x⁷in⁴ xi³ tsi² tsa²ma³ fi². Chi⁴nque¹ cji³ jo³ sa³nta³ nca³ qui³tsin³. Ni⁴to⁴c²ia³-jin² coan³ ts⁷a³mjen³. ⁹ Je²-vi⁴ qui³nch⁷oe¹-le⁴ Pablo nca³ qui³nchja⁴. C²ia⁴ nca³ Pablo qui³sco³a², tsa³ve³ nca³ coan³cjain¹-le⁴ nca³ coan⁴nta³. ¹⁰ C²ia⁴ n⁷ion¹ qui³nchja⁴ Pablo: Ti⁴so¹tjain⁴, ti⁴sen⁴jna³qui²xi⁴-ni³ ntso⁴coi³. C²oa⁴ je² cho⁴ta⁴-ve⁴ni³ ña³qui³ qui³squi²⁴nc⁷a³-ni¹. Coan³ ts⁷a³mjen³. ¹¹ C²ia⁴ nca³ tsa³ve³ nca³ts⁷i³ jme³-ve⁴ xi³ qui³s⁷in³ Pablo, n⁷ion¹ qui³nchja⁴ nca³ en¹ licaónica: Ni³na¹ xi³ c²oa⁴cjoan³ jo³ cjoan³ cho⁴ta⁴x⁷in⁴ ca²vi³tjo³jen³con³-na¹. ¹² Bernabé, Júpiter qui³tso²-le⁴. C²oa⁴ Pablo, Mercurio qui³tso²-le⁴, nca⁴ je² ni¹ xi³ qui³nchja⁴ya³ en¹. ¹³ Xco¹son²-le⁴ Júpiter se¹jna³ntai³ na⁴xi⁴na³nta¹, c²oa⁴ je² na⁴mi³-le⁴ ja³ai³cao⁴ ncha⁴ja⁴ cao⁴ corona ya⁴ xo⁴ntjoa⁴-le⁴ nch⁷oa¹-le⁴ na⁴xi⁴na³nta¹. Me³-le⁴ cao⁴ nca³ts⁷i³ cho⁴ta⁴ na⁴xi⁴na³nta¹ nca³ si⁴²c²en³t⁷a³-le⁴ Pablo cao⁴ Bernabé. ¹⁴ C²ia⁴ nca³ qui³nch⁷oe¹ je² pa²stro⁴ Bernabé cao⁴ Pablo, ña³qui³ tsa³ca³sen¹jnta³ na³ñño³-le⁴, qui³to²ca³jin³-le⁴ cho⁴ta⁴ncjin²-ve⁴, qui³squi³ntia¹xa¹-le⁴ nca³ts⁷i³. ¹⁵ C²oa⁴qui³tso²: Nca³ts⁷io³ n⁷nti¹n⁷ai³, a¹-ni³ nca³ c²oa⁴n⁷ian²-si¹nio³. C²oa⁴-ti⁴ jin⁴ cho⁴ta⁴ ni¹⁴-jin⁴, jo³ ti³ncha³sa³yo³ nca³ jon². C²oa⁴-s⁷in² ti³no²cjoa⁴ya³jin³-lai²⁴jin⁴ nca³ ni⁴to⁴jme³-jin² chji¹-le⁴ je² cjoa⁴ xi³ ti³n⁷iaon²³. Ti⁴njion¹³ je² cjoa⁴ je²-vi⁴, c²oa⁴ ta³nquin¹t⁷a³-lao⁴³ je² Ni³na¹ xi³ ti¹jna³con³, xi³ qui³si³nta³ nc⁷a³jmi³, cao⁴ son³nte³, cao⁴ nta¹chi³con³,

cao⁴ nca³yi³je³ jme³-sa³ xi³ ya⁴ tjin¹. 16 Je² ni⁴χhjin³ xi³ je³ja³a³to³, Ni³na¹ qui³tsjoa³nte²-le⁴ nca³ts²i³ cho⁴ta⁴ nca³ tsa³c⁷e²ma³ ntia⁴² xi³ ti⁴ts⁷e⁴-ni³. 17 To⁴nca³ Ni³na¹ li²coi³ qui³tsjion³con³ yao³-le⁴, nca tsi² tsa² jme³ testigo qui³s⁷e³-le⁴. Cjai¹nca³ nta³ qui³s⁷in³. Qui³tsjoa³-no³ jt³si¹ xi³ nc⁷a³jmi³ nčhoa³-ni³, c⁷oa⁴ ni⁴χhjin³ jo³-s⁷in² nca³ ma³jcha¹ tso³jmi²ntje². Qui³tsjoa³-no³ je² tso³jmi² xi³ vi³yo³chon³-nio³, cao⁴ cjoa⁴tsjoa³ xi³ s⁷e³jna³-jin³ ni⁴ma⁴-no³. 18 C⁷ia⁴ nca³ Pablo cao⁴ Bernabé c⁷oa⁴qui³tso² je²-vi⁴, to⁴c⁷ia⁴ tsa³ca³te³cja¹ya³ i⁴tse¹-le⁴ cho⁴ta⁴ na⁴xi⁴na³nta¹, jme¹-ni³ nca³ tsi² coi³ qui³tsjoa³-si¹ni³le⁴ je² cho⁴ xi³ si⁴²c⁷en³t⁷a³-le⁴. 19 C⁷ia⁴ ji³cho² c⁷a³ cho⁴ta⁴ judíos xi³ ji³nčhoa³-ni³ ya⁴ Antioquía cao⁴ ya⁴ Iconio. Tsa³qui³ncha¹a³ cho⁴ta⁴ na⁴xi⁴na³nta¹, tsa³ca³sen¹-le⁴ la⁴jao⁴ Pablo, tsa³ca¹jve³t⁷a³xin² na⁴xi⁴na³nta¹-ve⁴. Je³-la⁴ c⁷en³, qui³tso² cho⁴ta⁴. 20 To⁴nca³ cho⁴ta⁴-le⁴ Cristo coan³ña³ntai³-le⁴ Pablo. Pablo ji³so²tjen⁴ nqui²ntia³-ni³, ja³a³s⁷en³ nqui²ntia³ na⁴xi⁴-na³nta¹. Xi³ coan³nchaon³-ni³ qui³cao⁴ Bernabé ya⁴ Derbe. 21 C⁷ia⁴ nca³ je³qui³nchja⁴ya³-le⁴ je² en¹nta³ xi³ t⁷a³ts⁷e⁴ Cristo ya⁴ na⁴xi⁴na³nta¹-ve⁴, c⁷oa⁴ nca³ je³tsa³ca³co¹ya³-le⁴ ncjin² cho⁴ta⁴, qui³-nca¹ni³ ya⁴ Listra, ya⁴ Iconio, ya⁴ Antioquía. 22 Qui³tsjoa³-le⁴ nca³n⁷ion¹ ni⁴ma⁴-le⁴ cho⁴ta⁴-le⁴ Cristo. Tsa³c⁷e¹ne²-le⁴ nca³ c⁷oa⁴-s⁷in² ca²ta³tio²cao⁴-ntsjai² xi³ ma³cjain¹-le⁴. Qui³tso²-le⁴ nca³ cjai¹nca³ ma³chjen¹ nca³ tse³ cjoa⁴ñ⁷ain³ chja⁴a² nca³ coi⁴tja¹s⁷en³² ya⁴ cjoa⁴te¹xo³ma³-le⁴ Ni³na¹. 23 Nca³ jnco¹jnco¹ n⁷nte³ jña³ tjin¹ na⁴xi⁴na³nta¹-le⁴ Cristo, Pablo cao⁴ Bernabé tsa³qui³ncha¹nta³-le⁴ cho⁴ta⁴jchi¹nca³. C⁷ia⁴ nca³ je³tsa³c⁷e¹ts⁷oa³ nca³ tsa³ca³tio²nchjan³, qui³si³ca³tio²cao⁴ je² Nai³-na¹ nca³ je³coan³cjain¹-le⁴ xi³ t⁷a³ts⁷e⁴.

Qui³son²nta¹ sa³nta³ Antioquía

²⁴ Ja³a³to³ ya⁴ na³nqui³ Pisidia. Ji³cho²-nca¹ni³ ya⁴ na³nqui³ Panfilia. ²⁵ C[?]ia⁴ nca³ je³qui³nchja⁴ya³ je² en¹-le⁴ Ni³na¹ ya⁴ Perge, qui³jen³ ya⁴ Atalia. ²⁶ Ya⁴ qui³son²nta¹ sa³nta³ ya⁴ Antioquía jña³ qui³ni²ca³sen¹t[?]a³-le⁴ je² cjoa⁴nta³-le⁴ Ni³na¹ xi³ t[?]a³ts[?]e⁴ je² xa¹ xi³ qui³si³cje³t[?]a³. ²⁷ C[?]ia⁴ nca³ je³ji³cho², tsa³c[?]e¹xco¹ na⁴xi⁴na³nta¹-le⁴ Cristo. Pablo cao⁴ Bernabé tsa³c[?]e¹-le⁴ na⁴jmi¹ nca³yi³je³, jme³-ve⁴ xi³ Ni³na¹ tsa³c[?]e¹nta³ xi³ t[?]a³ts[?]e⁴, c[?]oa⁴ jo³-s[?]in² Ni³na¹ qui³sco³ai²nte²-le⁴ cho⁴ta⁴ xi³ li² judío-jin² nca³ coan⁴cjain¹-le⁴. ²⁸ Ncjin² ni⁴čhjin³ ya⁴ tsa³ca³tio²cao⁴ cho⁴ta⁴-le⁴ Cristo Pablo cao⁴ Bernabé.

15

Coan³ña³ pa²stro⁴ cao⁴ cho⁴ta⁴jchi¹nca³ ya⁴ Jerusalén

¹ C[?]ia⁴ tjin¹ c[?]a³ xi³ ja³ai³-ni³ ya⁴ Judea xi³ c[?]oa⁴-s[?]in² tsa³ca³co¹ya³-le⁴ je² nts[?]e⁴: Tsa² tsi² je² cjoa⁴circuncisión xi³ coan⁴-no³, jo³ tso² cjoa⁴te¹xo³ma³-le⁴ Moisés, li²coi³ coan⁴ coi²tjo⁴ntjao²³.

² C[?]oa⁴-s[?]in² jao² ya³ coan³, c[?]oa⁴ Pablo cao⁴ Bernabé tsa³cjao¹ti³ya³-ni³ cao⁴ xi³c[?]a³. C[?]oa⁴-s[?]in² tsa³cjao¹ya³-ni³ nca³ ca²ta³fi²mi³-ni³ Pablo cao⁴ Bernabé ya⁴ Jerusalén, cao⁴ c[?]a³ xi³ cja⁴ai¹. Ca²ta³fi²nčh[?]oe² pa²stro⁴ cao⁴ cho⁴ta⁴jchi¹nca³ xi³ t[?]a³ts[?]e⁴ cjoa⁴ je²-vi⁴. ³ Je² na⁴xi⁴na³nta¹-le⁴ Cristo qui³ ca³ni¹ya³ntia³ Pablo cao⁴ Bernabé cao⁴ xi³c[?]a³. Ja³a³to³ ya⁴ Fenicia cao⁴ Samaria. Tsa³c[?]e¹ na⁴jmi¹ jo³-s[?]in² nca³ qui³si³c[?]a³ntjai²ya³ yao³-le⁴ nca³ qui³t[?]a³-le⁴ Cristo je² cho⁴ta⁴ xi³ li² judío-jin². A³li² to⁴c[?]oa⁴cji³ tsjoa³ coan³-le⁴ nca³ts[?]i³ xi³ nts[?]e⁴. ⁴ C[?]ia⁴ nca³ ji³cho² ya⁴ Jerusalén, a³li² to⁴nta³ qui³scoe¹tjao² na⁴xi⁴na³nta¹-le⁴ Cristo cao⁴ pa²stro⁴ cao⁴ cho⁴ta⁴jchi¹nca³. Tsa³c[?]e¹-le⁴ na⁴jmi¹ nca³yi³je³ jme³-ve⁴ cjoa⁴ xi³ Ni³na¹ tsa³c[?]e¹nta³ xi³ t[?]a³ts[?]e⁴. ⁵ To⁴nca³ tjin¹ c[?]a³ xi³ c[?]oa⁴-ti⁴ coan³cjain¹-le⁴, xi³ cho⁴ta⁴ fariseos, xi³

tsa³qui³ncha³nto³ c⁷oi⁴qui³tso²: Cjai¹nca³ to⁴ma³chjen¹ nca³ cjoa⁴circuncisión coan⁴-le⁴ nca³ s⁷e³ne²-le⁴ nca³ ca²ta³si¹tjo³son² je² cjoa⁴te¹xo³ma³ xi³ qui³tsjoa³ Moisés. ⁶ Coan³ña³ pa²stro⁴ cao⁴ cho⁴ta⁴jchi¹nca³, nca³ sco¹son²-ni³le⁴ cjoa⁴ xo⁴ tjin¹-vi⁴. ⁷ A³li² to⁴c⁷oa⁴cji³ tse³ tsa³cjao¹ya³-ni³. C⁷ia⁴ tsa³ca³sen²nto³ Pedro c⁷oi⁴qui³tso²: Nca³ts⁷io³ ⁷nti¹nts⁷e³, jon² ⁷ya³-nio¹³ nca³ je³coa²tse³ Ni³na¹ tsa³cja³a¹jjin³-na³ nca³ je² cho⁴ta⁴ xi³ li² judío-jin² cjo¹i⁴nč⁷oe¹-ni³ ntso⁴⁷va³ je² en¹nta³ xi³ t⁷a³ts⁷e⁴ Cristo, c⁷oa⁴ coan⁴cjain¹-le⁴⁷ni³. ⁸ C⁷oa⁴ Ni³na¹ xi³ ve³ ni⁴ma⁴-na¹ qui³tsjoa³ en¹-le⁴ xi³ t⁷a³ts⁷e⁴, nca³ c⁷oa⁴-ti⁴ qui³tsjoa³-le⁴ nca³ je² Espíritu Santo, jo³-s⁷in² qui³tsjoa³-na¹ nca³ ña¹. ⁹ Ni³na¹ to⁴nco¹son²-s⁷in² qui³cao⁴-na¹ nca³ts⁷ia³² cao⁴ ña¹ cao⁴ je². Qui³si³tsje³-ni³ ni⁴ma⁴-le⁴ c⁷ia⁴ nca³ coan³cjain¹-le⁴. ¹⁰ Nt⁷ai⁴-vi⁴, a¹-ni³ nca³ c⁷oa⁴-s⁷in² cho⁴t⁷a³-si¹nio³ Ni³na¹, nca³ c⁷oa⁴-s⁷in² ni²ch⁷a¹nao²³ cjoa⁴ xi³ ñ⁷ain³ tjin¹ cho⁴ta⁴-le⁴ Cristo. Sa³⁷nta³ ni⁴je²-jin² n⁷ai³jcha¹cjin³-na¹ ni⁴ña¹-jian² qui³jcho¹cjoa⁴-na¹ je²-vi⁴. ¹¹ C⁷oa⁴-s⁷in² ma³cjain¹-na¹ nca³ coi²tjo⁴ntje² to^{4t}a³ts⁷e⁴ cjoa⁴nta³-le⁴ Nai³-na¹ Jesús jo³-ni³ c⁷oa⁴-ti⁴ je².

Cjoa⁴fa³⁷ai³tsjen³-le⁴ Jacobo

¹² C⁷ia⁴ nca³ts⁷i³ cho⁴ta⁴ tsa³ca³tio²jyo¹. Qui³nč⁷oe¹-le⁴ Bernabé cao⁴ Pablo nca³ tsa³c⁷e¹-le⁴ na⁴jmi¹, jo³-s⁷in² nca³ tse³ choa⁴ cao⁴ cjoa⁴xcon¹ xi³ Ni³na¹ tsa³c⁷e¹nta³ jin³-le⁴ cho⁴ta⁴ xi³ li² judío-jin² xi³ to^{4t}a³ts⁷e⁴. ¹³ C⁷ia⁴ nca³ je³tsa³ca³tio²jyo¹ Bernabé cao⁴ Pablo, c⁷ia⁴ Jacobo c⁷oa⁴qui³tso²: Nca³ts⁷io³ ⁷nti¹nts⁷e³, ti⁴no¹⁷ya²-nao¹³. ¹⁴ Je² Simón c⁷oa⁴-s⁷in² tsa³c⁷e¹ na⁴jmi¹ jo³-s⁷in² Ni³na¹ nca³ ti¹tjon² ji³cho²con³-le⁴ cho⁴ta⁴ xi³ li² judío-jin², nca³ cjoa⁴⁷a²jjin³ cho⁴ta⁴ xi³ c⁷oin¹-le⁴ nca³ ts⁷e⁴. ¹⁵ C⁷oa⁴ je² en¹ xo⁴ tso²-ve⁴ c⁷oa⁴-s⁷in² nco¹son² tso²ya³ cao⁴ en¹-le⁴ je² xi³ qui³nchja⁴ya³ t⁷a³ts⁷e⁴ Ni³na¹, xi³ tji¹t⁷a³ xon⁴. ¹⁶ Xi³ coan⁴scan³-ni³ cjoe²⁷e⁴-nia¹³,

qui³tso² je² Nai³-na¹, c⁷oa⁴ c⁷oe³nta³ya³-nia¹³ je² nt⁷ia³-le⁴ David xi³ je³chi³xo²ya³. C⁷oa⁴ nqui²jnc³ c⁷a² c⁷oe³nta³-nia³ xjao¹jto³-le⁴, c⁷oa⁴-s⁷in² nqui²jnc³ c⁷a² sco³mi³tjen⁴-nia³, ¹⁷ jme¹-ni³ nca³ c⁷oa⁴-s⁷in² coa⁴²sjai³-si¹ni³ je² Nai³-na¹ cho⁴ta⁴ xi³c⁷a³, cao⁴ nca³ts⁷i³ cho⁴ta⁴ xi³ li² judío-jin², jña³-le⁴ xi³ y⁷a³ jan³ain¹-na⁴. ¹⁸ C⁷oa⁴tso² je² Nai³-na¹ xi³ tsa³ca³co¹son²tsen³-le⁴ nca³yi³je³ cjoa⁴-vi⁴ sa³nta³ coa²tse³. Je² Ni³na¹ tsa³ve³ nca³yi³je³ xa¹-le⁴, jo³ sa³nta³ qui³s⁷e³ son³nte³. ¹⁹ Coi³ nca³ an³ xian³ nca³ li²coi³ si⁴jt³-le⁴² je² nca³ts⁷i³ cho⁴ta⁴ xi³ li² judío-jin² xi³ si¹c⁷a³ntjai²ya³ yao³-le⁴ nca³ fi²t⁷a³-le⁴ Ni³na¹. ²⁰ To⁴nca³ chji¹-le⁴² nca³ ca²ta³vi³ncha³xin²-le⁴ tso³jmi² xi³ v⁷ai²t⁷a³-le⁴ xco¹son², ca²ta³vi³ncha³xin²-le⁴ cjoa⁴cha³jnqui³, cao⁴ yao³-le⁴ cho⁴ xi³ qui³cho³nto¹sin³, cao⁴ njin¹. ²¹ Sa³nta³ coa²tse³ tjin¹ xi³ nchja⁴ya³ xi³ t⁷a³ts⁷e⁴ Moisés nca³ jnc¹jnc¹ na⁴xi⁴na³nta¹ ya⁴³ nt⁷ia³ sinagoga. Ya⁴ s⁷e³xquia⁴ xon⁴-le⁴ nca³ntsjai² ni⁴chjin³ ni²cja¹ya³. ²² C⁷ia⁴ nta³ qui³sa³sen³-le⁴ pa²stro⁴, cao⁴ cho⁴ta⁴jchi¹nca³, cao⁴ nca³ts⁷i³ na⁴xi⁴na³nta¹-le⁴ Cristo, nca³ tsa³cja³a¹j³ cho⁴ta⁴x⁷in⁴ xi³ ts⁷e⁴ cho⁴ta⁴ti¹tjon²-le⁴ nts⁷e⁴, je² Judas xi³ tjin¹-le⁴ jan³ain¹ xi³ nqui²jnc³ xi³ Barsabás ⁷mi², cao⁴ Silas. Qui³sca³ni¹ ya⁴ Antioquía cao⁴ Pablo cao⁴ Bernabé. ²³ Je² xon⁴ xi³ qui³squi³-ni³ cao⁴ ntsja³: Je² pa²stro⁴ cao⁴ cho⁴ta⁴jchi¹nca³, cao⁴ nts⁷e⁴ ti³ni²ti²nta³-lai²⁴j⁴in⁴ nca³ts⁷io³ xi³ nts⁷ai⁴-j⁴in⁴ xi³ cho⁴ta⁴ xi³ li² judío-jin², xi³ ti³yo³ ya⁴ Antioquía cao⁴ ya⁴ Siria cao⁴ ya⁴ Cilicia. ²⁴ C⁷oa⁴-s⁷in² qui³no²yai²⁴-j⁴in⁴ nca³ tjin¹ c⁷a³ xi³ ji³tjo³j³in³-ni³na³j⁴in⁴ xi³ to⁴si³ si¹cao⁴-no³ cao⁴ en¹. Tjio¹si¹qui³ts³on¹ nqui²jnc³c⁷a²-ni³ ni⁴ma⁴-no³ nca³ v⁷e¹ne²-no³ nca³ cjoa⁴ circuncisión c⁷oi⁴-no³, nca³ c⁷oa⁴-s⁷in² si⁴tjo³son²³ je² cjoa⁴te¹xo³ma³. Li²coi³ c⁷oa⁴-s⁷in² tsa³ca³te²xo³ma³-lai⁴j⁴in⁴ cho⁴ta⁴ xo⁴cjoan³-ve⁴. ²⁵ Nta³ qui³sa³sen³-na³j⁴in⁴ nca³ tsa³c⁷e²xcoi¹⁴-j⁴in⁴

yao³-na⁴jⁱⁿ4, nca³ qui³chja^{3?2}jⁱⁿ3-jⁱⁿ4 cho⁴ta⁴x⁷in⁴ xi³ qui³cha³ni²chon³-lai²⁴jⁱⁿ4, cao⁴ je² Bernabé cao⁴ Pablo xi³ tsjoa³chai³⁴-jⁱⁿ4. ²⁶ Je² cho⁴ta⁴x⁷in⁴ tsa³c⁷e¹j^{nco}3con³ nca³ qui³tsjoa³ ni⁴ma⁴-le⁴ t⁷a³ts⁷e⁴ Nai³-na¹ Jesucristo. ²⁷ C⁷oa⁴-s⁷in² qui³cha³ni²⁴-jⁱⁿ4 je² Judas cao⁴ Silas. Je² xi³ ti⁴coi³-ni³ en¹ xi³ tji¹t⁷a³ xon⁴ coi⁴tso⁴ya³-no³ nca³ to⁴⁷en¹. ²⁸ Nta³ qui³sa³sen³-le⁴ je² Espíritu Santo, c⁷oa⁴ cao⁴ jⁱⁿ4-jⁱⁿ4, nca³ tsi² to⁴jo³ tse³ ch⁷a¹ c⁷oe¹ne²-lai²⁴jⁱⁿ4. To⁴je² je²-vi⁴ xi³ n⁷ion¹ ma³chjen¹. ²⁹ C⁷oa⁴-s⁷in² chja^{3?2}a²xin²-lao⁴³ yao³-no³ je² nca³yi³je³ tso³jmi² xi³ v⁷ai²t⁷a³-le⁴ xco¹son², cao⁴ njin¹, cao⁴ yao³-le⁴ cho⁴ xi³ qui³cho^{3?7}nto¹sin³, cao⁴ cjoa⁴cha³jⁿqui³. Tsa² chja^{3?2}a²xin²-lao⁴³ yao³-no³ je² nca³yi³je³ cjoa⁴-vi⁴, cjai¹nca³ to⁴nta³ s⁷iaon⁴³. Nta³ ca²tji³-no³ ni⁴čhjin³. ³⁰ C⁷ia⁴ qui³sca³ni¹ Pablo cao⁴ Bernabé, cao⁴ Judas cao⁴ Silas. Ji³cho²jen³ ya⁴ Antioquía. Tsa³c⁷e¹xco¹ nca³ts⁷i³ cho⁴ta⁴. Qui³tsjoa³ xon⁴ xi³ y⁷a³. ³¹ C⁷ia⁴ nca³ tsa³c⁷e¹xquia⁴, cjai¹nca³ to⁴coan³tsjoa³-le⁴ nca³ ji³cho²-le⁴ je² cjoa⁴nta³. ³² Je² Judas cao⁴ Silas c⁷oa⁴-ti⁴ coan³-le⁴ qui³nchja⁴ya³. A³li² to⁴c⁷oa⁴cji³ qui³si³je³con³ je² nts⁷e⁴. Qui³tsjoa³-le⁴ nca³n⁷ion¹. ³³ Ya⁴ tsa³ca³tio² jo³ tjin¹ ni⁴čhjin³. C⁷ia⁴ je² nts⁷e⁴ qui³sca³ni¹con³-le⁴ je² pa²stro⁴ nca³ si⁴²ti²⁷nta³. ³⁴ To⁴nca³ Silas nta³ qui³sa³sen³-le⁴ nca³ tsa³c⁷e²jna³ ya⁴-ve⁴. ³⁵ Pablo cao⁴ Barnabé ya⁴ tjio¹ ya⁴ Antioquía. Tjio¹va³co¹ya³ je² en¹-le⁴ Nai³-na¹. C⁷oa⁴ tjio¹nchja⁴ya³ je² en¹nta³ xi³ t⁷a³ts⁷e⁴ Cristo cao⁴ ncjin² xi³c⁷a³.

Pablo cao⁴ Bernabé tsa³cja^{3?7}a¹xin²t⁷a³-le⁴ yao³-le⁴ xi¹ncjin¹

³⁶ C⁷ia⁴ nca³ coan³ jnco³jao²-ni³ ni⁴čhjin³, Pablo c⁷oi⁴qui³tso²-le⁴ Bernabé: Tjin³chon¹ nqui²ntia³-le⁴² je² nts⁷e³², nca³qui³jnta² na⁴xi⁴na³nta¹ jña³ nca³ qui³no²cjoa⁴ya³² je² en¹nta³ xi³ t⁷a³ts⁷e⁴ Nai³-na¹. Jo³-la²xo¹s⁷in² tjio¹ nt⁷ai⁴-vi⁴. ³⁷ Bernabé coan³me³-le⁴

nca³ c⁷oa⁴-ti⁴ ca²ta³fi² Juan, je² xi³ tj¹in¹-le⁴ jan³ain¹ xi³ ma³jao²-ni³ xi³ Marcos ⁷mi². ³⁸ To⁴nca³ Pablo li²coi³ qui³sa³sen³-le⁴ nca³ coai⁴cao⁴ je² xi³ tsa³cja³a¹xin²-le⁴ yao³-le⁴ sa³nta³ Panfilia, nca³ tsi² tsa² qui³cao⁴ je² xa¹ xi³ tjio¹ma³-ni³. ³⁹ Cjoa⁴si³ qui³s⁷e³-le⁴. Tsa³cja³a¹xin²t²a³-le⁴ yao³-le⁴ xi¹-ncjin¹. Bernabé qui³cao⁴ Marcos. Qui³son²nta¹ cao⁴ barco ya⁴ ²nta³ Chipre. ⁴⁰ Pablo tsa³cja³a¹jin³ Silas, c⁷oa⁴ ji³tjo³. Je² nts⁷e⁴ qui³si³ca³tio²cao⁴ cjoa⁴nta³-le⁴ Nai³-na¹. ⁴¹ Ya⁴ tsa³c⁷e²ma³ ya⁴ Siria cao⁴ ya⁴ Cilicia. Qui³tsjoa³-le⁴ nca³n⁷ion¹ na⁴xi⁴na³nta¹-le⁴ Cristo.

16

Timoteo qui³cao⁴ Pablo cao⁴ Silas

¹ C⁷ia⁴ ja³ai³ Pablo ya⁴ Derbe, c⁷oa⁴ ya⁴ Listra. Coe⁴-ni³ ya⁴ ti¹jna³ jnco³ cho⁴ta⁴-le⁴ Cristo xi³ Timoteo ⁷mi², ²nti¹-le⁴ jnco³ chjon⁴ judía xi³ ma³cjain¹-le⁴, to⁴nca³ je² n⁷ai³-le⁴ cho⁴ta⁴ griego ni¹. ² Nca³ts⁷i³ nts⁷e⁴ xi³ ya⁴ tjio¹ ya⁴ Listra cao⁴ ya⁴ Iconio, cjai¹nca³ to⁴nta³ ts⁷a³sje³ je² cho⁴ta⁴-vi⁴. ³ Pablo coan³me³-le⁴ nca³ je² Timoteo coai⁴cao⁴. C⁷oa⁴ qui³scoe¹-⁷ni³ qui³tsjoa³-le⁴ cjoa⁴circuncisión xi³ to⁴t⁷a³ts⁷e⁴ je² cho⁴ta⁴ judío xi³ tjio¹ je² ²nte³-ve⁴, nca⁴ nca³ts⁷i³ ve³-ni¹ nca³ cho⁴ta⁴ griego n⁷ai³-le⁴. ⁴ C⁷ia⁴ nca³ ja³a³to³ ya⁴ na⁴xi⁴na³nta¹, c⁷oa⁴-s⁷in² qui³tso²-le⁴, nca³ ca²ta³si¹tjo³son² je² cjoa⁴te¹xo³ma³ xi³ c⁷oa⁴-s⁷in² tsa³c⁷e¹nta³ pa²stro⁴, cao⁴ cho⁴ta⁴jchi¹nca³ xi³ tjio¹ ya⁴ Jerusalén. ⁵ C⁷oa⁴-s⁷in²ni³ je² na⁴xi⁴na³nta¹-le⁴ Cristo nca³qui³jnta² qui³ni²n⁷ion¹jin³ nca³ ma³cjain¹-le⁴. Ña³qui³ nca³ nchaon³nchaon³ coan³ncjin²ya³ cho⁴ta⁴.

Tjin¹ xi³ tsa³ve³ Pablo ya⁴ ni³jña¹-le⁴

⁶ C⁷ia⁴ nca³ je³ja³a³ ya⁴nte³ Frigia, c⁷oa⁴ ya⁴ na³nqui³ Galacia, je² Espíritu Santo li²coi³ qui³tsjoa³nte²-le⁴

nca³ coi⁴nchja⁴ya³ je² en¹-vi⁴ ya⁴ Asia. ⁷ C²ia⁴ nca³ ja³ai³qui²xi⁴cja¹-le⁴ ya⁴ ?nte³ Misia, coan³me³-le⁴ nca³ qui³ ya⁴ na³nqui³ Bitinia, to⁴nca³ je² Espiritu Santo li²coi³ qui³tsjoa³?nte²-le⁴. ⁸ C²ia⁴ nca³ ja³?a³čhian³ ya⁴ Misia, ja³?a³jen³ ya⁴ Troas. ⁹ Tjin¹ xi³ tsa³ve³ Pablo ya⁴ ni³jña¹-le⁴. Jnco³ cho⁴ta⁴ xi³ Macedonia ts²e⁴, tsa³ca³sen² nqui³xcon⁴ Pablo, tsa³c²e¹ts²oa³-le⁴ c²oi⁴qui³tso²: Ti⁴tjai¹³ i⁴ Macedonia, ti⁴sen⁴cao⁴-na³jjin⁴. ¹⁰ C²ia⁴ nca³ Pablo tsa³ve³, nti⁴ton⁴ tsa³cja³sjai³⁴-jin⁴ jo³-s²in² coa⁴nquin¹⁴-jin⁴ ya⁴ Macedonia. C²oa⁴tsa³qui³xoin¹⁴-jin⁴ nca³ Ni³na¹ xi³ qui³nchja⁴-na³jjin⁴, jme¹-ni³ nca³ coi⁴no²cjoa⁴ya³jjin³-lai⁴jjin⁴ je² en¹nta³ xi³ t²a³ts²e⁴ Cristo.

Qui³sca³ni¹ nto⁴ya¹ Pablo cao⁴ Silas ya⁴ Filipos

¹¹ C²ia⁴ nca³ ji²tjo⁴-ni³jjin⁴ ya⁴ Troas, tsa³nquin¹jjin³nta¹qui²xi⁴-jin⁴ ya⁴ ?nta³ Samotracia. Xi³ coan³nchaon³-ni³ ji³choi³⁴-jin⁴ ya⁴ Neápolis. ¹² C²oa⁴ xi³ ya⁴-ve⁴ tsa³nquin¹⁴-jin⁴ ya⁴ Filipos, xi³ na⁴xi⁴na³nta¹ ti¹tjon² ya⁴ ?nte³ xi³ ts²e⁴ Macedonia, c²oa⁴ xi³ nchja⁴-ni³ Roma, ya⁴ tsa³qui³yoi³⁴-jin⁴ jo³ tjin¹ ni⁴čhjin³. ¹³ Jnco³ ni⁴čhjin³ ni²cja¹ya³, ya⁴ ji²tjo⁴-ni³jjin⁴ xo⁴ntjoa⁴-le⁴ na⁴xi⁴na³nta¹, ya⁴ tsa³nquin¹-ni³jjin⁴ jnco³ ?nte³ xi³ ti¹jna³ntai³ xo⁴nca¹, jña³ nca³ c²oa⁴-s²in² ve³ cho⁴ta⁴ nca³ v²e¹ts²oa³. Ya⁴ tsa³qui³yoi³⁴-jin⁴ qui³chja²coai⁴-jin⁴ nca³ts²i³ ya¹nchjin¹ xi³ coan³xco¹. ¹⁴ C²ia⁴ jnco³ chjon⁴² xi³ Lidia ?mi², xi³ va³te¹na³ na³jño³ni², xi³ ya⁴ na⁴xi⁴na³nta¹ Tiatira ts²e⁴, tsa³ve³xcon¹ Ni³na¹, ti¹nčh²oe¹. Je² Nai³-na¹ qui³sco³?ai²ni⁴ma⁴-le⁴, tsa³ca³sen¹ xo⁴ño³ jme¹-ni³ nca³ qui³nčh²oe¹-si¹ni³ xi³ qui³tso² Pablo. ¹⁵ C²ia⁴ nca³ je³qui³sa³te³nta¹ cao⁴ nca³ts²i³ xi³ ts²e⁴ nt²ia³-le⁴, c²oa⁴-s²in² tsa³c²e¹ts²oa³-na³jjin⁴: Tsa² cjoa⁴qui²xi⁴ nca³ ca²ni²cja³?ai³tsjaon³ nca³ an³ nta³ fi³t²a³-le⁴ Nai³-na¹, ti⁴tja¹s²aon³ ni³?ya³-na⁴, ya⁴

ti⁴yo³. Jo³ cjoa⁴n⁷ion¹ qui³s⁷in³-na³jin⁴. 16 Jnco³ c⁷a³ nca³ c⁷oi⁴coan³ c⁷ia⁴ nca³ tsa³nquin¹⁴-jin⁴ jña³ nca³ v⁷e²ts⁷oa³, jnco³ tso²ti³ xi³ tjin¹-le⁴ ntjao⁴ xi³ nta³jin³ xi³ ma³-le⁴ co³t⁷a³-ni³ suerte qui³sa³te³jin³-jin⁴. A³li² to⁴c⁷oa⁴cji³ taon⁴ njen³-le⁴ nai³-le⁴, nca³ tso²ti³-ve⁴ ma³-le⁴ ch⁷a²sje³ suerte. 17 Je² tso²ti³-vi⁴ qui³tjen⁴nqui³-le⁴ Pablo cao⁴ jin⁴-jin⁴. N⁷ion¹ qui³nchja⁴, c⁷oi⁴qui³tso²: Je² cho⁴ta⁴-vi⁴ cho⁴7nta³-le⁴ Ni³na¹ xi³ ti¹jna³ nc⁷a¹. Je²-vi⁴ xi³ nchja⁴ya³jin³-no³ jo³-s⁷in² vi²tjo⁴ntje². 18 Ncjin² ni⁴čhjin³ nca³ c⁷oa⁴qui³s⁷in³ tso²ti³-ve⁴. To⁴nca³ je² Pablo coan³jti³-le⁴, qui³si³c⁷o¹fa³, c⁷oi⁴qui³tso²-le⁴ je² ntjao⁴ xi³ nta³jin³ xi³ tjin¹-le⁴ tso²ti³-ve⁴: C⁷oa⁴-s⁷in² v⁷e³ne²-le²³ cao⁴ jan³7ain¹-le⁴ Jesucristo, ti²tjo⁴xin²-lai⁴ tso²ti³-vi⁴. Ti⁴coi³-ni³ hora ji³tjo³xin²-le⁴. 19 Je² nai³-le⁴ tsa³ve³ nca³ ji³tjo³xin²-le⁴ je² cjoa⁴ma⁴ xi³ tjin¹-le⁴. Qui³tsoa³ Pablo cao⁴ Silas, c⁷oa⁴ ji³cho²cao⁴ nti⁴tsin⁴ ya⁴ nqui³xcon⁴ cho⁴ta⁴xa¹. 20 Tsa³ca³sen¹jna³va³sen³ cho⁴ta⁴xa¹, c⁷oi⁴qui³tso²: Je² cho⁴ta⁴ xo⁴cjoan³-ve⁴ cho⁴ta⁴ judío ni¹. Fa³7ai³ c⁷e¹jna³ cjoa⁴si³ i⁴ tsan⁴² na⁴xi⁴na³nta¹. 21 Je² costumbre xi³ tjio¹tso²ya³ li²coi³ nta³ tjin¹ nca³ ña¹ chjoe¹. Ni⁴c⁷oa⁴-jin² s⁷ian⁴², nca³ cho⁴ta⁴ romano nia¹ nca³ ña¹. 22 Ña³qui³ coan³jtin¹ne² cho⁴ta⁴ na⁴xi⁴na³nta¹, qui³ co²ntran⁴-le⁴ Pablo cao⁴ Silas. Je² cho⁴ta⁴xa¹ tsa³ca³sen¹jnta³jjon³ na³jño³-le⁴. Tsa³ca³te¹xo³ma³ nca³ coa⁴²-le⁴ cao⁴ ya¹jti³. 23 Cjai¹nca³ tsa³ca¹-le⁴ ya¹jti³. C⁷ia⁴ nca³ je³qui³si³qui²7aon³, qui³sca³ni¹ nto⁴ya¹. C⁷oa⁴-s⁷in² tsa³c⁷e¹ne²-le⁴ je² xi³ si¹coi²nta⁴ nto⁴ya¹, nca³ n⁷ion¹ nta³ ca²ta³vi³ncha³7ya³. 24 C⁷ia⁴ nca³ je³c⁷oa⁴tsa³c⁷in²-le⁴, qui³sca³ni¹s⁷en³ nto⁴ya¹ jña³ nqui²sa⁴ cjin³ 7ncho². Tsa³ca¹t⁷a³n⁷ion¹ t⁷a³ya¹ ntso⁴co⁴. 25 C⁷ia⁴ nca³ ji³cho² va³sen³ni⁴tjen⁴, Pablo cao⁴ Silas tjio¹v⁷e¹ts⁷oa³, tjio¹se³-le⁴ Ni³na¹. Je² cho⁴ta⁴ xi³c⁷a³ xi³ tjio¹ cjoa⁴7ain³, tjio¹nčh⁷oe¹. 26 Nti⁴ton⁴ ja³7a³ jnco³ chaon¹ xi³ n⁷ion¹, jo³ sa³7nta³

qui³tin²ya³ xjao¹ja⁴ma⁴-le⁴ nto⁴ya¹. C²ia⁴ qui³tjo³ai²
 nti⁴ton⁴ nca³yi³je³ xo⁴ntjoa⁴. Ña³qui³ qui³tjo³xin²-le⁴
 cadena nca³ts⁷i³ xi³ tjio¹ cjoa⁴ñ⁷ain³. ²⁷Je² xi³ si¹coi²nta⁴
 nto⁴ya¹ ja³a³-le⁴. Tsa³ve³ nca³ ti⁴x²a⁴ xo⁴ntjoa⁴-le⁴
 nto⁴ya¹. Ts²a³sje³ qui⁴cha⁴nto³-le⁴, nca³ me³-le⁴ nca³
 si⁴²c²en³ yao³-le⁴. Je³-la⁴ qui³ preso, c²oi⁴qui³tso².
²⁸To⁴nca³ n⁷ion¹ qui³nchja⁴ Pablo: Li²jme³-jin² xi³
 ni²coai⁴ yao³-li⁴. I⁴ ti³yoi³⁴-jin⁴ nca³ts⁷i³-jin⁴. ²⁹C²ia⁴
 je² xi³ si¹coi²nta⁴ nto⁴ya¹ qui³si³je¹ l⁷i¹, qui³to²ca³s⁷en³.
 Jo³ ti¹fa³tse¹. Qui³si³c²a³tjen⁴ yao³-le⁴ nqui³ntso⁴co⁴
 Pablo cao⁴ Silas. ³⁰C²oa⁴ tsa³c²a³sje³ Pablo cao⁴ Silas.
 C²oa⁴qui³tso²-le⁴: Jon²-ve⁴, jme¹-ni³ xi³ ma³chjen¹ nca³
 c²oa⁴s⁷ian³ nca³ coi²tjo⁴ntje²³ an³-vi⁴. ³¹C²oa⁴ Pablo
 cao⁴ Silas qui³tso²: Ca²ta³ma³cjain¹-li² t⁷a³ts⁷e⁴ Nai³-na¹
 Jesucristo, c²oa⁴ coi²tjo⁴ntjai²-ni¹ nca³ ji³ cao⁴ nca³ts⁷i³
 xi³ ts⁷e⁴ ni³ya³-li⁴. ³²Tsa³cja¹cao⁴ je² en¹-le⁴ Nai³-na¹,
 cao⁴ nca³ts⁷i³ xi³ tjio¹ ni³ya³-le⁴. ³³C²ia⁴ ti⁴coi³-ni³
 hora nca³ njion² je² xi³ si¹coi²nta⁴ nto⁴ya¹ qui³cao⁴
 Pablo cao⁴ Silas. Tsa³ca³ne¹jon³ jña³ nca³ qui³s⁷e³-
 le⁴ ya¹jti³. C²ia⁴ qui³sa³te³nta¹ nti⁴ton⁴ nca³ je², cao⁴
 nca³ts⁷i³ xi³ tjio¹ ni³ya³-le⁴. ³⁴Qui³cao⁴ ni³ya³-le⁴,
 tsa³ca³sen¹jna³-le⁴ ya¹mi²xa⁴. A³li² to⁴tsjoa³ coan³-le⁴
 nca³ coan³cjain¹-le⁴ t⁷a³ts⁷e⁴ Ni³na¹ cao⁴ nca³ts⁷i³ xi³
 tjio¹ ni³ya³-le⁴. ³⁵C²ia⁴ nca³ qui³s⁷e³sen¹, je² cho⁴ta⁴xa¹-
 ve⁴ qui³sca³ni¹ policía. C²oi⁴qui³tso²-le⁴: Ca²ta³fi² cho⁴ta⁴
 xo⁴cjoan³-ve⁴. ³⁶Je² xi³ si¹coi²nta⁴ nto⁴ya¹-ve⁴ qui³tso²ya³-
 le⁴ Pablo: Je² cho⁴ta⁴xa¹ ca²si¹ca³sen¹cjoa⁴ nca³
 coi⁴yo³ntai¹-nio³. Nt²ai⁴-vi⁴ntai⁴ coan⁴ nca³ coa³nquion¹³.
 Ta³nquin¹-la²na¹ntao³. ³⁷C²ia⁴ Pablo c²oi⁴qui³tso²-le⁴:
 Ti¹tjon²cjoa²la² tsa³ca¹na³jin⁴ nqui³xcon⁴ na⁴xi⁴na³nta¹,
 nca³ ni⁴jme³-jin² je¹ tjin¹-na³jin⁴. Jin⁴-jin⁴ cho⁴ta⁴
 romanos ⁷mi²-na³jin⁴. Qui³cha³ni²-na³jin⁴ nto⁴ya¹.
 C²oa⁴ nt²ai⁴-vi⁴ a³ cha⁴ni²ma³-na³jin⁴. Xi³ cjoa⁴qui²xi⁴,

ma³jain². Je² soa³ ca²ta³fa³ai³ c⁷a³sje³-na³jin⁴. ³⁸ Je² policia c⁷oa⁴qui³tso²-le⁴ cho⁴ta⁴xa¹ jo³ qui³tso² Pablo. Qui³tso³cjon¹ c⁷ia⁴ nca³ qui³nch⁷oe¹ nca³ cho⁴ta⁴ romano. ³⁹ Ja³ai³nch⁷oe²-nca¹ni³ Pablo cao⁴ Silas, tsa³c⁷e¹ts⁷oa³-le⁴. Tsa³c⁷a³sje³, c⁷oi⁴qui³tso²-le⁴: Ti²tjo⁴-nio³ na⁴xi⁴na³nta¹. ⁴⁰ C⁷ia⁴ nca³ je³ji³tjo³-ni³ nto⁴ya¹, ja³a³s⁷en³ ya⁴ ni³ya³-le⁴ Lidia. Tsa³ve³ nts⁷e⁴, tsa³cja¹cao⁴, c⁷ia⁴ qui³.

17

Qui³s⁷e³ cjoa⁴si³ ya⁴ Tesalónica

¹ Ja³a³ Pablo cao⁴ Silas ya⁴ Anfípolis cao⁴ ya⁴ Apolonia. Ji³cho² ya⁴ Tesalónica, jña³ nca³ ti¹jna³ jnco³ nt⁷ia³ sinagoga-le⁴ cho⁴ta⁴ judío.

² Jo³-s⁷in² ma³nca³-le⁴ je² Pablo ja³a³s⁷en³con³-le⁴ cho⁴ta⁴ judío. Jan² xo³ma²na⁴ tsa³cja¹cao⁴ cjoa⁴ xi³ tji¹t⁷a³ xon⁴ Escritura. ³ C⁷oa⁴-s⁷in² qui³tso²ya³, c⁷oa⁴ qui³si³qui²xi⁴ya³ cjoa⁴ nca³ coan³chjen¹ nca³ Cristo tsa³cja³a¹ cjoa⁴ñ⁷ain³, c⁷oa⁴ nca³ ja³a³ya²j³in³-le⁴ c⁷en³. Je² Jesús, je²-vi⁴ je² Cristo. (Je² xi³ an³ c⁷oa⁴ti²xin³-no³, qui³tso² Pablo.) ⁴ Coan³cjain¹c⁷a³-le⁴, qui³t⁷a³-le⁴ Pablo cao⁴ Silas. C⁷oa⁴ li² to⁴ncjin² cho⁴ta⁴ griego xi³ ve³xcon¹ Ni³na¹, c⁷oa⁴ li² tsa² choa³-jin² ya¹nchjin¹ti¹tjon². ⁵ C⁷ia⁴ je² cho⁴ta⁴ judío xi³ tsi² tsa³ coan³cjain¹-le⁴, n⁷ion¹ coan³chi⁴ni⁴. Qui³scoe¹ c⁷a³ cho⁴ta⁴ts⁷e² xi³ ch⁷ao³ cjoan³. Tsa³c⁷e¹xco¹ xi¹ncjin¹. Tsa³c⁷e¹jna³ cjoa⁴si³ ya⁴ na⁴xi⁴na³nta¹. Ji³cho² ni³ya³-le⁴ Jasón. Me³-le⁴ nca³ tsa³c⁷a³sje³j³in³ va³sen³-le⁴ cho⁴ta⁴ na⁴xi⁴na³nta¹ Pablo cao⁴ Silas. ⁶ To⁴nca³ li²coi³ coan³sjai³-le⁴. To⁴je² Jasón cao⁴ jnco³jao² nts⁷e⁴ xi³ ja³ai³cao⁴-le⁴ cho⁴ta⁴xa¹ xi³ ts⁷e⁴ na⁴xi⁴na³nta¹. N⁷ion¹ qui³nchja⁴: Je² xo⁴cjoan³-ve⁴ xi³ cjoa⁴si³ tjio¹v⁷e¹jna³ nca³qui³jnta² son³nte³, c⁷oa⁴-ti⁴ i⁴ ca²fa³ai³. ⁷ Je² Jasón ca²tsjoa¹-le⁴ nte³. Je² nca³ts⁷i³

co²ntran⁴ qui³-le⁴ cjoa⁴te¹xo³ma³-le⁴ César. C⁷oa⁴tjio¹tso² nca³ tjin¹ nqui²jnco³ cho⁴ta⁴ti¹tjon² xi³ Jesús. ⁸ C⁷oa⁴-s⁷in² qui³s⁷e³-le⁴ cjoa⁴jcon³ cho⁴ta⁴ na⁴xi⁴na³nta¹ cao⁴ je² cho⁴ta⁴xa¹-le⁴ na⁴xi⁴na³nta¹, nca³ qui³nčh⁷oe¹ je² cjoa⁴-vi⁴. ⁹ Cho⁴ta⁴xa¹ qui³scoe¹ en¹-le⁴ Jasón cao⁴ xi³c⁷a³ nca³ taon⁴ c⁷oe⁴²jna³nqui³ yao³-le⁴. C⁷ia⁴ qui³cha³ni²ntai¹.

Ya⁴ Berea tsa³ca³tio² pa²stro⁴

¹⁰ C⁷ia⁴ nca³ njion² je² nts⁷e⁴ qui³sca³ni¹ nti⁴ton⁴ Pablo cao⁴ Silas ya⁴ Berea. C⁷ia⁴ nca³ ji³cho², ja³⁷a³s⁷en³ nt⁷ia³ sinagoga xi³ ts⁷e⁴ cho⁴ta⁴ judío. ¹¹ Nqui²sa⁴ nta³ cho⁴ta⁴ je²-vi⁴ cao⁴ xi³ tjio¹ ya⁴ Tesalónica. Je²-vi⁴ cjai¹nca³ to⁴nti⁴ton⁴ qui³scoe¹ je² en¹-le⁴ Ni³na¹ cao⁴ tse³ cjoa⁴tsjoa³. Nchaon³nchaon³ qui³sco^{2t}a³ je² xon⁴ Escritura, tsa² cjoa⁴qui²xi⁴ nca³ c⁷oa⁴tjin¹ je² cjoa⁴-vi⁴. ¹² Ncjin² cho⁴ta⁴-vi⁴ xi³ c⁷oa⁴-s⁷in² coan³cjain¹-le⁴, cao⁴ ya¹nchjin¹ griega xi³ ya¹nchjin¹ti¹tjon², c⁷oa⁴ a³li² tsa² choa³-jin² cho⁴ta⁴x⁷in⁴. ¹³ To⁴nca³ qui³nčh⁷oe¹ je² cho⁴ta⁴ judío xi³ Tesalónica ts⁷e⁴, nca³ c⁷oa⁴-ti⁴ ya⁴ Berea Pablo qui³nchja⁴ya³ je² en¹-le⁴ Ni³na¹. Ya⁴ qui³ cho⁴ta⁴-ve⁴. C⁷oa⁴-ti⁴ ya⁴ tsa³c⁷e¹jna³-le⁴ cjoa⁴si³ cho⁴ta⁴ na⁴xi⁴na³nta¹-ve⁴. ¹⁴ To⁴nca³ je² nts⁷e⁴ qui³sca³ni¹ nti⁴ton⁴ Pablo ntai³ nta¹chi³con³. Silas cao⁴ Timoteo ya⁴ tsa³ca³tio² ya⁴ Berea. ¹⁵ Je² xi³ qui³cao⁴ya³ntia³ nca³ qui³si³coi²nta⁴ Pablo, qui³cao⁴ ya⁴ sa³⁷nta³ Atenas. C⁷oa⁴ ya⁴-ve⁴ Pablo qui³si³ca³sen¹cjoa⁴-le⁴ Silas cao⁴ Timoteo nca³ nti⁴ton⁴ ca²ta³nčhoa³con³-le⁴. C⁷oa⁴ cho⁴ta⁴-ve⁴ qui³.

Atenas tsa³c⁷e²jna³ Pablo

¹⁶ C⁷ia⁴ nca³ Pablo ti¹co³ya³-le⁴ ya⁴ Atenas, a³li² to⁴c⁷oa⁴cji³ xi³ ma³-le⁴ ni⁴ma⁴-le⁴ nca³ tsa³ve³ nca³ je² na⁴xi⁴na³nta¹-ve⁴ cjai¹nca³ to⁴tjin¹-le⁴ xco¹son². ¹⁷ Ña³qui³ c⁷oa⁴-s⁷in² ya⁴³ nt⁷ia³ sinagoga tsa³cja¹cao⁴

cho⁴ta⁴ judío, cao⁴ je² xi³ ve³xcon¹. C²oa⁴ ya⁴ nti⁴tsin⁴-ve⁴ nchaon³nchaon³ tsa³cja¹cao⁴ je² xi³ to⁴coi³ ni⁴chjin³ ya⁴ tjio¹. ¹⁸ Tjin¹ c²a³ cho⁴ta⁴chji⁴ne⁴ xi³ ts⁷e⁴ cho⁴ta⁴ epicúreos, cao⁴ xi³ ts⁷e⁴ cho⁴ta⁴ estoicos, xi³ tsa³cjao¹ya³-ni³ cao⁴ Pablo. Tjin¹ c²a³ xi³ qui³tso²: Jo¹-s⁷in² tso²-ni³ je² cho⁴ta⁴ xi³ c²oi⁴-s⁷in² to⁴ma³-le⁴ nchja⁴. Je² xi³c²a³: Je²-la⁴ nchja⁴ya³ xi³ t⁷a³ts⁷e⁴ Ni³na¹ xi³ cja⁴ai¹, coi³ qui³tso² nca⁴ Pablo qui³nchja⁴ya³ xi³ t⁷a³ts⁷e⁴ Jesús c²oa⁴ xi³ t⁷a³ts⁷e⁴ cjoa⁴fa³a¹ya³. ¹⁹ C²ia⁴ qui³cao⁴ Pablo. Ja³ai³cao⁴ ya⁴ nti⁴tsin⁴ Areópago, c²oi⁴qui³tso²: A³ coan⁴ nca³ jchai⁴-jin⁴ je² cjoa⁴fa³ai³tsjen³ cho⁴tse⁴ xi³ s⁷a⁴ti³mi²ya³. ²⁰ Cjai¹nca³ no²ya²-jin⁴ cjoa⁴ cho⁴tse⁴ xi³ mi²ya³-na³jin⁴. Me³-na³jin⁴ nca³ jchai⁴-jin⁴ jo³ tso²-ni³le⁴ je²-vi⁴. ²¹ (Je² nca³ts⁷i³ cho⁴ta⁴ atenienses, cao⁴ cho⁴ta⁴ xi³ ya⁴ tsa³ca³tio² xi³ xin² nte³-le⁴, to⁴coi³ xi³ ma³-le⁴, nca³ nchja⁴, c²oa⁴ nca³ nch⁷oe¹, cjoa⁴ xi³ nqui²sa⁴ cho⁴tse⁴.) ²² C²ia⁴ nca³ ti¹jna³ Pablo ya⁴ nca³va³sen³-le⁴ nti⁴tsin⁴ Areópago, c²oi⁴qui³tso²: Nca³ts⁷io³ cho⁴ta⁴ atenienses, ña³qui³ ve³-no³ nca³ cjai¹nca³ to⁴nta³ ya³xcon¹³ xco¹son². ²³ C²ia⁴ nca³ ja²a⁴, cjai¹nca³ nta³ tsa³ve³ xco¹son²-no³. C²oa⁴-ti⁴ qui³sa³co³-na³ jnco³ son²xta² jña³ tji¹t⁷a³ xi³ c²oa⁴tso²: Je² Ni³na¹ xi³ tsi² tsa² ya³-le⁴. Je² xi³ ya³xcon¹³ nca³ tsi² tsa² yao³, je²-vi⁴ xi³ an³ nchja²ya³jin³-no³. ²⁴ Je² Ni³na¹ xi³ qui³si³nta³ son³nte³, cao⁴ nca³yi³je³ tso³jmi² xi³ tjin¹ son³nte³-vi⁴, je² ni¹ xi³ Nai³-le⁴ nc⁷a³jmi³, c²oa⁴ Nai³-le⁴ son³nte³. Je² a³li²coi³ ya⁴ ti¹jna³ ya⁴yo⁴nc⁴ xi³ ntsa⁴² qui³s⁷e³nta³-ni³. ²⁵ A³li²coi³ je² ntsja³ cho⁴ta⁴son³nte³ xi³ si¹sin³-le⁴ Ni³na¹ jo³-ni³ tsa² tjin¹ xi³ ma³chjen¹-le⁴ nca³ je². Je² tsjoa¹-na¹ cjoa⁴vi³jna³chon³-na¹, c²oa⁴ nca³ chjen³jta³², c²oa⁴ cao⁴ nca³yi³je³ tso³jmi². ²⁶ To⁴jnco³ njin¹ qui³si³nta³-ni³ nca³ts⁷i³ jco⁴ya³ cho⁴ta⁴ nca³ coa⁴tio⁴ nca³qui³jnta² son³nte³. To⁴nqui³-ni³ tsa³c⁷e¹nta³ ni⁴chjin³-le⁴, c²oa⁴ jña³ sa³nta³ cjoe⁴t⁷a³

²⁷n²te³-le⁴, ²⁷jme¹-ni³ nca³ coa⁴²sjai³-ni³ Ni³na¹, tsa² coan⁴-le⁴, jo³-s⁷in² nca³ so⁴co²-le⁴ jo³-ni³ tsa² xi³ xca⁴ cji³ xi³ sca¹njon³⁷n²te³ nca³ coa⁴²sjai³. To⁴nca³ cjoa⁴qui²xi⁴ nca³ tsi² tsa² cjin³ ti¹jna³-na¹ nca³ jnco¹jncoa¹. ²⁸To^{4t}a³ts⁷e⁴-ni¹ nca³ ti³yoa³², ni²cjan³², c⁷oa⁴ ti³yo³choan³², jo³-s⁷in² nca³ c⁷oa⁴-ti⁴ qui³tso² c⁷a³ cho⁴ta⁴chji⁴ne⁴-no³: C⁷oa⁴-ti⁴ ña¹ ntje⁴-le⁴ Ni³na¹ nia¹. ²⁹Tsa² ntje⁴-le⁴ Ni³na¹ nia¹, li²coi³ nta³ tsa² ni²cja³⁷ai³tsjen³ nca³ je² Ni³na¹ c⁷oa⁴cji³ jo³ cji³ taon⁴si³ne², a³xo⁴ jo³-ni³ taon⁴choa³, a³xo⁴ jo³-ni³ la⁴jao⁴, je² xi³ xa¹ coan³nta³-ni³ nca³ to⁴jco⁴ ts⁷a³sje³-ni³ cho⁴ta⁴. ³⁰To⁴nca³ Ni³na¹ li²coi³ qui³si³sin³ je² ni⁴chjin³ xi³ ts⁷e⁴ je² cjoa⁴njon²-vi⁴. To⁴nca³ nt⁷ai⁴-vi⁴ntai⁴ Ni³na¹ v⁷e¹ne²-le⁴ nca³ts⁷i³ cho⁴ta⁴ nca³qui³jnta² son³⁷n²te³ nca³ ca²ta³si¹c⁷a³ntjai²ya³ cjoa⁴fa³⁷ai³tsjen³-le⁴. ³¹Nca⁴ Ni³na¹ tsa³c⁷e¹jna³ jnco³ ni⁴chjin³ c⁷ia⁴ nca³ c⁷oe⁴²nta³jjin³ son³⁷n²te³ cao⁴ xi³ cjoa⁴qui²xi⁴, to^{4t}a³ts⁷e⁴ je² cho⁴ta⁴x⁷in⁴ xi³ tsa³ca³sen¹. C⁷oa⁴-s⁷in² Ni³na¹ qui³tsjoa³-le⁴ cjoa⁴qui²xi⁴ nca³ts⁷i³ nca³ qui³si³cja³⁷a¹ya³jjin³-le⁴ c⁷en³ Jesús. ³²C⁷ia⁴ nca³ qui³nch⁷oe¹ nca³ fa³⁷a²ya³-ni³le⁴ xi³ m⁷en³, tjin¹ c⁷a³ xi³ to⁴tsa³qui³jno²que³, c⁷oa⁴ xi³c⁷a³ qui³tso²: Coi⁴no¹⁷ya²-lai²⁴jjin⁴ jo³ tjin¹-ni³ je²-vi⁴ nqui²jnco³ ni⁴chjin³. ³³C⁷oa⁴-s⁷in² Pablo j³tjo³jjin³ va³sen³-le⁴. ³⁴To⁴nca³ tjin¹ c⁷a³ xi³ coan³cjain¹-le⁴, xi³ qui³t⁷a³-le⁴ Pablo. Ti⁴je²-ni³ Dionisio, je² xi³ ts⁷e⁴ nti⁴tsin⁴ Areópago, cao⁴ jnco³ chjon⁴² xi³ Dámaris ⁷mi², cao⁴ ncjin²-sa³ xi³c⁷a³ xi³ qui³t⁷a³-le⁴.

18

Pablo si¹xa¹ ya⁴ Corinto

¹⁻² C⁷ia⁴ nca³ je³ja³⁷a³to³ je² cjoa⁴-vi⁴, Pablo j³tjo³ ya⁴ Atenas, j³cho² ya⁴ Corinto.

Qui³sa³te³jjin³ jnco³ cho⁴ta⁴ judío xi³ Aquila ⁷mi², xi³ ya⁴ na³nqui³ Ponto qui³tsin³. To⁴s⁷a⁴ choa³ ni⁴chjin³

tjin¹ nca³ ja³⁷ai³-ni³ Italia cao⁴ Priscila chjon⁴²-le⁴ (nca⁴ je² Claudio tsa³ca³te¹xo³ma³ nca³ nca³ts⁷i³ cho⁴ta⁴ judío coi⁴tjo³sje³j³in³ ya⁴ Roma). Pablo ji³cho²con²-le⁴. ³ Coi³ nca³ ti⁴je²-ni³ xa¹ tjin¹-le⁴ tsa³c⁷e²jna³cao⁴ nca³ je², qui³si³xa¹cao⁴. Coi³ xa¹ tjin¹-le⁴ nca³ v²e¹nta³ carpa. ⁴ Ya⁴³ nt⁷ia³ sinagoga ña³qui³ c⁷oa⁴-s⁷in² tsa³cja¹cao⁴ nca³ntsjai² ni⁴χj³in³ ni²cja¹ya³. C⁷oa⁴-s⁷in² coan³me³-le⁴ nca³ si⁴²⁷i³nta³j³in³ cho⁴ta⁴ judío cao⁴ cho⁴ta⁴ griego. ⁵ C⁷ia⁴ nca³ ja³⁷ai³jen³-ni³ Macedonia, Silas cao⁴ Timoteo, Pablo ña³qui³ tsa³c⁷e¹ne²-le⁴ yao³-le⁴ nca³ qui³nchja⁴ya³ je² en¹-le⁴ Ni³na¹. Qui³tsjoa³-le⁴ en¹ cho⁴ta⁴ judío, nca³ je² Jesús xi³ ti⁴je²-ni³ Cristo. ⁶ To⁴nca³ je² cho⁴ta⁴-ve⁴ to⁴tsa³ca³te¹cjao³⁷a² Pablo, c⁷oa⁴ qui³nchja⁴⁷aon³-le⁴. C⁷ia⁴ Pablo tsa³c⁷e¹tsao³jne³ na³jño³-le⁴, c⁷oi⁴qui³tso²-le⁴: Cao⁴ njin¹-no³ t⁷e²chji¹-nio³, tsje³ nia¹³ nca³ an³. Nt⁷ai⁴-vi⁴ cjo¹con³-le⁴ cho⁴ta⁴ xi³ li² judío-jin². ⁷ Ji³tjo³-ni³ ya⁴-ve⁴. Ja³⁷a³s⁷en³ ni³⁷ya³-le⁴ jnco³ xi³ Justo ⁷mi², xi³ ve³xcon¹ Ni³na¹. Ni³⁷ya³-le⁴ ya⁴ cjo³cjao³ cao⁴ nt⁷ia³ sinagoga. ⁸ Crispo, je² xi³ cho⁴ta⁴ti¹tjon²-le⁴ nt⁷ia³ sinagoga, cao⁴ nca³ts⁷i³ xi³ tjio¹ ni³⁷ya³-le⁴, coan³cjain¹-le⁴ xi³ t⁷a³ts⁷e⁴ Nai³-na¹. Ncjin² cho⁴ta⁴ corintios xi³ qui³nch⁷oe¹, coan³cjain¹-le⁴, c⁷oa⁴ qui³sa³te³nta¹. ⁹ C⁷oa⁴ nca³ ni⁴tjen⁴ qui³ts⁷ai²-le⁴ ni³jña¹ Pablo. Je² Nai³-na¹ tsa³cja¹cao⁴: A³li² jcon³-jin²³, ti⁴no²cjoai⁴, a³li²jyo¹-jin² vi³jnai³. ¹⁰ An³ ti²jna⁴cao⁴-le²³. Ni⁴⁷ya³-jin² xi³ cja⁴⁷ai¹³nca¹ si⁴²cao⁴-li². An³ cjai¹nca³ tjin¹-na³ cho⁴ta⁴ i⁴ ⁷nte³-vi⁴. ¹¹ Jnco³ no¹va³sen³ tsa³c⁷e²jna³ ya⁴-ve⁴. Tsa³ca³co¹ya³-le⁴ en¹-le⁴ Ni³na¹. ¹² C⁷ia⁴ nca³ Galión coan³ cho⁴ta⁴ti¹tjon² ya⁴ ⁷nte³ Acaya, je² cho⁴ta⁴ judío tsa³qui³so¹tjen⁴ co²ntran⁴-le⁴ Pablo, nca³ to⁴jnco³ tsa³c⁷e¹ yao³-le⁴. Qui³cao⁴ nt⁷ia³va³sen³. ¹³ C⁷oi⁴qui³tso²: Je² Pablo ti¹vi³ncha¹⁷a³ cho⁴ta⁴ nca⁴ cja⁴⁷ai¹-s⁷in² scoe⁴xcon¹ Ni³na¹, nca³ tsi² tsa² c⁷oa⁴tjin¹ jo³ tso² cjoa⁴te¹xo³ma³. ¹⁴ C⁷ia⁴ nca³

me³coi⁴nchja⁴ Pablo tsa²cai³, je² Galión c⁷oa⁴qui³tso²-le⁴ cho⁴ta⁴ judío: Tsa²jnc³ cjoa⁴ts⁷en⁴, a³xo⁴jnc³ je¹ xi³ tse³ tj¹in¹, cjoa⁴qui²xi⁴ ni¹ nca³ coi³nč⁷oe³ en¹-no³, ¹⁵ to⁴nca³ tsa² je² cjoa⁴ je²-vi⁴ to⁴en¹-ni³, tsa² to⁴jan³ain¹-ni³, c⁷oa⁴ tsa² to⁴t⁷a³ts⁷e⁴ cjoa⁴te¹xo³ma³-no³, to⁴jon² t⁷e²nta³jion³. A³li²coi³ me³-na³ nca³ an³ c⁷oe³nta³jian³ je² cjoa⁴ xo⁴tjin¹-ve⁴. ¹⁶ Tsa³c⁷aon³sje³ nt⁷ia³va³sen³. ¹⁷ C⁷ia⁴ nca³ts⁷i³ cho⁴ta⁴ griego qui³scoe¹ Sóstenes, je² cho⁴ta⁴ti¹tjon²-le⁴ nt⁷ia³ sinagoga. Tsa³ca¹-le⁴ ya⁴ nqui³xcon⁴ nt⁷ia³va³sen³. Galión li²coi³ qui³si³sin³-le⁴ je² cjoa⁴-vi⁴. ¹⁸ Ncjin² ni⁴čhjin³ tsa³c⁷e²jna³ Pablo nca³ ya⁴. C⁷ia⁴ qui³si³xa³t⁷a³ je² nts⁷e⁴. Cao⁴ Priscila cao⁴ Aquila qui³son²nta¹ sa³nta³ ya⁴ na³nqui³ Siria. Tsa³c⁷e¹jon³ ntsja⁴jco⁴ ya⁴ Cencrea, nca⁴ c⁷oa⁴-sin² qui³tsjoa³-le⁴ choa⁴ nca³ qui³tsjoa³-le⁴ ts⁷oa³ Ni³na¹. ¹⁹ Ja³ai³ ya⁴ Efeso, ya⁴ qui³si³ca³tio¹ Priscila cao⁴ Aquila. Je² ja³a³s⁷en³ ya⁴ nt⁷ia³ sinagoga. Tsa³cja¹cao⁴ cho⁴ta⁴ judío. ²⁰ Je² cho⁴ta⁴ judío tsa³c⁷e¹ts⁷oa³-le⁴ Pablo nca³ ncjin²-sa³ ni⁴čhjin³ ca²ta³v⁷e²jna³cao⁴ nca³ je². To⁴nca³ je² coan³cai³-le⁴. ²¹ Qui³si³xa³t⁷a³ je² cho⁴ta⁴-ve⁴, c⁷oi⁴qui³tso²: Cjai¹nca³ ma³chjen¹ nca³ ya⁴ ti²jna⁴ je² s⁷oi¹ xi³ nčho¹ ya⁴ Jerusalén. To⁴nca³ cjoa²ai⁴con³ nqui²jnc³c⁷a²-nca¹ni³no³, tsa² c⁷oa⁴-s⁷in² me³-le⁴ Ni³na¹. Ji³tjo³-ni³ ya⁴ Efeso.

Pablo qui³-nca¹ni³ Antioquía

²² Ji³cho² ya⁴ Cesarea, ji³tjo³-ni³ barco, qui³mi³ ya⁴ Jerusalén. C⁷ia⁴ nca³ je³qui³si³xa³t⁷a³ na⁴xi⁴na³nta¹-le⁴ Cristo, qui³j^{en}3 ya⁴ Antioquía. ²³ Ya⁴ tsa³c⁷e²jna³ jo³ tj¹in¹ ni⁴čhjin³. C⁷ia⁴ ji³tjo³. Qui³ xqui⁴ na⁴xi⁴na³nta¹ ya⁴ nte³ Galacia, ya⁴ nte³ Frigia. Qui³tsjoa³-le⁴ nca³n⁷ion¹ nca³ts⁷i³ cho⁴ta⁴-le⁴ Cristo.

Apolos ti¹nchja⁴ya³ ya⁴ Efeso

²⁴ C²ia⁴ ji³cho² ya⁴ Efeso jnco³ cho⁴ta⁴ judío xi³ Apolos [?]mi², xi³ qui³tsin³ ya⁴ Alejandría, jnco³ cho⁴ta⁴x[?]in⁴ xi³ ña³qui³ n[?]ion¹ nta³ ma³-le⁴ nchja⁴ya³. Cjai¹nca³ nta³ ma³-le⁴ xon⁴ Escritura. ²⁵ Je²-vi⁴ xa¹ qui³sco²t[?]a³ya³-ni³ ntia⁴²-le⁴ Nai³-na¹. N[?]ion¹ xa¹ti¹ya³ yao³-le⁴. A³li² to⁴c[?]oa⁴cji³ nta³ qui³nchja⁴ya³, a³li² to⁴c[?]oa⁴cji³ nta³ tsa³ca³co¹ya³ nca³yi³je³ cjoa⁴ xi³ t[?]a³ts[?]e⁴ Nai³-na¹, nta³ tsa² to⁴je² cjoa⁴sa³te¹nta¹-le⁴ Juan xi³ je² tsa³ve³. ²⁶ Coan³n[?]ion¹con³, tsa³c[?]e¹ts[?]ia⁴ nca³ qui³nchja⁴ya³ ya³ nt[?]ia³ sinagoga. C²ia⁴ nca³ Priscila cao⁴ Aquila qui³nch[?]oe¹-le⁴, qui³scoe¹ Apolos, nqui[?]sa⁴ nta³ qui³tso²ya³tsen³-le⁴ je² ntia⁴²-le⁴ Ni³na¹. ²⁷ Apolos coan³me³-le⁴ nca³ coai⁴ ya⁴ Acaya. Tsa³c[?]e¹ne²-le⁴ je² nts[?]e⁴ nca³ qui³squi³-le⁴ je² cho⁴ta⁴-le⁴ Cristo nca³ scoe¹tjao². C²ia⁴ nca³ ji³cho², cjai¹nca³ nta³ tsa³ca³sen¹cao⁴ je² xi³ coan³cjain¹-le⁴ xi³ to⁴t[?]a³ts[?]e⁴ cjoa⁴nta³. ²⁸ A³li² to⁴c[?]oa⁴cji³ nca³n[?]ion¹ qui³s[?]e³-le⁴ nca³ qui³si³?i³nta³j[?]in³ cho⁴ta⁴ judío nqui³xcon⁴ nca³ts[?]i³. Tsa³ca³co¹-le⁴ cao⁴ xon⁴ Escritura nca³ je² Jesús xi³ ti⁴je²-ni³ Cristo.

19

Pablo ya⁴ Efeso

¹ C[?]oa⁴coan³ c[?]ia⁴ nca³ ti¹jna³ Apolos ya⁴ Corinto, Pablo ja³?ai³ ya⁴ Efeso. Je³ts[?]a³mjen³ nca³qui³jnta² ja⁴?nte³ ja⁴t[?]ain³-ni³. Qui³sa³te³j[?]in³ c[?]a³ cho⁴ta⁴-le⁴ Cristo.

² I⁴ qui³tso²-le⁴: A³ qui³tjoe¹-no³ je² Espíritu Santo c[?]ia⁴ nca³ coan³cjain¹-no³. C[?]oa⁴ je² cho⁴ta⁴-ve⁴?ni³ c[?]oa⁴qui³tso²-le⁴: Ma³jain², ni⁴sa³?nta³ li²coi³ qui³no²?yai²⁴-j[?]in⁴ tsa² t[?]j[?]in¹ Espíritu Santo. ³ C[?]ia⁴ Pablo qui³tso²: ?ya¹-ni³ xi³ t[?]a³ts[?]e⁴ qui³sa³te³ntao¹³-?ni³. Cho⁴ta⁴-ve⁴ c[?]oa⁴qui³tso²: T[?]a³ts[?]e⁴ Juan. ⁴ C[?]oi⁴qui³tso² Pablo: Je² Juan tsa³ca³te¹nta¹-ni³ c[?]ia⁴ nca³ je³qui³si³c[?]a³ntjai²ya³ cjoa⁴fa³?ai³tsjen³-le⁴ cho⁴ta⁴.

C²oi⁴qui³tso²-le⁴ cho⁴ta⁴ nca³ ca²ta³ma³cjain¹-le⁴ xi³
 t²a³ts⁷e⁴ je² xi³ cjoa⁴⁷ai¹tjen⁴nqui³-le⁴, xi³ tso²-ni³ xi³
 t²a³ts⁷e⁴ je² Jesús xi³ Cristo. ⁵ C²ia⁴ nca³ qui³nch⁷oe¹
 je²-vi⁴, qui³sa³te³nta¹ xi³ t²a³ts⁷e⁴ jan³⁷ain¹-le⁴ Nai³-na¹
 Jesús. ⁶ C²ia⁴ Pablo tsa³ca¹jna³son²-le⁴ ntsja³, ja³²ai³jⁱⁿ
 ni⁴ma⁴-le⁴ je² Espíritu Santo. Qui³nchja⁴cao⁴ xi³ cja⁴⁷ai¹
 en¹, qui³nchja⁴ya³. ⁷ Nca³ts⁷i³ ma³-la⁴ tsa² te³jao² cho⁴ta⁴.
⁸ Pablo ja³⁷a³s⁷en³ ya⁴ya³ nt⁷ia³ sinagoga. Coan³n⁷ion¹-
 con³, jan²-la⁴ sa¹ qui³nchja⁴. Tsa³cja¹cao⁴ tsa³c⁷e¹ne²-le⁴
 xi³ t²a³ts⁷e⁴ je² cjoa⁴te¹xo³ma³-le⁴ Ni³na¹. ⁹ To⁴nca³ ta²ja³
 tsa³ca³tio² c²a³. Li²coi³ coan³cjain¹-le⁴. Ch⁷ao³ qui³tso² xi³
 t²a³ts⁷e⁴ ntia⁴²-le⁴ Nai³-na¹ nqui³xcon⁴ nca³ts⁷i³ cho⁴ta⁴.
 Pablo tsa³ca³sen²xin²-le⁴, c⁷oa⁴ tsa³c⁷a³se³jⁱⁿ³-le⁴ cho⁴ta⁴-
 le⁴ Cristo. Nchaon³nchaon³ tsa³cja¹cao⁴ ya⁴³ nt⁷ia³
 scoe²la⁴-le⁴ jnco³ cho⁴ta⁴ xi³ Tirano ⁷mi². ¹⁰ Jao² no¹
 nca³ c⁷oa⁴coan³. C⁷oa⁴-s⁷in² nca³ nca³ts⁷i³ xi³ tjio¹ ya⁴
 Asia, cho⁴ta⁴ judío cao⁴ cho⁴ta⁴ griego, qui³nch⁷oe¹ en¹-
 le⁴ xi³ t²a³ts⁷e⁴ Nai³-na¹ Jesús. ¹¹ C⁷oa⁴-s⁷in² nca³ n⁷ion¹
 tse³ cjoa⁴xcon¹ xi³ qui³s⁷in³ Ni³na¹ cao⁴ ntsja³ Pablo.
¹² Sa³⁷nta³ c⁷oa⁴-ti⁴ fi² ca³ni¹-le⁴ cho⁴ta⁴ xi³ tjio¹m⁷en³
 na³jño³ pa³ne²to⁴ cao⁴ na³jño³fa³t⁷a³ xi³ je³tsa³ca¹t⁷a³
 yao³-le⁴ Pablo. Ji³tjo³-ni³le⁴ nca³yi³je³ ch⁷in³-le⁴, cao⁴
 je² ntjao⁴ xi³ nta³jⁱⁿ³ xi³ tjⁱⁿ¹jⁱⁿ³ ni⁴ma⁴-le⁴. ¹³ C⁷oa⁴-ti⁴
 tjⁱⁿ¹ c⁷a³ cho⁴ta⁴ judío xi³ ma³-le⁴ ch⁷a²se³ suerte xi³
 to⁴ya⁴ ntia⁴² si¹ma³. Je² coan³me³-le⁴ nca³ qui³nchja⁴-
 le⁴ je² jan³⁷ain¹-le⁴ Nai³-na¹ Jesús xi³ t²a³ts⁷e⁴ je² xi³
 ntjao⁴ xi³ nta³jⁱⁿ³ tjio¹jⁱⁿ³ ni⁴ma⁴-le⁴. C²oi⁴qui³tso²-le⁴:
 An³ va³te³xo³ma³-no³ xi³ to⁴t⁷a³ts⁷e⁴ Jesús, je² xi³ Pablo
 tso²ya³. ¹⁴ Ña³to³ ma³-ni³ xti³-le⁴ jnco³ cho⁴ta⁴ judío
 xi³ Sceva ⁷mi², xi³ na⁴⁷mi³ti¹tjon², xi³ c⁷oa⁴qui³s⁷in³.
¹⁵ C²ia⁴ qui³nchja⁴ je² ntjao⁴ xi³ nta³jⁱⁿ³, c⁷oi⁴qui³tso²:
 Je² Jesús ⁷ve³-nia¹³ ⁷ya³-ni³ve⁴, c⁷oa⁴-ti⁴ ⁷ve³-nia¹³ ⁷ya³
 cjoan³ Pablo, to⁴nca³ jon² ⁷ya¹ nio¹³. ¹⁶ Je² cho⁴ta⁴x⁷in⁴ xi³

ntjao⁴ xi³ nta³jín³ ti¹jna³jín³ ni⁴ma⁴-le⁴ qui³squi²⁴ne²-le⁴, qui³si³qui³njen³-le⁴ xti³-ve⁴. Nqui²sa⁴ coan³-le⁴ nca³ je² cao⁴-ni³ tsa² xti³-ve⁴. C⁷oa⁴-s⁷in² nca³ to⁴t³sa³nca³ ya⁴ ni³?ya³-ve⁴, nca³ cjio³jti², nca³ qui³tsin²⁷aon³. 17 Je²-vi⁴ tsa³⁷ya³-le⁴ t⁷a³ts⁷e⁴ nca³ts⁷i³ xi³ tjio¹ ya⁴ Efeso, cho⁴ta⁴ judío cao⁴ cho⁴ta⁴ griego. Ña³qui³ qui³tso³cjon¹ nca³ts⁷i³. A³li² to⁴c⁷oa⁴cji³ qui³tsin³nc⁷a³ jan³⁷ain¹-le⁴ Nai³-na¹ Jesús. 18 Cjai¹nca³ to⁴ncjin² xi³ coan³cjain¹-le⁴ xi³ ja³ai³ tso²ya³nta³, c⁷oa⁴ qui³tso² jo³ ch⁷ao³ qui³s⁷in³ xa¹-le⁴. 19 C⁷oa⁴-ti⁴ ncjin² xi³ c⁷oa⁴-s⁷in² coan³-le⁴ je² cjoa⁴ch⁷a²-na⁴cha⁴ ja³⁷ai³cao⁴ libro-le⁴ tjio¹va³ca¹ nqui³xcon⁴ nca³ts⁷i³. Tsa³c⁷a³sje³ cuenta jo³ tjin¹ chji¹-le⁴ xon⁴ xi³ tsa³ca³ca¹. Coan³sjai³-le⁴ nca³ ña³chan²te³ jmi³ chji¹-le⁴ nca³yi³je³. 20 C⁷oa⁴-s⁷in² nca³ n⁷ion¹ nta³ tsa³nca³son² je² en¹-le⁴ Nai³-na¹, c⁷oa⁴ n⁷ion¹ qui³s⁷e³-le⁴ nca³n⁷ion¹. 21 C⁷ia⁴ nca³ je³je³t⁷a³ je² cjoa⁴-vi⁴, c⁷oa⁴-s⁷in² coan³me³-le⁴ ni⁴ma⁴-le⁴ Pablo nca³ qui³ ya⁴ Jerusalén, c⁷ia⁴ nca³ je³ja³⁷a³to³ ya⁴ Macedonia cao⁴ Acaya. C⁷oi⁴qui³tso²: C⁷ia⁴ nca³ je³ti²jna⁴ ya⁴-ve⁴, c⁷oa⁴-la²ti⁴ ma³chjen¹ nca³ cjoia¹³ ya⁴ Roma. 22 C⁷ia⁴ Pablo qui³sca³ni¹ Timoteo cao⁴ Erasto ya⁴ Macedonia. Je² jao²-ve⁴ xi³ tjio¹vi³ncha¹cao⁴. To⁴nca³ Pablo tsa³c⁷e²jna³ jo³ tjin¹ ni⁴chjin³ ya⁴ Asia.

Cjoa⁴si³ xi³ qui³s⁷e³ ya⁴ Efeso

23 C⁷ia⁴ a³li² to⁴jo³ xi³ cji³tse³ cjoa⁴si³ xi³ t⁷a³ts⁷e⁴ ntia⁴²-le⁴ Nai³-na¹. 24 Jnc³ cho⁴ta⁴ xi³ si¹xa¹cao⁴ taon⁴choa³ xi³ Demetrio ?mi², xi³ si¹nta³-ni³ taon⁴choa³ xco¹son²-le⁴ Diana. Cjai¹nca³ to⁴tse³ cjoa⁴ma⁴ qui³si³qui³njen³-ni³le⁴ je² xi³ ma³-le⁴ xa¹-vi⁴. 25 Tsa³c⁷e¹xco¹ xi¹ncjin¹ xi³ je² va¹-vi⁴ ma³-le⁴, cao⁴ xi³c⁷a³ xi³ ti⁴coi³-ni³ cjoa⁴ma⁴ tjin¹-le⁴. Je² Demetrio c⁷oi⁴qui³tso²-le⁴: Nca³ts⁷io³ ?ya³-nio¹³ nca³ je² xa¹-na¹vi⁴ cjai¹nca³ to⁴tse³ taon⁴ si¹qui³njen³-na¹. 26 ?ya³-nio¹³, c⁷oa⁴ no²⁷ya²-nio¹³ nca³ je² Pablo c⁷oa⁴-s⁷in² qui³si³⁷i³nta³jín³ ncjin² cho⁴ta⁴ nca⁴ xin² ntia⁴² qui³, a³li²

tsa² to⁴i⁴-jin² Efeso-vi⁴, to⁴nca³ me³-la⁴ tsa² nca³qui³jnta² Asia. C⁷oa⁴tso²-le⁴: A³li² Ni³na¹-jin² je² xi³ ntsa⁴² ma³nta³-ni³. ²⁷ A³li² tsa² to⁴coi³-jin² cjoa⁴jcon³ xi³ tj¹in¹ nca³ to⁴coi³ je² cjoa⁴ma⁴ je²-vi⁴ si⁴²soa³-ni³na¹, to⁴nca³ sa³nta³ je² yo⁴nco⁴-le⁴ na⁴-na¹ Diana taon³ jcha⁴, c⁷oa⁴ cjoa⁴je³ya³-le⁴ je² xco¹son²-ve⁴ xi³ ve³xcon¹ nca³ts⁷i³ nca³qui³jnta² Asia, c⁷oa⁴ nca³qui³jnta² son³nte³, coi⁴xo⁴ya³. ²⁸ C⁷ia⁴ nca³ qui³nch⁷oe¹ je² en¹ xo⁴ tso²-ve⁴, a³li² to⁴c⁷oa⁴cji³ coan³jt³i³-le⁴ cho⁴ta⁴-ve⁴. Qui³squi³ntia¹xa¹ c⁷oi⁴qui³tso²: A³li² to⁴nc⁷a³ ti¹jna³ je² Diana xi³ ts⁷e⁴ cho⁴ta⁴ efesios. ²⁹ A³li² to⁴c⁷oa⁴cji³ cjoa⁴si³ qui³s⁷e³ ya⁴ na⁴xi⁴na³nta¹-ve⁴. To⁴jnc³ ja³a³s⁷en³jt¹in¹ ya⁴ nte³j³in³sen¹ jña³ ma³ña³ cho⁴ta⁴. Qui³tsoa³, c⁷oa⁴ qui³cao⁴ Gayo cao⁴ Aristarco, cho⁴ta⁴ macedonios xi³ mi²yo⁴-le⁴. ³⁰ Coan³me³-le⁴ Pablo nca³ cjoa⁴a³s⁷en³con³-le⁴ cho⁴ta⁴ na⁴xi⁴na³nta¹, to⁴nca³ je² cho⁴ta⁴-le⁴ Cristo li²coi³ qui³tsjoa³nte²-le⁴. ³¹ C⁷oa⁴-ti⁴ tj¹in¹ c⁷a³ je² xi³ ma³xtoan²ti¹tjon² ya⁴ Asia, xi³ mi²yo⁴-le⁴ Pablo, xi³ qui³si³ca³sen¹cjoa⁴-le⁴. Tsa³c⁷e¹ts⁷oa³-le⁴ nca³ tsi² ya⁴ coi⁴ ya⁴ nte³-ve⁴. ³² Qui³squi³ntia¹ nca³ jnc¹jnc¹ c⁷a³ cja⁴ai¹ cja⁴ai¹ qui³tso². Je² junta to⁴qui³s⁷in³ jo³ qui³s⁷in³, c⁷oa⁴ je² xi³ nqui²sa⁴ ncjin² li²coi³ ve³ a³-ni³ve⁴ nca³ coan³ña³-ni³. ³³ Tsa³c⁷a³sje³j³in³-le⁴ cho⁴ta⁴ncjin²-ve⁴ je² Alejandro. Je² cho⁴ta⁴ judío qui³tson²ntsja¹. C⁷ia⁴ Alejandro qui³sco²mi³ ntsja³, jyo¹-la² ti⁴yo³ c⁷oi⁴qui³tso². Me³-le⁴ nca³ tsjoa¹-le⁴ cjoa⁴qui²xi⁴ cho⁴ta⁴ na⁴xi⁴na³nta¹-ve. ³⁴ To⁴nca³ tsa³ve³ nca³ je² ni¹ cho⁴ta⁴ judío. Ña³qui³ to⁴jnc³ jta³ qui³ nca³ts⁷i³. Jao² hora-la⁴ c⁷oa⁴-s⁷in² tsa³c⁷e¹jta³: A³li² to⁴nc⁷a³ ti¹jna³ je² Diana xi³ ts⁷e⁴ cho⁴ta⁴ efesio. ³⁵ C⁷ia⁴ nca³ je² cho⁴ta⁴ scribano qui³si³c⁷e¹jyo² cho⁴ta⁴, c⁷oi⁴qui³tso²: Nca³ts⁷io³ cho⁴ta⁴ efesio, ya¹-ni³ cho⁴ta⁴ xi³ tj¹in¹ xi³ tsi²coi³ ve³ nca³ je² na⁴xi⁴na³nta¹-le⁴ cho⁴ta⁴ efesio nta³ si¹coi²nta⁴ je² xco¹son² ni³na¹ Diana, je² xco¹son² xi³ je²

Júpiter qui³sca³jen³-ni³. ³⁶ C⁷oa⁴-s⁷in²⁷ni³ ni⁴⁷ya³-jin² xi³ coan⁴ nca³ c⁷oe⁴²⁷ma³ je²-vi⁴. Cjai¹nca³ ma³chjen¹ nca³ coi⁴yo³jyo¹³, nca³ tsi² tsa³ jme³ xi³ to⁴xquia⁴ s⁷iaon⁴³. ³⁷ Jon² ca²fa²⁷ai⁴cao⁴³ je² cho⁴ta⁴-ve⁴, nca³ tsi²jme³ xi³ qui³si³che¹ ya⁴³ yo⁴nco⁴-no³, ni⁴qui³nchja⁴⁷aon³-jin²le⁴ je² ni³na¹-no³. ³⁸ Tsa² je² Demetrio cao⁴ cho⁴ta⁴ xi³ si¹xa¹cao⁴ tjin¹cao⁴-le⁴ cjoa⁴, tjin¹ cjoa⁴te¹xo³ma³, tjin¹ cho⁴ta⁴ti¹tjon². Ca²ta³va¹nqui³ xi¹ncjin¹. ³⁹ C⁷oa⁴ tsa² me³-no³ nca³ fa³nquio³ xi³ cja⁴⁷ai¹ cjoa⁴, ca²ta³s⁷e³jna³ junta jo³ tso² cjoa⁴te¹xo³ma³. C⁷oa⁴ ca²ta³s⁷e³nta³ xi³ cjoa⁴qui²xi⁴. ⁴⁰ Jo³-la²ni³ tsa² tjin¹ xi³ coa⁴²nqui³-na¹, nca³ ca²v⁷e²jna³² cjoa⁴si³ nt⁷ai⁴. A³li²coi³ coan⁴² c⁷oe⁴² en¹ a³-ni³ nca³ c⁷oa⁴-s⁷in² ca²ma³ña³-nia¹ nca⁴ tsi²jme³ cjoa⁴ xi³ tjin¹. ⁴¹ C⁷ia⁴ nca³ je³c⁷oa⁴qui³tso², tsa³c⁷e¹ne²-le⁴ nca³ts⁷i³ nca³ qui³-ni³.

20

Pablo qui³ ya⁴ Macedonia cao⁴ ya⁴ Grecia

¹ C⁷ia⁴ nca³ je³qui³s⁷e³jña¹ cjoa⁴si³, Pablo qui³nchja⁴-le⁴ cho⁴ta⁴-le⁴ Cristo. Tsa³c⁷e¹ne²-le⁴, qui³tsoa³cja¹, qui³-si³xa³t⁷a³, qui³ ya⁴ Macedonia. ² C⁷ia⁴ nca³ je³tsa³c⁷a³mjen³ nca³ ya⁴, a³li² to⁴c⁷oa⁴cji³ ncjin² en¹ qui³tso²ya³-le⁴, ja³ai³ ya⁴ Grecia. ³ C⁷ia⁴ nca³ je³tsa³c⁷e²jna³ ya⁴-ve⁴ jan² sa¹, me³ coai⁴son²-ni³ na³nta¹ ya⁴ Siria. To⁴nca³ tsa³ca³tio²chjoa²-le⁴ je² cho⁴ta⁴ judío. C⁷ia⁴ qui³si³cja³⁷ai³tsjen³ nca³ ti⁴coai⁴to³-nca¹ni³ ya⁴ Macedonia. ⁴ Qui³cao⁴ sa³⁷nta³ Asia je² Sópater cho⁴ta⁴ xi³ ts⁷e⁴ Berea, c⁷oa⁴ je² cho⁴ta⁴ xi³ ts⁷e⁴ Tesalónica, Aristarco, Segundo, c⁷oa⁴-ti⁴ Gayo xi³ Derbe ts⁷e⁴, c⁷oa⁴ Timoteo, c⁷oa⁴ Tíquico, cao⁴ Trófimo xi ts⁷e⁴ Asia. ⁵ Je² nca³ts⁷i³ cho⁴ta⁴-vi⁴ qui³ti¹tjon². Ya⁴ qui³sco³ya²-na³jin⁴ ya⁴ Troas. ⁶ C⁷ia⁴ nca³ je³ja³⁷a³to³ ni⁴chjin³-le⁴ je² nio⁴xti²la⁴ xi³ tsin²-le⁴ na⁴⁷yo⁴san³-jin², tsa³nquin¹-ni³jin⁴ ya⁴ Filipo. Tsa³nquin¹son²ntai¹⁴-jin⁴

cao⁴ barco. Xi³ coan³ aon²-ni³ ni⁴χhjin³, ji³cho³nch⁷oai²⁴-jin⁴ nca³ je² xi³ je³tjio¹ ya⁴ Troas. Ya⁴ tsa³qui³yoi³⁴-jin⁴ ña³to³ ni⁴χhjin³.

Tse³ qui³nchja⁴ya³ Pablo ya⁴ Troas

⁷ Ni⁴χhjin³ tai²nco⁴ coan³ña³ cho⁴ta⁴-le⁴ Cristo nca³ qui³si³xcoa⁴ nio⁴xti²la⁴. Pablo tsa³cja¹cao⁴ nca³ coi⁴tjo³ nca³ nchaon³-ni³. A³li² to⁴tse³ qui³nchja⁴ya³-ni³ sa³nta³ va³sen³ni⁴tjen⁴. ⁸ Cjai¹nca³ to⁴ncjin² lámpara tjín¹ ja⁴ya³ cuarto jña³ nca³ tsa³ca³tio²tjin¹. ⁹ Jnco³ cho⁴ta⁴xti³ xi³ Eutico ⁷mi² ya⁴ ti¹jna³jcho³ ventana. N⁷ion¹ coan³ni³jña¹-le⁴ nca³ c⁷oa⁴-s⁷in² to⁴tse³ qui³nchja⁴ Pablo. Ya⁴ tsa³ca¹jna³fe². Qui³sca³nqui³ xi³ ma³jan²-ni³ piso. Je³qui³jna³c⁷en³ nca³ qui³sco²mi³tjen⁴. ¹⁰ C⁷ia⁴ ji³tjo³jén³ Pablo, tsa³ca¹jna³son²-le⁴ qui³tsoa³cja¹ c⁷oi⁴qui³tso²: A³li² c⁷oa⁴-jin² ma³-no³, nca⁴ ti¹jna³con³ ni⁴ma⁴-le⁴. ¹¹ C⁷ia⁴ nca³ qui³mi³ nqui²ntia³-ni³ Pablo, qui³si³xcoa⁴ nio⁴xti²la⁴, tsa³cjen². A³li² to⁴c⁷oa⁴cji³ qui³nchja⁴ nqui²ntia³ sa³nta³ qui³s⁷e³-le⁴ sen¹. C⁷ia⁴ qui³-⁷ni³. ¹² Cho⁴ta⁴ ja³ai³cao⁴ je² cho⁴ta⁴xti³-ve⁴ nca³ ti¹jna³con³. Cjai¹nca³ to⁴tsa³c⁷e¹ya³tsjoa³-ni³con³ cho⁴ta⁴.

Ja³ai³ya⁴ Mitilene

¹³ C⁷oa⁴ jin⁴-jin⁴ tsa³nquin¹ti¹tjoin²⁴-jin⁴ jña³ ti¹qui³jna³ barco. Tsa³nquin¹son²ntai¹⁴-jin⁴ sa³nta³ ya⁴ Asón jña³ nca³ coan³jnco³-ni³jín⁴ cao⁴ Pablo. Je² c⁷oa⁴-s⁷in² coan³me³-le⁴ nca³ ntia⁴² ntso⁴co⁴ coai⁴-ni³. ¹⁴ C⁷ia⁴ nca³ coan³jncoi³⁴-jin⁴ ya⁴ Asón, qui³chjoai¹⁴-jin⁴ Pablo ja⁴ya³ chi³tso³, ja²⁷ai⁴-jin⁴ ya⁴ Mitilene. ¹⁵ Nqui²jnco³ c⁷a² tsa³nquin¹son²ntai¹⁴-jin⁴ cao⁴ barco. Xi³ coan³nchaon³-ni³ ji³choi³⁴-jin⁴ ya⁴ nqui³xcon⁴ Quío. C⁷ia⁴ nca³ ti⁴coan³nchaon³-nca¹ni³ ya⁴ tsa³qui³yoi³⁴-jin⁴ puerto Samos. Tsa³qui³yo³cja¹yai³⁴-jin⁴ ya⁴ Trogilio. Xi³ coan³nchaon³-ni³ ji³choi²⁴-jin⁴ ya⁴

Mileto. ¹⁶ Pablo qui³si³cja³ai³tsjen³ nca³ coai⁴son²nta¹, to⁴cjoa⁴a³to³qui²xi⁴ Efeso. Cai³-le⁴ nca³ si⁴2tse³ya²-le⁴ yao³-le⁴ ya⁴ Asia. Qui³si³xa¹ti¹ya³ tsa² coi³ ni⁴chjin³ coi⁴cho³nch⁷oe² s⁷oi¹ Pentecostés ya⁴ Jerusalén.

Pablo c⁷oi⁴qui³tso²-le⁴ cho⁴ta⁴jchi¹nca³-le⁴ na⁴xi⁴na³nta¹-le⁴ Cristo

¹⁷ C⁷ia⁴ nca³ ti¹jna³-sa³ ya⁴ Mileto, qui³si³ca³sen¹cjoa⁴ ya⁴ Efeso. Qui³nchja⁴-le⁴ cho⁴ta⁴jchi¹nca³-le⁴ je² na⁴xi⁴na³nta¹-le⁴ Cristo. ¹⁸ C⁷ia⁴ nca³ ja³ai³con²-le⁴ c⁷oi⁴qui³tso²-le⁴: Na¹nta³ tjin¹jjin³-no³ jo³-s⁷in² nca³ qui³coa⁴ yao³-na⁴ c⁷ia⁴ nca³ tsa³ca²te⁴jna³cao⁴-no³ nca³ntsja² sa³nta³ nca³ ja²7a⁴s⁷en³ti¹tjoan² i⁴ Asia. ¹⁹ I³nta³na³nqui³ qui³si³xa¹-le⁴ je² Nai³-na¹, cjai¹nca³ to⁴tse³ nta¹xcoan³ tsa³c⁷e³jten³. A³li² to⁴c⁷oa⁴cji³ cjoa⁴ xi³ coan³t⁷en³ nca³ c⁷oa⁴-s⁷in² tsa³ca³tio²chjoa²-na³ je² cho⁴ta⁴ judío. ²⁰ Ni⁴to⁴jme³-jin² xi³ coan³cai³-na³ nca³ qui³nchja²ya³jjin³-no³ xi³ coan³chjen¹-no³, nca³ qui³xin²ya³-no³ nqui³xcon³ nca³ts⁷io³, c⁷oa⁴ xqui⁴ ni³7ya³-no³. ²¹ Qui³tsjao³-le⁴ en¹ je² cho⁴ta⁴ judío cao⁴ cho⁴ta⁴ xi³ li² judío-jin² nca³ ca²ta³si¹c⁷a³ntjai²ya³ cjoa⁴fa³ai³tsjen³-le⁴ xi³ t⁷a³ts⁷e⁴ Ni³na¹ c⁷oa⁴ ca²ta³ma³cjain¹-le⁴ xi³ t⁷a³ts⁷e⁴ Nai³-na¹ Jesucristo. ²² Nt⁷ai⁴-vi⁴ntai⁴ tsen³ ma³-na³ nca³ je² ni⁴ma⁴-na⁴ ti¹ca³ni¹-na³, ti²fi³-nia¹³ ya⁴ Jerusalén. A³li²coi³ 7ve³ jme³ xi³ coan⁴t⁷en³ ya⁴-ve⁴. ²³ To⁴nca³ je³ Espiritu Santo nca³qui³jnta² na⁴xi⁴na³nta¹ tsjoa¹-na³ cjoa⁴qui²xi⁴ nca³ ya⁴-xo¹ coa²te⁴jna³ nto⁴ya¹, c⁷oa⁴ ya⁴ cjoa³7a³ cjoa⁴n⁷ain³. ²⁴ To⁴nca³ ni⁴jme³-jin² coi²nta⁴-na³. A³li²coi³ ni⁴ma⁴-na⁴ scon³-le⁴ xi³ to⁴t⁷a³ts⁷an⁴. To⁴coi³ xi³ me³-na³ nca³ nta³ si³cje³t⁷a³ ntia⁴²-na⁴ cao⁴ cjoa⁴tsjao³, c⁷oa⁴ nca³ nta³ si³cje³t⁷a³ je² xa¹ xi³ qui³tsjao³-na³ je² Nai³-na¹ Jesús, nca³ tsjao³ je² en¹nta³ xi³ t⁷a³ts⁷e⁴ cjoa⁴nta³-le⁴ Ni³na¹. ²⁵ C⁷oa⁴ nt⁷ai⁴-vi⁴ tsen³ ma³-na³ nca³ li²coi³ ti⁴cho¹7a³-ni³nao¹³ nca³ts⁷io³

jon²-vi⁴ xi³ tsa³c⁷a³mjen³j³in³-no³ xi³ qui³nchja²ya³j³in³-
 no³ xi³ t⁷a³ts⁷e⁴ je² cjoa⁴te¹xo³ma³-le⁴ Ni³na¹. ²⁶ Coi³
 c⁷oa⁴xin¹-no³ nt⁷ai⁴-vi⁴ nca³ tsi² tsa² an³ v⁷a³cao⁴-na³ xi³
 t⁷a³ts⁷e⁴ njin¹-no³. ²⁷ Li²coi³ coan³cai³-na³ nca³ c⁷oa⁴-
 s⁷in² qui³nchja²ya³j³in³-no³ nca³yi³je³ jo³ tso² Ni³na¹.
²⁸ Jon² xi³ je² Espíritu Santo tsa³qui³ncha¹nta³-no³ nca³
 si⁴coi²ntao⁴³. Jo³-ni³ tsa² va³rre² xi³ tjio¹jtin¹, c⁷oa⁴-
 s⁷in² ti⁴coi²ntao⁴³ na⁴xi⁴na³nta¹-le⁴ Nai³-na¹ xi³ je²
 Nai³-na¹ qui³njen²-le⁴ xi³ ti⁴t⁷a³ts⁷e⁴-ni³ cao⁴ njin¹-le⁴.
²⁹ ⁷ve³-nia¹³ nca³ an³ nca³ coan⁴scan³-ni³ nca³ cjoia¹³,
 cjoa⁴⁷a³s⁷en³j³in³-no³ jo³-ni³ tsa² tsen⁴² xi³ n⁷ion¹ toan¹,
 xi³ li²coi³ si⁴²cha³t⁷a³-le⁴ cho⁴ta⁴-le⁴ Cristo xi³ jo³-ni³ tsa²
 va³rre² tjio¹jtin¹. ³⁰ Xi³ ti⁴jon²-nio³ coi⁴so¹tjen⁴j³in³-no³
 cho⁴ta⁴ xi³ coi⁴nchja⁴ en¹ xi³ ch⁷ao³ tj³in¹. Coan⁴me³-le⁴
 coi⁴cao⁴ cho⁴ta⁴ xi³ je² coi⁴t⁷a³-le⁴. ³¹ Cjia⁴to³con²³
 ti⁴yo³, ca²ta³fa³⁷ai³tsjen³-no³ nca³ jan² no¹ nca³ ni⁴chjin³
 nca³ ni⁴tjen⁴ li²coi³ tsa³ca²te⁴jna³jyoa¹³. Cao⁴ nta¹xcoan³
 qui³xin²ya³-no³ nca³ jnco¹jnco¹³ jon². ³² Nt⁷ai⁴-vi⁴ntai⁴
 nca³ts⁷io³ ⁷nti¹nts⁷e³, si³ca³tio²cao⁴-no³ Ni³na¹ cao⁴ je²
 en¹ xi³ t⁷a³ts⁷e⁴ cjoa⁴nta³-le⁴. Je² en¹ coan⁴-le⁴ tsjoa¹-no³
 nca³n⁷ion¹, tsjoa¹-no³ cjoa⁴tjao² cao⁴ nca³ts⁷i³ cho⁴ta⁴ xi³
 je³coan³tsje³. ³³ Ni⁴⁷ya³-jin² xi³ an³ coan³xin²con³que⁴
 taon⁴choa³-le⁴, a³xo⁴ taon⁴si³ne²-le⁴, a³xo⁴ na³jño³-le⁴.
³⁴ Na¹nta³ ⁷yao³ nca³ je² ntsa⁴ qui³si³xa¹ xi³ t⁷a³ts⁷e⁴
 xi³ coan³chjen¹-na³, c⁷oa⁴ xi³ t⁷a³ts⁷e⁴ xi³ tjio¹cao⁴-
 na³. ³⁵ Ña³qui³ c⁷oa⁴-s⁷in² tsa³ca³co³-no³ nca³ cjai¹nca³
 to⁴ma³chjen¹ nca³ c⁷oa⁴-s⁷in² ni²xa¹ nca³ coi⁴ncha³coa⁴²
 xi³ tjio¹m⁷en³, nca³ si⁴cja³⁷ai³tsjen³² je² en¹-le⁴ Nai³-
 na¹ Jesús xi³ qui³tso²: To⁴nqui²sa⁴ nta³-ni¹ nca³ c⁷oe⁴²
 cao⁴-ni³ tsa² nca³ chjoe¹. ³⁶ C⁷ia⁴ nca³ je³c⁷oa⁴qui³tso²
 tsa³ca³sen²xco¹nch⁷in³ tsa³c⁷e¹ts⁷oa³ cao⁴ nca³ts⁷i³.
³⁷ C⁷ia⁴ ña³qui³ qui³squi³⁷ntia¹-ni³ nca³ts⁷i³, qui³tsoa³cja¹
 Pablo, tsa³c⁷e¹t⁷a³ts⁷oa²-le⁴. ³⁸ A³li² to⁴⁷aon³ coan³-le⁴

je² en¹ xi³ qui³tso² nca³ tsi² ti⁴sco¹⁷a³-ni³ je² Pablo. Qui³ ca³ni¹ ya⁴³ ntia⁴² sa³⁷nta³ jña³ qui³jna³ barco.

21

Pablo qui³ ya⁴ Jerusalén

¹ C⁷ia⁴ nca³ je³tsa³nquin^{1t}a³-ni³lai⁴jin⁴ tsa³nquin¹son²ntai¹⁴-jin⁴ tsa³nquin¹qui²xi⁴-ni³jin⁴ sa³⁷nta³ Cos. Xi³ coan³nchaon³-ni³ ji³choi³⁴-jin⁴ ya⁴ Rodas. C⁷ia⁴ tsa³nquin¹son²ntai¹⁴-jin⁴ ya⁴ Pátara.

² Ya⁴ qui³sa³co³jnc³-na³jin⁴ barco xi³ coai⁴ ya⁴ Fenicia, tsa³qui³yo³yai³⁴-jin⁴ tsa³nquin¹son²ntai¹⁴-jin⁴. ³ Qui³cho²tsen^{3t}ai³-jin⁴ ya⁴ Chipre. I⁴-s⁷in² ntsai⁴-jin⁴ nca³scoiⁿ¹⁴-jin⁴ ti¹jna³. To⁴jo³ c⁷oa⁴-s⁷in² tsa³nquin¹son²ntai¹⁴-jin⁴. Ji³choi³⁴-jin⁴ ya⁴ Siria, ji³choi³-nca¹ni³jin⁴ ya⁴ Tiro nca³ je² ch⁷a¹ xi³ y⁷a³ barco-ve⁴ ya⁴ ts⁷a³jen⁴. ⁴ Ña³to³ ni⁴čjin³ tsa³qui³yoi³⁴-jin⁴ ya⁴-ve⁴ nca³ qui³sa³co³-na³jin⁴ je² cho⁴ta⁴-le⁴ Cristo. Cho⁴ta⁴ c⁷oi⁴qui³tso²-le⁴ Pablo nca³ je² Espíritu Santo tsa³cja¹cao⁴, a³li² ⁷mi³-jin²xoi¹³ ya⁴ Jerusalén. ⁵ C⁷ia⁴ nca³ je³ja³⁷a³to³ je² ni⁴čjin³-ve⁴ ji²tjoi⁴-jin⁴. Qui³ ca³ni¹ya³ntia³-na³jin⁴ nca³ts⁷i³ cao⁴ ya¹nchjin¹-le⁴ cao⁴ xti³-le⁴ jña³ sa³⁷nta³ nca³ fe^{3t}a³-ni³ na⁴xi⁴na³nta¹. Tsa³qui³ncha³xco¹nch⁷in³⁴-jin⁴ ya⁴ ntai³na³nta¹ tsa³c⁷e²ts⁷oai³⁴-jin⁴. ⁶ Qui³ni²xa^{3t}ai³⁴-jin⁴ xi²nqui⁴-jin⁴. C⁷ia⁴ tsa³nquin¹quin³⁴-jin⁴ barco. C⁷oa⁴ je² cho⁴ta⁴-ve⁴ qui³-ni³ ni³⁷ya³-le⁴.

Ji³tja^{3s}ain³-jin⁴ nt⁷ia³-le⁴ Felipe

⁷ C⁷oa⁴ jin⁴-jin⁴⁷ni³, ji³nčhoa³-ni³jin⁴ ya⁴ Tiro, c⁷ia⁴ nca³ je³ji³tja³to³ntai¹⁴-jin⁴, ji³choi³⁴-jin⁴ ya⁴ Tolemaida. Qui³ni²ti²⁷ntai³⁴-jin⁴ je² nts⁷e³². Jnc³ ni⁴čjin³ tsa³qui³yo³coai⁴-jin⁴. ⁸ Xi³ coan³nchaon³-ni³, ji²tjoi⁴-jin⁴ Pablo cao⁴ jin⁴-jin⁴ xi³ ti³yo³coai⁴-jin⁴, ja²⁷ai⁴-jin⁴ ya⁴ Cesarea. Ya⁴ ji³tja^{3s}ain³-jin⁴ nt⁷ia³-le⁴ Felipe, je²

xi³ qui³nchja⁴ya³-ni³ xi³ t²a³ts⁷e⁴ Ni³na¹. Je² ni¹ jnc³ xi³ ña³to³ ma³-ni³. Ya⁴ tsa³qui³yo³coai⁴-jin⁴. ⁹ Ño³ ma³ xti³ya¹nchjin¹ xo⁴nco¹ xi³ tj¹n¹-le⁴ Felipe, c⁷oa⁴ xi³ qui³nchja⁴ya³-ni³ xi³ t²a³ts⁷e⁴ Ni³na¹. ¹⁰ Ncjin² ni⁴chjin³ ya⁴ tsa³qui³yo³coai⁴-jin⁴. Jnc³ xi³ qui³nchja⁴ya³ t²a³ts⁷e⁴ Ni³na¹ xi³ Agabo ⁷mi² ji³nchoa³jen³-ni³ ya⁴ Judea. ¹¹ Ji³cho²con³-na³jin⁴. Qui³sco¹ je² n⁷o¹ xi³ v⁷e¹cja¹ Pablo. Ti⁴je²-ni³ Agabo tsa³c⁷e¹t⁷a³n⁷ion¹ ntso⁴co⁴ cao⁴ ntsja³, c⁷oa⁴qui³tso²: Je²-vi⁴ xi³ tso² je² Espíritu Santo. Je² cho⁴ta⁴ judío ya⁴ Jerusalén c⁷oi⁴-s⁷in² c⁷oe⁴²t⁷a³n⁷ion¹ je² cho⁴ta⁴x⁷in⁴ xi³ ts⁷e⁴ n⁷o¹-vi⁴. C⁷oa⁴ si¹⁴ntsja³ cho⁴ta⁴ xi³ li² judío-jin². ¹² C⁷ia⁴ nca³ qui³no²⁷yai²⁴-jin⁴ je²-vi⁴, jin⁴-jin⁴ cao⁴ je² xi³ ya⁴ ⁷nte³-le⁴ tsa³c⁷e²ts⁷oa³-lai⁴jin⁴ Pablo, nca³ tsi² coai⁴mi³ ya⁴ Jerusalén. ¹³ C⁷ia⁴ qui³nchja⁴ Pablo: Jme¹-ni³ xi³ n⁷iaon²³ nca³ chi¹⁷nta¹-si¹nio³, to⁴ni²va³-lao⁴³ ni⁴ma⁴-na⁴. A³li² tsa² to⁴c⁷oa⁴-jin²s⁷in² ti²jna⁴nta³-nia¹³ nca³ s⁷e⁴t⁷a³n⁷ion¹-na³, c⁷oa⁴-ti⁴ ti²jna⁴nta³-nia¹³ nta³ tsa² coi⁴ya¹³-nia¹³ ya⁴ Jerusalén, xi³ to⁴t⁷a³ts⁷e⁴ je² jan³⁷ain¹-le⁴ Nai³-na¹ Jesús. ¹⁴ A³li²coi³ coan³ qui³chja³⁷a²xin²-lai⁴jin⁴, to⁴c⁷oa⁴-s⁷in² tsa³qui³yo³jyoi¹⁴-jin⁴. C⁷oa⁴tsa³c⁷in²-lai⁴jin⁴: Ca²ta³vi³tjo³son² jo³-s⁷in² me³-le⁴ Nai³-na¹. ¹⁵ C⁷ia⁴ nca³ je³ja³⁷a³to³ ni⁴chjin³-vi⁴, tsa³c⁷e²xcoi¹⁴-jin⁴ tso³jmi²-na⁴jin⁴, tsa³nquin¹mi³-jin⁴ ya⁴ Jerusalén. ¹⁶ C⁷oa⁴-ti⁴ ji³nchoa³cao⁴ c⁷a³-na³jin⁴ je² cho⁴ta⁴-le⁴ Cristo xi³ ya⁴ Cesarea ts⁷e⁴. Qui³cao⁴-na³jin⁴ ya⁴ ni³⁷ya³-le⁴ je² xi³ Mnasón ⁷mi², xi³ Chipre ts⁷e⁴, xi³ coa²tse³ cho⁴ta⁴-le⁴ Cristo. Je² coi⁴yo³coai⁴-jin⁴.

Qui³tsoa³ Pablo ya⁴ yo⁴nco⁴

¹⁷ C⁷ia⁴ nca³ ji³choi³⁴-jin⁴ ya⁴ Jerusalén, je² nts⁷e³² cjai¹nca³ to⁴nta³ qui³sco¹tjao²-na³jin⁴ cao⁴ cjoa⁴tsjoa³-le⁴. ¹⁸ Xi³ coan³nchaon³-ni³ Pablo cao⁴ nca³ts⁷i³⁴-jin⁴ ji³tja³s⁷en³chon³-lai⁴jin⁴ Jacobo. Nca³ts⁷i³ cho⁴ta⁴jchi¹nca³ tjio¹xco¹. ¹⁹ C⁷ia⁴ nca³ je³qui³si³ti²⁷nta³,

Pablo c⁷oa⁴-s⁷in² tsa³c⁷e¹tsje³ tsje³ na⁴jmi¹ jo³ tjin¹ cjoa⁴ xi³ Ni³na¹ tsa³c⁷e¹nta³jjin³-le⁴ cho⁴ta⁴ xi³ li² judío-jin² xi³ t⁷a³ts⁷e⁴ xa¹-le⁴ Pablo. ²⁰ C⁷ia⁴ nca³ qui³nch⁷oe¹ cho⁴ta⁴-ve⁴ ts⁷a³sje³je³ya³ Ni³na¹. C⁷oi⁴qui³tso²-le⁴: Coe⁴-ni³ na¹nta³ ⁷yai³, ⁷nti¹nts⁷e³, a³li² to⁴ncjin² jmi³ cho⁴ta⁴ judío xi³ tjin¹ xi³ je³coan³cjain¹-le⁴. Nca³ts⁷i³ cjai¹nca³ nta³ si¹cji³tjo³son² cjoa⁴te¹xo³ma³. ²¹ To⁴nca³ qui³nch⁷oe¹ xi³ t⁷a³tsi⁴, nca³ c⁷oa⁴-s⁷in² va³co²ya³-lai⁴ nca³ts⁷i³ cho⁴ta⁴ judío xi³ tjio¹cao⁴ cho⁴ta⁴ xi³ li² judío-jin² nca³ cjoa⁴t²xin²-le⁴ yao³-le⁴ en¹-le⁴ Moisés. C⁷oi⁴mi²-lai⁴ nca³ tsi² tsa² cjoa⁴circuncisión tsjoa¹-le⁴ ⁷nti¹x³-le⁴, nca³ tsi² tsa² ti⁴c⁷oa¹mjen³-ni³ jo³ tjin¹ costumbre-na¹. ²² Jme¹-ni³ xi³ ma³chjen¹-⁷ni³. Cjoa⁴qui²xi⁴-jin²⁷ni³ nca³ coan⁴xco¹ cho⁴ta⁴, nca³ cjo⁴i⁴nch⁷oe¹ nca³ ji³ ja²⁷ai⁴. ²³ C⁷oa⁴-la² t⁷iain⁴-⁷ni³, jo³ ti³⁷mi²-lai²⁴j⁴. Ño³ ma³-ni³ cho⁴ta⁴ xi³ tjio¹j³-na³j⁴ xi³ qui³tsjoa³-le⁴ ts⁷oa³ Ni³na¹. ²⁴ T⁷in³coai⁴ je²-vi⁴, ti⁴tsjai³ yao³-li⁴ cao⁴ je². C⁷oa⁴ t⁷e²chji¹³ xi³ t⁷a³ts⁷e⁴, jme¹-ni³ nca³ c⁷oe⁴²jon³-si¹ni³ ntsja⁴jco⁴. C⁷oa⁴-s⁷in² ca²ta³ve³ nca³ts⁷i³ nca³ tsi² tsa² cjoa⁴qui²xi⁴ jña³-le⁴ xi³ qui³nch⁷oe¹ t⁷a³tsi⁴, nca³ c⁷oa⁴-ti⁴ ji³ c⁷oa⁴-s⁷in² ⁷mi³coai⁴ yao³-li⁴ nca³ ni²tjo³soin²³ je² cjoa⁴te¹xo³ma³. ²⁵ To⁴nca³ xi³ t⁷a³ts⁷e⁴ je² cho⁴ta⁴ xi³ li² judío-jin² xi³ je³coan³cjain¹-le⁴, c⁷oa⁴-s⁷in² qui³chji³-lai⁴j⁴ nca³ c⁷oa⁴-s⁷in² qui³cho³son²-ni³lai⁴j⁴ nca³ tsi² tsa² jme³ cjoa⁴ xi³ si⁴²tjo³son²-le⁴. To⁴je² xi³ ca²ta³fa³⁷a¹xin²-le⁴ yao³-le⁴ je² tso³-jmi² xi³ v⁷ai²t⁷a³-le⁴ xco¹son², cao⁴ xi³ njin¹, cao⁴ yao³-le⁴ cho⁴ xi³ qui³cho³⁷nto¹sin³, cao⁴ xi³ cjoa⁴cha³j⁴nqui³. ²⁶ C⁷ia⁴ Pablo qui³scoe¹ cho⁴ta⁴-ve⁴. Xi³ coan³nchaon³-ni³ qui³si³tsje³ yao³-le⁴ nca³ je². Ja³⁷a³s⁷en³ yo⁴nco⁴ nca³ c⁷oa⁴coi⁴tso⁴ jo³ tjin¹ ni⁴chjin³ coan⁴tsje³-ni³, sa³⁷nta³ tsjoa¹t⁷a³ cjoa⁴tjao² xi³ t⁷a³ts⁷e⁴ nca³ jnco¹jnco¹. ²⁷ C⁷ia⁴ nca³ me³ti⁷fe³ nca³ ña³to³ ni⁴chjin³, c⁷a³ cho⁴ta⁴ judío

xi³ Asia ts²e⁴ tsa³ve³ Pablo ya⁴³ yo⁴nco⁴. Tsa³c²e¹jna³ cjoa⁴si³ nca³ts²i³ cho⁴ta⁴ na⁴xi⁴na³nta¹, qui³tsoa³ Pablo. ²⁸ C²oa⁴-s²in² qui³squi³ntia¹xa¹: Nca³ts²io³ n²ai³ israelitas ti⁴ncha³cao⁴-na³jin⁴. Je²-vi⁴ cho⁴ta⁴x²in⁴ xi³ tso²va³ ca³co¹ya³-le⁴ nca³ts²i³ nca³qui³jnta². Je²-vi⁴ xi³ ti¹si¹ca³tio¹ co²ntran⁴-le⁴ na⁴xi⁴na³nta¹-na¹ cho⁴ta⁴, c²oa⁴ co²ntran⁴-le⁴ cjoa⁴te¹xo³ma³, c²oa⁴ co²ntran⁴-le⁴ je² ²nte³-vi⁴. A³li² to⁴coi³ je²-vi⁴, sa³nta³ ja³ai³cao⁴ cho⁴ta⁴ griegos i⁴ yo⁴ncoa⁴². C²oa⁴-s²in² qui³si³jnti¹ je² ²nte³tsje³-vi⁴. ²⁹ Coi³ qui³tso² nca⁴ ya⁴ na⁴xi⁴na³nta¹-ve⁴ nca³s²a⁴ tsa³ya³xcon³-le⁴ cao⁴ Pablo je² Tróximo xi³ Efeso ts²e⁴. Qui³si³cja³ai³tsjen³ nca³ je² Pablo ja³ai³cao⁴s²en³ yo⁴nco⁴. ³⁰ C²oa⁴-s²in² nca³qui³jnta² na⁴xi⁴na³nta¹ qui³sa³co³ cjoa⁴si³, coan³ña³ cho⁴ta⁴. Qui³tsoa³ Pablo, tsa³c²a³je³ nti³tsin³-le⁴ yo⁴nco⁴. Nti⁴ton⁴ tsa³c²e¹chjoa² xo⁴ntjoa⁴-le⁴. ³¹ Coan³me³-le³ cho⁴ta⁴ nca³si⁴²c²en³ Pablo. Qui³tsjoa³-le⁴ cjoa⁴qui²xi⁴ je² xi³ nca³jco⁴-le⁴ so³nta²do⁴, nca³ tjin¹ cjoa⁴si³ nca³qui³jnta² ya⁴ na⁴xi⁴na³nta¹ Jerusalén. ³² Je²-vi⁴ni³ qui³scoe¹ nti⁴ton⁴ je² so³nta²do⁴ cao⁴ nai³-le⁴, qui³to²ca³jen³nch²oe² cho⁴ta⁴-ve⁴. C²oa⁴ cho⁴ta⁴-ve⁴ tsa³ca³tio²jyo¹-ni¹, c²ia⁴ nca³ tsa³ve³ je² xi³ nca³jco⁴-le⁴ cao⁴ so³nta²do⁴. Li²coi³ ti⁴qui³si³qui²aon³-ni³ Pablo. ³³ C²ia⁴ ja³ai³ je² xi³ nca³jco⁴-le⁴ so³nta²do⁴, qui³tsoa³ Pablo. Tsa³ca³te¹xo³ma³ nca³ jao² cadena c²oe⁴²n²ion¹t²a³. Qui³sco²na³nqui³ ²ya¹-la⁴ni³, c²oa⁴ jme¹-ni³ xi³ qui³s²in³. ³⁴ Ya⁴jin³ cho⁴ta⁴ ncjin², nca³ i⁴ nca³ jan¹ qui³nchja⁴ xi³ cja⁴ai¹ qui³tso². C²ia⁴ nca³ li²coi³ coan³cho⁴ya³-le⁴ jña³-le⁴ xi³ cjoa⁴qui²xi⁴, nca³ c²oa⁴-s²in² to⁴tjio¹v²e¹jta³ncjin²ya³, tsa³ca³te¹xo³ma³-le⁴ so³nta²do⁴-le⁴ nca³ coai⁴cao⁴ ya⁴ cuartel. ³⁵ C²ia⁴ nca³ ji³cho² ya⁴ escalón, je² so³nta²do⁴ tsa³c²a³nc²a³ Pablo nca³ c²oa⁴-s²in² to⁴xcon¹ tjio¹ma³s²in¹ cho⁴ta⁴-ve⁴. ³⁶ A³li² to⁴c²oa⁴cji³ cho⁴ta⁴ ncjin² xi³ ji³nchoa³tjen⁴nqui³-le⁴,

qui³squi³ntia¹xa¹: Ti⁴c²aon³.

*Pablo nchja*⁴ntjai² yao³-le⁴

³⁷ C²ia⁴ nca³ je³ti¹si¹c²a³s⁷en³ ya⁴³ cuartel, Pablo c²oi⁴qui³tso²-le⁴ je² xi³ nca³jco⁴-le⁴ so³nta²do⁴: A³ c²oi⁴nte³-nai¹³ nca³ cjoa²cao⁴ i⁴tse¹-le²³. C²oa⁴ je² qui³tso²: A³ ma³-li² en¹ griego? ³⁸ A³ tsi² tsa² ji³ je² cho⁴ta⁴ egipcio xi³ qui³cho²mi³tjain⁴ cjoa⁴si³ nca³s⁷a⁴, c²oa⁴ ya⁴ nte³t⁷a³xin²t⁷a³ c²in³coai⁴ ño³ jmi³ cho⁴ta⁴ xi³ si¹c²en³ c²en³. ³⁹ C²ia⁴ c²oi⁴qui³tso² Pablo: An³-vi⁴ cjoa⁴qui²xi⁴ ni¹ nca³ cho⁴ta⁴ judío ⁷mi²-na³. Ya⁴ ts⁷an⁴ Tarso, jnc³ na⁴xi⁴na³nta¹ xi³ n⁷ion¹ ti¹tjon² ya⁴ na³nqui³ Cilicia. To⁴nca³ si³je¹-le²³ cjoa⁴nta³ nca³ c²oi⁴nte³-nai¹³ nca³ coi³nchja²coa⁴ cho⁴ta⁴ na⁴xi⁴na³nta¹. ⁴⁰ C²ia⁴ nca³ je³qui³tsjoa³nte²-le⁴, Pablo tsa³ca³sen²nto³ ya⁴ escalón, qui³sco²mi³-le⁴ ntsja³ cho⁴ta⁴ na⁴xi⁴na³nta¹. C²ia⁴ nca³ je³jyo¹ tsa³ca³tio², qui³nchja⁴cao⁴ en¹ hebrea, i⁴ qui³tso².

22

¹ Nca³ts⁷io³ nti¹nts⁷e³, cao⁴ xi³ n⁷ao³ ⁷mi²-no³, ti⁴no¹yao²³ je² cjoa⁴qui²xi⁴ xi³ tsjoa³-no³. ² C²ia⁴ nca³ qui³nch⁷oe¹ nca³ en¹ hebrea qui³nchja⁴cao⁴ nqui²sa⁴ tsa³ca³tio²jyo¹. Pablo qui³tso²-le⁴: ³ An³-vi⁴ ña³qui³ cjoa⁴qui²xi⁴ ni¹ cho⁴ta⁴ judío ⁷mi²-na³. Ya⁴ Tarso qui³tsian³, ts⁷e⁴ na³nqui³ Cilicia. I⁴ coan³jcha¹ na⁴xi⁴na³nta¹-vi⁴. Je² Gamaliel qui³tso²ya³-na³ jña³-le⁴ xi³ ña³qui³ cjoa⁴qui²xi⁴ xi³ t⁷a³ts⁷e⁴ cjoa⁴te¹xo³ma³-le⁴ n⁷ai³jcha¹cjin³-na¹. Cjai¹nca³ nta³ qui³t⁷a³-le⁴ Ni³na¹ nca³ an³, jo³-ni³ nca³ jon² nca³ts⁷io³ nt⁷ai⁴-vi⁴. ⁴ An³-vi⁴ c²oa⁴-s⁷in² qui³tjen⁴nqui³ co²ntran⁴-le⁴ je² ntia⁴²-vi⁴ sa³nta³ nca³ qui³si³c²en³. Tsa³c⁷e³t⁷a³n⁷ioan¹³, c²oa⁴ qui³sca³ni³-nia¹³ nto⁴ya¹ cho⁴ta⁴x⁷in⁴ cao⁴ ya¹nchjin¹. ⁵ Sa³nta³ je² xi³ nca³jco⁴-le⁴ na⁴mi³ testigo-na⁴ cao⁴ nca³ts⁷i³ cho⁴ta⁴jchi¹nca³. Qui³si³je¹-le⁴ xon⁴nca³n⁷ion¹,

je² qui³squi³-le⁴ je² nts²e³²-ve⁴. Quia³ ya⁴ Damasco, nca³ cjoia⁴nchoa³coa⁴ preso i⁴ Jerusalén je² xi³ ya⁴ tjio¹, jme¹-ni³ nca³ c²oa⁴-s²in² c²oai⁴-ni³le⁴ cjoa⁴ñ⁷ain³.

Pablo c²oa⁴qui³tso² jo³-s²in² nca³ qui³si³c²a³ntjai²ya³ cjoa⁴fa³⁷ai³tsjen³-le⁴

(Hechos 9:1-19; 26:12-18)

⁶ To⁴nca³ xi³ coan³⁻²ni³ nca³ ti²fia³. Je³ji³cho³chian³ ya⁴ Damasco, jo³-ni³ tsa² nchi³sen³, to⁴ña³cjoan¹ ja³⁷a³ nca³ coan³⁷i³sen³ntai³-na³ jnc³ l⁷i¹ xi³ tse³ xi³ nc²a³jmi³ ji³nchoa³-ni³. ⁷ C²oa⁴ qui³sca³⁷a³ na³nqui³, qui³nch⁷oe³ jnc³ xi³ qui³nchja⁴-na³: Saulo, Saulo, a¹-ni³ nca³ an³ mi³tjen⁴nqui³ co²ntran⁴-si¹ni³nai¹³. ⁸ C²ia⁴ qui³nchja²-le⁴: ya¹-ni³ ji³-vi⁴, Señor. C²oi⁴qui³tso²-na³: An³-nia¹³ Jesús xi³ Nazaret ts²e⁴, xi³ ji³ ti³⁷mi³tjen⁴nqui³ co²ntran⁴-nai¹³. ⁹ Je² nca³ts²i³ xi³ tjen⁴coa⁴ ña³qui³ tsa³ve³ xi³ cjoa⁴qui²xi⁴ l⁷i¹-ve⁴, qui³tsa³cjon¹-ni¹. To⁴nca³ li²coi³ qui³nch⁷oe¹jt³a³-le⁴ je² xi³ an³ tsa³cja¹cao⁴-na³. ¹⁰ C²oi⁴qui³xian³: Jme¹-ni³ xi³ s²ian³, Señor. C²oa⁴ je² Nai³-na¹ c²oi⁴qui³tso²-na³: Ti⁴so¹tjain⁴, t²in³ ya⁴ Damasco, ya⁴ c²oa⁴c²oin¹-li² jña³-le⁴ xi³ ti¹s⁷e³jna³choa⁴-li² nca³ c²oa⁴s²ia⁴in⁴. ¹¹ C²oa⁴ an³⁻²ni³, a³li²coi³ ti⁴coan³tsen³-ni³na³, nca⁴ c²oa⁴-s²in² to⁴coan³fa³te³ l⁷i¹-ve⁴. To⁴qui³tsoa³ ntsa⁴ je² xi³ tjen⁴cao⁴-na³. C²oa⁴-s²in² ji³choa³ ya⁴ Damasco. ¹² C²ia⁴ jnc³ Ananías xi³ cho⁴ta⁴nta³, xi³ ve³xcon¹ Ni³na¹ jo³ tso² cjoa⁴te¹xo³ma³, xi³ cho⁴ta⁴nta³ tso²-le⁴ nca³ts²i³ cho⁴ta⁴ judíos xi³ ya⁴ tjio¹, ¹³ ja³⁷ai³con²-na³, ja³⁷ai³ca³sen²t²a³-na³, c²oi⁴qui³tso²-na³: Ji³ nts²e³ Saulo, ca²ta³ma³tsen³-ni³li². C²oa⁴ an³⁻²ni³ nti⁴ton⁴ qui³sco³tsen³-le⁴. ¹⁴ C²oa⁴ je² Ananías c²oi⁴qui³tso²: Je² Ni³na¹-le⁴ n²ai³jcha¹cjin³-na¹ tsa³ca³sen¹-li², jme¹-ni³ nca³ jcha⁴-si¹ni³ jo³ tso² nca³ je², jme¹-ni³ nca³ cho¹tsen³-si¹ni³lai⁴ je² xi³ tjin¹-le⁴ cjoa⁴qui²xi⁴, jme¹-ni³ nca³ coi⁴no¹⁷ya²-si¹ni³lai⁴ je² en¹-le⁴ ts²oa³. ¹⁵ Ji³ ni¹³ xi³ testigo coain⁴ xi³ t²a³ts²e⁴,

nca³ c⁷oai⁴-lai⁴ en¹ nca³ts⁷i³ cho⁴ta⁴, jña³-le⁴ xi³ tsa³yai³cao⁴ xi³ qui³no²7yai²³. 16 Nt⁷ai⁴-vi⁴ tso²c⁷oa⁴ a¹-ni³ nca³ vi³sen²jna³jyo¹-si¹ni³. Ti⁴so¹tjain⁴, ca²ta³sa³te¹ntai¹³, ti⁴tsjai³ je¹-li⁴ nca³ no²cjoai⁴ jan³⁷ain¹-le⁴.

Pablo qui³cha³ni²-le⁴ cho⁴ta⁴ xi³ li² judío-jin²

17 C⁷oa⁴coan³-na³ c⁷ia⁴ nca³ ji³choa³ ya⁴ Jerusalén, c⁷ia⁴ nca³ ti²v⁷e³ts⁷oa²³ ya⁴³ yo⁴nco⁴, tsa³c⁷ai²-na³ ni³jña¹. 18 Tsa³⁷ve³-nia¹³ Nai³-na¹, c⁷oi⁴qui³tso²-na³: Ti⁴xi¹ti¹yai³, ti²tjo⁴jⁱⁿ nti⁴ton⁴ Jerusalén. Ni⁴⁷ya³-jin² xi³ i⁴ scoe¹ en¹-li⁴ xi³ t⁷a³ts⁷an⁴. 19 C⁷oi⁴qui³xin³-le⁴: Señor, ti⁴je²-ni³ ve³ nca³ xqui⁴nt⁷ia³ sinagoga an³ qui³sca³nia³ nto⁴ya¹, c⁷oa⁴ qui³si³qui²oan³ je² xi³ coan³cjain¹-le⁴ xi³ t⁷a³tsi⁴. 20 C⁷ia⁴ nca³ qui³xi²jten⁴ njin¹-le⁴ Esteban, je² testigo-li⁴, c⁷oa⁴-ti⁴ an³ ya⁴ ti²jna⁴-je⁴. C⁷oa⁴-ti⁴ tjⁱⁿ1jnco³coan³ nca³ qui³ni²c⁷en³. Sa³⁷nta³ an³ xi³ qui³si³coi²nta⁴ na³jño³-le⁴ xi³ qui³si³c⁷en³ Esteban. 21 C⁷oi⁴qui³tso²-na³ Nai³-na¹: T⁷in³ nca³ cjai¹nca³ cjⁱⁿ3 sca³ni³-le²³, ya⁴ jña³ nca³ tjio¹ cho⁴ta⁴ xi³ li² judío-jin². 22 Cho⁴ta⁴-ve⁴ qui³nch⁷oe¹-le⁴ Pablo sa³⁷nta³ je² en¹ je²-vi⁴. C⁷ia⁴ n⁷ion¹ qui³nchja⁴, c⁷oi⁴qui³tso²: Chja⁴⁷a²xin²³ i⁴ son³⁷nte³-vi⁴ je² cho⁴ta⁴ xo⁴cji³-ve⁴. A³li²coi³ nta³ nca³ c⁷oe¹jna³con³. 23 C⁷oa⁴ cho⁴ta⁴-ve⁴ qui³squi³⁷ntia¹xa¹. Qui³si³c⁷a³tsao³ na³jño³-le⁴. Qui³scoe¹ chao³, tsa³c⁷e¹tsao³nc⁷a¹. 24 C⁷ia⁴ je² xi³ nca³jco⁴-le⁴ so³nta²do⁴ tsa³ca³te¹xo³ma³ nca³ coai⁴s⁷en³cao⁴ Pablo ya⁴³ cuartel. C⁷oa⁴ tsa³ca³te¹xo³ma³ nca³ ca²ta³ni²jtso²⁷a³ nca³ s⁷e⁴-le⁴ čhjoa⁴xin¹, jme¹-ni³ nca³ jcha⁴-si¹ni³le⁴ a³-ni³ nca³ c⁷oa⁴-s⁷in² to⁴cji³⁷ntia¹-ni³ co²ntran⁴ ts⁷e⁴. 25 C⁷ia⁴ nca³ tsa³c⁷e¹t⁷a³n⁷ion¹-ni³cao⁴ n⁷o¹čhjoa⁴xin¹, Pablo c⁷oi⁴qui³tso²-le⁴ je² nai³-le⁴ so³nta²do⁴ xi³ ya⁴ ti¹jna³: A³ tsjoa¹⁷nte³-no³ nca³ c⁷oa⁴-s⁷in² v⁷e²-lao⁴³ čhjoa⁴xin¹ jnco³ cho⁴ta⁴ romano xi³ cje³⁷ya³-jin²le⁴ je¹-le⁴. 26 C⁷ia⁴ nca³ je² nai³-le⁴ so³nta²do⁴ qui³nch⁷oe¹ en¹-vi⁴, qui³ c⁷e¹-le⁴ na⁴jmi¹ je² xi³

nca³jco⁴-le⁴ so³nta²do⁴, c⁷oi⁴qui³tso²: Jo¹ s⁷iain⁴, nca⁴ je² cho⁴ta⁴-ve⁴ cho⁴ta⁴ romano ni¹. ²⁷ C⁷oa⁴ ji³n³choa³con³-le⁴ Pablo je² xi³ nca³jco⁴-le⁴ so³nta²do⁴, c⁷oi⁴qui³tso²-le⁴: C⁷oa⁴t⁷in²-nai¹³ a³ cho⁴ta⁴ romano ni¹ nca³ ji³. C⁷oa⁴ Pablo qui³tso²: Jaon³-na¹. ²⁸ C⁷oa⁴ je² xi³ nca³jco⁴-le⁴ so³nta²do⁴ qui³nchja⁴: An³ cjai¹nca³ tse³ taon⁴ qui³s⁷e³nqui³-na³ nca³ cho⁴ta⁴ romano coan³. C⁷ia⁴ Pablo qui³tso²: To⁴nca³ an³ c⁷oa⁴-s⁷in² qui³tsian³. ²⁹ C⁷oa⁴-s⁷in² nca³ tsa³qui³ncha³xin² nti⁴ton⁴-le⁴ je² xi³ si¹jtso²⁷a³ Pablo. C⁷ia⁴ nca³ tjin¹j³in³-le⁴ nca³ cho⁴ta⁴ romano ni¹, sa³⁷nta³ je² xi³ nca³jco⁴-le⁴ so³nta²do⁴ qui³tso³cjon¹ nca³ tsa³c²e¹⁷a³n⁷ion¹ Pablo.

Pablo ti¹jna³ nqui³xcon⁴ junta-le⁴ cho⁴ta⁴xa¹

³⁰ Xi³ coan³nchaon³-ni³ coan³me³-le⁴ nca³ scoe⁴ xi³ cjoa⁴qui²xi⁴ a³-ni³ nca³ cho⁴ta⁴ judío c⁷oa⁴-s⁷in² tsa³ca¹nqui³ Pablo. Qui³sco³jnta¹⁷ño¹ Pablo. Qui³nchja⁴-le⁴ je² cho⁴ta⁴ti¹tjon²-le⁴ na⁴⁷mi³ cao⁴ nca³ts⁷i³ junta-le⁴ cho⁴ta⁴xa¹. Tsa³c²a³sje³ Pablo. Qui³si³ca³sen²jna³ va³sen³-le⁴ nqui³xcon⁴ nca³ je².

23

¹ C⁷ia⁴ Pablo qui³sco³⁷a² je² cho⁴ta⁴junta-ve⁴, c⁷oi⁴qui³tso²: Nca³ts⁷io³ ?nti¹nts⁷e³, an³ ña³qui³ nta³ ti¹jna³ ni⁴ma⁴-na⁴, jo³-s⁷in² qui³coa⁴ yao³-na⁴ nqui³xcon⁴ Ni³na¹ sa³⁷nta³ nt⁷ai⁴-vi⁴. ² C⁷ia⁴ je² xi³ na⁴⁷mi³ti¹tjon², je² Ananías, tsa³ca³te¹xo³ma³-le⁴ je² xi³ ncha³t⁷a³-le⁴ nca³ si⁴²jt³sin³⁷a³ xo⁴ ti¹tso²-ve⁴. ³ C⁷ia⁴ qui³tso²-le⁴ Pablo: Ji³ xi³ si⁴²jt³sin³⁷a³-li² Ni³na¹ xjao¹ xi³ to⁴coan³ choai³. A³ ji³ xi³ ti³jna³-ni³ nca³ c⁷oe¹nta³j³in³-nai¹³ jo³ tso² cjoa⁴te¹xo³ma³, c⁷oa⁴ co²ntran⁴-le⁴ cjoa⁴te¹xo³ma³ va³te²xo³mai³ nca³ ni²jt³sin³⁷a³-na³. ⁴ Je² cho⁴ta⁴ xi³ ncha³t⁷a³-le⁴ c⁷oi⁴qui³tso²: A³ c⁷oa⁴-s⁷in² to⁴ch⁷ao³ ?mi²-lai⁴ je² xi³ na⁴⁷mi³ti¹tjon²-le⁴ Ni³na¹. ⁵ C⁷ia⁴ je² Pablo qui³tso²: Li²coi³ tjin¹j³in³-na³, nts⁷e³, tsa² je² xi³ na⁴⁷mi³ti¹tjon², nca³ c⁷oa⁴-s⁷in² tji¹t⁷a³:

Je² xi³ nca³jco⁴-le⁴ na⁴xi⁴na³nta¹-li⁴, li²coi³ ch⁷ao³ c²oin¹-lai⁴. ⁶ C⁷ia⁴ nca³ Pablo ve³ nca³ jnc³ c²a³ cho⁴ta⁴-ve⁴ xi³ cho⁴ta⁴ saduceo, c²oa⁴ xi³jnc³ c²a³ xi³ cho⁴ta⁴ fariseo, n⁷ion¹ qui³nchja⁴ ya⁴ junta-ve⁴: Nca³ts⁷io³ ⁷nti¹nts⁷e³, an³ nia¹³ cho⁴ta⁴ fariseo, c²oa⁴ ⁷nti¹-le⁴ cho⁴ta⁴ fariseo. Xi³ t⁷a³ts⁷e⁴ je² cjoa⁴nta³ xi³ ti²co³ya³-le⁴ nca³ cjoa⁴⁷a¹ya³-ni³le⁴ xi³ c²en³, coi³ cjoa⁴ nca³ c²oa⁴-s⁷in² ti¹s⁷e³nta³j³in³-ni³na³ nt⁷ai⁴. ⁷ C⁷ia⁴ nca³ je³c²oa⁴qui³tso² qui³scan³tse³-ni¹ cho⁴ta⁴ fariseo cao⁴ cho⁴ta⁴ saduceo. Coan³jao²ya³-ni³ xi³ cho⁴ta⁴ ncjin². ⁸ Je² cho⁴ta⁴ saduceo c²oa⁴tso² nca³ tsin² cjoa⁴fa³⁷a¹ya³, ni⁴ts⁷e⁴ a²ncje⁴-jin², ni⁴ts⁷e⁴ espíritu-jin². To⁴nca³ je² cho⁴ta⁴ fariseo si¹qui²xi⁴ya³ nca³ jao² c²a³ cjoa⁴. ⁹ A³li² to⁴c²oa⁴cji³ tsa³c²e¹jta³ cho⁴ta⁴-ve⁴. Tsa³qui³so¹tjen⁴j³in³ je² cho⁴ta⁴ scribano xi³ ts⁷e⁴ cho⁴ta⁴ fariseo, tsa³cjao¹ti³ qui³tso²: Ni⁴to⁴jme³-jin² xi³ ch⁷ao³ tjin¹ ma³sjai³-na³j³in⁴ xi³ t⁷a³ts⁷e⁴ je² cho⁴ta⁴-vi⁴. Tsa² espíritu xi³ qui³nchja⁴cao⁴, a³xo⁴ tsa² a²ncje⁴, li² c²oa⁴-jin²s⁷in² coi⁴yo³n⁷ion¹-le⁴² Ni³na¹. ¹⁰ C⁷ia⁴ nca³ je² cjoa⁴si³-ve⁴ n⁷ion¹ coan³tse³, je² xi³ nca³jco⁴-le⁴ so³nta²do⁴ qui³tso³cjon¹ tsa² cho⁴ta⁴-ve⁴ si⁴²xcoa⁴ Pablo. Qui³nchja⁴-le⁴ so³nta²do⁴, tsa³ca³te¹xo³ma³-le⁴ nca³ cjoa⁴⁷a²xin² cjoa⁴n⁷ion¹ Pablo ja⁴j³in³-le⁴ cho⁴ta⁴-ve⁴, c²oa⁴ nca³ coai⁴cao⁴ ya⁴ cuartel. ¹¹ Xi³ coan³nchaon³-ni³, c²ia⁴ nca³ coan³ njion², je² Nai³-na¹ tsa³ca³sen²t⁷a³-le⁴ Pablo, c²oi⁴qui³tso²-le⁴: A³li² c²oa⁴-jin² ma³-li² Pablo. Jo³-s⁷in² nca³ qui³ts⁷ai² en¹-li⁴ xi³ t⁷a³ts⁷an⁴ i⁴ Jerusalén, c²oa⁴-s⁷in² ma³chjen¹ nca³ c²oi⁴ en¹-li⁴ c²oa⁴-ti⁴ ya⁴ Roma.

Tsa³c²e¹nta³ne² cjoa⁴ts⁷en⁴ cho⁴ta⁴ judío

¹² C⁷ia⁴ nca³ qui³s⁷e³sen¹, tsa³c²e¹nta³ne² cjoa⁴ts⁷en⁴ cho⁴ta⁴ judío. C²oa⁴-s⁷in² qui³tsj³oa³ ts⁷oa³, c²oa⁴ Ni³na¹ ca²ta³tsj³oa¹-na³j³in⁴ cjoa⁴ñ⁷ain³ qui³tso², nca³ li²coi³ coa⁴cjen⁴ ni⁴sc⁷oi¹-jin², jo³ sa³⁷nta³ nca³ si⁴²c²en³ Pablo.

13 Ts²a³to³-le⁴ ña³chan² ma³-ni³ xi³ c⁷oa⁴-s⁷in² qui³tsjoa³ ts⁷oa³. 14 Je² cho⁴ta⁴-vi⁴ qui³con³-le⁴ je² cho⁴ta⁴ti¹tjon²-le⁴ na⁴⁷mi³ cao⁴ cho⁴ta⁴jchi¹nca³, c⁷oi⁴qui³tso²: Jin⁴-jin⁴ c⁷oa⁴-s⁷in² ca²v⁷ai²⁴-jin⁴ ntso⁴⁷vai³⁴-jin⁴ nca³ Ni³na¹ ca²ta³tsjoa¹-na³jin⁴ cjoa⁴ñ⁷ain³ nca³ tsi²jme³ xi³ coi⁴chi³⁴-jin⁴ ni⁴s⁷io⁴-jin²⁴jin⁴, jo³ sa³⁷nta³ nca³ si⁴c⁷ain³⁴-jin⁴ Pablo. 15 Nt⁷ai⁴-vi⁴ tso²c⁷oa⁴, jon² cao⁴ cho⁴ta⁴xa¹junta, ti⁴cji³nch⁷oao¹³ je² xi³ nca³jco⁴-le⁴ so³nta²do⁴ nca³ ca²tji³nchoa¹jen³cao⁴ je² Pablo nchaon³-li⁴, jo³-ni³ tsa²me³-no³ nca³ nqui²sa⁴ nta³ cho¹t⁷ao³ je² cjoa⁴ xi³ t⁷a³ts⁷e⁴. C⁷oa⁴ jin⁴-jin⁴ coi⁴yo³ntai³⁴-jin⁴, jme¹-ni³ nca³ coan⁴ si⁴c⁷en³-ni³jin⁴ to⁴nqui³-ni³ nca³ je² cjo⁴cho³.

Ti³-le⁴ nti³chja³ Pablo tsa³c⁷e¹-le⁴ na⁴jmi¹

16 C⁷ia⁴ jnco³ ti³-le⁴ nti³chja³ Pablo qui³nch⁷oe¹ nca³ coi⁴ca³tio²chjoa²-le⁴. Qui³ qui³s⁷en³ ya⁴³ cuartel, tsa³c⁷e¹-le⁴ na⁴jmi¹ Pablo. 17 C⁷ia⁴ Pablo qui³nchja⁴-le⁴ jnco³ nai³-le⁴ so³nta²do⁴, c⁷oi⁴qui³tso²: T⁷in³coai⁴ ti³-vi⁴ ya⁴ jña³ nca³ ti¹jna³ je² xi³ nca³jco⁴-le⁴ so³nta²do⁴. Tjin¹ en¹ xi³ ya⁴ c⁷oe⁴²-le⁴ na⁴jmi¹. 18 C⁷ia⁴ je² nai³-le⁴ so³nta²do⁴ qui³scoe¹ ti³-ve⁴, qui³cao⁴-le⁴ je² xi³ nca³jco⁴-le⁴ so³nta²do⁴, c⁷oi⁴qui³tso²: Je² Pablo xi³ ti¹jna³ preso ca²nchja⁴-na³, ca²v⁷e¹ts⁷oa³-na³ nca³ ca²nchoa³cao⁴-le²³ je² ti³ xo⁴cji³-vi⁴. Tjin¹-xo¹ en¹ xi³ c⁷oe⁴²-li² na⁴jmi¹. 19 Je² xi³ nca³jco⁴-le⁴ so³nta²do⁴ qui³scoe¹ ntsja³ ti³-ve⁴, c⁷oa⁴ qui³cao⁴ t⁷a³xin², qui³sco²na³nqui³-le⁴: Jme¹ ni¹³ xi³ c⁷oe¹-nai¹³ na⁴jmi¹. 20 C⁷ia⁴ ti³-ve⁴ qui³nchja⁴: Je² cho⁴ta⁴ judío c⁷oa⁴-s⁷in² tjio¹jnco³con³ nca³ si⁴²je¹-li² cjoa⁴nta³, jme¹-ni³ nca³ nchaon³-li⁴ ch⁷a⁴sja³ c⁷oin¹jen⁴cao⁴-si¹ni³ je² Pablo ya⁴ ts⁷e⁴ cho⁴ta⁴xa¹junta, jo³-ni³ tsa² nca³ nqui²sa⁴ nta³ scoi⁴na³nqui³-xo¹le⁴ jña³-le⁴ xi³ cjoa⁴qui²xi⁴. 21 C⁷oa⁴ ji³, a³li² ma³cjain¹-jin²li², nca⁴ ts⁷a³to³-la⁴ ña³chan² cho⁴ta⁴x⁷in⁴ xi³ ts⁷e⁴ xi³ c⁷oa⁴-s⁷in² va³tio²chjoa²-le⁴ Pablo.

Je² cho⁴ta⁴ xi³ qui³tsjoa³ ts⁷oa³ nca³ Ni³na¹ ca²ta³tsjoa¹-le⁴ cjoa⁴ñ⁷ain³ nca³ tsi² tsa² coa⁴cjen⁴ ni⁴sc⁷oi¹-jin², jo³ sa³nta³ nca³ si⁴²c⁷en³ Pablo. C⁷oa⁴ nt⁷ai⁴-vi⁴ je³tjio¹nta³, tjio¹co³ya³-le⁴ tsi⁴ en¹. ²² C⁷ia⁴ je² xi³ nca³jco⁴-le⁴ so³nta²do⁴ qui³si³xa³t⁷a³ ti³-ve⁴. C⁷oa⁴-s⁷in² tsa³c⁷e¹ne²-le⁴, nca³ li²ya³ xi³ c⁷oa⁴coi⁴tso⁴-le⁴ nca³ c⁷oa⁴-s⁷in² je³ja³ai³c⁷e¹ na⁴jmi¹.

Pablo qui³cha³ni²t⁷a³-le⁴ Félix

²³ C⁷oa⁴ qui³no²cjoa⁴-le⁴ jao² cho⁴ta⁴ xi³ nai³-le⁴ so³nta²do⁴. Je² xi³ nca³jco⁴-le⁴ so³nta²do⁴ c⁷oa⁴-s⁷in² tsa³c⁷e¹t⁷ain³-le⁴ nca³ las nueve nca³ njion² ca²ta³va³tio²nta³ jao² ciento so³nta²do⁴ xi³ coai⁴ ya⁴ sa³nta³ Cesarea, c⁷oa⁴ jan²can³ cao⁴ te³ xi³ na⁴xin¹ coa⁴tio⁴son², c⁷oa⁴ jao² ciento xi³ lanza c⁷oa⁴. ²⁴ C⁷oa⁴-ti⁴ tsa³c⁷e¹t⁷ain³ nca³ ca²ta³sa³sen¹nta³ na⁴xin¹ cao⁴ xi²le⁴ je² xi³ Pablo c⁷oe¹jna³son², jme¹-ni³ nca³ nta³ coai⁴cao⁴-si¹ni³le⁴ je² Félix cho⁴ta⁴xa¹ti¹tjon². ²⁵ Jnc³ xon⁴carta qui³squi³ xi³ coi³ tsa³c⁷e¹. ²⁶ An³ Claudio Lisias si³ti²nta³-le²³ Félix xi³ c⁷oa⁴-s⁷in² to⁴nc⁷a³ gobernador: ²⁷ Je² cho⁴ta⁴ je²-vi⁴ xi³ qui³tsoa³ je² cho⁴ta⁴ judío. Ja⁴me³ qui³si³c⁷en³. An³ tsa³c⁷a³sje³ntje²³ nca³ ji³cho³coa⁴ so³nta²do⁴, nca⁴ qui³s⁷e³jjin³-na³ nca³ cho⁴ta⁴ romano. ²⁸ Coan³me³-na³ nca³ scoe³ jme³ je¹ xi³ tjin¹-le⁴, nca³ c⁷oa⁴-s⁷in² tsa³ca¹nqui³. Qui³cao⁴-nia¹³ ya⁴ ts⁷e⁴ cho⁴ta⁴xa¹junta xi³ ts⁷e⁴. ²⁹ C⁷ia⁴ coan³sjai³-na³ nca³ tsa³ca¹nqui³ to⁴je² t⁷a³ts⁷e⁴ cjoa⁴te¹xo³ma³-le⁴ xi³ ts⁷e⁴. Ni⁴jnc³-jin² je¹ tjin¹-le⁴ xi³ va³quin²-le⁴ nca³ coi⁴ya¹ntjai², a³xo⁴ nca³ nto⁴ya¹ c⁷oe¹jna³. ³⁰ To⁴nca³ tsa³c⁷e¹-na³ na⁴jmi¹ nca³ me³-le⁴ coa⁴tio⁴chjoa²-le⁴. C⁷oa⁴-s⁷in² tsa³ca³tio²nta³ je² cho⁴ta⁴ judío. Coi³ ji³ qui³sca³ni³ nti⁴ton⁴-ni³le²³. C⁷oa⁴-ti⁴ tsa³c⁷e³ne²-le⁴ je² xi³ tjio¹va¹nqui³ Pablo, nca³ ya⁴ nqui³xcoin³ c⁷oa⁴ca²ta³tso²-li² jme¹ ni¹³ xi³

tjin¹-le⁴ xi³ co²ntran⁴ ts⁷e⁴. Nta³ ca²ta³fi²-li² ni⁴χhjin³.
³¹ C⁷ia⁴ je² so³nta²do⁴ qui³sco¹ Pablo jo³-s⁷in² nca³
 qui³s⁷e³ne²-le⁴. Qui³cao⁴ nca³ njion² ya⁴ Antípatris.
³² Xi³ coan³nchaon³-ni³ ya⁴ qui³si³ca³tio¹cao⁴ xi³ na⁴xin¹
 tjio¹son², nca³ je² xi³ coai⁴cao⁴. C⁷oa⁴ je² xi³c⁷a³
 qui³si³c⁷o¹fa³ya³-ni³ ya⁴ cuartel. ³³ C⁷ia⁴ nca³ ji³cho²
 ya⁴ Cesarea, qui³tsjoa³-le⁴ gobernador xi³ ya⁴ ti¹jna³ je²
 xon⁴carta-ve⁴. C⁷oa⁴-ti⁴ qui³si³ca³sen²jna³va³sen³ Pablo
 nqui³xcon⁴. ³⁴ Je² gobernador tsa³c⁷e¹xquia⁴ xon⁴carta-
 ve⁴, qui³sco²na³nqui³ jña¹ ni¹³ ⁷nte³-le⁴. Coan³j³in³-le⁴ nca³
 ya⁴ Cilicia ts⁷e⁴. ³⁵ Cjoi³nch⁷oe³-le²³ c⁷ia⁴ nca³ cjoa⁴⁷ai¹ je²
 xi³ ji³ va¹nqui³-li², qui³tso². C⁷ia⁴ tsa³ca³te¹xo³ma³ nca³
 c⁷oe¹jna³ co³ya³ ya⁴ palacio-le⁴ Herodes.

24

*Pablo nchja*⁴ntjai² yao³-le⁴ nqui³xcon⁴ Félix

¹ C⁷ia⁴ nca³ coan³⁷aon²-ni³ ni²χhjin³, ji³cho²
 je² na⁴⁷mi³ti¹tjon², je² Ananías. Tjen⁴cao⁴ c⁷a³
 cho⁴ta⁴jchi¹nca³, c⁷oa⁴ jnco³ xi³ ma³-le⁴ nchja⁴ya³
 xi³ Tértulo ⁷mi². Ña³qui³ qui³tso²ya³-le⁴ gobernador
 cjoa⁴co²ntran⁴ t⁷a³ts⁷e⁴ Pablo. ² C⁷ia⁴ qui³no²cjoa⁴-le⁴.
 Tértulo tsa³c⁷e¹ts⁷ia⁴cao⁴ nca³ tsa³ca¹nqui³, c⁷oi⁴qui³tso²-
 le⁴: To⁴t⁷a³tsi⁴-sa³ nca³ c⁷oa⁴-s⁷in² n⁷ion¹ nch⁷an¹
 ti³yoa³². A³li² to⁴ncjin² cjoa⁴ xi³ ji³ nta³ v⁷e²ntai³ xi³
 t⁷a³ts⁷e⁴ cjoa⁴nta³-le⁴ je² na⁴xi⁴na³nta¹-vi⁴, xi³ to⁴t⁷a³tsi⁴
 cjoa⁴chji⁴ne⁴. ³ Nca³ntsjai² ni⁴χhjin³ c⁷oa⁴ nca³qui³jnta²-
 ni¹ c⁷oa⁴-s⁷in² chjoai¹³-jin⁴ je² cjoa⁴-vi⁴. Can³ c⁷a³ c⁷oa⁴-
 s⁷in² v⁷ai²-lai²⁴j⁴in⁴ cjoa⁴nta³, ji³ ⁷nti¹n⁷ai³ Félix. ⁴ To⁴nca³
 cai³-na³j⁴in⁴ nca³ to⁴sin³ to⁴nta³ ni²si³-lai²⁴j⁴in⁴. Tjin¹-
 li² cjoa⁴nta³, c⁷oa⁴-s⁷in² v⁷e³ts⁷oa²-le²³ nca³ ti⁴no¹⁷ya²
 i⁴tse¹-na³j⁴in⁴ jo³-s⁷in² nca³ tj¹in¹-li² cjoa⁴ma⁴ta³con².
⁵ C⁷oa⁴-s⁷in² tsa³⁷yai³⁴-j⁴in⁴ je² cho⁴ta⁴-vi⁴ nca³ n⁷ion¹
 ch⁷ao³ cjoan³. Je² xi³ cjo³mi³tjen⁴ cjoa⁴si³ jin³-le⁴ nca³ts⁷i³

cho⁴ta⁴ judío nca³qui³jnta² son³nte³. C⁷oa⁴ je² ni¹ cho⁴ta⁴ti¹tjon²-le⁴ je² cho⁴ta⁴ nazarenos xi³ ntia⁴²t⁷a³xin²-le⁴ Ni³na¹ fi²t⁷a³-le⁴. 6 Je² xi³ c⁷oa⁴-ti⁴ coan³me³-le⁴ nca³ qui³si³jnti¹ je² yo⁴nco⁴-na⁴jin⁴. Qui³nto³vai³⁴-jin⁴, me³-na³jin⁴ nca³ cho¹t⁷a³-le⁴, jo³ tso² cjoa⁴te¹xo³ma³-na⁴jin⁴. 7 To⁴nca³ je² Lisias xi³ nca³jco⁴-le⁴ so³nta²do tsa³cja³-jin³. Ña³qui³ tsa³cja¹7a³-na³jin⁴ Pablo ya⁴³ ntsai⁴-jin⁴. 8 C⁷oa⁴-s⁷in² tsa³ca³te¹xo³ma³-le⁴ je² cho⁴ta⁴ xi³ va¹nqui³ nca³ ca²ta³fa³ai³con³-li². Je² xi³ ji³ c⁷oa⁴-s⁷in² coi⁴no¹7ya²-lai⁴ c⁷oa⁴-s⁷in² cho¹son²-ni³lai⁴. C⁷oa⁴-s⁷in² jcha⁴-ni³ jme¹ cjoa⁴-ni³ nca³ fa³nqui³-ni³jin⁴. 9 C⁷oa⁴-ti⁴ qui³tsjoa³ en¹ cho⁴ta⁴ judío nca³ c⁷oa⁴tjin¹ je² cjoa⁴-vi⁴. 10 C⁷ia⁴ gobernador qui³sco²mi³-le⁴ ntsja³ nca³ ca²ta³nchja⁴ Pablo. Pablo c⁷oi⁴qui³tso²: An³-vi⁴ 7ve³-nia¹³ nca³ coan³ ncjin² no¹ ji³ ti³jna³coai⁴ cjoa⁴te¹xo³ma³i⁴ 7nte³-vi⁴. C⁷oa⁴-s⁷in² ti⁴7an³ coi³nchja²ntjai²-nia³ yao³-na⁴ cao⁴ cjoa⁴tsjoa³. 11 Ji³ jcha⁴-ni³ nca³ to⁴s⁷a⁴ te³jao²ni⁴čhjin³ nca³ qui³mia³. Qui³c⁷e³ts⁷oa²³ ya⁴ Jerusalén. 12 Ni⁴sa³jnco³ c⁷a²-jin² ti¹7ya³-na³ ya⁴ yo⁴nco⁴ nca³ cho⁴ta⁴ fa²coa⁴, ni⁴cho⁴ta⁴ncjin²-jin² v⁷e³xcoa¹³, ni⁴ ya⁴-jin² nt⁷ia³ sinagoga, ni⁴ ya⁴-jin² na⁴xi⁴na³nta¹. 13 Li²coi³ coan⁴-le⁴ si⁴²qui²xi⁴ya³-li² je² cjoa⁴, je² xi³ nt⁷ai⁴ ti¹va¹nqui³-na³. 14 To⁴nca³ je²-vi⁴ ña³qui³ c⁷oa⁴²tjin¹ coan³ nca³ c⁷oa⁴xin³-le²³, jo³-s⁷in² ntia⁴²t⁷a³xin²-le⁴ Ni³na¹ tso²-le⁴, c⁷oa⁴-s⁷in² ma³chjen¹-le⁴ an³ je² Ni³na¹-le⁴ n⁷ai³jcha¹cjin³-na⁴, c⁷oa⁴-s⁷in² ma³cjain¹-na³ nca³yi³je³ jo³-s⁷in² tji¹t⁷a³ ya⁴ cjoa⁴te¹xo³ma³, c⁷oa⁴ ya⁴ xon⁴-le⁴ je² xi³ qui³nchja⁴ya³ t⁷a³ts⁷e⁴ Ni³na¹. 15 C⁷oa⁴-s⁷in² ti²co³ya³-le⁴ xi³ t⁷a³ts⁷e⁴ Ni³na¹ nca³ cjoa⁴7a¹ya³-le⁴ xi³ c⁷en³, nta³ tsa² cao⁴ cho⁴ta⁴ xi³ tjin¹-le⁴ cjoa⁴qui²xi⁴, cao⁴ cho⁴ta⁴ts⁷en⁴. C⁷oa⁴-ti⁴s⁷in²ni³ je² cho⁴ta⁴ judío co³ya³-le⁴ xi³ t⁷a³ts⁷e⁴ Ni³na¹ xi³ ti⁴coi³-ni³. 16 Coi³ nca³ ña³qui³ v⁷e³ne²-le⁴ yao³-na⁴, jme¹-ni³ nca³ nta³ ti¹jna³-si¹ni³ ni⁴ma⁴-na⁴

nca³ntsjai², nca³ tsi²jme³ je¹ xi³ tjin¹-le⁴ xi³ t⁷a³ts⁷e⁴ Ni³na¹, c⁷oa⁴ xi³ t⁷a³ts⁷e⁴ cho⁴ta⁴son³⁷n³te³. 17 Ja⁴scan³-ni³ nca³ ncjin² no¹ ja³⁷a³to³, ja²⁷ai⁴ca³nia³ limosna cao⁴ cjoa⁴tjao² na⁴xi⁴na³nta¹-na⁴. 18 C⁷ia⁴ c⁷a³ cho⁴ta⁴ judfo xi³ ts⁷e⁴ Asia tsa³ve³-na³ ya⁴ya³ yo⁴nc⁴, nca³ coan³tsje³ nca³ an³. Ni⁴ cao⁴ cho⁴ta⁴ncjin²-jin², ni⁴ cao⁴ cjoa⁴si³-jin² tsa³ve³-na³. 19 Je²-jin² tsa²cai³ xi³ ca²ta³fa³⁷ai³ nqui³xcoin³. C⁷oa⁴-s⁷in² ca²ta³va¹nqui³-na³ tsa² jme³-ve⁴ xi³ tjin¹-le⁴ xi³ co²ntran⁴ ts⁷an⁴. 20 Ti⁴je²-ni³ je²-vi⁴ c⁷oa⁴ca²ta³tso² tsa² qui³sa³co³sjai³-le⁴ jme³-ve⁴ xi³ qui³s⁷ian³ xi³ tsi²coi³ tsa² nta³ tjin¹, c⁷ia⁴ nca³ tsa³ca²te⁴jna³ ya⁴ nqui³xcon⁴ cho⁴ta⁴xa¹junta. 21 To⁴jnc³-jin² cjoa⁴ xi³ tjin¹-le⁴ xi³ qui³nchja²³ c⁷ia⁴ nca³ ya⁴ ti²jna⁴j³-le⁴ xi³ coi³ jo³-s⁷in² nca³ cjoa⁴⁷a¹ya³-le⁴ nca³ts⁷i³ c⁷en³. Coi³ cjoa⁴ xi³ cji³ma³t⁷en³ nt⁷ai⁴-vi⁴. 22 Je² Félix cjai¹nca³ nta³ tjin¹j³-le⁴ jo³-s⁷in² ma³cjain¹-le⁴ je² cho⁴ta⁴-vi⁴ xi³ ntia⁴²t⁷a³xin²-le⁴ Ni³na¹ fi²t⁷a³-le⁴. Coi³ cjoa⁴ qui³sco³ya³cao⁴cjoa⁴ je² cjoa⁴-ve⁴ c⁷ia⁴ nca³ je³qui³nch⁷oe¹ nca³yi³je³ je² en¹-vi⁴ c⁷oi⁴qui³tso²: C⁷ia⁴ nca³ cjoa⁴⁷ai¹jen³ je² Lisias xi³ nca³jco⁴-le⁴ so³nta²do⁴, c⁷ia⁴ cjoe⁴scoe³ je² cjoa⁴ xo⁴tjin¹-no³vi⁴. 23 C⁷ia⁴ Félix tsa³ca³te¹xo³ma³-le⁴ nai³-le⁴ so³nta²do⁴ nca³ si⁴²c⁷e¹jna³tjao² Pablo, nca³ si⁴²xan⁴-le⁴ cjoa⁴n⁷ain³. Li²coi³ qui³s⁷e³chjoa²-le⁴ je² xi¹ncjin¹ xi³ me³-le⁴ nca³ si⁴²sin³-le⁴, nca³ cjoa⁴⁷ai¹con³-le⁴. 24 C⁷ia⁴ nca³ je³ja³⁷a³to³ jo³ tjin¹ ni⁴chjin³, ja³⁷ai³ Félix cao⁴ Drusila chjon⁴²-le⁴ xi³ cho⁴ta⁴ judía ni¹. Qui³nchja⁴-le⁴ Pablo, c⁷oa⁴ qui³nch⁷oe¹-le⁴ xi³ cjoa⁴qui²xi⁴ jo³-s⁷in² ma³cjain¹-na¹ xi³ t⁷a³ts⁷e⁴ Jesucristo. 25 Pablo tsa³cja¹cao⁴ jo³-s⁷in² s⁷e³ne²-na¹ nca³ s⁷ian⁴² xi³ cjoa⁴qui²xi⁴, nca³ c⁷oe¹chjoa²-le⁴² yao³-na¹ xi³ t⁷a³ts⁷e⁴ cjoa⁴chi⁴con¹. C⁷oa⁴ tsa³cja¹cao⁴ jo³-s⁷in² s⁷a⁴ cjoa⁴⁷ai¹ ni⁴chjin³ xi³ s⁷e⁴nta³j³in³ cjoa⁴. To⁴qui³tsa³cjon¹ Félix, c⁷oi⁴qui³tso²: Nt⁷ai⁴-vi⁴ntai⁴ t⁷in-ni¹³. C⁷ia⁴ nca³ coan⁴⁷a³-na³, coi³nchja²-le²³. 26 Félix qui³sco³ya²-le⁴

nca³ Pablo taon⁴ tsjoa¹ntjai² yao³-le⁴, jme¹-ni³ nca³ si⁴²c⁷e¹jna³ntai¹-si¹ni³. Coi³ nca³ ncjin² c⁷a³ qui³nchja⁴-le⁴, nca³ tsa³cja¹cao⁴ nca³ je². ²⁷ C⁷ia⁴ nca³ coan³jao²-ni³ no¹, ts⁷a³ntjai²ya³ Félix. Je² qui³sa³sen³ xa¹ Porcio Festo. Coan³me³-le⁴ Félix nca³ si⁴²nt⁷e¹t⁷a³-le⁴ je² cho⁴ta⁴ judío. C⁷oa⁴-s⁷in² qui³si³c⁷e¹jna³ cjoa⁴ñ⁷ain³ Pablo.

25

Pablo qui³si³je¹-ni¹ nca³n⁷ion¹-le⁴ t⁷a³ts⁷e⁴ César

¹ Je² cho⁴ta⁴xa¹ cho⁴tse⁴ Festo ja³a³s⁷en³ ya⁴nte³-le⁴. Xi³ coan³jan²-ni³ ni⁴čhjin³, qui³mi³-ni³ Cesarea, ji³cho² ya⁴ Jerusalén. Jerusalén. ² Ya⁴ ja³ai³con²-le⁴ je² cho⁴ta⁴ti¹tjon²-le⁴ na⁴mi², cao⁴ cho⁴ta⁴ti¹tjon²-le⁴ cho⁴ta⁴ judío xi³ qui³tso²ya³-le⁴ cjoa⁴co²ntran⁴ t⁷a³ts⁷e⁴ Pablo. C⁷oa⁴-s⁷in² tsa³c⁷e¹ts⁷oa³-le⁴: ³ Qui³si³je¹-le⁴ cjoa⁴nta³ nca³ ca²ta³n⁷choa¹cao⁴ Pablo ya⁴ Jerusalén. Je² cho⁴ta⁴-ve⁴ coa⁴ti⁰chjoa²-le⁴ jme¹-ni³ nca³ si⁴²c⁷en³che¹-si¹ni³ ya⁴ntia⁴². ⁴ To⁴nca³ je² Festo c⁷oa⁴-s⁷in² qui³nchja⁴ nca³ je² Pablo ya⁴ ca²ta³v⁷e²jna³tjao² ya⁴ Cesarea. Je² soa³ ya⁴ coai⁴ nti⁴ton⁴. ⁵ C⁷oa⁴qui³tso²-le⁴: To⁴ya³-ni³ xi³ jon²-vi⁴ xi³ tjin¹-no³ xa¹, ta³nquin¹jen³cao⁴-nao¹³, tsa² cjoa⁴qui²xi⁴ nca³ je¹ qui³tjen⁴-le⁴ Pablo, c⁷oa⁴ ya⁴ tja³nquio³ nca³ je². ⁶ To⁴jjin³-la⁴ to⁴te³-la⁴ ni⁴čhjin³ coan³tse³ya²-le⁴ Festo nca³ ya⁴ tsa³c⁷e²jna³cao⁴. C⁷ia⁴ qui³jen³ ya⁴ Cesarea. Xi³ coan³nchaon³-ni³ ji³cho²c⁷e²jna³ne² ya¹xi²le⁴-le⁴. C⁷ia⁴ qui³nchja⁴-le⁴ Pablo nca³ ca²ta³n⁷choa³cao⁴. ⁷ C⁷ia⁴ nca³ ja³ai³cao⁴, jo³ coan³ma³jtin¹ntai³-le⁴ cho⁴ta⁴ judío xi³ ja³ai³-ni³ ya⁴ Jerusalén. A³li² c⁷oa⁴cji³ cjoa⁴ xi³ tsa³ca¹nqui³ Pablo, cjoa⁴ xi³ li²coi³ coan³-le⁴ qui³si³qui²xi⁴ya³t⁷ain³. ⁸ C⁷ia⁴ qui³nchja⁴ntjai² yao³-le⁴ je² Pablo: Ni⁴jme³-jin² je¹ xi³ tsa³jnquia³, ni⁴co²ntran⁴ ts⁷e⁴ cjoa⁴te¹xo³ma³ xi³ ts⁷e⁴ cho⁴ta⁴ judío-jin², ni⁴co²ntran⁴ ts⁷e⁴ yo⁴nc⁰-jin², ni⁴co²ntran⁴ ts⁷e⁴ César-jin². ⁹ To⁴nca³

Festo coan³me³-le⁴ nca³ si⁴²nt⁷e¹t⁷a³-le⁴ je² cho⁴ta⁴ judío, tsa³cja¹cao⁴ Pablo, c⁷oi⁴qui³tso²: A³ me³-li² nca³ c⁷oin¹mi³ ya⁴ Jerusalén, c⁷oa⁴ ya⁴ c⁷oe¹nta³j³in³-li² nca³yi³-je³ cjoa⁴-vi⁴ nqui³xcoan³ nca³ an³. ¹⁰ C⁷ia⁴ Pablo qui³tso²: I⁴ ti²jna⁴t⁷a³-le⁴ cjoa⁴te¹xo³ma³-le⁴ César, jña³ nca³ ma³chjen¹ nca³ s⁷e³nta³j³in³-na³, ni⁴jme³-jin² cjoa⁴taon³ xi³ qui³s⁷in³-le⁴ je² cho⁴ta⁴ judío, jo³-s⁷in² nca³ cjai¹nca³ nta³ ⁷yai³ nca³ ji³. ¹¹ Tsa² tjin¹-na³ je¹, c⁷oa⁴ tsa² jme³ cjoa⁴ xi³ va³quin²-le⁴ nca³ coi⁴ya¹ntje²³, li²coi³ c⁷oe³ts⁷oa³ntje²³ cjoa⁴vi³ya³-na⁴. To⁴nca³ tsa² tsi² tsa² jme³ cjoa⁴ xi³ tjin¹-ni³, jme³ xi³ va¹nqui³-ni³na³ je² cho⁴ta⁴-vi⁴, ni⁴ya³-jin² xi³ ti⁴x⁷a⁴nte³-le⁴ nca³ ya⁴ sca⁴ni²-na³ cao⁴ je² cho⁴ta⁴-vi⁴. Si³je¹-nia¹³ nca³n⁷ion¹-na⁴ t⁷a³ts⁷e⁴ César. ¹² C⁷ia⁴ Festo tsa³cja¹cao⁴ cho⁴ta⁴ junta-le⁴, c⁷oi⁴qui³tso²: A³ je² César qui³ni²je¹-lai⁴ nca³n⁷ion¹. Ya⁴ c⁷oin¹chon³-lai⁴ni³.

Pablo nqui³xcon⁴ Agripa cao⁴ Berenice

¹³ C⁷ia⁴ nca³ je³ja³a³to³ jo³ tjin¹ ni⁴chjin³, je² cho⁴ta⁴ti¹-tjon² Agripa cao⁴ Berenice ja³ai³ ya⁴ Cesarea, ja³ai³ si¹xa³t⁷a³ je² Festo. ¹⁴ C⁷oa⁴ ncjin² ni⁴chjin³ ya⁴ tsa³ca³tio². Je² Festo tsa³c⁷e¹-le⁴ na⁴jmi¹ cho⁴ta⁴ti¹tjon² je² cjoa⁴-le⁴ Pablo, c⁷oi⁴qui³tso²: Je² Festo qui³si³c⁷e¹jna³ preso jnco³ cho⁴ta⁴. ¹⁵ C⁷ia⁴ nca³ quia³ ya⁴ Jerusalén, je² cho⁴ta⁴ti¹tjon²-le⁴ na⁴mi³, cao⁴ je² cho⁴ta⁴jchi¹nca³-le⁴ cho⁴ta⁴ judío qui³tso²ya³-na³ cjoa⁴co²ntran⁴ xi³ t⁷a³ts⁷e⁴ Pablo. Qui³si³je¹ jnco³ cjoa⁴n⁷ain³ xi³ t⁷a³ts⁷e⁴ cho⁴ta⁴-ve⁴. ¹⁶ C⁷oa⁴qui³xin³-le⁴ an³, nca³ tsi² tsa³ c⁷oa⁴-s⁷in² ve³ cho⁴ta⁴ romano nca³ to⁴xquia⁴ ni²c⁷en³-le⁴ cho⁴ta⁴. Je²-cjoa²la² xi³ va¹nqui³, ca²ta³vi³ncha³va³sen³ cao⁴ je² xi³ fa³nqui³, jme¹-ni³ c⁷oa⁴-s⁷in² tjo¹nte³-si¹ni³le⁴ nca³ coi⁴nchja⁴ntjai² yao³-le⁴ xi³ t⁷a³ts⁷e⁴ cjoa⁴ xi³ cji³ma³t⁷ain³. ¹⁷ C⁷oa⁴-s⁷in² li²coi³ qui³si³tse³ya²³ nca³ an³, c⁷ia⁴ nca³ ja³ai³ts⁷i³ i⁴-vi⁴. Xi³ coan³nchaon³-ni³ nca³ ti²jna⁴ ya⁴

nt²ia³va³sen³ tsa³ca³te³xo³ma³ nca³ ca²ta³fa³ai³cao⁴
 cho⁴ta⁴-ve⁴. 18 C²ia⁴ nca³ ncha³va³sen³ je² xi³ va¹nqui³,
 ni⁴jme³-jin² cjoa⁴ xi³ qui³si³c²a³tsen³ jo³-s⁷in² nca³
 co³ya³-le⁴ tsa²cai³. 19 To⁴coi³ qui³co²ntran⁴-ni³le⁴ je²
 cjoa⁴ xi³ t⁷a³ts⁷e⁴ jo³-s⁷in² nca³ ve³xcon¹ Ni³na¹, c⁷oa⁴
 xi³ t⁷a³ts⁷e⁴ jnco³ xi³ Jesús tsa³c⁷in² xi³ je³c⁷en³. Je²
 Pablo-ve⁴ c⁷oa⁴-s⁷in² qui³tso² nca³ ti¹jna³con³. 20 C⁷oa⁴
 an³-⁷ni³ to⁴jao² tjin¹-na³ je² cjoa⁴-vi⁴. C⁷oa⁴qui³xin³-le⁴
 Pablo tsa² me³-le⁴ nca³ coai⁴ ya⁴ Jerusalén, c⁷oa⁴ ya⁴
 s⁷e⁴nta³jjin³-le⁴ nca³yi³je³ cjoa⁴ xo⁴tjin¹-vi⁴. 21 To⁴nca³
 Pablo qui³si³je¹ nca³ si⁴c⁷e¹jna³tjao²-le⁴ sa³nta³ je²
 Augusto cjo¹nch⁷oe¹-le⁴. C²ia⁴ tsa³ca³te³xo³ma³ nca³
 ca²ta³ni²c⁷e¹jna³tjao² jo³ sa³nta³ nca³ sca³ni³-le⁴ je²
 César. 22 C²ia⁴ Agripa c⁷oi⁴qui³tso²-le⁴ Festo: C⁷oa⁴-ti⁴
 me³-na³ nca³ cjo¹nch⁷oe³-le⁴ je² cho⁴ta⁴. Festo qui³tso²-
 le⁴: Nchaon³-li⁴ coi⁴noi⁷ya²-lai⁴.

Tsa³c²a³sje³-le⁴ cho⁴ta⁴ti¹tjon² je² Pablo

23 Xi³ coan³nchaon³-ni³ ja³ai³ Agripa cao⁴ Berenice.
 A³li² to⁴jo³ xi³ coan³ nca³ ja³ai³. Ja³a³s⁷en³ ya⁴
 nt²ia³va³sen³, cao⁴ je² xi³ nca³jco⁴-le⁴ so³nta²do⁴,
 cao⁴ cho⁴ta⁴ti¹tjon²-le⁴ ya⁴ na⁴xi⁴na³nta¹-ve⁴. Festo
 tsa³ca³te¹xo³ma³ nca³ qui³chja³a²-le⁴ Pablo. 24 C²ia⁴
 Festo c⁷oi⁴qui³tso²: Ji³ ni¹³ cho⁴ta⁴ti¹tjon² Agripa, cao⁴
 nca³ts⁷io³ xi³ x⁷ion⁴³ xi³ i⁴ ti³yo³cao⁴-na³jjin⁴, cho¹tsen³-
 lao⁴³ je² cho⁴ta⁴-vi⁴. Je²-vi⁴ xi³ nca³ts⁷i³ cho⁴ta⁴ judío
 tsa³c⁷e¹ts⁷oa³-na³ co²ntran⁴ xi³ t⁷a³ts⁷e⁴ ya⁴ Jerusalén cao⁴
 i⁴-vi⁴. C⁷oa⁴-s⁷in² qui³squi³ntia¹ nca³ tsi² tsa² va³quin²-le⁴
 nca³ c⁷oe¹jna³con³-sa³. 25 To⁴nca³ an³-vi⁴ni³ c⁷oa⁴-
 s⁷in² tsa³ve³ nca³ ni⁴jme³-jin² je¹ xi³ qui³tjen⁴-le⁴, xi³
 va³quin²-le⁴ nca³ coi⁴ya²ntjai². C⁷oa⁴ je² soa³ c⁷oa⁴-s⁷in²
 qui³si³je¹ t⁷a³ts⁷e⁴ Augusto nca³n⁷ion¹-le⁴. Qui³sco³son²-
 ni³le⁴ nca³ an³ nca³ to⁴sa³ ya⁴ sca³ni³nch⁷oe²³. 26 To⁴nca³

ni⁴jme³-jin² cjoa⁴qui²xi⁴ xi³ coan³sjai³-na³ xi³ squi³-ni³le⁴ je² César xi³ t⁷a³ts⁷e⁴. Coi³ xa¹-ni³ nca³ ca²v⁷a³sje³-no³ nca³ jon² je² Pablo. Ña³qui³ ji³ ni¹³ xi³ ca²v⁷a³sje³-le²³, cho⁴ta⁴ti¹tjon² Agripa. C⁷oa⁴-s⁷in² s⁷e⁴-na³ cjoa⁴qui²xi⁴ xi³ squi³ni³-le⁴ César, c⁷ia⁴ nca³ je³qui³cho²na³nqui³-le⁴² Pablo. ²⁷ C⁷oa⁴²ma³-na³ nca³ li²coi³ nta³ tjin¹ tsa² sca³nia³ jnco³ preso, tsa² tsi² jo³ xian³ jme³ cjoa⁴ xi³ tjin¹ co²ntran⁴-le⁴ nca³ je².

26

Pablo qui³nchja⁴ntjai² yao³-le⁴ nqui³xcon⁴ Agripa

¹ C⁷ia⁴ je² Agripa c⁷oi⁴qui³tso²-le⁴ Pablo: V⁷ai²⁷nte³-li² nca³ coi⁴no²cjoa⁴ntjai²³ yao³-li⁴. C⁷ia⁴ Pablo qui³sco²mi³ ntsja³ tsa³c⁷e¹ts⁷ia⁴ nca³ qui³nchja⁴ntjai² yao³-le⁴:

² Ji³ cho⁴ta⁴ti¹tjon² Agripa jo³ to⁴ma³tsjoa³-na³ nca³ nt⁷ai⁴-vi⁴ coi³nchja²ntje²³ yao³-na⁴ nqui³xcoin³, xi³ t⁷a³ts⁷e⁴ je² nca³yi³je³ cjoa⁴ xi³ va¹nqui³-ni³na³ cho⁴ta⁴ judío. ³ Nca⁴ ji³ xi³ nqui²sa⁴ nta³ ⁷yai³ nca³yi³je³ jo³-s⁷in² ve³-ni³ cho⁴ta⁴ judío, c⁷oa⁴ nca³yi³je³ cjoa⁴ xi³ fao¹ya³-ni³. C⁷oa⁴-s⁷in² t⁷ian⁴-nai¹³ cjoa⁴nta³ nca³ ti⁴no¹⁷ya²-nai¹³ nca³ sin³ nca³ nta³. ⁴ Nca³ts⁷i³ cho⁴ta⁴ judío tjin¹jín³-le⁴ jo³-s⁷in² qui³coa⁴ yao³-na⁴ sa³⁷nta³ nca³ xtia³, jo³-s⁷in² sa³⁷nta³ nca³ ti¹tjon² tsa³ca²te⁴jna³ jin³-le⁴ na⁴xi⁴na³nta¹-na⁴ ya⁴ Jerusalén. ⁵ Tsa² me³-le⁴ nca³ tsjoa¹ en¹-le⁴ je² cho⁴ta⁴ judío coa²tse³ ve³-na³, nca³ an³ qui³coa⁴ yao³-na⁴ sa³⁷nta³ ti¹tjon² jo³-s⁷in² ve³-ni³ je² cho⁴ta⁴ fariseo, je² xi³ nqui²sa⁴ v⁷e¹ne²-le⁴ yao³-le⁴ nca³ ve³xcon¹ Ni³na¹. ⁶ Nt⁷ai⁴-vi⁴ i⁴ ti²jna⁴t⁷a³-le⁴ cjoa⁴te¹xo³ma³ xi³ t⁷a³ts⁷e⁴ je² cjoa⁴nta³ xi³ ti²co³ya³-le⁴, xi³ Ni³na¹ qui³tsjoa³-le⁴ ts⁷oa³ je² n⁷ai³jcha¹cjin³-na¹. ⁷ Coi³ cjoa⁴nta³ xi³ tjio¹co³ya³-le⁴ xi³ te³jao² jco⁴ya³ ntje⁴-le⁴ n⁷ai⁴jcha¹cjin³-na¹. C⁷oa⁴-s⁷in² tjio¹si¹xa¹-le⁴ Ni³na¹ nca³ntsjai² nca³ ni⁴čhjin³ nca³ ni⁴tjen⁴, nca³ tjio¹co³ya³-le⁴ nca³ s⁷e⁴-le⁴ je² cjoa⁴nta³-ve⁴.

C⁷oa⁴xin³-le²³ ji³ cho⁴ta⁴ti¹tjon² Agripa nca³ to⁴t⁷a³ts⁷e⁴ je² cjoa⁴nta³ xi³ ti²co³ya³-le⁴, to⁴coi³² cjoa⁴ tjio¹va¹nqui³-ni³na³ cho⁴ta⁴ judío. ⁸C⁷oa⁴ jon², a¹-ni³ nca³ tsi² ma³cjain¹-si¹ni³no³ nca³ Ni³na¹ si¹cja³⁷a¹ya³-ni³le⁴ c⁷en³.

Pablo qui³tjen⁴nqui³ co²ntran⁴-le⁴ cho⁴ta⁴-le⁴ Cristo
⁹ C⁷oa⁴ cjoa⁴qui²xi⁴ ni¹ nca³ an³ c⁷oa⁴-s⁷in² qui³si³cja³⁷ai³tsjen³ nca³ coan³chjen¹-na³ nca³ c⁷oa⁴qui³s⁷ian³ ncjin² cjoa⁴ co²ntran⁴-le⁴ jan³⁷ain¹-le⁴ Jesús xi³ Nazaret ts⁷e⁴. ¹⁰ C⁷oa⁴qui³s⁷ian³ ya⁴ Jerusalén. A³li² to⁴c⁷oa⁴cji³ cho⁴ta⁴-le⁴ Cristo qui³sca³nia³ ya⁴³ nto⁴ya¹. C⁷oa⁴-s⁷in² qui³tsjoa³⁷nte²-na³ je² cho⁴ta⁴ti¹tjon²-le⁴ na⁴⁷mi³. C⁷ia⁴ nca³ qui³ni²c⁷en³, c⁷oa⁴-s⁷in² qui³tsjoa³ en¹-na⁴ co²ntran⁴-le⁴ nca³ je². ¹¹ Cjai¹nca³ to⁴ncjin² c⁷a³ tsa³ca¹-le⁴ nca³qui³jnta² ja⁴ya³ nt⁷ia³ sinagoga, sa³⁷nta³ cjoa⁴n⁷ion¹ qui³s⁷in³-le⁴ nca³ nchja⁴⁷aon³-le⁴ Ni³na¹. A³li² to⁴c⁷oa⁴cji³ jti³ coan³-na³ xi³ co²ntran⁴ ts⁷e⁴. Ña³qui³ c⁷oa⁴-s⁷in² qui³ co²ntran⁴-le⁴ nta³ tsa² sa³⁷nta³ jña³ nca³ xin² na⁴xi⁴na³nta¹.

Pablo tsa³ve³ jnco³ l⁷i¹ ya⁴³ ntia⁴²
(Hechos 9:1-19; 22:6-16)

¹² C⁷ia⁴ nca³ c⁷oa⁴-s⁷in² qui³tjen⁴nqui³ co²ntran⁴-le⁴, quia³ ya⁴ Damasco. Y⁷a³ orden jña³ nca³ tsa³c⁷e¹ne²-na³ je² cho⁴ta⁴ti¹tjon²-le⁴ na⁴⁷mi³. ¹³ Ji³-lai²³ cho⁴ta⁴ti¹tjon², c⁷ia⁴ nca³ nchi³sen³, tsa³⁷ve³ ya⁴³ ntia⁴² jnco³ l⁷i¹ xi³ nc⁷a³jmi³ ji³n⁷choa³-ni³ xi³ nqui²sa⁴ to⁴fa³te³ ma³tsen³ cao⁴-ni³ tsa² ts⁷oi¹. Ña³qui³ coan³⁷i³sen³ntai³-na³ cao⁴ je² xi³ tjen⁴coa⁴. ¹⁴ Qui³tsao³tsa³cjan¹-ni³jin⁴ nca³ts⁷i³-jin⁴. Qui³n⁷ch⁷oe³-le⁴ jnco³ xi³ qui³nchja⁴-na³ nca³ en¹ hebrea: Saulo, Saulo, a¹-ni³ nca³ an³ ⁷mi³tjen⁴nqui³ co²ntran⁴-si¹ni³nai¹³. To⁴si⁴qui²⁷oain³ yao³-li⁴, tsa² coi⁴njon¹-lai⁴ ya¹ xi³ yao³xcon¹ cji³. ¹⁵ C⁷ia⁴ c⁷oa⁴qui³xin³-le⁴: ⁷ya¹ ni¹³ ji³, Señor. C⁷oa⁴ je² Nai³-na¹ qui³tso²: An³-nia¹³ Jesús xi³

ti³⁷mi³tjen⁴nqui³ co²ntran⁴-nai¹³. ¹⁶ To⁴nca³ ti⁴so¹tjai⁴, ti⁴sen⁴ntoi³. To⁴coi³ xa¹-ni³ nca³ an³ ti²si³c⁷a³tsen³-le²³ yao³-na⁴, nca³ tsjoa³-le²³ xa¹ nca³ ji³ si⁴xa¹-nai¹³, c⁷oa⁴ testigo-na⁴ coain⁴ xi³ t⁷a³ts⁷e⁴ je² cjoa⁴ xi³ ca²⁷yai³, c⁷oa⁴-ti⁴ testigo-na⁴ coain⁴ xi³ t⁷a³ts⁷e⁴ je² cjoa⁴ xi³ s⁷a⁴ si³c⁷a³tsen³-le²³ yao³-na⁴. ¹⁷ C⁷oa⁴-s⁷in² c⁷oa³sje³ntjai²-le²³ xi³ t⁷a³ts⁷e⁴ cho⁴ta⁴ na⁴xi⁴na³nta¹, c⁷oa⁴ xi³ t⁷a³ts⁷e⁴ cho⁴ta⁴ xi³ li² judío-jin², je² xi³ sca³ni³j³in³-le²³ nt⁷ai⁴-vi⁴, ¹⁸ jme¹-ni³ nca³ c⁷oa⁴-s⁷in² cho¹⁷ai²nqui³-si¹ni³ xcon⁴. Ca²ta³vi³tjo³-ni³ cjoa⁴njion²-le⁴, ca²ta³ma³⁷i³sen³-le⁴, ca²ta³vi³ncha³xin²-le⁴ je² nca³n⁷ion¹-le⁴ Satanás, ca²ta³n⁷choa^ta³-le⁴ Ni³na¹, jme¹-ni³ nca³ c⁷oa⁴-s⁷in² cha^tt⁷a³-si¹ni³le⁴ je¹-le⁴, c⁷oa⁴ s⁷e⁴cjoa⁴tjao²-si¹ni³le⁴ ja⁴j³in³-le⁴ je² xi³ je³coan³tsje³ nca³ ma³cjain¹-le⁴ xi³ t⁷a³ts⁷e⁴. ¹⁹ Coi³ cjoa⁴, ji³ cho⁴ta⁴ti¹tjon² Agripa, li²coi³ qui³si³ta²ja³-le⁴ yao³-na⁴ je² xi³ tsa³⁷ve³, xi³ nc⁷a¹ ja³⁷ai³-ni³na³. ²⁰ To⁴sa³ nca³ ti¹tjon² qui³nchja²ya³j³in³-le⁴ je² xi³ tjio¹ ya⁴ Damasco, c⁷ia⁴ je² xi³ tjio¹ ya⁴ Jerusalén, c⁷oa⁴ nca³qui³jnta² na³nqui³ Judea, cao⁴ nca³ts⁷i³ cho⁴ta⁴ xi³ li² judío-jin², nca³ ca²ta³si¹c⁷a³ntjai²ya³ cjoa⁴fa³⁷ai³tsjen³-le⁴, ca²ta³n⁷choa^ta³-le⁴ Ni³na¹. C⁷oa⁴ ca²ta³s⁷in¹ je² xi³ cjoa⁴nta³ ⁷mi²-le⁴², xi³ va³quin²-le⁴ je² xi³ je³qui³si³c⁷a³ntjai²ya³ cjoa⁴fa³⁷ai³tsjen³-le⁴. ²¹ To⁴t⁷a³ts⁷e⁴ je² cjoa⁴ xo⁴tjin¹-vi⁴ je² cho⁴ta⁴ judío qui³tsoa³-na³ ya⁴³ yo⁴nco⁴. Coan³me³-le⁴ nca³ si⁴²c⁷en³-na³. ²² To⁴nca³ Ni³na¹ tsa³ca³sen¹cao⁴-na³. To⁴jo³ c⁷oa⁴ti²s⁷ian³ sa³⁷nta³ nt⁷ai⁴-vi⁴. C⁷oa⁴-s⁷in² ti²tsjoa³-le⁴ en¹-na⁴, nta³ tsa³ cho⁴ta⁴ xi³ tjen⁴nqui³, nta³ tsa² cho⁴ta⁴ti¹tjon². A³li²jme³-sa³ xi³ cja⁴⁷ai¹ xi³ xian³, to⁴je² nca³yi³je³ cjoa⁴ xi³ je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹ cao⁴ Moisés c⁷oa⁴qui³tso² nca³ c⁷oa⁴coan⁴. ²³ Je² c⁷oa⁴qui³tso² nca³ je² Cristo cjoa⁴⁷a³ cjoa⁴n⁷ain³, c⁷oa⁴ nca³ je² ti¹tjon² cjoa⁴⁷a¹ya³j³in³-ni³le⁴ c⁷en³. C⁷oa⁴-s⁷in² coa⁴co²-le⁴

cjoa⁴⁷i³sen³ cho⁴ta⁴ na⁴xi⁴na³nta¹ cao⁴ cho⁴ta⁴ xi³ li² judío-jin². ²⁴ C⁷ia⁴ nca³ Pablo c⁷oa⁴-s⁷in² qui³nchja⁴ntjai² yao³-le⁴, je² Festo n⁷ion¹ qui³nchja⁴: Sca¹-la⁴li² Pablo, to⁴coi³-la⁴ cjoa⁴chji⁴ne⁴-li⁴ si¹sca¹ya³-ni³li². ²⁵ To⁴nca³ Pablo qui³tso²: A³li² sca¹-jin²na³, ji³-lai²³ Festo, xi³ c⁷oa⁴-s⁷in² to⁴nc⁷a³ ti³jnai³. Ña³qui³ en¹qui²xi⁴ xi³ nchja²³, c⁷oa⁴ nta³ tjin¹coan³. ²⁶ Je² cho⁴ta⁴ti¹tjon² ve³ nca³yi³je³ cjoa⁴-vi⁴. C⁷oa⁴-ti⁴ ma³n⁷ion¹coan³ nca³ fa²coa⁴ nca³ je². Li²coi³ si³cja³⁷ai³tsjen³ nca³ tji¹⁷ma³-le⁴ nca³yi³je³ je²-vi⁴, nca³ tsi² tsa² to⁴jña³-jin² ⁷ncho²ño³ c⁷oa⁴coan³. ²⁷ A³ ma³cjain¹-li² cho⁴ta⁴ti¹tjon² Agripa, t⁷a³ts⁷e⁴ je² xi³ qui³tso² je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹. ⁷ve³-nia¹³ nca³ ma³cjain¹-li². ²⁸ C⁷ia⁴ Agripa c⁷oa⁴qui³tso²-le⁴ Pablo: Ji³ to⁴choa³tse³-ni¹ ni²⁷i³nta³j³in³-nai¹³ nca³ cho⁴ta⁴-le⁴ Cristo coan⁴. ²⁹ C⁷ia⁴ qui³nchja⁴ Pablo: Jo¹ to⁴nta³ tsa² to⁴jo³-s⁷in²ni³ tsjoa¹-no³ Ni³na¹ nca³ to⁴choa³tse³-ni¹ a³xo⁴ n⁷ion¹ tse³ c⁷oa⁴ca²ta³mao³ jo³-ni³ an³. A³li² to⁴ji³-jin², c⁷oa⁴ nca³ts⁷i³ nio¹³ xi³ i⁴ ti³no²⁷ya²-nao¹³vi⁴ nt⁷ai⁴-vi⁴. To⁴je² xi³ ti¹t⁷a³n⁷ion¹-na³ xi³ mai³. ³⁰ C⁷ia⁴ nca³ je²c⁷oa⁴qui³tso² nca³yi³je³ en¹-vi⁴, tsa³qui³so¹tjen⁴ je² cho⁴ta⁴ti¹tjon² cao⁴ je² gobernador cao⁴ Berenice cao⁴ je² nca³ts⁷i³ xi³ ya⁴ tsa³ca³tio²cao⁴. ³¹ Tsa³cjao¹t⁷a³xin², c⁷oi⁴qui³tso²-le⁴ xi¹ncjin¹: Ni⁴to⁴jme³-jin² cjoa⁴ xi³ s⁷in¹ je² cho⁴ta⁴-vi⁴ xi³ va³quin²-le⁴ nca³ coi⁴ya¹ntjai², ni⁴nto⁴ya¹-jin². ³² Je² Agripa c⁷oi⁴qui³tso²-le⁴ Festo: Coan⁴-ni¹ tsa²cai³ nca³ cha⁴ni²ntai¹ cho⁴ta⁴-vi⁴, tsa² tsi² tsa² c⁷oa⁴-s⁷in² qui³si³je¹ nca³n⁷ion¹-le⁴ xi³ t⁷a³ts⁷e⁴ César.

27

Pablo qui³son² na³nta¹ cao⁴ barco sa³⁷nta³ Roma

¹Je³c⁷oa⁴-s⁷in² qui³s⁷e³nta³ cjoa⁴ nca³ coa⁴nquin¹soin²⁴-jin⁴ na³nta¹ cao⁴ chi³tso³ sa³⁷nta³ Italia. Je² Pablo cao⁴ xi³c⁷a³ preso qui³cha³ni²t⁷a³-le⁴ jnco³ nai³-le⁴ so³nta²do⁴

xi³ Julio [?]mi². Je² Julio ts[?]e⁴ so³nta²do⁴ xi³ y[?]a³ jan^{3?}ain¹⁻le⁴ Augusta. ² C[?]ia⁴ tsa³nquin¹yai³⁴-jin⁴ jnc³ barco xi³ ya⁴ Adramitio ts[?]e⁴, xi³ cjoa^{4?}a³to³ je² na⁴xi⁴na³nta¹⁻le⁴ Asia xi³ tjio¹ntai³⁻le⁴ nta¹chi³con³. C[?]oa⁴-ti⁴ je² Aristarco, jnc³ cho⁴ta⁴ macedonio xi³ Tesalónica ts[?]e⁴, qui³cao⁴⁻na³jin⁴. ³ Xi³ coan³nchaon³⁻ni³, ji³choi³⁴-jin⁴ ya⁴ Sidón. Je² Julio cjai¹nca³ to⁴nta³ tsa³ve³con³ Pablo. C[?]oa⁴-s[?]in² qui³tsjoa^{3?}nte²⁻le⁴ nca³ coai⁴con³⁻le⁴ mi²yo⁴⁻le⁴, jme¹⁻ni³ nca³ si⁴²sin³⁻ni³le⁴. ⁴ C[?]ia⁴ c[?]oa⁴-s[?]in² tsa³nquin¹⁴-jin⁴, jo³⁻s[?]in² v[?]e¹ ntjao⁴. C[?]oa⁴-s[?]in² tsa³nquin¹son²ntai¹⁴⁻jin⁴ xi³ncoa³⁻ni³ ya⁴ [?]nte³ Chipre, nca⁴ je² ntjao⁴⁻ve⁴ xi³ cja^{4?}ai¹⁻s[?]in² qui³. ⁵ Ya⁴ tsa³qui³ma³toi³⁴-jin⁴ nta¹chi³con³ ya⁴ Cilicia cao⁴ ya⁴ Panfilia. Ya⁴ qui³ni²ca³sen²jnai³⁴-jin⁴ barco ya⁴ Mira, na⁴xi⁴na³nta¹ ya^{4?}nte³ Licia. ⁶ Je² nai³⁻le⁴ so³nta²do⁴ qui³so³co³⁻le⁴ jnc³ barco xi³ ts[?]e⁴ Alejandria xi³ ti¹fi²son²nta¹ ya⁴ Italia. Ya⁴ qui³si³ca³tio¹ya³⁻na³jin⁴. ⁷ A³li² to⁴ncjin² ni⁴čhjin³ qui³n[?]iain²⁴-jin⁴ nca³ toi⁴² tsa³nquin¹son²ntai¹⁴-jin⁴. To⁴s[?]a⁴ ya⁴ Gnido ji³choi³⁴-jin⁴ to⁴coi³ nca³ li²coi³ qui³tsjoa^{3?}nte²⁻na³jin⁴ je² ntjao⁴. To⁴ji³tja³cja¹nqui³⁻lai⁴jin⁴ ya⁴ [?]nte³ Creta, xi³ qui³jna³t[?]a³⁻le⁴ [?]nte³ Salmón. ⁸ A³li² to⁴ñ[?]ain³ ji³tja³toi³⁴-jin⁴, ji³choi³⁴-jin⁴ jnc³ [?]nte³ jña³ nca³ Buenos Puerros [?]mi², čhian³⁻ni³le⁴ jña³⁻ni³ ti¹jna³ je² na⁴xi⁴na³nta¹ Lasea. ⁹ Je³ja^{3?}a³to³ ncjin² ni⁴čhjin³. Je³xcon¹ chon³ nca³ tsa³nquin¹son²ntai¹⁴-jin⁴, nca⁴ je³ja^{3?}a³to³ ni⁴čhjin³ c[?]ia⁴ nca³ tsa³ca³tio²nchjan³ s[?]oi¹. Pablo c[?]oa⁴-s[?]in² tsa³c[?]e¹ne²⁻le⁴, ¹⁰ c[?]oi⁴qui³tso²⁻le⁴: Nca³ts[?]io³ [?]ve³-nia¹³ nca³ cjai¹nca³ to⁴ñ[?]ain³ cjoian¹, c[?]oa⁴ tse³ si⁴cha¹, li² tsa² to⁴je² ch[?]a¹-ve⁴, li² tsa² to⁴je² barco-vi⁴, to⁴nca³ c[?]oa⁴-ti⁴ ña¹-vi⁴ si⁴cha³² yao³⁻na¹ tsa² cjoian¹. ¹¹ To⁴nca³ je² nai³⁻le⁴ so³nta²do⁴ nqui²sa⁴ coan³cjin¹⁻le⁴ xi³ qui³tso² je² xi³ ti¹ca³ni¹ barco, c[?]oa⁴ xi³ qui³tso² je² nai³⁻le⁴ barco, cao⁴-ni³ tsa² je² xi³ qui³tso² Pablo. ¹² C[?]oa⁴ je² [?]nte³-ve⁴ li²coi³ nta³ chon³,

li²coi³ coan⁴ nca³ coi⁴yoi³⁴-jin⁴ je² chan⁴nch⁷an¹. Je² xi³ nqui²sa⁴ ncjin² ma³-ni³ c⁷oa⁴-s⁷in² tsa³cjao¹⁷a³ nca³ ya⁴ cjoa³⁷a³, tsa² coan⁴ nca³ coi⁴cho³ ya⁴ Fenice, nca³ ya⁴ cjoa³⁷a³to³-le⁴ je² chan⁴nch⁷an¹. Ya⁴ Fenice jnc³ puerto xi³ ts⁷e⁴ Creta, xi³ co³tsen^{3t7}a³ jña³ nca³ ca³ntjai²-ni³ ts⁷oi¹.

Ja³⁷ai³ne²-le⁴ jtsi¹ntjao⁴

¹³ C⁷ia⁴ nca³ to⁴jvi³ ti¹fa³⁷a³ je² ntjao⁴ xi³ sur fa³⁷ai³-ni³, qui³si³cja³⁷ai³tsjen³ nca³ts⁷i³ nca³ je³ja³⁷ai³-le⁴ xi³ me³-le⁴. Qui³son²nta¹-ni³, qui³ čhian³-ni³le⁴ ya⁴ ntai³-le⁴ ?nte³ Creta. ¹⁴ To⁴nca³ ti⁴⁷a³ ja³⁷ai³-ni³ jnc³ ntjao⁴ xi³ n⁷ion¹ tjen⁴, xi³ Euroclidón ?mi². ¹⁵ Ntjao⁴-ve⁴ qui³scoe¹-le⁴ barco-ve⁴. Li²coi³ ti⁴qui³jcho¹cjoa⁴-ni³le⁴. To⁴c⁷oa⁴-s⁷in² qui³ts⁷ai²⁷nte³-lai⁴jin⁴ jo³-s⁷in² v⁷e¹ ntjao⁴. C⁷oa⁴-s⁷in² je² ntjao⁴-ve⁴ qui³cao⁴-na³jin⁴. ¹⁶ To⁴ña³qui³ qui³-ni¹ ji³cho²ca^{3t7}a³ jnc³ na³nqui³⁷nti¹ xi³ isla ?mi², jan³⁷ain¹-le⁴ Clauda ?mi². To⁴⁷ya³ qui³chjoai¹⁴-jin⁴ chi³tso³. ¹⁷ C⁷ia⁴ nca³ qui³scoe¹ chi³tso³, qui³s⁷e^{3t7}a³n⁷o¹. Tsa³c⁷e^{1t7}a³n⁷ion¹ je² barco-ve⁴. Cjai¹nca³ to⁴qui³tso³cjon¹-le⁴, tsa² ya⁴ sca⁴jin³ je² tso⁴mi¹ xi³ Sirte ?mi². Tsa³c⁷a³jen³ je² na³jño³ xi³ qui³tjen⁴, to⁴c⁷oa⁴-s⁷in² ntjao⁴-ve⁴ qui³cao⁴. ¹⁸ N⁷ion¹ ñ⁷ain³ ti¹s⁷in¹ nca³ ña³qui³ ja³⁷ai³ jtsi¹ntjao⁴. Cjai¹nca³ ch⁷ao³ qui³si³cao⁴. Xi³ coan³nchaon³-ni³ qui³si³c⁷a³tsao³ ch⁷a¹-le⁴. ¹⁹ Xi³ coan³jan²-ni³ ni⁴čhjin³ cao⁴ ntsai⁴-jin⁴ ña³qui³ qui³ni²c⁷a³tsoai³⁴-jin⁴ je² tso³jmi²-le⁴ barco-ve⁴. ²⁰ Ncjin² ni⁴čhjin³ li²coi³ coan³tsen³ ni⁴ts⁷oi¹-jin², ni⁴ni³ño³-jin². Ti⁴c⁷oa⁴-s⁷in² ja³⁷ai³ne²-nca¹ni³na³jin⁴ jtsi¹ntjao⁴, li² to⁴jo³ xi³ coan³. Li²coi³ qui³cho³ya²-lai⁴jin⁴ nca³ coi²tjo⁴ntjai²⁴-jin⁴. ²¹ Je³coan³ ncjin² ni⁴čhjin³ nca³ tsa³qui³yo³nchjain³⁴-jin⁴. C⁷ia⁴ je² Pablo tsa³ca³sen²nto³ nca³va³sen³-le⁴, c⁷oi⁴qui³tso²: Nqui²sa⁴-la² nta³ tsa²cai³ n⁷ai³, tsa² c⁷oa⁴-s⁷in² qui³no²⁷ya²-nao¹³. Li²coi³-ni³ ji²tjo⁴-nia³² Creta tsa²cai³. Li²coi³ c⁷oa⁴-s⁷in² cji³ma^{3t7}en³²

tsa²cai³. ²² To⁴nca³ nt⁷ai⁴-vi⁴ntai⁴ v⁷e³ts⁷oa²³-no³ ti⁴n⁷ion¹ta³con²³. Ni⁴to⁴jnc³-jin²la² xi³ ña¹ coi⁴ya¹. To⁴je² barco-ve⁴ xi³ si⁴cha³². ²³ Nt⁷ai⁴ je² ni⁴tjen⁴-vi⁴ tsa³ca³sen^{2t}a³-na³ je² a²ncje⁴-le⁴ Ni³na¹, je² xi³ an³ c⁷oa⁴-s⁷in² fi^{3t}a³-le⁴, c⁷oa⁴ je² xi³ an³ si³xa¹-le⁴. ²⁴ C⁷oa⁴qui³tso²-na³: Pablo, a³li² jcon³-jin²³. Cjai¹nca³ to⁴ma³chjen¹ nca³ ya⁴ coi⁴choi³ nqui³xcon⁴ César. Coe⁴-ni³ Ni³na¹ c⁷oa⁴-s⁷in² qui³tsjoa³-li² nca³ts⁷i³ xi³ ji³ tjio¹fi²cao⁴-li². ²⁵ Coi³ n⁷ai³, c⁷oa⁴-s⁷in² ti⁴n⁷ion¹ta³con²³ nca³ jon². An³ c⁷oa⁴-s⁷in² n⁷ion^{1t}a³coan³ Ni³na¹ nca³ c⁷oa⁴-s⁷in² si³cji³tjo³son² jo³ qui³tso²-na³. ²⁶ To⁴nca³ ma³chjen¹ nca³ coi⁴cho³ca^{3t}a³-le⁴² jnc³ isla, jnc³ na³nqui³nti¹. ²⁷ Xi³ je³coan³ te³ño³ ni⁴tjen⁴. C⁷ia⁴ qui³cao⁴ ya⁴jin³ na³nta¹ xi³ Adriático ⁷mi². C⁷ia⁴ nca³ coan³ va³sen³ni⁴tjen⁴, je² cho⁴ta⁴ xi³ si¹xa¹ ya⁴ barco c⁷oa⁴qui³tso² nca³ je³cji³ma³chian^{3t}a³-le⁴ na³nqui³. ²⁸ Qui³si³c⁷a³tjen⁴jin³ je² xi³ v⁷e¹cho⁴ya³ jo³ cji³ na⁴nca⁴ na³nta¹. Tsa³c⁷e¹choa⁴. Can³-la⁴ na³nca³ qui³jna³ na³nta¹. C⁷ia⁴ qui³ nqui²i⁴tse¹-nca¹ni³, ti⁴nqui²jnc³ c⁷a² ti⁴qui³si³c⁷a³tjen⁴jin³-nca¹ni³ je² xi³ v⁷e¹cho⁴ya³; čhja³aon² na³nca³ ji³cho². ²⁹ Cjai¹nca³ to⁴qui³tsa³cjon¹ tsa² ya⁴ coi⁴cho³ca^{3t}a³ ⁷nte³ jña³ c⁷oa⁴ to⁴tjin¹ la⁴jao⁴. Ño³ qui⁴cha⁴ xi³ jo³-ni³ tsa² ya¹nčhji⁴ qui³si³c⁷a³tjen⁴jin³ ya⁴ to²ts⁷in³ barco, jme¹-ni³ nca³ tsi² ya⁴ s⁷e^{4t}a³-ni³ la⁴jao⁴. Jo³ coan³ me³-le⁴ nca³ nt⁷ai⁴cjoan¹ ca²ta³s⁷e³sen¹. ³⁰ Je² nca³ts⁷i³ xi³ ya⁴ si¹xa¹ ya⁴³ barco-ve⁴ me³-le⁴ nca³ to⁴coai⁴che¹. Qui³sca³ni¹jin³ na³nta¹ je² chi³tso³. To⁴c⁷oa⁴qui³s⁷in³ jo³-ni³ tsa² me³-le⁴ nca³ sca⁴ni¹nto³-sa³ je² qui⁴-cha⁴nčhji⁴ ya⁴jco⁴ barco-ve⁴. ³¹ Je² Pablo c⁷oi⁴qui³tso²-le⁴ je² nai³-le⁴ so³nta²do⁴ cao⁴ so³nta²do⁴. Tsa² je² nca³ts⁷i³ cho⁴ta⁴-vi⁴ li²coi³ coa⁴tio⁴ i⁴ barco-vi⁴, jon² li²coi³ coi²tjo⁴ntjao²³. ³² C⁷ia⁴ je² so³nta²do⁴ tsa³ca³te³ je² n⁷o¹ xi³ tjio^{1t}a³n⁷ion¹-ni³ je² chi³tso³. To⁴c⁷oa⁴-s⁷in² qui³sca³ni¹ nca³ to⁴je². ³³ C⁷ia⁴

nca³ je³qui³s⁷e³sen¹, Pablo tsa³c⁷e¹ts⁷oa³-le⁴ nca³ts⁷i³
 nca³ ca²ta³cjen², c⁷oi⁴qui³tso²-le⁴: Nt⁷ai⁴-vi⁴ te³ño³-ni³
 ni⁴čhjin³ nca³ c⁷oi⁴-s⁷in² ti³cho³yao²³ ti³yo³nchjaon³, nca³
 ni⁴to⁴jme³-jin² xi³ qui³chi³nao³. ³⁴ Coi³ nca³ v⁷e³ts⁷oa²³-
 no³ nca³ ti⁴cho³, jme¹-ni³ nca³ s⁷e⁴-si¹ni³no³ nca³n⁷ion¹.
 Ni⁴jnc³-jin²la² ntsja⁴jco³ nca³ts⁷io³-vi⁴ xi³ cha⁴. ³⁵ C⁷ia⁴
 nca³ je³c⁷oa⁴qui³tso², qui³scoe¹ nio⁴xti²la⁴, qui³tsjoa³-
 le⁴ cjoa⁴nta³ Ni³na¹ nqui³xcon⁴ nca³ts⁷i³. Qui³si³xcoa⁴
 tsa³cjen². ³⁶ C⁷ia⁴ qui³sa³tio²nta³-ni³con³ nca³ts⁷i³. C⁷oa⁴-
 ti⁴ tsa³cjen² nca³ je². ³⁷ Jao² ciento cao⁴-ni³ jan²can³
 cao⁴-ni³ čhja³⁷aon²jnc³ mai³⁴-jin⁴ xi³ ya⁴ ti³yo³yai³⁴-
 jin⁴ barco-ve⁴. ³⁸ C⁷ia⁴ nca³ je³coan³squi³, qui³si³tja⁴-sa³
 barco-ve⁴, ya⁴ qui³si³c⁷a³tjen⁴j³in³ nta¹chi³con³ je² ch⁷a¹
 trigo.

Coan³xcoa⁴ barco-ve⁴

³⁹ C⁷ia⁴ nca³ je³qui³s⁷e³sen¹, li²coi³ ve³ je² na³nqui³.
 To⁴nca³ tsa³ve³ jnc³ ⁷nte³ jña³ tji¹tin³ xi³ to⁴ya⁴ntai³-
 le⁴ ña³qui³ tso⁴mi¹ ncha³. C⁷oa⁴-s⁷in² qui³si³cja³⁷ai³tsjen³
 nca³ ya⁴ si⁴²ca³sen¹jna³ barco tsa² coan⁴. ⁴⁰ C⁷ia⁴
 tsa³c⁷a³sje³ca³⁷a³ je² qui⁴cha⁴nčhji⁴, ya⁴ tsa³c⁷e¹jna³j³in³-le⁴
 nta¹chi³con³. C⁷oa⁴-ti⁴ qui³sca³ni¹nto³ je² n⁷o¹ xi³ tjio¹⁷a³
 ya⁴ to²ts⁷in³-le⁴ barco, xi³ c⁷oa⁴-s⁷in² tsjoa¹ coi²nta⁴
 jo³-s⁷in² fi² barco. Qui³sca³ni¹mi³nc⁷a³ je² na³jño³ xi³
 ti¹tjon² tjen⁴nc⁷a³ jo³-s⁷in² fi²-ni³ ntjao⁴. Qui³ sa³⁷nta³
 jña³ nca³ na³nqui³ tjin¹. ⁴¹ C⁷ia⁴ nca³ ji³cho² jnc³
⁷nte³ jña³ nca³ jao² na³nta¹ sa³te¹cjao³, ya⁴ qui³si³ca¹jna³
 barco-ve⁴. Ya⁴ jco⁴ qui³sca³⁷a³n⁷ion¹, li²coi³ ti⁴coan³
 qui³si³cjan³-ni³. C⁷oa⁴ ya⁴ to²ts⁷in³ qui³tjo³cjao³ nca³ to⁴je²
 nca³n⁷ion¹-le⁴ na³nta¹. ⁴² C⁷ia⁴ tsa³cjao¹ya³-ni³ so³nta²do⁴.
 Coan³me³-le⁴ nca³ si⁴²c⁷en³ je² preso, jme¹-ni³ nca³ tsi²
⁷ya³ xi³ coan⁴nca³-ni³ nca³ coai⁴j³in³nta¹. ⁴³ To⁴nca³
 je² nai³-le⁴ so³nta²do⁴ coan³me³-le⁴ nca³ c⁷oa⁴sje³ntjai²
 Pablo. To⁴tsa³c⁷e¹chjoa²-le⁴ je² cjoa⁴fa³⁷ai³tsjen³-le⁴.

C²oa⁴-s²in² tsa³ca³te¹xo³ma³ [?]ya³ xi³ ma³-le⁴ cjen³nta¹, ca²ta³fi²ti¹tjon², ca²ta³fi³cho¹ jña³ nca³ na³nqui³ tjin¹.
 44 C²oa⁴ je² xi³c⁷a³ ca²ta³fi²son², tsa² ya¹te³, tsa² to⁴jña³-ni³le⁴ tso³jmi² xi³ ts⁷e⁴ barco. C²oa⁴coan³ ji³tjo³ntjai² ña³qui³ nca³ts⁷i³. Ji³cho² jña³ nca³ qui³jna³ na³nqui³.

28

Pablo ya⁴ Malta

¹ C²ia⁴ nca³ je³ji²tjo⁴ntjai²⁴-jin⁴, c²ia⁴ tsa³?yai³⁴-jin⁴ nca³ je² [?]nte³-ve⁴ Malta [?]mi². ² Je² cho⁴ta⁴yo⁴ma⁴ xi³ ya⁴ tjio¹ cjai¹nca³ to⁴nta³ tsa³ve³-na³jin⁴. Tsa³c⁷e¹tse³ l[?]i¹. Qui³tsjoa³?nte²-na³jin⁴ nca³ts⁷i³⁴-jin⁴ nca³ cji³v⁷a³ jtsi¹. A³li² to⁴nch⁷an¹ coan³. ³ Pablo tsa³c⁷e¹xco¹ ya¹xi⁴, tsa³qui³ncha¹jin³ l[?]i¹. Jnco³ ye⁴ qui³to²ca³-le⁴ l[?]i¹ nca³ coan³sjoe²-le⁴. Qui³ts⁷on¹jon³ ya⁴ ntsja³ Pablo. ⁴ C²ia⁴ nca³ je² cho⁴ta⁴yo⁴ma⁴ tsa³ve³ je² ye⁴, nca³ c²oa⁴-s²in² qui³tjen⁴v⁷a³nqui³-ni³ ntsja³ Pablo, nca³ i⁴ nca³ jan¹ qui³tso²-le⁴ xi¹ncjin¹: Cjoa⁴qui²xi⁴²-la⁴ je² cho⁴ta⁴-vi⁴ xi³ si¹c⁷en³ c²en³. Ji³tjo³ntjai²-ni³ nta¹chi³con³, to⁴nca³ xi³ tjin¹-le⁴ cjoa⁴qui²xi⁴ li²coi³ si¹c⁷e¹jna³con³. ⁵ To⁴nca³ Pablo tsa³c⁷e¹tsao³jne³jin³ l[?]i¹ je² ye⁴-ve⁴. Ni⁴jme³-jin² xi³ coan³-le⁴. ⁶ Nca³ts⁷i³ tjio¹co³ya³-le⁴, c²ia⁴ tsa² coi⁴tjo³ya³, c²oa⁴ tsa² sca⁴ts⁷o¹tjen⁴, nca³ coi⁴ya² nti⁴ton⁴. Tse³ qui³sco³ya³-le⁴. Tsa³ve³ nca³ ni⁴jme³-jin² xi³ coan³-le⁴. Tsa³ca³tio²jyo¹. Ni³na¹-la⁴vi⁴, c²oi⁴qui³tso². ⁷ Ya⁴ [?]nte³-ve⁴ cjai¹nca³ to⁴tjin¹-le⁴ na³nqui³ je² cho⁴ta⁴ti¹tjon² xi³ Publio [?]mi². Je²-vi⁴ xi³ qui³tsjoa³?nte²-na³jin⁴, jan² ni⁴čhjin³ nta³ tsa³qui³yo³coai⁴-jin⁴. ⁸ Xi³ coan³ je² n⁷ai³-le⁴ Publio ti¹qui³jna³son² na⁴chan³, ti¹m⁷en³. Nt⁷ai⁴ tjin¹-le⁴ cao⁴ ch⁷in³njin¹. Pablo ja³?a³s⁷en³con³-le⁴. C²ia⁴ nca³ je³tsa³c⁷e¹ts⁷oa³, ntsja³ tsa³ca¹jna³son², ña³qui³ coan³nta³-ni¹. ⁹ C²ia⁴ nca³ c²oa⁴coan³, c²oa⁴-ti⁴ je² xi³c⁷a³ xi³ tjio¹m⁷en³-ve⁴ ya⁴ [?]nte³-ve⁴, ji³cho²nč⁷oe².

Ña³qui³ coan³nta³-ni¹. ¹⁰ A³li² to⁴c²oa⁴cji³ tso³jmi² cjoa⁴tjao² qui³tsjoa³-na³jin⁴. C⁷ia⁴ nca³ tsa³nquin¹⁴-jin⁴, ncjin² jco⁴ya³ tso³jmi² xi³ coan⁴chjen¹-na³jin⁴ ya⁴ ntia⁴², qui³tsjoa³-na³jin⁴.

Pablo ji³cho² ya⁴ Roma

¹¹ C⁷oa⁴-s⁷in² xi³ coan³ jan² sa¹ tsa³nquin¹yai³⁴-jin⁴ jnc³ barco xi³ ts⁷e⁴ Alejandria. Ya⁴ ⁷nte³-ve⁴ tsa³c⁷e²jna³ je² chan⁴nch⁷an¹ xi³ je³ja³⁷a³to³. Tji¹choa⁴-le⁴ barco-ve⁴ je² ni³ño³ xi³ Cástor cao⁴ Pólux ⁷mi². ¹² C⁷ia⁴ nca³ ji³choi³⁴-jin⁴ ya⁴ Siracusa, jan² ni⁴chjin³ tsa³qui³yoi³⁴-jin⁴ nca³ ya⁴. ¹³ Nca³ ya⁴ tsa³c⁷e²tin³soin²⁴-jin⁴, sa³⁷nta³ ji³choi³⁴-jin⁴ ya⁴ Regio. Xi³ coan³nchaon³-ni³ je² ntjao⁴ ji³tjo³mi³-ni³ nca³ qui²xi⁴-le⁴ son³⁷nte³. C⁷oa⁴-s⁷in² xi³ coan³ jao²-ni³ ni⁴chjin³ ji³choi³⁴-jin⁴ ya⁴ Puteoli, ¹⁴ jña³ qui³sa³te³jjin³-jin⁴ cho⁴ta⁴-le⁴ Cristo. Tsa³c⁷e¹ts⁷oa³-na³jin⁴ nca³ coi⁴yo³coai⁴-jin⁴ ña³to³ ni⁴chjin³. C⁷ia⁴ ya⁴ ji³nchoa³-ni³jin⁴ sa³⁷nta³ Roma. ¹⁵ Ya⁴ qui³nch⁷oe¹ je² nts⁷e³², ji³cho² cja³⁷a¹ya³ntia³-na³jin⁴ ya⁴ sa³⁷nta³ nti⁴tsin⁴-le⁴ Apio, c⁷oa⁴-ti⁴ jña³ Jan² Hotel ⁷mi². C⁷ia⁴ nca³ je² Pablo tsa³ve³ cho⁴ta⁴-ve⁴, qui³tsjoa³-le⁴ cjoa⁴nta³ Ni³na¹, se¹coan³je³con³. ¹⁶ C⁷ia⁴ nca³ ji³choi³⁴-jin⁴ ya⁴ Roma, je² nai³-le⁴ so³nta²do⁴ qui³tsjoa³-le⁴ je² xi³ nca³jco⁴-le⁴ so³nta²do⁴ nca³ts⁷i³ preso. To⁴nca³ je² Pablo tsa³c⁷ai²⁷nte³-le⁴ nca³ c⁷oe¹jna³ nca³ to⁴je², cao⁴ jnc³ so³nta²do⁴ xi³ si⁴²coi²nta⁴.

Pablo nchja⁴ya³ ya⁴ Roma

¹⁷ C⁷ia⁴ nca³ je³coan³ jan² ni⁴chjin³, Pablo qui³nchja⁴-le⁴ je² cho⁴ta⁴ti¹tjon²-le⁴ cho⁴ta⁴ judío. C⁷ia⁴ nca³ je³coan³xco¹, c⁷oi⁴qui³tso²-le⁴: Nca³ts⁷io³ ⁷nti¹nts⁷e³, ni⁴to⁴jme³-jin² xi³ qui³s⁷ian³ co²ntran⁴-le⁴ na⁴xi⁴na³nta¹, c⁷oa⁴ co²ntran⁴-le⁴ costumbre-le⁴ cho⁴ta⁴jchi¹nca³-na¹. Ya⁴ qui³si²⁴ntsja³-na³ preso ya⁴ Jerusalén ya⁴ ntsja³ cho⁴ta⁴

romano. ¹⁸ C⁷ia⁴ nca³ je³qui³cho^{2t}a³-na³, coan³me³-le⁴ qui³sca³ni¹ntai¹-na³, nca³ tsi² tsa² jme³ je¹ tjin¹-na³ xi³ va³quin²-le⁴ nca³ coi⁴ya¹ntje²³. ¹⁹ To⁴nca³ cja⁴ai¹ qui³tso² je² cho⁴ta⁴ judío. Cjoa⁴ⁿion¹ qui³si³je¹-nia¹³ nca³ⁿion¹-na⁴ t⁷a³ts⁷e⁴ César. An³-vi⁴ ni⁴jme³-jin² xi³ tjin¹-na³ nca³ na³nqui³-na³ coa³nqui³-nia³. ²⁰ To⁴je² cjoa⁴-vi⁴ nca³ ca²nchja²-ni³no³, nca³ scoe³-no³ nca³ cjoa²cao⁴-no³. To^{4t}a³ts⁷e⁴ je² cjoa⁴nta³ xi³ ti¹co³ya³-le⁴ cho⁴ta⁴ judío nca³ c⁷oa⁴-s⁷in² tji^{1t}a³ⁿion¹-nia³. ²¹ C⁷ia⁴ c⁷oi⁴qui³tso²-le⁴: To⁴nca³ jin⁴-jin⁴ ni⁴jme³-jin² xon⁴ ja³⁷ai³-ni³na³jin⁴ xi³ t⁷a³tsi⁴ ya⁴ Judea. Ni⁴jnc³-jin² nts⁷e³² xi³ ja³⁷ai³ ca¹nqui³-li², xi³ ja³⁷ai³ nchja⁴ xi³ ch⁷ao³ tjin¹ xi³ t⁷a³tsi⁴. ²² To⁴nca³ jin⁴-jin⁴ me³-na³jin⁴ coi⁴no¹⁷ya²-lai²⁴jin⁴ jo³ si³ nca³ ji³. Je³⁷yai³⁴-jin⁴, nca³qui³jnta² nte³ tjin¹ xi³ cja⁴⁷ai¹ tso² xi³ ntia⁴² t⁷a³xin² Ni³na¹ tso²-le⁴. ²³ Cho⁴ta⁴-ve⁴ tsa^{3c}e¹jna³choa⁴-le⁴ jnc³ ni⁴chjin³ c⁷ia⁴ nca³ ncjin² xi³ ja³⁷ai³con²-le⁴ Pablo ya⁴ nt⁷ia³ jña³ nca³ tsa^{3c}e²jna³. Pablo ña³qui³ qui³tso²ya³-le⁴ nca³ ta⁴njon² jo³ sa³⁷nta³ nca³ coan³xon², qui³tsjoa³-le⁴ en¹ xi³ t⁷a³ts⁷e⁴ je² cjoa⁴te¹xo³ma³-le⁴ Ni³na¹. Qui³si³⁷i³nta³jin³ cho⁴ta⁴-ve⁴ xi³ t⁷a³ts⁷e⁴ Jesús jo³ tso² cjoa⁴te¹xo³ma³-le⁴ Moisés cao⁴ xon⁴-le⁴ je² xi³ qui³nchja⁴ya³ t⁷a³ts⁷e⁴ Ni³na¹. ²⁴ Tjin¹ c⁷a³ xi³ coan³cjain¹-le⁴ je² cjoa⁴ xi³ qui³tso²ya³ Pablo. To⁴nca³ tjin¹ c⁷a³ xi³ tsi² coan³cjain¹-le⁴. ²⁵ Ti⁴ya⁴ qui³scan³cao⁴-ni³ xi¹ncjin¹, c⁷ia⁴ nca³ tjio¹fi². Pablo c⁷oi⁴qui³tso²-le⁴ je² en¹-vi⁴: Je² Espíritu Santo cjai¹nca³ nta³ tsa³cja¹cao⁴ je² n⁷ai³jcha¹cjin³-na¹ c⁷ia⁴ nca³ c⁷oa⁴-s⁷in² qui³nchja⁴ya³ Isaías. ²⁶ C⁷oa⁴qui³tso²: T⁷in³chon¹-lai⁴ je² na⁴xi⁴na³nta¹-ve⁴, c⁷oa^{4t}in²-lai⁴: Coi⁴no¹⁷ya²-nio³ xo⁴ño³, to⁴nca³ li²coi³ coan⁴cho⁴ya³-no³. Cho¹tsen³-nio³ xcon³, to⁴nca³ li²coi³ jchao⁴³. ²⁷ Je² ni⁴ma⁴-le⁴ je² cho⁴ta⁴ na⁴xi⁴na³nta¹-vi⁴ to⁴ña³qui³ tjio¹ta²ja³-ni¹. Xo⁴ño³ to⁴⁷ya³ qui³nch⁷oe¹-ni³. Xcon⁴ tsa^{3c}e¹chjjoa²nqui³, jme¹-ni³ nca³

tsi² ve³-ni³ xcon⁴, nca³ tsi² nch⁷oe¹-ni³ xo⁴ño³, nca³ tsi² coan⁴cho⁴ya³-ni³le⁴ ni⁴ma⁴-le⁴, nca³ tsi² si⁴²c⁷a³ntjai²ya³ yao³-le⁴ nca³ si⁴²c⁷o¹fa³ya³t⁷a³-na³, nca³ an³ si³xqui³-le⁴. ²⁸ C⁷oa⁴-s⁷in² t⁷e²jin³ta³con²³ tso²c⁷oa⁴ nca³ Ni³na¹ qui³si³ca³sen¹-le⁴ je² cho⁴ta⁴ xi³ li² judío-jin² je² cjoa⁴nta³-ve⁴, jo³-s⁷in² v⁷a³sje³ntjai²-na¹ Ni³na¹. Je² cho⁴ta⁴ xi³ li² judío-jin² cjoia⁴nch⁷oe¹-ni¹. ²⁹ C⁷ia⁴ nca³ je³c⁷oa⁴qui³tso², je² cho⁴ta⁴ judío ji³tjo³. Ña³qui³ to⁴t³a³cjao¹ya³tse³-ni³ nca³ts⁷i³. ³⁰ Je² Pablo jao² no¹ tsa³c⁷e²jna³ jnc³ ni³ya³ xi³ to⁴t³a³c⁷e¹chji¹. Cao⁴ cjoa⁴tsjoa³ qui³scoe¹tjao² nca³ts⁷i³ xi³ ja³ai³con²-le⁴. ³¹ C⁷oa⁴-s⁷in² qui³nchja⁴ya³ xi³ t⁷a³ts⁷e⁴ cjoa⁴te¹xo³ma³-le⁴ Ni³na¹. Qui³tso²ya³ je² cjoa⁴ xi³ t⁷a³ts⁷e⁴ Nai³-na¹ Jesucristo. Ña³qui³ qui³tjo³nte³-le⁴ nca³ qui³tso²ya³, li²ya³ xi³ tsa³ca³te¹chjoa²-le⁴.

Xon⁴-le⁴ ni³na¹ xi³ tʔa³tsʔe⁴ Jesucristo

New Testament in Mazatec, Huautla (MX:mau:Mazatec, Huautla)
copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
